



11170

I

Mag. St. Dr.

P



02111

XIV. m. C.

Tullii Ciceronis Orationes
pro lege Manilia, pro
S. Rordio, Catilinariae IV
4 Sami Romeri Styriensis
praepositi S. Nicolae Crac.
commentariis illustratae.

Cracov. in off Nic.
Lobii.
1610. w 8^{fol}

brakeyi 2 prodr Kent
14.

de Joher 365.

11.170I


BIBLIOTHECA
VNIV.  IAGELL
CRACOVIENSIS.

M. TVL. CICERONIS

PRO LEGE MANILIA

AD POPVLVM.

ORATIO.

VANQVAM mihi semper frequens
conspēctus vester multō iucundissi-
mus, hic autem locus ad agendum
amplissimus, ad dicendum ornatissi-
mus est visus Quirites: tamen hoc aditu laudis,
qui semper optimo cuiq; maximē patuit, non
mea me voluntas, sed meæ vitæ rationes ab in-
eunte ætate susceptæ prohibuerunt. nam cū
antea per ætatem nondum huius authorita-
tem loci contingere auderem: statueremq;ue
nihil hūc nisi perfectum ingenio, elaboratum
industria afferri oportere: omne meum tem-
pis amicorum temporibus transmittendum
putavi. ita neque hic locus vacuus vnquam
fuit ab ijs, qui vestram causam defenderent:
& meus labor in priuatorum periculis castē,
integrēq;ue versatus, ex vestro iudicio fructum
est amplissimum consecutus. nam cū propter
dilationem comitiorū ter prætor primus cen-
turijs cunctis renuntiatus sum: facile intellexi
Quirites, & quid de me iudicaretis, & quid
alijs præscriberetis. Nunc cū & authoritatis
in me tantum sit: quantū vos honoribus man-
dandum

P R O L E G E

claudum esse voluistis : & ad agendum facultatis tantum , quantum homini vigilanti ex forensi vsu propè quotidiana dicendi exercitatio potuit afferre : certè , & si quid etiam dicendo consequi possum , ijs ostendam potissimum , qui ei quoque rei fructum suo iudicio tribuendum esse censuerunt. Atque illud in primis mihi lætandum iure esse video , quòd in hac insolita mihi ex hoc loco ratione dicendi , causa talis oblata est , in qua oratio nemini deesse potest. dicendum est enim de Cn. Pompeij singulari , eximiaque virtute. huius autem orationis difficilius est exitum , quàm principium inuenire. Itaque non mihi tam copia , quàm modus in dicendo quærendus est. Atque ut inde oratio mea proficiscatur , vnde hæc omnis causa ducitur , bellum graue , & periculosum vestris vectigalibus , atque socijs , à duobus potentissimis regibus infertur , Mithridate , & Tigrane : quorum alter relictus , alter laceffitus , occasionem sibi ad occupandam Asiam oblata esse arbitratur. Equitibus R. honestissimis viris afferuntur ex Asia quotidie literæ : quorum magnæ res aguntur in vestris vectigalibus exercendis occupatæ : qui ad me pro necessitudine , quæ mihi est cum illo ordine , causam Reip. periculaque rerum suarum detulerunt : Bithyniæ , quæ nunc nostra prouincia est , viros exustos esse complures : regnum Ariobarzanis , quod finitimum est vestris vectigalibus ,

totum

totum esse in hostium potestate : Lucullum magnis rebus gestis , ab eo bello discedere : huic qui succurrerit , non satis esse paratum ad tantum bellum administrandum : vnum ab omnibus locijs , & ciuibus ad id bellum Imperatorem deposci , atque expeti : eundem hunc vnum ab hostibus metui , præterea neminem . Causa quæ sit videtis : nunc quid agendum sit considerate . Primum mihi videtur de genere belli , deinde de magnitudine , tum de imperatore deligendo esse dicendum . Genus est enim eiusmodi , quod maxime vestros animos excitare , atque inflammare debet . in quo agitur Po. Ro. gloria , quæ vobis à maioribus cum magna in rebus omnib. tū summa in re militari tradita est . agitur salus sociorum , atque amicorum : pro qua multa maiores vestri magna , & grauius bella gesserunt . aguntur certissima populi Ro. vectigalia , & maxima : quibus amissis , & pacis ornamenta , & subsidia belli frustra requiretis . aguntur bona multorum ciuium : quibus est & à vobis & ab imperatoribus Reip. consulendum . Et quoniam semper appetentes gloriæ præter cæteras gentes , atque auidi laudis fuistis , delenda est vobis illa macula Mithridatico bello superiore suscepta : quæ penitus iam infedit , atque inueterauit in populi Ro. nomine : quod is , qui vna die tota Asia , tot in ciuitatibus , vno nuncio , atque vna literarum significatione ciues Ro. necandos ,

trucidandosque denotauit, non modò adhuc
pœnam nullam suo dignam scelere suscepit,
sed ab illo tempore annum iam tertium & vi-
gesimum regnat: & ita regnat, vt se non Pon-
to, neque Cappadociæ latebris occultare velit:
sed emergere è patrio regno, atque in vestris
væctigalibus, hoc est in Asiæ luce versari. ete-
nim adhuc ita vestri cum illo rege contende-
runt imperatores, vt ab illo insignia victoriæ,
non victoriam reportarent. triumphauit L.
Sylla, triumphauit L. Murena de Mithridate,
duo fortissimi viri, & summi imperatores: sed
ita triumphârunt, vt ille pulsus, superatusque
regnaret. veruntamen illis imperatoribus laus
est tribuenda, quòd egerunt: venia danda, quòd
reliquerunt: propterea, quòd ab eo bello Syl-
lam in Italiam respublica, Murenâ Sylla re-
uocauit. Mithridates autem omne reliquum
tempus, non ad obliuionem veteris belli, sed
ad comparationem noui contulit. qui postea-
quam maximas ædificasset, ornassetque classes,
exercitusque per magnos quibuscunq; ex gen-
tibus potuisset, comparasset, Bosphorânis fi-
nitimis suis bellum inferre simulasset: vsque in
Hispaniam legatos Ecbatânis misit ad eos du-
ces, quibuscum tùm bellum gerebamus: vt
cum duobus in locis disiunctissimis, maxime-
que diuersis, vno consilio, ab vnâ hostium co-
piis bellum terra, marique gereretur: vos an-
cipiti contentione distracti de imperio dimi-
caretis.

caretis. sed tamen alterius partis periculum, Sertorianæ, atque Hispaniensis, quæ multò plus firmamenti, ac roboris habebat, Cn. Pompeij diuino consilio ac singulari virtute depulsum est: in altera parte ita res à L. Lucullo summo viro est administrata, ut initia illa gestarum rerum magna, atque præclara, non felicitati eius, sed virtuti, hæc autem extrema, quæ nuper acciderunt, non culpæ, sed fortunæ tribuenda esse videantur. Sed de Lucullo dicam alio loco: & ita dicam Quirites, ut neque vera laus ei detracta oratione nostra, neque falsa afficta esse videatur. Sed pro vestri imperij dignitate, atque gloria, quoniam is est exorsus orationis meæ, videte quem vobis animum suscipiendum putetis. Maiores vestri sæpe mercatoribus, ac nauicatoribus iniuriolius tractatis, bella gesserunt: vos tot ciuium Ro. Millibus, vno nuncio, atque vno tempore necatis, quo tandem animo esse debetis? legati quod erant appellati superbius, Corinthum patres vestri, totius Græciæ lumen extinctum, esse voluerunt: vos eum regem inultum esse patieminis, qui legatum populi Ro. consularem, vinculis, ac verberibus, atque omni supplicio excruciatum necauit? illi libertatem ciuium R. imminutam non tulerunt: vos vitam ereptam negligetis? ius legationis verbo violatum illi persecuti sunt: vos legatum populi Ro. omni supplicio interfectum, inultum relin-

A 3 quetis?

PRO LEGE

quetis? videte, ne vt illis pulcherrimum fuit
 tantam vobis imperij gloriam relinquere: sic
 vobis turpissimum sit, illud, quod accepistis,
 tueri & conseruare non posse. Quid? quod sa-
 lus sociorum summum in periculum, ac discris-
 men vocatur? regno expulsus est Ariobarzanes
 rex, socius populi Ro. atque amicus: immi-
 nent duo reges toti Asiae, non solum vobis ini-
 micissimi, sed etiam vestris socijs, atque amicis:
 ciuitates autem omnes, cuncta Asia, atque
 Graecia, vestrum auxilium expectare propter
 periculi magnitudinem coguntur: Imperato-
 rem a vobis certum deposcere, cum praesertim
 vos alium miseritis, neque audent, neque se id
 facere summo sine periculo posse arbitrantur:
 vident, & sentiunt hoc idem, quod & vos, va-
 num virum esse, in quo summa sint omnia: &
 cum propè esse, quo etiam carent ægrius: cuius
 aduentu ipso, atque nomine, tametsi ille ad
 maritimum bellum venerit, tamen impetus
 hostium represos esse intelligunt, ac retarda-
 tos. hi vos, quoniam liberè loqui non licet, ta-
 citè rogant, vt se quoque, sicut cæterarum pro-
 uinciarum socios, dignos existimetis, quorum
 salutem tali viro commendetis. atque hoc e-
 tiam magis quàm cæteros, quod eiusmodi in
 prouinciam homines cum imperio mittimus:
 vt etiam si ab hoste defendant, tamen ipsorum
 aduentus in vrbes sociorum non multum ab
 hostili expugnatione differant. Hunc audie-
 bant

MANILIA:

bant antea: nunc præsentem vident, tanta tem-
perantia, tanta mansuetudine, tanta humani-
tate, vt ij beatissimi esse videantur, apud quos
ille diutissime commoratur. quare si propter
socios, nulla ipsi iniuria laceſſiti maiores ve-
ſtri cum Antiocho, cum Philippo, cum Æto-
lis, cum Poënis bella geſſerunt: quanto vos ſtu-
dio conuenit iniurijs prouocatos, ſociorum ſa-
lutem vnà cum imperij veſtri dignitate defen-
dere? Præſertim cum de veſtris maximis vecti-
galibus agatur. nam cæterarum prouinciæ
vectigalia Quirites tanta ſunt, vt his ad ipſas
prouincias tutandas vix contenti eſſe poſſi-
mus. Aſia vero tam opima eſt, & fertilis, vt &
vbertate agrorum, & varietate fructuum, &
magnitudine paſſionis, & multitudine earum
rerum quæ exportantur, facile omnibus terris
anteceſſat. Itaque hæc vobis prouincia Quiri-
tes, ſi & belli vtilitatem, & pacis dignitatem
ſuſtinere vultis, non modo a calamitate, ſed
etiam à metu calamitatis eſt defendenda. nam
cæteris in rebus, cùm venit calamitas, tum de-
trimentum accipitur: at in vectigalibus, non
ſolùm aduentus mali, ſed etiam metus ipſe af-
fert calamitatem. nam cùm hoſtium copiæ non
longè abſunt, etiam ſi irruptio facta nulla ſit,
tamen pecora relinquuntur, agricultura deſe-
ritur, mercatorum nauigatio conquieſcit. ita
neque ex portu, neque ex decumis, neque ex
ſcriptura vectigal conſeruari poteſt. Quare ſæ-

pe totius anni fructus vno rumore periculi,
atque vno belli terrore amittitur. Quo tan-
dem animo esse existimatis aut eos, qui vecti-
galia vobis pensitant, aut eos, qui exercent, at-
que exigunt, cum duo reges cum maximis co-
pijs propè adsint? cum vna excursio equitatus
per breui tempore totius anni vectigal anterre
possit? cum publicani familias maximas, quas
in salinis habent, quas in agris, quas in portu-
bus, atque custodijs, magno periculo se habe-
re arbitrentur? Putatisne vos illis rebus frui
posse, nisi eos, qui vobis fructuosi sunt, con-
seruaueritis, non solum (vt antea dixi) calami-
tate, sed etiam calamitatis formidine libera-
tos? Ac ne illud quidem vobis negligendum
est, quod mihi ego extremum propolueram,
cum essem de belli genere dicturus, quod ad
multorum bona ciuium R. pertinet: quorum
vobis, pro vestra sapientia, Quirites, habenda
est ratio diligenter. Nam & publicani, homi-
nes & honestissimi, & ornatissimi, suas rationes,
& copias in illam prouinciam contulerunt:
quorum ipsorum per se res, & fortunæ, curæ
vobis esse debent. Etenim si vectigalia, nervos,
esse reip. semper duximus: eum certè ordinem
qui exercet illa, firmamentum ceterorum or-
dinum rectè esse dicemus. Deinde ceteris ex
ordinibus homines naui, & industrij partim in
Asia negotiantur, quibus vos absentibus con-
sulere debetis: partim suas, & suorum in ea
prouin-

MANILIA.

prouincia pecunias magnas collocatas habent. Erit igitur humanitatis vestræ, magnum eorum ciuium numerum calamitate prohibere: sapientię, videre, multorum ciuium calamitatem à rep. seiunctam esse non posse. Etenim illud primum parui refert, vos publicanis amissa vētigalia postea victoria recuperare. neque enim iisdem redimendi facultas erit, propter calamitatem, neque alijs voluntas, propter timorem. deinde quod nos eadem Asia, atque idem iste Mithridates initio belli Asiatici docuit id, quod certè calamitate docti memoria tetinere debemus. Nam tum, cū in Asiæ res magnas permulti amiserunt, scimus, Romæ, solutione impedita, fidem concidisse. Non enim possunt vna in ciuitate multi rem, atque fortunas amittere, vt non plureis secum in eandem calamitatem trahant. A quo periculo prohibete remp. & mihi credite, id quod ipsi videtis. hæc fides, atq; hæc ratio pecuniarum, quæ Romæ, quæ in foro versatur, implicita est cum illis pecunijs Asiaticis, & cohæret. ruere illa non possunt, vt hæc non eodē labefactata motu concidant. Quare videte, num dubitandum vobis sit, omni studio ad id bellum incumbere, in quo gloria nominis vestri, salus sociorum, vētigalia maxima, fortunæ plurimorum ciuium cum rep. defenduntur. Quoniam de genere belli dixi, nunc de magnitudine pauca dicam. Potest enim hoc dici belli genus esse ita necessa-

rium, vt sit gerendum: non esse ita magnum, vt sit pertimescendum. In quo maximè laborandum est, ne fortè à vobis, quæ diligentissimè prouidenda sunt, contemnenda esse videantur. Atq; vt omnes intelligant, me Lucullo tantum impertiri laudis, quantum forti viro, & sapientissimo homini, & magno imperatori debeatur: dico, eius aduentu maximas Mithridatis copias, omnibus rebus ornatas, atq; instructas, esse deletas: urbemq; Asiæ clarissimam, nobisq; amicissimam Cyzicenorum, obfessam ab ipso rege maxima multitudine, & oppugnatam vehementissimè, L. Luculli virtute, assiduitate, consilio sumtis obsidionis periculis liberatam: ab eodem imperatore classem magnam, & ornata, quæ ducibus Sertorianis ad Italiam studio inflammati raperetur, recuperatam esse, atq; depressam: magnas hostium præterea copias multis prælijs esse deletas: patrefactumq; nostris legionibus esse Pontum, qui ante populo R. ex omni aditu clausus esset: Sinopem, atq; Amisum, quibus in oppidis erant domicilia regis omnibus rebus ornata, atq; referta cæteralq; verbeis Ponti, & Cappadociæ permultas, vno aditu, atq; aduentu esse captas: regem spoliatum regno patrio, atq; auito, ad alios se reges, atq; alias genteis supplicem contulisse: atq; hæc omnia, saluis populi R. socijs, atque integris vectigalibus, esse gesta. Satis opinor hoc esse laudis: atque ita reputo: vt hoc vos intelligatis

intelligatis, à nullo istorum, qui huic ob-
stant legi, atq; causæ, L. Lucillum similiter
ex hoc loco esse laudatum. Requiretur fortasse
nunc, quemadmodum, cum hæc ita sint, reli-
quum possit esse magnum bellum. Cognoscite,
Quirites. non enim sine causa queri videtur. Pri-
mum ex suo regno sic Mithridates profūgit, vt
ex eodem Ponto Medæa illa quondam profu-
gisse dicitur: quam prædicant, in fuga, fratris
sui membra in ijs locis, quâ se parens perseque-
retur, dissipauisse, vt eorum collectio disper-
sa, mærorq; patrius, celeritatem persequendi
retardaret. Sic Mithridates fugiens, maximam
vim auri atque argenti, pulcherrimarumq; re-
rum omnium, quas & à maioribus acceperat,
& ipse bello superiore ex tota Asia directas,
in suum regnum congesserat, in Ponto omnē
reliquit. Hæc dum nostri colligunt omnia dili-
gentius, rex ipse è manibus effugit. Ita illum
in persequendi studio mæror, hos lætitia re-
tardauit. Hunc in illo timore, & fuga Tigræ-
nes, rex Armenius, excepit: diffidentemq; re-
bus suis confirmauit, & afflictum erexit, perdi-
tumq; recreauit: cuius in regnum posteaquam
L. Lucillus cum exercitu venit: plures etiam
gentes contra imperatorem nostrum concita-
te sunt. Erat enim metus iniectus ijs nationibꝫ,
quas nunquam populus R. neque laceslandas
bello, neque tentandas putauit. erat etiam a-
lia grauis, atq; vehemens opinio, quæ per a-
nimos

nimos gentium barbararum peruaserat, fani locupletissimi, & religiosissimi diripiendi causa in eas oras nostrum exercitum esse adductum. Ita nationes multæ, atque magnæ nouo quodam terrore, ac metu concitabantur. Noster autem exercitus, etsi urbem ex Tigranis regno ceperat, & prælijs usus erat secundis, tamē nimia longinquitate locorum, ac desiderio suorum commouebatur. Hic iam plura non dicam. fuit enim illud extremum, vt ex ijs locis à militibus nostris reditus magis maturus, quā processus lōgior quæreretur. Mitridates autem & suam manū iam confirmarat, & eorum, qui se ex eius regno collegerant, & magnis aduentitijs multorum regum, & nationum copijs iuuabatur. Hoc iam fere sic fieri solere accepimus vt iā afflictæ fortunæ & facile multorum opes alliciant ad misericordiā, maximēq; eorum, qui aut reges sunt, aut viuunt in regno, quod regale ijs nomen, magnum & sanctum esse videatur. Itaq; tantum victus efficere potuit, quantum incolumis nunquam est ausus optare. Nam cū se in regnum recepisset suum, non fuit eo contentus, quod ei præter spem acciderat, vt eam, posteaquam pulsus erat, terram vnquam attingeret: sed in exercitum vestrum, clarum, atq; victorem, impetum fecit. Sinite hoc loco, Quirites, (sicut poætæ solent, qui res Romanas scribunt) præterire me nostram calamitatem: quæ tanta fuit, vt
eam

eam ad aureis L. Luculli non ex prælio nuntius, sed ex ex sermone rumor afferet. Hic in ipso illo malo, grauiissimaq; belli offensione, L. Lucullus: qui tamen aliqua ex parte ijs incommodis mederi fortasse potuisset, vestro iussu coactus, quod imperij diuturnitati modum statuendum, veteri exemplo, putauistis, partem militum, qui iam stipendijs confectis erant, dimisit, partem Glabrioni tradidit. Multa prætereo consultò: sed ea vos coniectura perspicitis quantum illud bellum futurum putetis, quod coniungant reges potentissimi, renouent agitatae nationes, suscipiant integre gentes, nouus imperator vester accipiat veterem expulso exercitu. Satis mihi multa verba fecisse videor, quare hoc bellum esset genere ipso necessarium, magnitudine periculosum: restat, vt de imperatore ad id bellum deligendo, ac tantis rebus præficiendo, dicendum esse videatur. Vtinam, Quirites virorum fortium, atq; innocentium copiam tantam haberetis, vt hæc vobis deliberatio difficilis esset, quænam potissimum tantis rebus, ac tanto bello præficiendum putaretis. Nunc verò cum sit vnus Cn. Pompeius, qui non modò eorum hominum, qui nunc sunt, gloriam, sed etiam antiquitatis memoriam virtute superarit: quæ res est, quæ cuiusquam animum in hac causa dubium facere possit? Ego enim sic existimo, in summo imperatore quatuor has res inesse oportere, sci-

tere, scientiam rei militaris, virtutem, auctoritatem, felicitatem. Quis igitur hoc homine scientior vnquam aut fuit, aut esse debuit? qui è ludo, atq; pueritiæ disciplina, bello maximo, atq; acerrimis hostibus, ad patris exercitum, atq; militiæ disciplinam profectus est? qui extrema pueritia miles fuit summi imperatoris? ineunte adolescentia maximi ipse exercitus imperator qui sæpius cum hoste confligit, quàm quisquā cum inimico concertauit? plura bella gessit, quàm ceteri legerūt? plureis prouinciis confecit, quàm alij concupuerunt? cuius adolescentia ad scientiam rei militaris non alienis præceptis, sed suis imperijs: non offensionibus belli, sed victorijs: non stipendijs, sed triumphis est traducta? Quod deniq; genus belli esse potest, in quo illum non exercuerit fortuna reip? Ciuile, Africanum, Transalpinum, Hispaniense, mistum ex ciuitatibus, atq; ex bellicosissimis nationibus, seruale, nauale bellū, varia & diuersa genera & bellorum, & hostium, non solum gesta ab hoc vno, sed etiam confecta, nullam rem esse declarant, in vſu militari positam, quæ huius viri scientiam fugere possit. Iam verò virtuti Cn. Pompeij quæ potest par oratio inueniri? quid, quod quisquam aut dignum illo, aut vobis nouum aut cuiquam inauditum possit asserre? Non enim illæ sunt solæ virtutes imperatoriae, quæ vulgo existimantur, labor in negotio, fortitudo in peri-

in periculis, industria in agendo, celeritas in
 conficiendo, consilium in providendo, quæ
 tanta sunt in hoc vno, quanta in omnibus reli-
 quis imperatoribus, quos aut vidimus, aut au-
 diuimus. non fuerunt. Testis est, Italia, quam
 ille ipse victor, L. Sylla, huius virtute, & con-
 silio confessus est liberatam. testis est Sicilia,
 quam multis vndiq; cinctam periculis, non
 terrore belli, sed celeritate consilij, explicauit.
 testis est Africa, quæ magnis oppressa hostium
 copijs, eorum ipsorum sanguine redundauit.
 testis est Gallia, per quam legionibus nostris
 in Hispaniam iter, Gallorum internecione pa-
 tetactum est. testis est Hispania, quæ sæpissi-
 mē plurimos hosteis ab hoc superatos, prostra-
 tosq; conspexit: testis est iterum, & sæpius Ita-
 lia, quæ cum seruili bello tetro periculosoq;
 premeretur, ab hoc auxilium absente expeti-
 uit: quod bellum expectatione Pompeij atte-
 nuatum, atq; imminutum est: aduentu subla-
 tum, ac sepultum. testes verò, iam omnes oræ,
 atq; omnes exteræ genteis, ac nationes: deni-
 que maria omnia, tum vniuersa, tum in singu-
 lis oris omnes sinus atq; portus. Quis enim to-
 to mari locus per hos annos, aut tam firmum
 habuit præsidium, vt tutus esset? aut tam fuit
 abditus, vt lateret? Quis nauigauit, qui non se
 aut mortis, aut seruitutis periculo committe-
 ret, cum aut in hieme, aut referro prædonum
 mari nauigaret? Hoc tantum bellum, tam tur-
 pe, tam

pe, tam vetus, tam latè diuifum, atq; disper-
 ſum, quis vnquam arbitraretur aut ab
 omnibus imperatoribus vno anno, aut omni-
 bus annis ab vno imperatore confici poſſe?
 Quam prouinciam tenuiſtis à prædonibus libe-
 ram per hoſce annos? quod veſtigal vobis tu-
 tum fuit? quem ſocium defendiſtis? cui, præ-
 ſidio, claſſib. veſtris, fuiſtis? quam multas e-
 xiſtimatis inſulas eſſe deſertas? quam multas
 aut metu relictas, aut à prædonibus captas vr-
 beis eſſe ſociorum? Sed quid ego longinqua
 commemoro? Fuit hoc quondam, fuit pro-
 prium populi R. longè à domo bellare, propu-
 gnaculis imperij ſociorum fortunas, non ſua te-
 cta defendere. Socijs veſtris ego mare clauiſum
 per hoſce annos dicam fuiſſe, cum exercitus no-
 ſtri Brundiſio nūquam, niſi ſumma hieme,
 tranſmiſerint? Quid, ad nos cum ab exteris na-
 tionibus venirent, Captos querar, cum legati
 populi R. redempti ſint? mercatoribus tutum
 mare non fuiſſe dicam, cum duodecim ſecures
 in prædonum poteſtatem peruenerint? Quid
 aut Colophonem, aut Samum, nobiliſſimas
 vrbeis, innumerabileisq; alias captas eſſe com-
 memorem, cum veſtros portus, atq; eos por-
 tus, quibus vitam & ſpiritum ducitis, in præ-
 donum fuiſſe poteſtate ſciatis? An verò ignora-
 tis, portum Caietæ celeberrimum, atq; plenif-
 ſimum nauium, inſpectante prætore, à prædo-
 nibus eſſe direptū? Ex Miſeno autē, eius ipſius
 libe-

liberos, qui cum prædonibus antea ibi bellum
 gesserât, a prædonibus esse sublato? Nam quid
 ego Ostiense incommodum, atque illam la-
 bem, atque ignominiam reip. querar, cum,
 propè inspectantibus vobis, classis ea, cui con-
 sul populi R. præpositus esset, à prædonibus
 capta, atque oppressa est? Prò dij immortales!
 tantanè vnus hominis incredibilis, ac diuina
 virtus tam breui tempore lucem asserre reip.
 potuit, vt vos, qui modò antè ostium Tiberi-
 num classem hostium videbatis, ij nunc nullam
 intra Oceani ostium prædonum nauem esse
 audiat? Atque hæc, quâ celeritate gesta sint,
 quamquàm videtis, tamen à me in dicendo
 prætereunda non sunt. Quis enim vnquam,
 aut obeundi negotij, aut consequendi quæstus
 studio tam breui tempore, tot loca adire, tan-
 tos cursus conficere potuit, quàm celeriter, Cn.
 Pompeio duce, belli impetus nauigauit? qui
 Siciliam adiit, Africam explorauit: inde Sar-
 diniam cum classe venit, nondum tempestiuo
 ad nauigandum mari: atque hæc tria frumen-
 taria subsidia reip. firmissimis præsidijs, classi-
 busque muniuit. Inde, se cum in Italiam rece-
 pisset, duabus Hispanijs, & Gallia Cisalpina
 præsidijs, ac nauibus confirmata, missis item
 in oram Illyrici maris, & in Achaïam, omnem-
 quæ Græciam nauibus, Italiæ duo maria maxi-
 mis classibus, firmissimisque præsidijs adorna-
 uit: ipse autem, vt à Brundisio profectus esset,

unde quinquagesimo die totam ad imperium
populi R. Ciliciam adiunxit : omnes, qui ubi-
que prædones fuerunt, partim capti, interfe-
ctique sunt, partim vnius huius imperio, ac
potestati se dediderunt. Idem Cretenſibus,
cum ad eum vsque in Pamphiliam legatos, de-
precatoresque miſiſſent, ſpem deditiſſionis non
ademit, obſideſque imperauit. Ita tantum bel-
lum, tam diuturnum, tam longè, lateque di-
ſperſum, quo bello omnes gentes, ac nationes
premebantur, Cn. Pompeius extrema hieme
apparauit, ineunte vere ſuſcepit, media æſtate
conſecit. Eſt hæc diuina, atque incredibilis vir-
tus imperatoris. quid ceteræ, quas paullo antè
commemorare cœperam. quantæ, atque quàm
multæ ſunt : non enim ſolum bellandi virtus
in ſummo, atque perfectio imperatore qua-
renda eſt : ſed multæ ſunt artes eximiæ, huius
adminiſtræ, comiteſque virtutis. Ac primùm
quanta innocentia debent eſſe imperatores !
quanta deinde omnibus in rebus temperantia !
quanta fide ! quanta facilitate ! quanto ingenio !
quanta humanitate ! Quæ breuiter, qualia ſint
in Cn. Pompeio, conſideremus. ſumma enim
ſunt omnia, Quirites : ſed ea magis ex aliorum
contentione, quàm ipſa per ſe cognoſci, at-
que intelligi poſſunt. Quem enim poſſumus
imperatorem aliquo in numero putare, cuius
in exercitu veneant centuriatus, atque ve-
niant ? quid hunc hominem magnum,
aut

aut amplum de Repub. cogitare, qui pecuniam ex ærario depromptam ad bellum administrandum, aut ptopter cupiditatem provinciæ magistratibus diuiserit, aut propter auaritiam Romæ in quæstu reliquerit? Vestra admurmuratio facit, Quirites, vt agnoscere videamini, qui hæc fecerint. ego autem neminem nomeno. quare irasci mihi nemo poterit, nisi qui antè de se voluerit confiteri. Itaque propter hanc auaritiam imperatorum, quantas calamitates, quocumque ventum sit, nostri exercitus ferant, quis ignorat? Itinera, quæ per hosce annos in Italia per agros atque oppida ciuium R. nostri imperatores fecerunt, recordamini, tum facilius statuetis, quid apud exterarum nationes fieri existimetis. Vtrum plureis arbitramini per hosce annos militum vestrorum armis hostium vrbeis, an hibernis, sociorum ciuitates esse deletas? Neque enim potest exercitus is continere imperator, qui se ipsum non continet: neque seuerus esse in iudicando, qui alios in sese veros esse iudices non vult. Hic miramur, hunc hominem tantum excellere cæteris, cuius legiones sic in Asiam peruenerunt, vt non modò manus tanti exercitus, sed ne vestigium quidem cuiquam pacato nocuisse dicatur? Iam verò, quemadmodum milites hibernent, quotidie sermones, ac litteræ perferuntur, non modò, vt sumptum faciat in militem, nemini vis affertur: sed ne cupienti quidem cui-

quam permittitur. hiemis enim, non avaritiæ
perfugium maiores nostri in sociorum, atque
amicorum tectis esse voluerunt. Agè verò cete-
ris in rebus quali sit temperantia, considerate.
Vnde illam tantam celeritatem, & tam incre-
dibilem cursum initum putatis? non enim il-
lum eximia vis remigum, aut ars inaudita quæ-
dam gubernandi, aut venti aliqui noui, tam
celeriter in vltimas terras pertulerunt: sed hæ-
res, quæ cæteros remorari solent, non retar-
darunt: non avaritia ab instituto cursu ad præ-
dam aliquam reuocauit, non libido ad volu-
ptatem, non amœnitas ad delectationem,
non nobilitas vrbis ad cognitionem, non de-
nique labor ipse ad quietem. postremò signa;
& tabulas, cæteraque ornamenta Græcorum
oppidorum, quæ ceteri tollenda esse arbitran-
tur, ea sibi ille ne visenda quidem existimauit.
Itaque omnes quidem nunc in his locis Cn.
Pompeium, sicut aliquem non ex hac vrbe mis-
sum, sed de cœlo delapsum, intuentur: nunc
denique incipiunt credere, fuisse homines Ro-
manos hac quondam abstinentia: quod iam
nationibus exteris incredibile, ac falsò memo-
riæ proditum videbatur. nunc imperij nostri
splendor illis gentibus lucet: nunc intelligunt,
non sine causa maiores suos tum, cum hac tem-
perantia magistratus habebamus, seruire po-
pulo R. quam imperare alijs, maluisse. iam ve-
rò ita faciles aditus ad eum priuatorum, ita li-
beræ

beræ quærimoniæ de aliorum iniurijs esse dicuntur, ut is, qui dignitate principibus excellit, facilitate par infimis esse videatur. Iam quantum consilio, quantum dicendi gravitate, & copia valeat, in quo ipso inest quædam dignitas imperatoria, vos, Quirites, hoc ipso in loco sæpe cognôstis. Fidem verò eius inter socios quantam existimari putatis, quam hostes omnium gentium sanctissimam esse iudicârunt? Humanitate iam tanta est, ut difficile dictu sit, utrum hostes magis virtutem eius pugna-tes timuerint, an mansuetudinem victi dilexerint. Et quisquam dubitabit, quin huic tantum bellum hoc transmittendum sit, qui ad omnia nostræ memoriæ bella cõficienda, diuino quodam consilio natus esse videatur? Et, quoniam auctoritas multum in bellis quoque administrandis, atque imperio militari valet, certè nemini dubium est, quin ea in re idem ille imperator plurimum possit. Vehementèr autem, pertinere ad bella administranda, quid hostes, quid socij de imperatoribus vestris existiment, quis ignorat, cùm sciamus, homines in tantis rebus, ut aut contemnant, aut metuant, aut oderint, aut ament, opinione non minùs famæ, quàm aliqua certa ratione commoueri? Quod igitur nomen vnquam in orbe terrarum clarius fuit? cuius res gestæ pares? de quo homine vos, id quod maximè facit auctoritatem, tanta, & tam præclara iudicia fecistis? An verò vl-

Iam vsquam esse oram tam desertam putatis, quò non illius dici fama peruaserit, cum vniersus populus R. referto foro, repletisque omnibus templis, ex quibus hic locus conspici potest, vnum sibi ad commune omnium gentium bellum Cn. Pompeium imperatorem depoposcit? Itaque, vt plura non dicam, neque aliorum exemplis confirmem, quantum huius auctoritas valeat in bello: ab eodem Cn. Pompeio omnium rerum egregiarum exempla sumantur: qui, quo die à vobis maritimo bello præpositus est imperator, tanta repentè vilitas annonæ ex summa innopia, & caritate rei frumentariæ consecuta est, vnus spe & nomine, quantam vix ex summa vbertate agrorum diuturna pax efficere potuisset. Iam verò, accepta in Ponto calamitate, ex eo prælio, de quo vos paulo antè inuitus admonui, cum socij pertinuissent, hostium opes, animique creuissent: cum satis firmum præsidium prouincia non haberet: amisissetis Asiam, Quirites, nisi ipsum id temporis diuinitus Cn. Pompeium ad eas regiones fortuna populi R. attulisset. Huius aduentus & Mithridatem insolita inflammatum victoria continuit, & Tigranem magnis copijs minitantem Asiæ retardauit. Et quisquam dubitabit, quid virtute perfecturus sit, qui tantum auctoritate perfecit: aut quàm facile imperio, atque exercitu socios, & vettigalia conseruaturus sit, qui ipso nomine, ac ru-

ac rumore defenderit? Age verò illa res quam
 tam declarat eiusdem hominis apud hosteis
 populi R. auctoritatem, quòd ex locis tam
 longinquis, tamque diuerlis, tam breui tem-
 pore omnes vnà huic se dediderunt? quòd Cre-
 tensium legati, cùm in eorum insula noster im-
 perator, exercitusque esset, ad Cn. Pompeium
 in vltimas propè terras venerunt, eique se o-
 mnes Crentensium ciuitates dèdere velle dixe-
 runt? Quid? idem ipse Mithridates, nōne ad
 eundem Cn. Pompeium, legatum vsque in Hi-
 spaniam misit: eumque Pompeius legatum
 semper iudicauit: ij, quibus semper erat mole-
 stum, ad eum potissimum esse missum, specula-
 torem, quàm legatum iudicare maluerunt? Po-
 testis igitur iam constituere, Quirites, hanc au-
 thoritatem, multis postea reb, gestis, magnisq;
 vestris iudicijs amplificatam, quantū apud illos
 reges, quantū apud exterarum nationes valituram
 existimetis. Reliquū est, vt de felicitate, quam
 præstare de se ipso nemo potest: meminisse, &
 cōmemorare de altero possumus: sicut æquum
 est homini de potestate deorum, timidè & pau-
 ca dicamus. Ego enim sic existimo: Maximo,
 Marcello, Scipioni, Mario, & cæteris magnis
 imperatoribus, non solum propter virtutem,
 sed etiam propter fortunam, sæpius imperia
 mandata, atque exercitus esse commissos, fuit
 enim profectò quibusdam summis viris quæ-
 dam ad amplitudinem, & gloriam, & ad res
 B 4 magnas

magnas benè gerendas, diuinitus adiuncta fortuna: de huius autem hominis felicitate, quò de nunc agimus, hac vtar moderatione dicendi, non vt in illius potestate fortunam positam esse dicam, sed vt præterita meminisse, reliqua sperare videamur: ne aut inuila dijs immortalibus oratio nostra, aut ingrata esse videatur. Itaque non sum prædicaturus, Quirites, quantas ille res domi, militiæque, terra, marique, quantaque felicitate gesserit: vt eius semper voluntatibus non modò ciues assenserint, locij obtemperârint, hostes obedierint: sed etiam venti, tempestatesque obsecundârint. hoc breuissimè dicam, neminem vnquam tam impudentem fuisse, qui à dijs immortalibus tot, & tantas res tacitus auderet optare, & quantas dij immortales ad Cn. Pompeium detulerunt. quod vt illi proprium, ac perpetuum sit, Quirites, cùm communis salutis, atque imperij, tum ipsius hominis causa (sicuti facitis) velle & optare debetis. Quare cùm & bellum ita necessarium sit, vt negligi non possit: ita magnum, vt accuratissimè sit administrandum: & cùm ei imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabitis, Quirites, quin hoc tantum boni, quod à dijs immortalibus oblatum, & datum est, in reip. conseruandam, atque amplificandam conferatis? Quòd si Romæ Cn. Pompeius priuatus esset hoc

set hoc tempore : tamen ad tantum bellum is erat deligendus, atque mittendus. nunc, cum ad ceteras summas vtilitates hæc quoq; opportunitas adiungatur, vt in ijs ipsis locis adsit, vt habeat exercitum, vt ab ijs, qui habent, accipere statim possit : quid exspectamus? cur non, ducibus dijs immortalibus, eidem, cui cætera summa cum salute reip. commissa sunt, hoc quoque bellum regium committimus? At enim vir clarissimus, reip. & vestris beneficijs amplissimis affectus, Q. Catulus: itemque summis ornamentis honoris, fortunæ, virtutis, ingenij præditus, Q. Hortensius, ab hac ratione dissentiunt: quorum ego auctoritatē apud vos multis locis plurimum valuisse, & valere oportere confiteor: sed in hac causa, tametsi cognoscitis auctoritates contrarias fortissimorum virorum, & clarissimorum, tamen, ommissis auctoritatibus, ipsa re & ratione exquirere possumus veritatem: atque hoc facilius, quod ea omnia, quæ adhuc à me dicta sunt, iidem isti vera esse concedunt, & necessarium bellum esse, & magnum, & in vno Cn. Pompeio summa esse omnia. Quid igitur ait Hortensius? Si vni omnia tribuenda sunt, vnum dignissimum esse Pompeium: sed ad vnum tamen omnia deferri non oportere. Obsoleuit iam ista oratio, re multo magis, quam verbis, refutata. Nam tu idem, Quincte Hortensi, multa, pro tua summa copia, ac singulari facultate dicendi, & in se-

natu contra virum fortem A. Gabinium graui-
ter, ornatèque dixisti. cum is de vno imperato-
re contra prædones constituendo legem pro-
mulgasset: & ex hoc ipso loco permulta idem
contra legem verba fecisti. Quid? tum, per de-
os immortales, si plus apud populum R. au-
toritas tua, quàm ipsius populi R. salus, & ve-
ra causa valuisset, hodie hanc gloriam, atque
hoc orbis terræ imperium teneremus? An tibi
tum imperium esse hoc videbatur, cum populi
R. legati, prætores, quæstoresque capiebantur?
cum ex omnibus prouincijs commeatu & pri-
uato, & publico prohibebamur? cum ita clausa
erant nobis omnia maria, vt neque priuatam
rem maritimam, neque publicam iam obire
possemus? Quæ ciuitas antea vnquam fuit,
non dico Atheniensium, quæ satis latè quon-
dam mare tenuisse dicitur: non Carthaginien-
sium, qui permultum classe, maritimisque re-
bus valuerunt: non Rhodiorum, quorum vsque
ad nostram memoriam disciplina naualis, &
gloriam remansit: quæ ciuitas antea vnquam
tam tenuis, quæ tam parua insula fuit, quæ non
portus suos, & agros, & aliquam partem regi-
onis, atque oræ maritimæ per se ipsa defende-
ret? At herclè aliquot annos continuos ante le-
gem Gabiniam ille populus R. cuius, vsque ad
nostram memoriam, nomen inuictum in na-
ualibus pugnis permanerat, magna, ac multo
maxima parte non modò vtilitatis, sed dignita-
tis, atque

tis, atque imperij caruit. Nos, quorum maiores
Antiochum regem classe, Persenq; superârunt,
omnibusq; naualibus pugnis Carthaginienſeis,
homines in maritimis rebus exercitatissimos,
paratissimosq; vicerunt: ij nullo in loco iam
prædonibus pares esse poteramus. nos quoq;
qui antea non modò Italiam tutam habeba-
mus, sed omneis socijs in vltimis oris auctori-
tate nostri imperij saluos præstare poteramus,
tum, cùm insula Delos tam procul à nobis in
Ægeο mari posita, quò omnes vndique cum
mercibus, atque oneribus commeabant, re-
ferta diuitijs, parua, sine muro nihil timebat:
ijdem non modò prouincijs, atque oris Italiæ
maritimis, ac portubus nostris, sed etiam Ap-
pia iam via carebamus: & his temporibus non
pudebat magistratus populi R. in hunc ipsum
locum adscendere, cùm eum vobis maiores
vestri exuijs nauticis, & classium spolijs or-
natum reliquissent. Bono te animo tum, Q.
Hortensi, populus R. & cæteros, qui erant in
eadem sententia, dicere existimauit ea, quæ sen-
tiebatis: sed tamen in salute communi idem
populus R. dolori suo maluit, quàm auctori-
tati vestræ obtemperare. Itaque vna lex, vnus
vir, vnus annus, non modò nos illa miseria, ac
turpitudine liberauit: sed etiam effecit, vt ali-
quando verè videremur omnibus gentibus, ac
nationibus terra, marique imperare. Quo mihi
etiam indignius videtur, obtrectatum esse ad
huc,

huc, Gabinio dicam, anne Pompeio, an vtriq;
(id quod est verius:) ne legaretur A. Gabinius
Cn. Pompeio expetenti, ac postulanti. Vtrum
ille, qui postulat legatum ad tantum bellum,
quem velit, idoneus non est, qui impetret, cum
ceteri ad expilandos socios, diripiendalq; pro-
uincias, quos voluerunt, legatos eduxerint:
an ipse, cuius lege salus, ac dignitas populo R.
atque omnibus gentibus constituta est, expers
esse debet gloriæ eius imperatoris, atque eius
exercitus, qui consilio ipsius, atque periculo
est constitutus? an Cn. Falcidius, Q. Metellus,
Q. Cælius Latinienſis, Cn. Lentulus. quos o-
mnis honoris causa nomino, cum tribuni
pleb. fuissent, anno proximo legati esse potue-
runt: in hoc vno Gabinio sunt tam diligentes,
qui in hoc bello, quod lege Gabinia geritur, in
hoc imperatore, atque exercitu, quem per se i-
pse constituit, etiam præcipuo iure esse debe-
ret? de quo legando spero consules ad sena-
tum relatuſ. qui si dubitabunt, aut graua-
buntur: ego me profiteor relaturum: neq; me
impediet cuiusquam, Quirites, inimicum edi-
ctum, quo minus, fretus vobis, vestrum ius,
beneficiumque defendam: neque præter inter-
cessionem, quidquam audiam: de qua (vt ar-
bitror) isti ipsi, qui minantur, etiam atque e-
tiam, qui id liceat, considerabunt. Mea quidem
sententia, Quirites, vnus A. Gabinus, belli
maritimi, rerumque gestarum auctor, comes
Cn. Pom-

Cn. Pompeio adscribitur, propterea quod alter vni id bellum suscipiendum vestris suffragiis detulit: alter delatum, susceptumque confecit. Reliquum est, ut de Q. Catuli auctoritate, & sententia dicendum esse videatur. qui cum ex vobis quaereret, si in vno Cn. Pompeio omnia poneretis, si quid de eo factum esset: in quo spem essetis habituri: cepit magnum suae virtutis fructum, ac dignitatis, cum omnes prope vna voce, in eo ipso vos spem habituros esse dixistis. Etenim talis est vir, ut nulla res tanta sit, ac tam difficilis, quam ille non & consilio regere, & integritate tueri, & virtute conficere possit. sed in hoc ipso ab eo vehementissime dissentio, quod, quo minus certa est hominum, ac minus diuturna vita, hoc magis resp. dum per deos immortalis licet, frui debet summi hominis vita, atque virtute. At enim nihil novi fiat contra exempla, atque instituta maiorum. Non dico hoc loco, maiores nostros semper in pace, consuetudini: in bello, utilitati paruisse: semper ad novos casus temporum, novorum consiliorum rationes accommodasse: non dicam, duo bella maxima, Punicum, & Hispaniense, ab vno imperatore esse confecta: duas verbeis potentissimas, quae huic imperio maxime minabantur, Carthaginem, atque Numantiam, ab eodem Scipione esse deletas: non commemorabo, nuper ita vobis, patribusque vestris esse visum, ut in vno C. Mario spes im-

Ipse imperij poneretur, vt idem cum Iugurtha, idem cum Cimbris, idem cum Theutonibus bellum administraret. in ipso Cn. Pompeio, in quo noui constitui nihil vult Q. Catulus, quàm multa sint noua, summaque Catuli voluntate constituta, recordamini. Quid tam nouum, quàm adolescentulum, priuatum, exercitum difficilireip. tempore conficere? confecit. huic præesse? præfuit. rem optimè ductu suo gerere? gessit. Quid tam præter consuetudinem, quàm homini peradolescenti, cuius à senatorio gradu ætas longè abesset, imperium, atque exercitum dari? Siciliam permitti, atque Africam, bellumque in ea administrandum? fuit in his prouincijs singulari innocentia, grauitate, virtute: bellum in Africa maximum confecit, victorem exercitum deportauit. Quid verò tam inauditum, quàm equitem R. triumphare? at eam quoque rem populus R. non modò vidit, sed etiam studio omni visendam putauit. Quid tam inusitatum, quàm vt, cum duo consules clarissimi, fortissimi que essent, eques R. ad bellum maximum, formidolosissimumque pro consule, mitteretur? missus est. quo quidem tempore, cum esset non nemo in senatu, qui diceret, non oportere mitti hominem priuatum pro consule: L. Philippus dixisse dicitur, non se illum sua sententia pro consule, sed pro consulibus mittere. Tanta in eo reip. bene gerendæ spes constituebatur, vt duorum consulum

sulum munus vnus adolescentis virtuti committeretur. Quid tam singulare, quàm vt ex senatusconsulto legibus solutus, consul antè fieret, quàm vllum alium magistratum per leges capere licuisset? quid tam incredibile, quàm vt iterum eques R. ex S. C. triumpharet? quæ in omnibus hominibus noua post hominum memoriam constituta sunt, ea tam multa non sunt, quàm hæc, quæ in hoc vno homine videmus. Atque hæc tot exempla, tanta, ac tam noua, profecta sunt in eundem hominem à Q. Catulo, atq; à cæterorum eiusdem dignitatis amplissimorum hominum auctoritate. Quare videant, ne sit periniquum, & non ferendum, illorum auctoritatem de Cn. Pompeij dignitate à vobis comprobata semper esse: vestrum ab illis de eodem homine iudicium, populiq; R. auctoritatem improbari: præsertim cum iam suo iure populus R. in hoc homine suam auctoritatem vel contra omnes, qui dissentiant, possit defendere: propterea quòd, istis reclamantibus, vos vnum illum ex omnibus delegistis, quem bello prædonum præponeretis. Hoc si vos temerè fecistis, & reip. parum conlulistis: rectè isti studia vestra suis consilijs regere conantur. sin autem vos plus tum in rep. vidistis: vos, his repugnantibus, per vosmetipsos dignitatem huic imperio, salutem orbi terrarum attulistis: aliquando isti principes, & sibi, & cæteris, populi R. vniuersæ auctoritati parendum

rendum esse fateantur. Atque in hoc bello Asiatico, & regio, non solum militaris illa virtus, quæ est in Cn. Pompeio singularis, sed aliæ quoque virtutes animi multæ, & magnæ requiruntur. difficile est in Asia, Cilicia, Lycia, Syria, regnisque exterarum nationum ita verlari vestrum imperatorem, ut nihil aliud, quam de hoste, ac de laude, cogitet. deinde etiam si qui sunt pudore, ac temperantia moderatiores: tamen eos esse taleis, propter multitudinem cupidorum hominum nemo arbitratur. Difficile est dictu, Quirites, quanto in odio simus apud exterarum nationes propterea, quos ad eas hoc anno cum imperio misimus, iniurias, ac libidines. Quod enim sanum putatis in illis terris nostris magistratibus religiosum, quam ciuitatem sanctam, quam domum satis clausam, ac munitam fuisse? vrbes iam locupletes, ac copiosæ requiruntur, quibus causa belli propter diripiendi cupiditatem inferatur. Libenter hæc coram cum Q. Catulo, & Q. Hortensio disputarem, summis, & clarissimis viris. Nouerunt enim sociorum vulnera: vident eorum calamitates: querimonias audiunt. Pro sociis vos contra hosteis exercitum mittere putatis, an hostium simulatione, contra socios, atque amicos? quæ ciuitas est in Asia, quæ non modo vnius imperatoris, aut legati, sed vnius tribuni militum animos, ac spiritus capere possit? Quare, etiam si quem habetis, qui, collatis signis,

gnis, exercitus regiones superare posse videatur: tamen, nisi erit idem, qui se à pecunijs sociorum, qui ab eorum coniugibus, ac liberis, qui ab auro, gazaq; regia, manus, oculos, animum cohibere possit: non erit idoneus, qui ad bellum Asiaticum, regiumq; mittatur. Ecquam putatis ciuitatem pacatam fuisse, quæ locuples sit? ecquam esse locupletem, quæ istis pacata esse videatur? Ora maritima, Quirites, Cn. Pompeium non solum propter rei militaris gloriam, sed etiam propter animi continentiam requisivit. Videbat enim populus R. non locupletari quotannis pecunia publica, præter paucos, neq; eos quidquam aliud assequi classium nomine, nisi ut, detrimentis accipiendis, maiore affici turpitudine videremur. Nunc, qua cupiditate homines in prouincias, quibus iacturis, quibus conditionibus proficiscantur, ignorant videlicet isti, qui ad vnum deferenda esse omnia non arbitrantur? Quasi verò Cn. Pompeium non cum suis virtutibus, tum etiam alienis vitijs magnum esse videamus. Quare nolite dubitare, quin huic vni credatis omnia, qui inter annos tot vnus inuentus sit, quem socij in vrbeis suas cum exercitu venisse gaudent. Quòd si auctoritatibus hanc causam, Quirites, confirmandam putatis: est vobis auctor, vir bellorum omnium, maximarumq; rerum peritissimus, P. Seruilius: cuius tantæ res gestæ terra, mariq; exstiterunt, ut, cum de bello deli-

lo deliberetis, auctor vobis grauior esse nemo
debeat: est C. Curio summis vestris beneficijs,
maximisq̃ue rebus gestis, summo ingenio, &
prudencia præditus: est Cn. Lentulus, in quo o-
mnes, pro amplissimis vestris honoribus, sum-
mum consilium, summam grauitatem esse co-
gnoskitis: est C. Cassius, integritate, virtute,
constantia singulari. Quare videte, num ho-
rum auctoritatibus, illorum orationi, qui dis-
sentiant, respondere posse videamur. Quæcū
ita sint, C. Manili, primū istam tuam & le-
gem, & voluntatem, & sententiam laudo, ve-
hementissimeq̃; comprobo: deinde te hortor,
vt, auctore populo R. maneat in sententia,
neue cuiusquam vim, aut minas pertimescas.
Primū in te satis esse animi, constantiaq̃; ar-
bitror: deinde, cū tantam multitudinem
cum tanto studio adesse videamus, quantam
non iterum in eodem homine præficiendo vi-
dimus: quid est, quod aut de re, aut de perfi-
ciendi facultate dubitemus? Ego autem, quid-
quid in me est studij, consilij, laboris, ingenij,
quidquid hoc beneficio populi R. atque hac
potestate prætoris, quidquid auctoritate, fide,
constantia possum, id omne ad hanc rem con-
ficiendam, tibi, & populo R. polliceor, & de-
fero, testorq̃; omnes deos, & eos maxime, qui
huic loco, temploq̃; præsident, qui omnium
menteis eorum, qui ad remp. adeunt, maxime
perspiciant, me hoc neq̃; rogatu facere cuius-
quam,

quam, neq; quò Cn. Pompeij gratiam mihi per
hanc causam conciliari putem, neq; quò mihi
ex cuiusquam amplitudine, aut præsidia peri-
culis, aut adiumenta honoribus quæram. pro-
pterea quòd pericula facillè, vt hominem præ-
stare oportet, innocentia recti pellemus: ho-
nores autem neq; ab vno, neq; ex hoc loco, sed
eâdem nostra illa laboriosissima ratione vitæ:
si vestra voluntas feret, consequamur. Quam-
obrem, quidquid in hac causa mihi susceptum
est, Quirites, id omne me reip. causa suscepisse
confirmit: tantumq; abest, vt aliquam bonam
gratiam mihi quæsisse videar, vt multas etiam
simultates partim obscuras, partim apertas, in-
telligam, mihi non necessarias, vobis non inu-
tileis, suscepisse. sed ego me hoc honore prædi-
tum, tantis vestris beneficijs affectum, statui,
Quirites, vestram voluntatem, & reip. dignita-
tem, & salutem prouinciarum, atq; socio-
rum, meis omnibus commodis, &
rationibus præferre
oportere.

In hac oratione Maniliana

optimi sunt Commentatores

Antonius

Lupatius

ADA

Franciscus

Sylvius

Rudolphus Agricola

Jacobus

Opphalius

ex gl'ia (p'p'ia) in

Nicolaus

Agricola

ex Sylvio in Regia

Isidorus

Camerarius quædam ex corp

ADAMVS STEZICI ENSIS IN ORATIONEM PRO LEGE MANILIA.

Sapientes beneq; versati in rhetoricis, duplicem viam nobis tradiderunt exprimendi eum quem imitari velimus, genesim videlicet & analysim. genesis est propriè orationis compositio ad imitationem alicuius orationis facta eiq; accommodata: analysis vero est alicuius orationis tam artificiosa dissolutio, ut è quibus constet, in eadem ressecetur, & qua via progressus est orator in componendo, eadē teneatur in explicando. Atq; id quomodo fieri debeat, & si Antonius lib. 2. de orat: multis verbis ostenderit, tum quam viam Cicero in componendis secutus sit, docuerit, tamen id quoque præstari potest, si illa tria, quæ sunt videnda oratori, Quid dicat, Quo loco & Quomodo dicat diligenter animaduerantur. Primum cum inuentionis sit, poscit ut ea cognoscamus. Primo totam causam ex fide historia, hoc est occasionem & argumentum, Secundo genus causæ tum quæstionem seu statum ex illa tota: tum quia singuli status suos locos habeant, ex quibus argumenta ad fidem faciendam & motus ad excitandos animos auditorum petuntur.

Secun-

Secundum vero quod collocationis est, hac indicare debet. Quot sunt orationis partes, quis earum ordo, an artis an consilij: quæ quidem collocatio ubi in partibus perquiretur, non negligenda erit quoque in argumentis & partibus argumentationum. Tertium quod elocutionis est quod Ciceroni longe maximum tum in dicendo, tum in scribendo semper videbatur, nobis etiam in explicando, non minus esse solet. Hac demonstrare debet. Primum quidem in tota causa, genus dicendi, deinde in singulis partibus causæ, ad extremum in periodis singula verba, an propria, an facta, an modificata, aut translata, quæ sententiarum tractatio, quæ ornamenta tum sententiarum, tum verborum, quæ collocatio, tum verborum, tum membrorum, quæ clausula, qui numeri, qui affectus. Denique exercitatio elocutionis adhibenda erit, quam Cic. in partit. orat. in conuerso maxime esse positam, eaque nihil esse utilius docuit, quod fiet, si ea quæ naturali illo, & sponte fuso eloquendi genere dicta sunt, in inuersum quod ex officina oratorum prodit, illorum industria commendat illorum eloquentiam admirabilem facit, mutauerimus, & rursus hoc, in illud redegerimus, non pratermittenda etiam erit lingua proprietatis, historia, antiquitatis cognitio.

quæ lectionis veluti condimenta sunt.

OCCASIO ET ARGVMENTVM ORATIONIS.

Cum Mithridatē regem Ponti multis prælijs, terra mariq; Lucullus vicisset, eumq; tandem in Armenia cum rege Tigrane, ad quē confugerat magno certamine superasset: cum à militibus suis destitutus, tum senatus consulto reuocatus bellum non confecit. Mithridate igitur prouincijs, socijs, atque amicis populi Romani imminente, Caius Manlius Trib. pleb; legem tulit, vt Phrigia Lycaonia, Galatia, Cappadocia, Cilicia, Colchis, Pontus, Armenia, & quotquot alia loca in prouincia Lucullus obtinebat, ea omnia, cum omni illius exercitu Gnaeus Pompeio mandarentur: vt Bythinia accepta, cui tum Glabrio præerat, aduersus reges Mithridatem & Tygranē, dux belligerendi Pompeius qui tunc maritimi belli reliquias in Cilicia persequabatur declararetur. Hac lege quoniam Pompeij potentia, quæ multis formidolosa erat, nimium augeri, libertas publica vnius hominis arbitrio occupari, & Lucullus sua quasi victoria ac triumphi gloria priuari videbatur, Hortensius & Q. Catulus viri consulares legis promulgationi intercedere tonabantur.

nabantur. ceteris metu plebis conticescentibus. Cicero contra, hac oratione pulcherrima *Quiritibus* suadet ut regibus illis bellum accuratissime inferatur. Secundo ut Gn. Pompeius illi bello extra ordinem cum summo imperio praeficiatur, quem magnum nec tam humanis sed diuinis laudibus extollendo, & nomen eius virtutibus quatuor, imperatori necessariis commendando, scientia videlicet rei militaris, virtute, authoritate, felicitate, quas summas esse in Pompeio demonstrans, neminem alium nisi Pompeium hoc bellum conficere posse probat.

Nota quod etsi multas & praeclaras omnium Cic. orationum lectio eloquentiae studiosis commoditates adferat, ista tamen Maniliana ceteris omnibus mihi praestitisse videtur. Hanc enim Cic. matura aetate hoc est quadragenarius summo cum iudicio conscripsit: ita ut in ea multas virtutum imagines, praestantissimorum imperatorum exempla, in patriam pietatem. Et quod caput est, orationis temperata quasi formam expressit.

Genus quaestionis.

Cum sit duplex quaestio altera infinita, quam Graeci *ihesin*, Cicero consultationem & propositum vocat. Altera definita quam *hypotesin*, Cicero controuersiam & causam vocat. non est dubium, hic

um, hic definitam esse quaestionem: est enim certis adiunctis seu circumstantiis personarum, locorum, temporum, actionum, negotiorumque circumscripta. Quae in suam formam potest redigi.

Pompeius Praeficiendus est bello aduersus
Mithridatem & Tygranem.

Genus causæ.

Etsi multi in dubium vocauerunt, vni ne generi, an duobus, deliberatio scilicet & demonstratio hac oratio subiicienda sit, Tamen deliberatio eam subiicimus: quamuis enim hic Cicero Pompeium summis ornat laudibus quod demonstratiui generis est: hoc tamen est accessorium possunt enim ista duo genera commisceri. Scopus vero qui talis est, vt illi bello praeficiatur Pompeius, constituit genus.

Stat us seu propositio.

Fuerunt qui constitutionem in huius modi causis non querendam existimarent, opinati constitutionem ad iudiciales tantum materias pertinere. Est tamen in hoc genere quaedam constitutio, nempe caput, ad quod omnis referri, atq; reuocari debet oratio, quæ quidem constitutio est coniecturalis, nata ex sola intentione & depulsione.

Intentio.

Pompeius est praeficiendus, Asiatico bello.

Depulsio.

Non est praeficiendus, cuius sunt tres rationes:

1. Quia

1. Quia non oportet omnia ad vnum referri.
2. Quia periculum est eum mittere in quo omnis spes & salus Reipub. est fixa.
3. Quia nihil est noui in rempublicam introducendum.

Firmamentum est tale in quo singula singulis opponuntur.

Prima Ratio, Debent omnia ad vnum referri: quia vnus & idem maritimum bellum quadraginta diebus feliciter confecit.

2. Ratio, Quia virtute hominis fruendum est quo adlicuerit.

3. Ratio, Quia multa etiam sunt noua à Cæ-
sulus instituta.

Loci communes orationis.

Sumuntur autem argumenta ex locis deliberatiui generis, honesto, utili, possibili: suadendo enim, rem honestam, utilem & possibilem esse probat.

Dispositio generalis seu quo loco dicat.

Dispositio est ad finem questionis accommodata: questionis enim definita finis est fides, & motus. Porro Dispositio alia est verborum, quam Hermogenes syntesim vocat, alia rerum. Rerum duplex est Artis, & Iudicii, quarum vtraque primo in partibus orationis, Secundo in argumentis, tertio in partibus argumentationum spectatur. Quo ad partes orationis at-
tinet. Oratio habet partes ordine nature collocatas. Primo enim est exordium seu principium deinde nar-

ratio, tertio diuifio, quarto loco confirmatio, quinto confutatio, ad extremum conclusio. qua quidem partes orationis fingula sunt consideranda. In difponendis vero argumentis, vt aliàs ita hic bonum imperatorem imitatur. De firmiffimis alia prima, alia poftrema ponit, leuiores vero inculcat. atq; hæc sunt difpofitionis, in qua, vt in inftituendis militibus Pyrrhus Epirotarum rex, ita Hortenfius excelluit. Hanc Quintilianus inftar neruorum efle voluit.

Elocutio feu quomodo dicat.

Restat in hac generali orationis analyfi videre quomodo dicat orator, quod ipfius elocutionis eft proprium. Cuius partis ratio, & fi latius quam aliarum feſe diffundat, diligentioresq; in quaſtione egeat, tum quod oratoris propria fit, ab illa enim nomen accepit, quod hac parte oratorem excellere, cæteras in eo latere indicat, tum quod difficilius cæteris inducetur. Hanc Quintilianus inftar carnis, cutis, colorisq; alij inftar veſtimenti efle voluerunt, quod extrinſecus appareat. vt quemadmodum hominem videntes quod corpus & animum habeat non laudamus, ſed ſi fuerit præcioſis veſtibus indutus, ſic orationem nemo in uentione & difpofitione laudat, niſi fuerit eleganti, tum verborum tum ſententiarum ſplendore exornata. Hic tamen præcipuè genus dicendi ſpectari debet. quod cum triplex fit, rerum, perſonarum, & oratoris officio diſtinctum. genus orationis huius mediocri ſeu temperatum, quod quidem colligitur, ex ſimplici verborum leuitate, ac temperata plane orationis

rationis compositione, sententijs verbisq; ornatioribus excultum, qualis fere dictio in hoc genere esse solet. Nam ut deliberatio omnis popularem eorum conciliationem habet quos consulimus: ita consilia, prudentia, fide, & moderatione præcipuè constant, ac proinde moderata quadam compositionis lenitate explicantur: nisi rei de qua agitur conditio hoc mutet, quæ si magna sit ac gravis, qualis vel populi dignitas vel reipub. causa esse solet: genus quoque dicendi gravius atque illustrius desiderat. Cicero sane ipse in libris de oratore fatetur, temperata se oratione, ornandi Pompeij copiam profectum esse. Usus est etiam & illis dicendi generibus, conuerso, plurimum dilucido, suauis. In hoc dicendi genere maxime excelluit Demetrius Phalerius.

De exordio.

Grammatica explicatio exordij.

DAt rationes cur antea nunquam ad populum fecerit orationem, nunc autem prætor factus faciat, sibiq; oblata occasione ornandi Pompeij latatur. Quamquam hac coniunctio in principio modum indicatiuum postulat, in medio vel indicatiuum vel subiunctiuum Locus forum iudiciale ubi contiones ad populum haberi solebant Agendum orandum. Nota quod agere cum populo & dicere differunt, hoc modo. Agere est rogare quid populum, quod suis suffragijs aut inberet, aut vellet. Dicere autem est verba facere sine ulla rogatione vide Celsium lib. 13. cap. 14. Sed & ipse Cic. hoc

Cic. hoc modo distinguit. agere pertinet ad rem
 qua agitur, dicere autem ad eius qui dicit orati-
 onem, Quirites, Romani sic dicti sunt à Romulo
 Quirino. De appellatione Quirini Plutarchus in vi-
 ta Romuli, Cuique, vel magistratui vel priuato,
 si ei à magistratu concederetur Mæx vitæ rationes
 propositum meum & vitæ meæ constitutio Ineunte
 ætate adolescentia. Obserua autem Cic. sese totum ab
 adolescentia contulisse ad causas agendas. Per æta-
 tem quia nimium iuuenis eram. Perfectum inge-
 nio Eadem namq; non est dicendi ratio ad populum, &
 ad iudices: populus enim delectari, iudices doceri
 volunt: ad populum oratio elegantior, ad iudices se-
 nuerior, atque simplicior esse debet. hac ad vtilitatem
 potius, illa ad ostentationem componi solet. Ideoq; cen-
 tum viri qui maxima ex parte imperiti sunt, sollicitas
 & acuratas actiones exigunt, seq; contemni putant,
 nisi in dicendo etiam diligentia appareat: nec doceri
 tantum, sed etiam delectari volunt vt ait Quintili
 lib. 4. Ingenium, ingenium res inuenit, industria per-
 ficit. porro industria n̄ excellunt, qui & prompte res
 aggrediuntur & diligenter perficiunt Temporibus
 tempora sapius Cicero appellat casus asperos, diffici-
 les, & periculosos. Inde illud est. ò tempora, ò mores.
 Transmittendum traducendum Hic locus hic e-
 nim locus optimo cuiq; patuit. bonos autem Cicero ap-
 pellare solet qui reipub. studiosi sint. Ideoq; fuerunt
 semper boni ciues, qui in hoc loco causam vestram de-
 fenderent. Itaq; auertit à se Cic. inuidiam quod ad po-
 pulum tum orauerit Vacuus vaco ab hac re quod di-

eaturn ignotum non est. Salust. in Cic. cuius nulla pars corporis à turpitudine vacua. Inde dicitur vacuus hac re Epistola ad Attic. lib. 2. Hac quidem cura certam iam vacuus est Neque labor defendendi scilicet Quintil. lib. 5. docens difficilius esse defendere quam accusare. Vi inquit quod sentio semel finiam, tanto est accusare quam defendere, quanto sanare vulnera quam facere difficilius Priuatorum periculis in rebus defendendis: inde reum Quintilianus sapius appellat periclitantem Castè quod nullum munus, donumue acceperim ut lege Cincia cautum est Integre quod clientis causam nunquam prodiderim. Commune est oratorum & procuratorum largitionibus corrumpi. Lex erat quæ donum, pecuniamue ob causam, orandam accipere vetabat. qua de re Lilius lib. 34. Tacitus lib. 11. & 13. Cic. in Carbone & de orat. 2. Vestro iudicio, vestra sententia Fructum amplissimum præturam. quamvis honos amplissimus consulatus sit, eum tamen Cic. per atatem gerere nondum poterat Comitiorum, comitiorum tria erant genera Curiata, cum populus in curias descriptas suffragia inibat, hæc solebant conuocari per lictorem. Valebant in illis multitudo, sunt autem instituta ab ipso Romulo. Centuriata. cum in centurias populus descriptus inibat suffragia. Istorum authoritas penes diuites fuit: nam in eis ex censu & atate suffragia ferebant. Solebant conuocari per cornicinam. hæc in rempub. intulit Seruius Tullius Tributa vero non comitia sed plebis concilium dictum est, quod in eo plebs tantum conuocaretur. Hæc intulerunt in rempub. tribuni plebis. Por-

bis. Porro differebantur comitia, vel propter obnunciations, vel propter tribunorum intercessionem, cum aliqui candidati sibi paratam esse repulsam videbant. Ac in curiatis quidem, minores magistratus, in centuriatis maiores creabantur Prætor primus. hic creabatur in vrbe ad ius dicendum. Prætorum autem certus numerus non fuit: tempore Ciceronis octo fuerunt. Primum autem se vocat quod cum multi simul peterent, primus omnium Cic. renunciatus est Præscriberetis vt suum tempus amicorum temporibus transmitterent, & ita viuerent, quemadmodum ego vixi. Authoritas est quedam existimatio paria rebus egregiis in quibus grauitas & consilium enituerit Honoribus adilitati & pratura Ei rei facultati mea dicendi seu eloquentia Fructum id est praturam Iudicio suffragio quod ex iudicio tulerunt.

Rhetorica explicatio exordij
Inuentio.

Quintilianus partem deliberatiuam quæ suaseria dicitur, non vbique proemio quale est in iudiciis libus egere inquit. quia conciliatus est ei quem quisq; consulit: initium tamen quodcunq; seruata qualitate causa vt idem admonet, habere debet. Nec abruptè aut vndelibet incipiendum est: quia est aliquid in omni materia primum: Tamen in senatu & in contionibus non eadem ratio est, acquirenda sibi plerumq; beneuolentiæ, quæ apud iudices, apud quos dicendum est. Aristoteles & à nostra & ab eius qui dissensiat persona ducit

na duci frequenter & in conciliis exordium debere existimat, quasi mutuantes nobis hoc à iudiciali genere. Nonnunquam etiam fit ut minor res maior esse videatur. Sed si apud bonos semper oratio habetur, qui sua sponte recte facere satagunt, nunquam exordio opus esse censuit. Cicero in hoc genere usus est. breui exordio, quoniam ita dicentis persona requirebat: hanc enim causam primam ad populum habebat. Estq; simplex & apertum, quod iuxta doctrinam Hermogenis ductum est ex opinionibus, cum à se omnem tollit praoccupatam opinionem orator, quod scilicet nunquam apud populum fecerit orationem: nunc autem prator factus eorum benevolentia adductus ad dicendum se descendisse fatetur. Cum vero tria sint, propter quae exordia instituantur, benevolentia, docilitas, & attentio. Hic à tribus locis benevolentiam colligit: à persona sua cum de officio suo sine arrogantiā loquitur, & qualis in amicos fuerit ostendit; à persona auditorum, quorum auctoritatem extollit, quales in se fuerint commemorans; à rebus ipsis, eam sibi oblatam materiam dicens, in qua deesse ingenium nemini possit: attentionem autem & docilitatem, cum proponit, sibi conciliat.

Dispositio partium & argumentorum exordij.

Quatuor partibus constat hoc exordium. Propositio-
ne, tripartita ratione, reditione, & conclusione.

Propo-

Propositio Abhorrebam antea
à dicendo.

1. Ratio, Propter teneram aetatem.
2. Ratio, Propter eruditionis inopiam.
3. Ratio, Propter amicorum negotia.

Reditio bimembris.

Sed quoniam beneficentia vestra multum authoritatis & assidua exercitatione plurimum in dicendo facultatis sum adeptus:

Conclusio.

Itaque apud vos de laudibus Pompeij dicam.

Porro ut melius illustrentur argumenta exordij
Quaestio hac inprimis sit virum Cicero ante adeptam praeturam dicere non debuerit? quae probatur hoc modo. Cuicumque per aetatem, iudicia, occupationes amicorum, dicere non licuit, ille non debuit dicere. Sed mihi non licuit. Ergo: Secunda est quaestio ex reditione. Virum Ciceroni post adeptam praeturam apud populum licuerit dicere? quae probatur tribus rationibus.

1. Ratio, Qui autoritate & dicendi facultate est praeditus, illi licet dicere sed ego sum talis. Ergo.
2. Ratio, Illis deferendus est fructus ingenij à quibus est ornatum. Sed à populo. Ergo.
3. Ratio,

3. Ratio, Cui oblata est causa facilis, in qua oratio nemini deesse potest: ille potest dicere, Sed mihi. Ergo.

Elocutio Exordij.

IN elocutione exordij illud in primis constare debet; nullum esse illi aptius genus dicendi, ac mediocriter. Cum enim exordij cuiusvis sit natura, ut non rebe- mens, & pugnans, concitatum & ardens esse debeat: ne orator bacchari videatur inter sobrios: nec contra, languidum, frigidum, & iacens: ne statim initio auertat animos auditorum: ita fiet ut exordia sibi mediocritatem dicendi asciscant. quale hoc nostrum Cicero- nis, ex ipso apparatu elocutionis, hoc est verborum electione, compositione, ornamentis cum sententiarum tum verborum periodis & numeris patebit. Assumi- tur etiam illud genus dicendi quod dicitur moratum, quod est exordij conuenientissimum: sic enim orator mores, cum suos, tum pop. Romani exprimit, ut non so- lum boni viri haberi, sed etiam ex viraq. parte videri possint.

Verborum electio.

EX praeceptis rhetorum constat, verborum alia esse simplicia, alia coniuncta. Et singulorum, alia pro- pria, alia reperta. Ex singulis quidem usq. natiuis, vsitatis, vsus est Cicero natiuis perspicuis, ita ut nullu verbum inusitatum, obsoletum adiunxerit. Ex ijs vero qua tractatione valent, vsus est additis ad nomen, quae Graeci epiteta vocant, mediocriter translati.

D

Compo-

Compositio seu iunctura verborum.

Quoniam in compositione verborum mediocris generis hac potissimum vitanda sunt, primum ne sit aspera oratio, qua fit concursione consonantium vt rex Xerxes strauit montes 2. ne sit hiulca qua fit coitione vocalium. vt Milo occidit in via Appia clodium 3. ne sit extenuata vt sola salus seruire Deo. Hic Cicero ita verba composuit, vt neq, asperos, neq, dis- iunctos concursus habeant: sed illa leni, aquabili iunctura mollissime inter se committuntur.

Figuræ.

Cum sint duo genera figurarum vnum verborum, alterum sententiarum. Ac sententiarum tum illustriores fiunt, cum verborum luminibus illustrantur: vt enim gemma etsi per se luceant, multo magis illustrantur, si auro inclusa fuerint: ita sententiarum figura orationem multum illustant: sed tamen fiunt multo splendidiore si verborum luminibus adiungantur. Quod idem hic noster Cicero fecit quibus vsus est figuris: Sententiarum quidem, primo procatolipsi in hoc loco Quanquam Aetbiologia dum dicit Nam cum antea sic & in hoc loco Nam cum propter Epiphonemate & distributione in hoc loco. Ita nec hic Antapodosi in hoc loco. Nunc cum.

Verborum vero figuræ hæc hic reperiuntur onomatoton, omioptoton, ablatio, compellatio periphrasis, paria paribus reddita traductio, omioteleuton, anaphora, redditiones particularum. Periodi

pro lege Manilia:
Periodi & numeri.

51

Cicero in oratore suo ad Brutum, docet non solū numerosam oportere esse orationem, verum etiā videndum esse quibus orationis generibus, quique numeri sint accommodatissimi, & qui cum quibus, tanquam purpurea miscendi sint, tradit. Quo loco observabimus. demisso generi octo potissimum pedes convenire, quorum ex simplicibus sunt quatuor, Iambus, Chorus, Tribrachis, Molossus. Ex compositis diambus, dichorus, anapestus: sed aliquādo etiā dactylus, & alij numeri huic orationi conveniunt. Ampliori porro orationi paanē Cic. maxime convenire docet, & eos pedes, qui sunt paani aequales, qualis est creticus, bacchius, palymbachius. Præterea ex compositis in ampla oratione frequentes sunt Ionici, & epitriti. Mediocre autem omnium numerorum genere temperatur, præcipue tamen utitur ex simplicibus dactylo, spondeo anapesto, scholio. Ex compositis vero dichoreo, anapesto, choriambos, ionicisq; ambobus delectatur.

Quamquam mihi periodus quinque membrorum protasis tribus apodosis duobus membris constat, incipit à spondeo, desinit in bacchium Nam cum secunda periodus est tricolos incipit à spondeo, desinit in Epitritum secundum Ita neque tertia periodus dicolos incipit à pæone quarto, & in dichoreum desinit. Nam cum propter quarta periodus dicolos, incipit à spondeo, desinit in dichoreum Nunc cum & auctoritatis Quinta periodus terracolia hoc est quatuor membrorum incipit à spondeo desinit in epitritum secundum. Atque illud periodus tricolos incipit à creti-

co, desinit in pyrrhichium, choreo precedente. & hanc periodum sequuntur tria membra extra periodum posita.

Narrationis grammatica explicatio.

Bellum graue cum duobus potissimum regibus populo Romano necessario gerendum esse, quod nemo prater Pompeium feliciter conficere potest, ostendit. Vectigalibus id est prouincialibus, qui in prouincijs vestris sunt vectigalia soluentes. Socijs, socij sunt sederati populi atq; immunes, hoc est quibus nullum vectigal fuit impositum Mithridate rege Ponti de hoc Iustinus lib. 37. & Florus lib. 3. cap. 5. Hic cum Romanis quadraginta annis bellum ingens & vario euentu gessit, depressus tandem est à Sylla & Lucullo, ad extremum victus à Pompeio, hunc Cicero in Lucullo post Alexandrum maximum appellat. Relictus sed hoc inuidiose Cic. dixit in Lucillum: Aliud enim legitur apud historicos Alter laceffitus & hoc cum iniuria Luculli dixit, sicut & illud Mithridatem esse laceffitum. Et tygranes Rex Armenia non laceffitus, sed parua manu cum suis ingentibus copiis profligatus: fuit autem Tygranes gener Mythridatis Relictus Lucullus enim ab exercitu suo contumaci destitutus, ac senatus consulto auocatus, Tygranem Lucullus bello prouocauit, Mithridatem tradere recusantem. Equitibus eorū, qui Romani populi vectigalia conducebant: quales sunt publicani, porritores, decumani, pascuarij, ex equestri ordine erant Ex eo ordine quia nonnulli sordidi erant & auari, qui ad se id scriptum simulare

mulare possent ideo dicir hos honestissimos viros Magnæ res diuitia Ea enim vectigalia non nisi magno cōduci solebant. Itaq; ea conducebant, qui erant locupletissimi. Obserua autem res in vectigalibus occupare, nihil aliud esse, quam facultates suas, in ijs rebus ex quibus lucrum speratur, collocare. Vectigalibus exercendis exercere vectigalia dicuntur ij, qui vectigalia conduxerunt, eaq; aut ipsi, aut eorum nomine alij colligunt, decumas ab aratoribus, scripturam à pecuarijs, portorium à mercatoribus Cum illo ordine nam Cic. ex ordine equestri erat Bythinix Nicomedes Bythinix rex à L. Sylla regno restitutus est, vnde à Mithridate pulsus fuerat. is non multis post annis moriens pop. Rom. fecit heredem, regnumq; eius in prouincia formam redactum est Regnum Ariobarfanis Cappadociam Succurrerit, successerit porro hoc verbo Cic. vsus est de industria, vt Glabrioris cupiditatem notaret, ac si diceret qui cucurrerit, vt huic succederet & tam cupide in eam prouinciam profectus sit Præterea præter eum neminem, frequens apud Cic. locutio Vnum, Pompeium, Ciuibus qui in Asia negotiantur, & vectigalia colligunt.

Rhetorica explicatio narrationis.

Cum narratio sit rerum gestarum, aut perinde re gestarum expositio: & deliberatio ferme omnis de futuro sit. vix in ea narrari potest. Inde in partitionibus Cic. docet, aut nullam, aut breuem narrationem fieri in deliberatio genere: cum videlicet presentia futuris applicantur, & quid euenturum sit, ex illis colligitur,

colligitur, ut in hac narratione qua tractatur à Cic. secundum artem: apparent enim in ea tres illae virtutes. Est enim brevis, dilucida, & verisimilis. Brevis quia unde est necesse incipit, nec ab ultimo initio repetit, & summam non particulatim narrat, & quousque opus est prosequitur, & nullis transitionibus utitur, nec deerrat ab eo quod capit exponere, & quae praetercunda sunt praeterit: nec bis aut saepius idem dicit. Dilucida est, quia ut quidque primum gestum est, ita primum exponit, & rerum conseruat ordinem & aperit, ut omnibus videantur esse res gestae: nec perturbat nec contortè nec ambigè, nec nouè dicit, nec in rem aliam impertinentè transit, nec longè prosequitur, nec quidquam quod ad rem pertineat praeterit. Est etiam brevis, unde fit dilucida. Est quoque verisimilis, quia personarum dignitates, consiliorum rationes, oportunitates temporum, testes, probitas narrantis, constant: quae omnes res ut vult Cic. breuem, dilucidam, & verisimilem faciunt narrationem. Obseruabis etiam in hac narratione officia bonae narrationis: nam & res exponit quae gerebantur, & semina futura confirmationis in se continet: semina autem sumuntur à bello, quia graue, quia periculosum: à damno, quia calamitas rectigalibus infertur: ab hoste, quia non vnus hostis sed duo, & duo reges potentissimi. Quod autem attinet Pompeium esse deligendum, vide istius rei semina in postremis verbis narrationis.

Dispositio partium narrationis.

Narratio apud oratores tribus efficitur partibus, praenarratione, narratione, conclusione. Has partes in

res in hac oratione expressit Cic. ac primum prænar-
 rationem, quæ est veluti aditus ad rem exponendam
 cum ait Atque inde. Narrationem quæ est ipsius rei
 gesta expositio summamq; totius causæ complectitur.
 cum inquit Bellum graue. Conclusionem, quæ sapi-
 us transiçione tractatur, cum summam dictorum, &
 dicendorum proponimus, vt hic Cic. Causa quæ sit
 videtis.

Equitibus Romanis confirmat testimoniis li-
 terarum, quin etiam recitat ipsa capita literarum Ve-
 num ab omnibus. Hic summa est narrationis. Ve-
 nus Pompeius huic bello est præficiendus, ab omnibus
 oculis provincialibus.

Elocutio narrationis.

Genus dicendi est pressius, idq; purum, perspicuum
 verbis vitur propriis, compositione plana.

Figuræ.

Atque vt inde, transiçio Inde vnde reditiõ Re-
 ges epexegeçis Equitibus distributio Honestil-
 fimis publicanorum periphraçis Causa quæ transi-
 çio.

Periodi.

Narratio solet confici periodis breuioribus & po-
 tius historicis, quam rhetoricis, membratimq;
 oratione fusa constat: quod etiam in hac oratione vi-
 dere licet.

develicet, in qua ambitus sunt breues, membratimq;
multa extra periodum inueniuntur.

Partitio orationis.

Tertia pars, orationis partitio, in qua omnem causam in tres partes distribuit, & quo ordine dicturus sit, ostendit. Hac autem partitione, Cicero rebe-
menter delectatus est, ut pro Roscio, Cluentio, Murena:
Cum autem tres virtutes partitionis sint, ut sit aperta,
perspicua, brevis, nec multiplex, nec numerosa, suis
partibus deniq; absoluta, qua omnes partes quae in cau-
sam incidunt, complectatur. harum exemplum hic vi-
dendum est: est enim hac partitio magno cum artifi-
cio breuiter confecta, in qua succincte & breuibus ver-
bis, aperte & perspicue absoluteq; totius causa partes
complectitur, enumerat, & exponit.

Quarta pars orationis confirmatio.

In hac & belli utilitatem & pacis dignitatem osten-
dit, illas autem partitionis partes sigillatim, confir-
maturus est.

Confirmationis prima pars de genere belli,

Genus est enim eiusmodi.

Bellum esse graue ac eiusmodi quod animos eorum
excitare posset, in quo agitur populi Romani gloria,
salus sociorum, certissima vectigalia, bona multorum
Ciuum probat.

Argumenti Primigrammatica expositio.

In re militari, obserua. Romanos ceteris genti-
bus

bus maximè re militari præstitisse, certissima vectigalia, Cic: actione in Ver 5. vectigalium, quæ imponuntur prouinciis, duo esse genera dicit: vnum quod certum est, quod stipendiarium dicitur, vt Hispanis & plerisq; nationum impositum fuit. Incertum erat tributum, portorium, quod ex importatione, & exportatione rerum venalium capiebatur, scriptura quod ex pascuis publicis, decuma quod ex agris, appetentes gloriæ, Præclara laus Romanorum, quo enim natura est generosior, eo est laudis atq; gloriæ appetentior, quod ex illis verbis Simonidis apud Xenophontem in tyranno intelligitur. Mibi inquit videtur, ceteris animantibus homines antecellere, quod honoris sint appetentes. Quippe cibo, potu, somno, & alijs æquabiliter omnia animantia perfruuntur: & honoris & gloriæ studium, neq; bestijs innatum est, neq; omnibus hominibus, requiretis, desiderabit is, macula, insamia, superiore bello, Quod instauratum est Q. Pompeiō & L. Sylla consulibus, vno nuncio atq; vna literarum: Appianus memorat Mithridatem scriptis literis Asia vrbium præfectis imperasse, vt intra tricesimum diem Romanos omnes Italosq; cum liberis & vxoribus contrucidatos bestijs obicerent, dilaniandos. Hoc in conflictu centum quinquaginta millia Romanorum sunt collisa, Necandos, trucidandos, trucidare magis inuidiosum quam necare, scelere, crudelitate, vectigalibus, prouincijs, insignia, signa & iudicia victoria, quæ postea triumphus est consecutus, Egerunt, agitauerunt & vexauerunt. Mithridatem cumq; pacis condiciones accipere coegerunt, reliquerunt,

runt, quodcumque persecuti non fuerunt, Siyllam in Italia Respub. Quum Cinna, Carbo, Sertorius, Marius, urbem, hostilem in modum vastabant, multosque viros clarissimos qui essent patri necarent. Murenā, propter pacem quam Sylla cum Mithridate certis conditionibus fecerat. Conditiones istae erant, ut Asia, Bithinia, Cappadocia, Mithridates excederet, & in pontu, finibus regni paterni contentus se reserret: Omnem eius belli impensam à Romanis factam integrè persolveret: utque Mithridatem Sylla pop: Rom: socium decerneret, Murenā reuocauit, Murenā à Sylla relictus cum duabus legionibus, ut reliqua Asia componeret, primum leuibus quibusdam praelijs triumphī cupiditate, deinde grauioribus Mithridatis regnum lacescebat. Sylla quum indignum arbitraretur Mithridatem cum quo foedus pop: Rom: esse oppugnari ad Gabinium misit, qui Murenā Ariobarzāne, & Mithridate reconciliatis reuocaret, Bosphoranis, cum enim Sylla Romanam redijt Mithridates bellum facturū classē instruxit, ac permagnum exercitū comparauit. Eius apparatus ita magnus erat, ut fama subito exierit, in Romanos non in Bosphoranos exercitū parari: quod non omnem Cappadociam Ariobarzāni restituerint. At Mithridates reuocato Murenā Bosphorum in suam potestatem redegit, eiūque filium Macharem regem praefecit; author est Appianus. Totum bellum Mithridaticum durauit annos 40. Flor: lib: 3. Ecbatanis, Hic locus mendosus esse videtur cum Ecbatana Media fuisse constat: Mithridates autem Cappadocia & Pontus rex fuit, quod autem dicit in Hispaniam, ita intelligendus

gendus est locus. Vsq; ab Ecbatanis legatos in Hispaniam misit, disiunctissimis, remotissimis, vno consilio, quod Mithridatis & Sertory fœderatorum vnum consilium esset, vnaq; copia fuerunt qui Mithridati suadebant, vt ad Sertorium legatos mitteret, si negabant Sertorio rei militaris duce peritissimo & maximo rege Mithridate coniunctis, popul: Rom: locis duobus laesitum tanta ingenia, tantaq; potentia posse sustinere: Ancipiti, dubij, cui resistendum sit, contentione, bello, Quod erant appellati superbius. Post bellum punicū tertium, Corinthibus à L. Mummiis funditus euersa est. Hic Cic: dicit propter legatos superbius appellatos Strabone lib: 8. authore, Quidam Corinthij in prætereuntes pop: Rom: legatos à templis fordes effuderunt. Linius & Asconius dicit pulsatos ac violatos fuisse. Cic: horum nihil dicit causa fortassis minuendi. Porro legatorum vt tribunorum plebis sacrosancta corpora putabantur, Superbius, hoc est multum superbe vt ante iniurijsus, hoc est multum iniuriiose, patres vestri, Patres Cic: appellare solet, qui paulo ante suam ætatem fuerunt, vt qui multo ante, maiores, Legatum pop: Rom: Ante Sylla aduentum in Asiam paulo ante quam Romani omnes in Asia iussu Mithridatis necaretur Manium Altilium, qui legationis & belli huius causa fuerat Mithridates comprehendit, eumq; in asino hærentem vinctum traduci iussit, præcedente tibicine, qui spectantes admoneret, eum esse Manium. Eius os, auariciam Romanis obiciens auro oppressit vt ait Appianus, imminutam, violatam, turpissimum, cum maximo dedecore.

Rhetorica explicatio, Inuentio.

Huius primæ partis, confirmationis, quæ est de genere belli, talis est questio. An bellum Asiaticum sit suscipiendum? quæ quidem questio refertur ad deliberatiuum genus. Et quoniam eum qui sententiam dicit in deliberatiuo genere, decet debitum sibi finem proponere, ad quem omnis totius orationis ratio conferatur, finis is autem est utilitas; Ad utilitatem ergo omnia argumenta confirmationis sunt referenda. Sed utilitas ista in Ciuili consultatione diuiditur, in tutam & honestam: Argumenta itaq; sumit inprimis orator ex locis proprijs deliberatiui generis, ab honesto, utili, necessario, a quo, & contra turpi, inutili, iniquo, Ex comunibus vero locis sumit argumenta, à causis efficientibus, & finalibus: Affectus autem eos excitat odiũ, commiserationem, cupiditatem, vindictam, metum.

Dispositio argumenti Primi.

Propositio in quo bello agitur gloria vestra, Romani, illud est suscipiendum.

Ratio 1. Quia semper gloria appetentes fuistis.

Ratio 2. Quia maiores vestri pro minoribus bella gesserunt.

Assumptio.

Sed in Mithridatico bello agitur gloria vestra:

Ratio 1. Quia Mithridates vestrum nomen maculauit.

Ratio 2.

Ratio 2. Quia Mithridates constituit vestra vectigalia occupare.

Ratio 3. Quia imperatores vestri hucusq; bello contenderunt, non autem eum vicerunt.

Ratio 4. Quia paratur contra vos bellum.

Conclusio.

Ergo hoc tantum bellum vobis est suscipiendum.

Collocatio harum partium artificiosa.

Primum ponit Assumptionem, in qua omnia quasi-ones, argumenta breuiter perstringit. Secundo rationem proponit primam, quæ est quasi aditus ad subiiciendas rationes assumptionis. Tertio rationes assumptionis quatuor Quarto propositionem. Quinto rationem propositionis secundam. Sexto Conclusionem.

Et quoniam, Assumptio continens illa quatuor argumenta, quæ postea copiosius tractat, Et quoniam semper, prima ratio propositionis, quam ideo hoc loco proposuit, ut commodius assumptionis applicet rationes. Sit igitur sensus Appetentes laudis fuistis. Ergo bellum est vobis gerendum, Delenda est vobis, Ratio prima assumptionis. Quia Mithridates vestrum nomen multis ciuibus vestris impune trucidatis commaculauit, & ita regnat, 2. ratio assumptionis. Quia nunquam est à vestris imperatoribus victus. Antecedens partitione & probat & dilatat, Triumphauit L. Sylla, Verum tamen, Hic vsus est eleganti præmonitione, ne aliquid ex imperatorum dignitate detraheret, quod illud bellum non consecerint. Adferet causam

causam, quia Cinna, Marius, Carbo, Cines Romae opprimebant & trucidabant. Itaque Sylla erat Reipublicae voce reuocatus, qui eorum furorem comprimeret, Mithridates autem, ultima ratio assumptionis, cuius sententia est: Mithridates instaurari bellum cogitat. Sed hanc rationem approbatione per partitionem amplificat, quia adornata classe nos varietate belli distrahere vult. Sed tamen, haec extra argumentationem, prudenter tamen dicuntur, ut Pompeii virtutem extollat, & Luculli inuidiam effugiat, sed de Lucullo, Reiectione laudes Luculli commemorat, propter euitandam inuidiam, sed pro vestri, Hic est maior propositio Syllogismi: In quo bello agitur gloria Romana illud bellum est suscipiendum, Maiores vestri, probatio Maioris propositionis loco rationis ab exemplis ex minoribus ad maiora ductis, quorum primum est de mercatoribus, aliud de legatis, quae praecipue ad exhortationem impellendoque animos audientium valent. Estque entimema Rhetoricum quod diuisione & expolitione amplificat, Maiores vestri, prima comparatio per anthiteta, Legati quod erant. Secunda comparatio Illi libertatem, Amplificatio superiorum comparationum per expolitionem, videte, Complexio siue conclusio argumentationis Asiaticum, igitur bellum est suscipiendum, hanc venuste munit entimemate & repugnantibus, quo ipsa vis suasionis sit acrior.

Elocutio.

Genus dicendi, temperatum quidem, sed tamen ad graue genus deflexum.

Figurae

Figura.

IN quo agitur gloria, *enumeratio*, 'Magna multa graua, *auxesis*, Et quoniam, *ratiocinatio*, quod is, *exuscitatio*, regnat & ita regnat, *anadiplosis* *vehementia causa*, occultare, emergere, *antithetia* & *metaphora*, hoc est, *epexegeſis* Et enim, *ergasia*, L. Sylla, *exemplum per diuisionem*, Triumphant, *anaphora*, ſedita, *correctio*, verum tamen, *excusatio*, qui poſtea, *partitio*, non ſed, *ablatio*, ſed de Lucullo, *Reiectio ſue praeſiſio*, Et ita dicam, *anadiploſis*, videte, *excusatio*, Maiores, *contentio ſententiarum cum interrogatione permixta*. Poſteſt etiam eſſe coloris *contrarium*: nam hic ex rebus duabus diuerſis alter a breuiter & faciliſter conſiſmat. Eſt & *repetitio* propter *reſumptionem* iſtius pronominis vos, & *exemplum* propter *allegatam maiorum auctoritatem*, ille, *ſynonymia crepta*, *antithetia*.

Secundum argumentum.

Quid quod ſalus ſociorum, probat bellum eſſe ſuſcipiendū, quia in eo ſalus ſociorū periclitatur.

Grammatica explicatio.

Quid, particula *trāſitionibus* conueniens, 'Socius populi Romani, quod magni fuit nominis: ſocius enim pop: Rom: non niſi pro magnis meritis, in pop: Romanū appellabatur. Porro ſocius ſolebat mittere Senatus auream coronam, auream pateram, ſedem currule eburneam, ſcipionem eburneum, togam pictam, & tunnicam palmatam: prater ea in externis regionibus, ſolium ſuum, iuxta ſellam imperatoris populi Romani ponere

ponere solebant, & custodia causa turmam equitum Romanorum habebant, vnum virum, Pompeium intelligit. Tametsi ad maritimum: Pompeius lege gabinia bello piratico prapositus pradones omnes, suriososq; latrones, incredibili celeritate, ac perpetua sui nominis gloria, hoc est intra quadraginta dies toto mari expulit: nam infra quadragesimum diem incruenta victoria vsus, nec vna quidem naue amissa piratas in perpetuum exegit. Bellum hoc describunt Plutarchus in vita Pompeij. Plinius vltimo illustrium virorum L. Florus lib. 3. cap. 6. Valer. Max. cap. 26. lib. 8. ad maritimum subintelligitur, non ad bellum Mithridaticum Repressos metu Pompeij maritimum bellum nauale, vt pedestre pro terrestri dicitur carent ægrius quod enim minus speramus, minus quoque in expetendis nobis est, hoc autem minus speramus quod longius a nobis distare scimus Non licet propter metum Glabrionis Hostili expugnatione ex hoc loco obseruabis incontinentiam, auaritiam, rapacitatemq; præsidium. Ad eiusmodi scribit Tiberius Caesar onerandas tributo prouincias suadentibus. Boni pastoris esse tondere pecus, non deglutire; hoc est lanam, non pellem detrahere, & ab eiusmodi vitio Cic. debortatur Q. fratrem epistola 1. cum Antiocho Hic Cic. contra morem suum ordinem temporum non seruat, primum enim bellum fuit cum Pœnis, deinde cum Philippo postremum cum Antiocho & Aetolis. Fuit autem Antiochus rex Syriæ, qui cum Aetolis societate facta, Græciæ ciuitates federatas bello vexabat cum Philippo Macedonum rege, quod Athenas sociorum urbem obsede-

pro lege Manilia.

65

obsederat. Hunc autem Philippum non intelligit eum qui Alexandri pater fuit, in quem Demosthenis Philippica sunt, hic enim multo post fuit Pœnis primum bellum Punicum erat pro Messana Syrcilia vrbe, alterum vero pro Sagunto. porro historias tibi Liuius subijciat.

Dispositio argumenti.

Argumentum est quinq. partitum. Assumptione, duabus rationibus, Approbatione & Complexione constans.

Assumptio.

In hoc bello agitur salus sociorum.

1. Ratio, Quia Ariobarzanes Rex regno expulsus est.

2. Ratio, Quia impendent hostes socijs nostris.

Approbatio, Quia socij & ciues vestra auxilia implorant & imperatorem Pompeium exposcunt.

Complexio. Ergo hoc bellum suscipiendum est.

Quid quod salus Assumptio Regno expulsus Assumptionis ratio imminent duo 2. Ratio, Ciu-

tates autem approbatio per partitionem certum deposcere Pompeium. Hic sociorum vota copiosius

explicat in experendo Pompeio imperatore, cuius rei

tres causas adferre 1. Si alium mittetis viiq. in pericu-

lo versabuntur. 2. Quia eius aduentum hostes extime-

scunt. 3. Quia alij imperatores solent esse auarissimi.

Est autem hac causarum commemoratio, quasi præpa-

ratio quadam ad commendandum Pompeium cum præsertim prima ratio vident & epiphonemate am-

E

plificat

plificat secundam causam. Hi vos quoniam Eandem repetit approbationem Atque hoc etiam tertia causa Quare Pompeiū expetunt ex comparatis Quare si propter Complexio argumentationis per comparationem à minoribus ad maius; si maiores vestra laceſſiti iniuriis pro sociis decertabant. Ergo vos provocati non decertabitis?

Figuræ.

Quid interrogatio. Regno enumeratio propter Aethilogia tamenſi occupatio hi vos imimesis seu fictio personarum sicut comparatio atque comparatio altera cum Antiocho partitio tanta anaphora quare ratiocinatio, exempla, antiteta quanto vos interrogatio.

Tertium argumentum.

PRæsertim cum de vestris Aguntur vectigalia pop. Rom.

Grammatica explicatio.

PRæsertim observa hanc particulā connexionibus aliquando esse aptā tanta tam parva: minuit enim plerumq; hac particula vix contenti vix sufficiunt varietate fructuū ut vini, olei, aliarumq; rerum magnitudine passionis ex pratorū ne impubliorū locatione vectigalia pop. Rom. percipiebat, & qui conducebant ea, causa pascendi pecoris, pascuari dicebantur Rerū quæ exportātur vectigal ex portu nullum exigebatur, nisi quā merces ex provincia exportaretur. Hac ratione provincia opulentior erat, quippe quum
ex ea

ex ea non tam multa exportarentur, in eamq; plura
 importarentur id autem vectigal portorium dicitur.
 Tria autem hic vectigalium genera Cic. est complexus,
 decuma, quæ ex frumento, vino, & oleo, & frugibus
 minutis. Cicero vbertatem agrorum & agriculturam
 vocat. Secundum scripturam, quæ ex pascuis publicis hoc
 à Cic. magnitudo pastionis & pecus dicitur. Tertium
 portorium quod ex mercatorum portatione solebat re-
 cipi, nominatur nauigatio mercatorum & portus. Ab
 iisdem publicani nomina hæc habebant, decumani,
 pecuarij, portitores eos Asiaticos pensitant solunt
 decumis pro decimis exigunt quæstores duo reges
 Mithridates & Tigranes salictis salictum siue salice-
 sum est locus salicibus consitus, in quo pascua fiunt
 fructuosi fructus afferunt.

Rhetorica explicatio inuentio &
 dispositio.

Probat bellum esse gerendum, quia in eo maxima
 vectigalia populi Rom. aguntur. Eius locus propri-
 us est ab utili, locus vero communis à causa finali. Est
 autem argumentum quinque partitum Assumptione,
 approbatione, expollitione, & complexione constans.

Assumptio.

In hoc bello nostra aguntur vectigalia.

Ratio, Quia vbertate superat alias prouincias. *Asia*

Approbatio, Non tantum calamitas sed etiam me-
 sus est ab Asia depellendus.

Expollitio, Quia rumore periculi omnia vectigalia relinquantur.

Complexio, Ergo pro istis vectigalibus bellum est suscipiendum.

Præsertim assumptio est nã cæterarum. **Ratio assumptionis** ex comparatione dissimilium itaque **complexio rationis**, ex qua nascitur **approbatio** nam cæteris in rebus **Approbatio** Nam cum hostium exornatio per partitionem quo tandem animo **Complexio argumentationis** qua sumitur à coniugatis; **Conseruate fructuosos**, si frui vultis provincia, estq; quinque partium, **propositionem rationem**, **Approbationem**, **comparationem** & suam **conclusionem** habens.

Elocutio.

EST hic conuersum genus dicendi, de quo Cic. in partitionibus: vbi naturam verborũ explicat, docet. est enim ordo rerum, deinde verba immutata.

Figuræ.

T Amen pecora disunctio: nam hic eorum de quibus dicitur vnumquodq; certo verbo concluditur est etiam dissolutum, nam orationes plures sine copula proferuntur; quo tandem animo interrogatio aut eos, diuisio.

Quartum Argumentum.

A Cne aliud quidem, summa huius argumenti est. Aguntur in hoc bello bona multorum ciuium, ideo suscipiendum erit.

Gramma-

Grammatica explicatio.

Homines honestissimi & ornatissimi, Pri-
 mum verbum refertur ad existimationem, alterum ad
 rem familiarem, rationes, res, facultates, fortu-
 nae: hac ad quæstum pertinent, naui, impigres di-
 ligentes, industrij, laboriosi, eum ordinem, publi-
 canorum, firmamentum, in oratione pro Plancio
 flos equitum, ornamentum ciuitatis firmamentum Rei
 pub. is ordo vocabatur, magnum numerum, multitu-
 dinem, Parui refert, vel ironia est, vel interrogatio
 Redimendi facultas, conducendi potestas. certam
 enim pecunia summam ex censoria pactione publi-
 cani soluebant, eaq; vedigalia, periculo suo exigebant
 providentes in illa redemptione commodis suis, Ini-
 tio belli, annos ante viginti tres, quum Mithridates
 iussit occidi omnes Romanos ciues, qui in Asia erant.
 Solutione impedita, Hi enim qui in Asia negotian-
 tes occisi fuerunt, alij alijs ciuibus qui Romæ erant,
 vt fit, pecuniam debebant: hiq; ciues sublata solutio-
 ne, creditoribus suis satisfacere non potuerunt. illud
 enim fieri in ciuitate solet, vt mercatoribus debeatur,
 hiq; mercatores debeant, quibus nisi satis fiat credito-
 ribus soluere non poterunt, concidisse, periisse. Est e-
 nim fides dictorum, conuentorumq; constantia & ve-
 ritas, id est vt vulgo dicitur seruatio promissi Authore
 Cic: lib: 2. de officijs, Nulla res vehementius Rempu.
 continet, quæ p̄m fides, quæ esse nullo modo potest, nisi
 erit necessaria solutio, rerum creditarum. Hanc autem
 fidem, vt ait Agelli: Cap. 1. lib. 20. Romani veteres
 in negotiorum contractibus sanxerunt, maximeq; in

pecunia mutuata vsu atq; commercio, quod ipsi videtis, quæ videmus vt certiora sunt, quàm quæ audimus, ita magis mouent, in foro, apud argentarios, quæ pecunia à Cic: æs circumforaneum, æs in foro senore sumptum appellatur, implicita, coniuncta & conuoluta, illa, pecunia Asiatica, incumbere animos vestros totos applicare

Rhetorica explicatio, inuentio & dispositio.

Hoc argumento, belli huius, & dignitatem & utilitatem probat, quod in eo multorum bona ciuium agantur, quæ ruere, nisi communi omnium malo nequeant, quod accomodatum est secundo generi auditorum, nempe rudibus & aggestibus, qui utilitate, eaq; magis priuata, quam publica mouentur. Locus proprius ab utili & inuiti, comunis à causa finali, quanquam, & alij loci adhibentur.

Constat autem partibus quatuor.

Assumptione, ratione assumptionis, approbatione, & explicatione.

Assumptio In hoc bello aguntur multa multorum bona ciuium.

Ratio quæ est per distributionē, cuius prima est hæc pars: quia publicani in illam prouinciam opes suas contulerunt, qui sunt firmamentum Reipub. 2. Ratio quia multi alij ciues in Asia negotiantur.

Approbatio primæ partis est à coniugatis, Quod si vectigalia vobis cura esse debent, certe & publicani.

Approbatio secundæ partis, quia vos his qui su-

as & suorum in ea prouincia pecunias magnas collatas habent, absentibus consulere debetis.

Complexio, Ergo pro Asia bellum est suscipiendū.

Acne illud, Assumptio argumenti quam variat per continuationem & contentionem, Nam & publicani, Ratio assumptionis qua cōmendat publicanos, Et enim si, approbatio rationis per comparisonem, Deinde cæteris, approbatio secundæ partis diuisione tractata, erit igitur, complexio argumentationis per repetitionem assumptionis, Et enim illud primum, Hic est breuis occupatio: possent ista (dixisset aliquis) vectigalia amissa postea recuperari, & ideo nunc pro his non est decertandum. Hoc Cic. tripliciter soluit. 1. Quia nemo posthac vectigalia redempturus est. 2. Quia Asia multas ante acceperat à Mithridate calamitates. 3. Quia hac communis est omnium calamitas neque, enim iisdem prima ratio refutationis, Denique quod; secunda ratio ab exemplo per comparisonem, Nam tum cum approbatio non enim tertia ratio à quo periculo Conclusio istius argumenti, Hæc fides atque, Expositio tertia rationis, Quia nostri ciues, qui argentariam exercent, communem cum publicanis habent in Asia pecuniam. Quare videte, Complexio primæ partis confirmationis per repetitionem quatuor argumentorum.

Elocutio.

Genus elocutionis quod proprium est generis deliberatiui, est simplex: non enim est periuolicon hoc

est circumductum dilatatione verborum, & assumptione earum rerum quæ copia atq; densitati sunt accommodata, præterea magis est sententijs ornatum quàm verbis: magis enim hic veritas, quàm elegantia apparet, nihil tamen est inconcinnum, abiectum, & male collocatum. Affectus in istis quatuor argumentis maxime miscet, cupiditatem, spem, & metum, qui sunt proprii generis deliberativi, atq; huiusmodi sententijs vititur, quæ ad explendas cupiditates, ad vlciscendas iniurias, ad metuendum de publicis & privatis bonis pertinent.

Periodi & figuræ.

ACncillud periodus tricolos exornata præparatione, compellatione, incipit à spondeo & cretico clauditur dichoreo. Nam & pub. periodus dicolos exornata epitetis, incipit à spondeo & bachio, clauditur spondeo præcedente choreo & enim athiologia nervi metaphora partim, partim distributio Erit igitur adhortatio & enim occupatio neque iisdem Athiologia non enim sententia à quo periculo adhortatio mihi credite asseneratio quod videtis suppositio ruere translatio videte. Adhortatio, enumeratio, assyndeton, est & Anakephaleosis.

Secunda pars confirmationis.

De magnitudine belli, Quoniam de genere belli.

Gramma-

O
sariu
prop
dua;
laude
gnitu
it in
decen
cum
riq;
omni
coact
Palla
scrib
tuisse
magn
dinis
gnan
præe
rat, e
nuch
ut ai
Rap
dicit
nos, e
se Ita
rutan

Grammatica expositio.

Ostenderat iam bellum illud esse necessarium, hic in altera parte confirmationis, non solum necessarium bellum, verum etiam magnum, & difficile & propterea esse suscipiendum probat. Cuius partes sunt duae; in prima exponit per occupationem, summisq; laudibus praedicat res gestas Luculli: in secunda magnitudinem belli ostendit. Mithridatis copias habuit in armis Mithridates peditum centum viginti Millia, decem & sex equitum Millia, Cyzicenorum Cyzicum vrbs Asia clarissima, omnibus modis terra, marique obfessa atq; oppugnata à Mithridate fuit. Is vero omni comiteatu à Lucullo interclusus, mouere castra coactus est, ea vrbs dotalis esse dicitur, & ab Ioue Palladi attributa. Vnde Appianus in Mithridatico scribit, vbi itidem dicit Cyzicenos Lucullo festa instituisse, quae Lucullea appellauerunt virtute animi magnitudine assiduitate perseuerentia, quae fortitudinis species est, cui contraria ignavia Classem magnam Mithridatis classẽ quinquaginta nauium, cui praeerat Varus quem ad Mithridatem Sertorius miserat, & Alexander Paphlagonius, & Dionysius eunuchus Lucullus ad Lemnum superauit atq; depressit vt ait Appianus studio inflammato maximo odio Raperetur, id est raptum & celeriter duceretur, id dicit, vt maius odium ostendat Mithridatis in Romanos, & maiorem Luculli laudem, qui deuicta hac classe Italiam seruauerit depressam submersam & obrutam Regno patrio, Mithridates primus ex regis

E 1

persecutum

*Perfarum genere fuit, is cum Antigono rege Syria se
 coniunxit, Antigonus per quietem sibi visus est, agrū
 se auro serere, idq; aurum Mithridatem metentem in
 pontum asportare. Hac de causa Antigonus Mithrida-
 tem interficere conatus est; Mithridates cum aliquot e-
 quitibus fugiens, locū quendā Cappadociæ occupatum
 munivit; postremo imperiū, maximē auctū liberis tra-
 didit, id a parentibus filij acceperunt vsq; ad hunc Mi-
 thridatem, qui a Mithridate primo sextus fuit. Ad ali-
 os reges vt ad Tygranem, & postquam cum Tygrane
 victus est, ad regem Parthorum legatos misit, auxilia
 postulantes, patet factum pontum fuga Mithridatis.
 Tum enim praesidia a rege imposita, ad Lucillum ma-
 xima ex parte confugerunt, omnesq; ponti vrbes pau-
 cis exceptis in potestatem suam Lucillus accepit. Sino-
 pe autem Romanis acriter obsistebat nauali prelio haud
 ignauiter pugnans. Salus pop. Rom. socijs Autho-
 re tamen Appiano quum Cyzicum Mithridates ob-
 sideret. Dux eius Eunuchus Phrygiā ingressus, in-
 gentem ciuium Romanorum numerum cum vxoribus
 & liberis necauit. Huic legi Catullum & Hortensiu-
 m intelligit, Medea illa, De Medea Aethæ Colchiorū
 regis filia quod patrē prodiderit, quod iasonem ad ra-
 piendum vellus aureum adiuuerit, quod eundem secu-
 ta sit, ex poetis atq; ex grammaticorum commentariis
 satis cognitum est. Ea autem ex Colchide nauigans, in
 pontum applicuit. Speculator ex alto tumulo prospici-
 ens dixit se prospicere nauem ex Colchide venientem.
 Medea patrem esse, vt erat suspicans, qui eam perse-
 queretur Aegialeum fratrem, quem secum adduce-
 bat, ignarum, nec quicquam tale timentem occidit.*

atque ita deuellit, diuulsaq; membra per agros dissipat,
 in multis inuenienda locis: ne pater ignoret scipulo
 proponit ab alto, pallentesq; manus sanguineumq; ca-
 put, ut genitor tardetur luctu nouo, & dum legi artus
 extinctos, retardet triste iter *Author est Ouidius lib. 3.*
Tristiu Eleg. 9. & 7. Metamorph. parens Aetba inœ-
ror patrius dolor ortus ex conspectu filij dilaniati.
 Nostri colligunt Plutarchus scribit Mithridatem mi-
 litibus Romanis iam cum in fuga comprehensuris de
 industria obieciſſe mulum auro onustum, & dum mi-
 lites se ad diripiendum aurum conuerterunt, regem e-
 lapsum eſſe in regnum Armeniam Barbararum
 barbarus dicitur qui nullis studiis, nullis artibus eſt
 excultus, huic opponitur humanus peruaſerat iniuſte
 peruenerat, id enim uerbum quod eſt rado, cum com-
 pſitis dici ſolet in re iniuſta, aut difficili. *Virgil. radi-*
mus immixti danais haud numine noſtro. Urbem ex
 Tigranis regno, Tigranes accepto regno Armenia,
 urbem maximam condidit, cuius muros quinquaginta
 cubita altos fecit, in quam viros optimos & locuple-
 tiſſimos commigrare, eamq; ex ſuo nomine Tigrano cer-
 tam, quaſi Tigranis ciuitatem appellari iuſſit. Ad
 hanc urbem Mithridatis & Tigranis exercitum, in
 quo erant ducenta quinquaginta peditum, & equitum
 quinquaginta millia, Lucullus paruo exercitu deni-
 cit. Luculli paucitatem militum Tigranes deridens, eos
 dicebat nimis eſſe multos, ſi veniſſent ut legati: ſi uero
 ut hoſtes, nimis paucos. Poſt hanc uictoriam Lucullus
 Tigrano certa potitus eſt, poſt hanc cladem acceptam
 duo reges exercitum alium parare properauerunt, in
 quo pedi-

quo peditū septuaginta millia, equitum triginta quing-
 essent. Hi rursus victi Lucillum fugiunt. Itaq; Tigr-
 nes in Armenia interiora, Mithridates in pontum se-
 contulerunt nimialonginquitate locorum. Arti-
 ficiosum est, ut si quem laudes, cuius in vita aliquid
 turpe videatur, ita tractes, ut ea turpitudine non appa-
 reat. Mithridatem & Tigranem victos, Lucillus ideo
 persequi non potuit, quod à suo exercitu desertus sit.
 Ab exercitu deserti turpe est. Turpitudinem Cic. occul-
 tat, quum nullo id Luculli vitio, sed nimia locorum lō-
 ginitate, & suorum desiderio, factum esse ostendit.
 Sanctum nomen de regio nomine. Et in oratione pro
 Deiotaro; Semper regium nomen in hac ciuitate san-
 ctum fuit, sociorum verò regum & amicorum sanctis-
 simum: putantur enim reges in tabella Deorum haberi.
 Dicitur autem sanctum, quod est sanctione firma-
 tum, vel etiam quod est ab omni iniuria immune. in
 exercitum vestrum, Mithridates postquam in suum
 regnum se recepit, coactō exercitu, primum Fabium,
 quem in Ponto Lucillus reliquerat prosligauit, deinde
 cum G. Triario Luculli legato ita fortiter pugnavit, ut
 ad septem millia Romanorum, centum quinquaginta
 Centuriones, viginti quatuor tribunos, militum occide-
 rit. Id autē Triarii ambitione & temeritate factum est,
 qui ut solus gloriam deuicti Mithridatis aucuparetur,
 cum eo prius pugnare voluit, quam aduenerit Lucul-
 lus, qui non longe aberat. Poëtæ solent, Nuius qui
 primum punicum bellum, Ennius qui secundum ver-
 sibus est profecutus. Præterire autem aliquid ex histo-
 ria, est contra legem historia, quam Cic. in lib. de orat.

2. primam esse ait, ne quid falsi dicere audeat, ne quid
veri non audeat, ne qua suspicio gratiae in scribendo,
ne qua simultatis. Nominat autem hic poetas Cic. ex
amore potius quam ex sententia Aristotelis, qui poe-
tam negat esse, qui non fingit. Itaq; nec Empedocles
qui Phisica scripsit, Aristoteli poeta videtur; vno
nuncio genus loquendi de praelijs & cadibus funestis,
usus eius est, cum tantum praelium fuisse dicimus, vt
ex eo nemo omnino superfuerit, Belli offensione
vulgo dicitur amissio victoria vestro iussu abrogato
à vobis imperio: Maiestas enim pop. Rom. in hisce tri-
bus versabatur, in dando adimendoq; imperio, iubenda
abrogandisq; legibus, bellis inferendis aut dissoluē-
dis Diuturnitati Lucullus enim totos annos septem
in imperio permansit veteri exemplo Roma exactis
regibus duo consules creabantur, quorum imperium
annuū erat, eo finito, noui semper consules fiebant. Ideo
Lucullus finito tempore sui consulatus ab imperio auo-
catur glabrioni qui Lucullo successerat iam stipen-
dijs confectis qui stipendia implenerant. Hi autem
milites erant Fimbriani, quos T. Liuius lib. 98. Valeri-
anos appellat, eam ob causam, quod L. Valerius Flac-
cus consul, missus in Asiam, vt Sylla succederet
propter auaritiam exercitui suo inuisus à Gaio Fimbriō
legato ipsius occisus est, & imperium ad Fimbriam
translatum vt idem ait lib. 83. Hi autem confectis sti-
pendijs Lucillum sequi noluerunt Aetas autem mili-
taris est ab anno decimo septimo ad 46. annum: illō
autem tempore si respub. postulabat, iuuenes cogi po-
terant, vt annos decem militarent vt scribit Plutar-
chus in

ebus in vita Grachorum integre nihil bello imminute
 vetere exercitu veteranus exercitus melior est atq;
 commodior, & ad parendum & ad pugnandum.

Rhetorica explicatio, inuentio &
 dispositio.

Secunda pars confirmationis, qua est deliberatiui
 generis qua probat hoc bellum esse magnum & peri-
 culosum, & propterea suscipiendum. Hoc autem quin-
 que argumentis efficit. Quoniam autem finis est deli-
 beratiui generis utile hoc autem est duplex, tutum,
 & honestum: Omnia argumenta huius partis referun-
 tur ad hunc finem, nimirum ad utilitatem tutam que
 conficit instantis aut consequentis periculi vitacione
 qualibet oratione, Quoniam, transitio ad aliam par-
 tem confirmationis, Potest enim, propositio huius
 partis. Bellum Mithridaticum est magnum, Atq; ut
 omnes, Antequam probeat bellum esse magnum infi-
 gni utitur digressionem, cum res gestas Luculli, oratio-
 ne extollit, qui Mithridatis exercitum deleuit, ipsumq;
 regem ad fugam compulit, est igitur sensus. Quamuis
 Lucullus Mithridatem pene prostrauit ille tamen non-
 dum plane victus est: hunc sensum partitione ampli-
 cat, Satis opinor. concludit laudes Luculli sensus
 est. Tantum de Lucullo dixi quantum nec ab eius patro-
 nis dici potuit, Requiretur fortasse, per occupati-
 onem ad argumenta dilabitur. Sensus. Quamuis fra-
 ctus Mithridates, tamen est pertimescendus.

Argumen-

Argumenti primi dispositio.

Mitbridades ad auxilia quærenda profugit.

Ergo hoc bellum est magnum: Hoc argumentum Enthimemate tractat.

Antecedens exemplo fabuloso per similitudinem illustravit. Tractatur autem hoc exemplum quatuor partibus.

1. Propositione. 2. Expositione propositionis. 3. Applicatione seu aptatione. 4. Conclusionem, Primum, Antecedens, Ex eodem, propositio exempli, quam prædicat, expositio, Ita illum, complexio exempli per Epiphonema.

Argumenti 2. dispositio.

Quo magnitudinem belli ostendit ex causis efficientibus, Hunc in illo timore, Plures etiam gentes contra L. Lucullum, Romanosque sunt concitate. Ergo extimescenda sunt.

Antecedens probat duabus rationibus.

1. Quia eas nunquam populus Romanus laceßiuit.
2. Quia phani templi quod religiose colunt direptionem extimescunt.

Plures etiam, Antecedens, erat etiam, secunda ratio antecedens, erat enim, prima ratio antecedens. Ita nationes, Epiphonemate per comparationem concludit. Sensus est illa gentes metu percussæ à nostris relicte sunt integra. Ergo extimescenda, noster

de, noster autem, *Hic occurrit obiectioni: Ergo Lucullus magis concitavit, quam fregit vires Mithridatis, Respondet Cic: Quia nostri longinquitate loci commoti ab eo bello discesserunt.*

Argumenti 3. dispositio.

Mithridates autem Mithridates potentissimorum regum auxilia collegit.

Ergo hoc bellum est extimescendum. Ratio antecedentis: Quia regum afflictas fortuna omnes commouentur.

Argumenti 4. dispositio.

Itaque tantum, *Si victus, in victorem exercitum impetum facit: Ergo extimescendum est, nam cum se, ratio antecedentis.*

Quinti argumenti dispositio ab effectis.

Sinite hoc loco, *quatuor partibus tractatum: Antecedente, ratione, antecedentis, confirmatio-
ne rationis, & complexione Antecedens Quia nostrum exercitum Mithridates profligauit.*

Ratio, Quia ex isto pralio nec nuntius extitit.

Confirmatio rationis, Quia Lucullus ab eo bello reuocatus erat.

Ergo magnum est bellum.

Sinite hoc Antecedens prateritione figuratum & simili quæ tanta ratio anteceditur Lucij Luculli confirmatio rationis Multa praterito conclusio per repetitionem quinque partium istarum.

Elocutio.

Quoniam de Transilio potest enim occupatio contemnenda arbitetata atque vt omnes digressio

pro lege Manilia.

81

gressio, praparatio, & epitheta, Quantum partitio, Dico congeries & enumeratio, patefactum coacervatio, antitheta, satis opinor prateritio, Requiretur occupatio, vt ex eodem Ponto exemplum fabulosum siue paradigma, ita illum epiphonema & comparatio, excepit, confirmauit auxesis, anthiteta, adiectio, erat enim ethiologia, plura non dicam praeciso, fani locupletissimi epitheta causa laudandi adhibita, plura non dicam praeciso, & suam & eorum merismos latine distributio, Regum afflictæ fortunæ gnomi seu sententia, aut reges aut viuunt merismos, finite hoc loco prateritio simulata & comparatio, quod coniungunt congeries ad reficiendam memoriam conueniens.

Tertia pars confirmationis.

De Imperatore deligendo, satis mihi multa.

Grammatica explicatio.

Prædicat Pompeium, quem Imperatorem ad id bellum deligendum esse suadet.

G Pompeius, cui à victoria redeunti, quam obtinuerat superato ingenti prælio Domitiano, Sylla ipse magni cognomen primus detulit, antiquitatis memoriam, antiquos Imperatores quorum memoria extat, Plinius lib. 7. cap. 20. summam pulcherrimarum laudum gloriam Pompeio magno attribuit, eiusque titulos, ac triumphos, non modò cum Alexandri magni rerum fulgore, sed etiam Herculis prope, ac liberi patris conferre audet.

F

Rhetorica

Rhetorica explicatio.

AD tertiam partem confirmationis, facit civilem ingressum, ne videatur cupide ceteros contemnere, eisq; vnum antepone Pompeium, ut hac occasione, in consultantium animos admittatur. Potest autem hac orationis pars, ob popularem Pompeij laudem omnibus locis amplificatam, ad genus demonstratiuum referri. Suadet enim Cic. Pompeium ad hoc tam graue bellum imperatorem esse deligendum, cum eum ex quatuor summis virtutibus imperatoris laudat.

Dispositio huius partis.

Cicer. in partitionibus dispositionis in exornatione, ponit quinque modos. Primus modus est, qui dicitur natura, cum ea, quae prius gesta sunt aut acta, priore loco exponuntur: eo genere collocationis historici maxime vtuntur. Secundus modus est, cum diuidimus bona, vel mala in certa genera: nam in demonstratiuis causis, aut laudantur bona, aut vituperantur mala. Tertius modus est, quando à minoribus ad maiora ascendimus, veluti à minus diuturnis bonis, ad diuturniora; ab illis, quae propter aliud expetuntur, ad illa, quae per se: ut pro Marcello comparat aliqua facta Caesaris cum misericordia. Quartus huic contrarius, quando à maioribus ad minora delabimur, ut pro Roscio. Quintus modus constat in aequabili varietate, cum parua magnis, simplicia coniunctis, lata tristibus, incredibilia probabilibus, inteximus. Haec dispositio refertur ad secundum modum. Bonorum enim cum

multa

multa sint genera, hæc in suas formas diduci oportet, ut sunt externa corporis, & animi. Laudat in hac orationis parte Cic. Pompeium à rebus externis, cum de ipsius felicitate & educatione gloriosa sub patre commemorat. Laudat eum à virtutibus animi, à quibus Pompeium extollit, non ut hominem, sed ut Deum. laudat enim mirabiliter eum à scientia rei militaris, laudat à virtute, laudat ab authoritate, quæ quoniam ex virtute comparatur, ad animum pertinet. Conficitur ergo hæc pars quatuor argumentis. Primum est scientia rei militaris. 2. Virtus. 3. Authoritas. 4. Felicitas. Eius autem vis hæc est Quisquis has res habet scientiam, videlicet, rei militaris, virtutem, authoritatem, & felicitatem, ad hoc bellum deligendus est, imperator. Pompeius præcipuè has res habet: Ad hoc igitur bellum deligendus imperator.

Satis mihi multa verba, propositio tertia partis per transitionem, utinam Quirites, Antequam commendet Pompeium, ipsam proponit propositionem, scilicet, Pompeius est præficiendus, quam syllogismo quadripartito tractat, propositione, assumptione, Ratione assumptionis, & complexione.

Propositio, si magna copia imperatorum esset: difficile eligendus esset imperator.

Assumptio, sed unus est Pompeius imperator.

Ratio, quia omnes gloria superavit.

Complexio. Ergo iste bello est præficiendus.

Scientia rei militaris inest Pompeio.

GRAMMATICA EXPLICATIO.

HOc homine Pompeio observa appellatiuum
 nomen eleganter poni pro proprio per emphasim,
 eludo, è schola, omnium enim scholam ludum dixere
 Romani, & magistri ludi dicuntur, qui primas lite-
 ras docent, author est Asconius, qui tamen Pompeius
 multa in schola præter illas primas literas didicit; nam
 causas in foro egit, Milonem defendit, vt ait Cic. pro
 Milone cuius etiam illa verba sunt ex libro de claris o-
 ratoribus. Meus æqualis Gn. Pompeius, vir ad omnia
 summa natus, maiorem dicendi gloriam habuisset, nisi
 eum maioris gloriæ cupiditas, ad bellicas laudes ab-
 straxisset. Erat oratione satis amplius, rem prudenter
 videbat, actio vero eius habebat, & in voce magnum
 splendorem, & in motu summam dignitatem. Bello
 maximo, quod erat aduersus Cinnam. Imperatore
 Gn. Pompeio Strabone huius patre susceptum, sub
 quo Pompeius ætatis suæ anno decimo septimo stipen-
 dia fecit, ac postea extrema pueritia L. Sylla miles fu-
 it. Extrema pueritia, Seruius Tullius Romanorum
 rex ætatem hominis in tres partes diuisit, vt pueri es-
 sent ad annum 17. inde ad annum 46. iuuenes, & æ-
 tate reliqua senes, vt scribit Aulus Gellius lib. 10.
 Summi Imperatoris L. Syllæ, inde Sertorius appel-
 labat Pompeium Syllæ discipulum, vt in eiusdem Ser-
 tory vita Plutarchus scribit, ineunte adolescentia,
 adolescentiam pro iuuenili ætate dicit, nam adolescen-
 tes &

tes & iuuenes Serui diuisione non distinguuntur. Ma-
ximi exercitus, L. Cinna cōsule occiso Gn. Papius
Carbo eius collega, magis seditiosus, exercitum para-
uit Con. Syllam à bello Mithridatico redeuntem. Sylla
igitur cum victore exercitu in Italiā reuerso Gn. Pom-
peius ānos tres & viginti natus in agro Piceno tres legio-
nes comparauit, multos vt à Carbone deficerent sollici-
tauit. Lucij scipionis inimici milites ad se allexit, mul-
taq; egregia in Italia fecit facinora: ad Syllam veniens,
equo defiliens, Syllam Imperatorem salutauit: Pompe-
ium & ipse Sylla Imperatorem contra salutauit: idq;
mirum omnibus fuit, quod iuueni viro, in senatum
nondum admissō, id nomen Sylla communicauerit.
Illud quoque honoris Pompeio Sylla praeſtabat, vt ad-
uenienti assurgeret, eiq; caput aperiret, quod nulli aliq;
Sylla faciebat, quamuis multo, viros clarissimos se-
cum haberet, confecit, bello subiugauit easque pop.
Romano prouincias fecit, Suis imperijs, Nam ferē
omnibus in pralijs quibus adfuit, ipse Imperator fuit
ideoq; rei militaris disciplinā vsu non praeceptis affecu-
tus est, vsu autē magistrū esse optimū Cic. ipse non se-
mel dixit, fortuna reipub: cui contingit vt multa
bella, multis in regionibus gererentur, Ciuile, cum
Cinna & Carbone, Africanum, cum Gneio Domitio,
aliq; proscriptis, & Hierica rege Numidia, quod in-
tra dies quadraginta confecit, natus annos quatuor &
viginti. Ex hoc bello reuertentem Sylla obuiam prose-
cutus, magna voce magnum eum salutauit, quod ei co-
gnomen factum est, isq; ea aetate adhuc eques Roma-
nus triumphauit, quod ante hanc aetatem nemini con-
tigerat,

tigerat, authores Tit. Linius lib. 89. & Plutarchus in
 vita Pompeij C. Transalpinū quod cum Gallis gessit,
 qui Romanis legionibus in Hispaniā iter includebant,
 Hispaniense, cum Sertorio, Miltum ex ciuitati-
 bus, quo tempore Lucullus in Asia cum Mithridate
 bellum gerebat, in Italia exortum bellum seruile est.
 Nam capua ex ludo Lentuli 74. gladiatores profuge-
 runt, & seruulorum & ergastulorum tantam multi-
 tudinem coegerunt, vt ad sexaginta millia armaren-
 tur. Eorum duces Chrysus, Granicus, & Spartacus
 fuerunt. Hi Romanos imperatores saepe vicerunt, sed
 anno tertio, quam bellum exortum est, cum à Q. Ario,
 tum maxime à Marco Crasso deuicti sunt. Ex belli-
 cosissimis, idest, ex Gallis & Germanis. In hoc enim
 fugitiuorum exercitu Gallos Germanosq; fuisse, quorū
 dux erat Granicus, Tit. Linius lib. 97. scribit. Nota
 Gallos, vt scribit Tit. Linius lib. 10. inter ferrum &
 arma, iratos, feroces, quum suo pte ingenio tum aduer-
 sus pop. Rom. quondam fuisse D. Brutus in epistola
 quadam apud Cic. qua in libro epistolarum familiarū
 vndecimo Gallos esse dicit omnium bellicosimos. Apud
 Romanos maiorum more, nulli ciui bello Gallico im-
 munitas erat, vt ait Cic. pro M. Fonteio authore Appi-
 ano lib. de bellis ciuilibus secundo, in sacerdotū & se-
 niorum lege, qua de immunitate lata est exceptum fu-
 it, nisi Celticum bellum instaret. Eo enim instante sa-
 cerdotes, senioresq; esse in armis oportebat: nam Galli-
 ca gente, nulla Romanis fuit formidabilior, nauale
 bellum, quod cum pyratis gessit, varia & diuerla
 genera, quia alia terrestria alia maritima fuerunt,
 Hostium,

Hostium, quia alij reges, alij exules, alij proscripti,
alij pyratae, alij serui fuerunt, confecta, expleta, &
ad finem perducta.

Rethorica explicatio.

Dispositio argumenti primi.

Quatuor partibus hoc argumentum tractatum est,
Propositione, Assumptione, Expollitione, &
Complexione.

Propositio, Cui inest rei militaris scientia,
hic est praeferendus huic bello, Assumptio: sed Pompeio
inest.

Expollitio per rationem: Quia omnem aetatem in
eo studio contriuit.

Item per comparisonem: Quia multa bella gessit.

Et per exemplum: Quia civile Asiaticum, &
cetera bella confecit.

Complexio: Ergo est praeferendus, ego enim,
propositio Syllogismi, Quis igitur, assumptio, qui elu-
do Ratio assumptionis, qui sepius cum, Assumptione
comparatione dilatat qua loco exornationis est posita,
Quod denique genus, enumerat bella à Pompeio con-
fecta, nullam rem esse, conclusio argumenti

Figurae.

Satis mihi multa, transitio, utinam, optatio,
(Quirites) anakinosis seu communicatio, anti-
quitatis memoriam, denominatio seu methony-
mia, sci-

nia, scientiam rei militaris, articulus, nam hic dictiones plures sine copula proferuntur, Qui eludo qui, repetitio ex pronomine qui. Qui sepius cum hoste dissolutum nam orationes plures sine coniunctione proferuntur, Ciuile, articulus propter nonnullas dictiones incopulatas, plura bella, Syperbole, non sed, ablatio.

Virtus inest Pompeio.

IAm vero, Hac particula commodè ex vna re in aliam transimus, tortitudo, qua est mortis, dolorisq, contemptus, Industria, perseuerantia quam assiduitatem animi Cic: appellauit, celeritas qua in imperatore valet plurimum, Huius virtute, in bello quod gessit cum Cinna & Carbone, Sicilia, Gn. Papirius Carbo, à Sylla saepe in Italia victus, in Sycliam profugit. Pompeius in Siciliam, cum imperio à Senatu missus, Carbonem tribus Cōsularibus insignem vicit cepitq; is cum ad supplicium duceretur, flebat muliebriter, vbi vero strictum gladium imminere ceruicibus suis conspexit, locum & horam perbreuem orauit, quod ventris onere molestari se dicebat, *Author Liuius lib. 39. & Plutarchus in vita Pompeij.* Africa, oppressa viginti millibus hostium, quorum tria millia, è manibus Pompeij effugerunt, ceteri omnes vna cum duce suo Domitio interempti sunt, hoc bellum consecit Pompeius 40. diebus. Gallia, Citerior, vbi Brutus Mutina obsessus per proditionem militum, venit in Pompeij potestatem, à quo occisus est, Hispania, quam Pompeius superato & occiso Perpenna, recepit decimo ferè anno postquam captum erat bellum. Testes omnes ora-
id dicit

id dicit propter bellum, quod cum Pyratibus Pompeius
 gessit. Mithridates initio belli cum populo Rom: suscep-
 ti, aliquot homines in naues imposuit, ne tam libera
 esset Romanorum in Asiam nauigatio. Quum vero
 bellum exarsisset. hi aucto numero prædonum more,
 ut mare, ita insulas, & vrbes Maritimas, ipsam de-
 niq; Italiam infestabant, cui annonæ commercia inclu-
 serant. Hi Cilices appellati sunt, vel quia in Ciliciam se
 receptabant, vel quia primi Cilices fuerant. In horum
 societatem, accepti sunt prædones, exules fugitiui,
 serui: Eorum numerus ita creuit, ut naues amplius
 mille haberent, tam multa prada locupletati sunt, ut
 inauratis rudentibus, velis purpureis, remis subargen-
 tatis uterentur Gn. Pompeius lege Gabinia factus impe-
 rator, bellum incredibili celeritate confecit, de quo Flo-
 rus, Appianus, & Plutarchus in vita Pompeii scri-
 pserunt, Maria omnia, Tyrrhenum, Libicum, Sar-
 doun, Cyrenaum, Siculum, quæ omnia expurgauit
 Pompeius pyratibus diebus quadraginta, Mare clau-
 sum, quia in eo nauigare metu prædonum non au-
 derent, Brundisio, Brundisium ciuitas, Italia
 fortunabilis, vnde in Græciam, atq; in Asiam trans-
 mittitur, Transmiserunt, mare transferunt Du-
 odecim secures, prætori Romano, præter regia insignia
 consulares ferme apparatus, non dabantur, nisi sex
 numero lictores, Et quod hic dicit duodecim secures,
 intelligendum est de duobus prætoribus Sextilio, &
 Belino, quos cum licitoribus & insignibus captos scri-
 bit Plutarchus, venirent, imploratum auxilium ad-
 uersus pyratas, Colophonem, colophon & Samus,

Ionia vrbes Herodotus lib. 2. innumerabiles, quadringentas enim captas, tenuere pyrata, caietæ, Caieta portus maris Campani, dictus a muliere Troiana ibi sepulta ab Aenea Virgil. lib. 7. vitam & spiritum ducitis, a quibus annona frumentaria vobis præcipue aduehitur. Miseno, Misenus mons Campania, Hostiense, Hostia vrbs condita ab Anco Martio rege in ostio Tyberis, vt ait Titus Linius. lib. 1. Tanta audacia fuit pyratarum, vt ad urbem venientes, prædam egerint, non sine ignominia Romanorum. Iniuria quæ sit in spectantibus nobis, grauior esse videtur, vt Virgil. lib. 2. Aeneid: de morte Politæ, qui Priami filius fuit: vt tandem ante oculos euasit, & ora parentum, concidit, ac vitam multo cum sanguine fudit. Ea res quantum Priamum commouerit illic dicitur. Interdum tamen gloriosum censetur ante ora parentum, pro patria fortiter cadere, vnde Aeneid. 1. dicitur, quaterque beati, quis ante ora parentum sub manibus altis, contigit oppetere &c. Sed huiusmodi iniuria ad diuersa referuntur, & diuersis sunt modis. Nam Politæ cadens fugientis, turpis fuit Priamo, nec Politæ gloriosa, Hectoris & Troili, fuit occisis gloriosa, & ideo spectantibus minus tristis, licet parentibus, ostium, ante ostium portum, qui in ostio Tyberino est, Oceani ostium, in toto mari interno, obeundi negotij, obseruanda duas res, quibus incitentur homines ad iter faciendum, celeritas, negotij conficiendi, & consequendi, quasi cupiditas, cursus navigationis, Belli impetus, Pompeij classis, in qua belli impetus consistebat, frumentaria, subsidia, quæ frumentum subministrant, vt Tit. Linius Siciliam & Sardiniam, in secundo bello Punico appellat duo Reipub: horrea, recepit let G.

set G. Pompeius, accepto in pyratas Gabinia lege, imperio, internum mare, in multas regiones diuisit, ac vnicuique parti classem ducemque praefecit. His ducibus dispositis Romam rediit, quia Piso Consul apparatus naualem solueret, militesque stipendijs liberaret. Duobus Hispanijs, vltiore & citeriore, Duo maria Thyrennum & Adriaticum, cisalpina, citerior de hac Strabo initio lib. 5. idem cretensibus. Post ciliciam pyratarum receptaculum alterum Creta erat. Quinto Metello Proconsuli, bellum aduersus Cretenses ante mandatum est, quam pyratas persequi Pompeius iussus esset. Pyratas multos ibi Metellus morte multauit, eandem poenam metuentes reliqui pradones a Metello obsessi Pompeium in Cretam suppliciter inuitabant, ut ei seipsi dederent, quod Creta sub eius imperio esset. Itaque Pompeius Metello scripsit, ut ab eorum oppugnatione desisteret, mandauitque insulae ciuitatibus, ne Metello paterent, eoque legatum L. Octavianum misit. Is in urbem obsessam cum praesidio ingressus pyratas contra Metellum auxilium tulit, non tamen cessit Metellus, obsessos ad deditionem compulit, de hisque supplicium sumpsit, Octavianum traductum, & per contumeliam in castris habitum dimisit, authores sunt Tit. Linius lib. 99 & Plutarchus. Obserua Ciceronem id quod Pompeio turpe fuit contexisse, inque laudem conuertisse. Metello enim gloriam rerum suarum gestarum tollere turpe fuit, turpius autem Pompeium gloriam suam cum pradonum causa coniungere. Depraecatores, qui pro se Pompeium praecarentur Terent: precatore, vulgus intercessores appellat, ubi quid offensae admissum est. Obsides, imperauit ut darent obsides. Est autem obses pi-
gnus dan-

gnus dantis fidem alteri : qui si dator fallit fidem, est in
 potestate eius qui accipit. Dicitur autem ab obsidendo,
 quia dabatur hostibus ab obsessis pro gratia pacis reco-
 cilianda, extrema hieme, extrema parte hiemis, ut
 ante dixit extrema pueritia. Hic attendere licet partiū
 anni diuisionem, ut dicamus ineunte vere, & extre-
 mo vere; Itidem de alijs anni partibus dicere licet. Si-
 gnificat autem amplius quatuor menses hoc bellum ap-
 paratum, susceptum & confectum fuisse, Pyrates in-
 tra quadragesimum diem expulsos esse Liuius scribit
 lib: 99, Plutarchus hoc bellum tribus mensibus, Ap-
 pianus centum viginti diebus confectum dicit. Artes,
 virtutes : ars enim à virtute appellata est, facilitate,
 non felicitate legendum est, ingenio, quanto consilio
 quanta dicendi copia & grauitate, contentione,
 comparatione, aliquo innumero, a quo in ordine
 Imperatorum, innocentia, innocentia ut ait Cic: lib.
 3. Tuscu. Affectio talis animi ut nemini noceat, idem
 in lib. 5. innocentem dicieum, qui non noceat scribit,
 vixneant centuriatus, vendentur verbum vnum est
 ex ijs quæ appellantur antopatetica. Male se rem ha-
 bere Cic. scribit in libro de officijs, vbi quod virtute
 effici debet, id tentatur pecunia. Centurio, qui præest
 Centū militibus. Centuriatus, munus est Centurionis,
 prouinciæ proroganda, Quæstu, in lucro in vsura.
 Apud Romanos veteres postquā designati consules &
 prætores erant, decernebat senatus, quæ prouinciæ con-
 sulares quæq; prætorias esset: postea sortiebantur consules
 vter vtrā prouinciā haberet, itemq; prætores prætorias
 prouincias sortiebantur. Aliquando tamen senatorum
 iudicio

iudicio potius quam sortitioni rem magistratus per-
 mittebant. Id Gn. Laliū maiorem & L. Scipionem
 consules fecisse T. Liuius lib. 38. scribit. Postea Gn.
 Grachus decreta lege sanxit, vt necesse esset provinci-
 as consulares per senatum quotannis constitui, vt ait
 Cic. in oratione pro domo sua. Nonnunquam tamen
 furiosi Tribuni pleb. contra hanc legem Semproniam,
 quas volebant provincias, sine vlla senatus authorita-
 te dabant, vt Vatinius Trib. pleb. eripuisse senatui pro-
 uincia decernendæ potestatem Cic. in oratione contra
 eum dicit. Idem in oratione pro domo sua pub. Clodi-
 um Trib. pleb. à Gabinio & L. Pisone consulibus, am-
 plificato precio nominatim dedisse provincias scribit.
 Quamuis ante viriusq. tribunatum hæc lex Manilia
 lata sit, tamen coniungere licet, alios quoq. Trib. pleb.
 antea idem fecisse, vestra admurmuratio, populus
 enim Romanus admurmuratione & acclamatione so-
 litus erat probare, quod publice aut fieret, aut dicere-
 tur. Itaq. significabat pop. Rom. vera esse quæ Cic. dice-
 ret. Ad hunc admurmurationis morem alludit Vergil.
 Aeneid. Talibus Ilioneus. Cuncti simul ore fremebant
 Dardanidæ, nec de Troianorum indignatione intelligi
 debet, Quocunque ventum sit, siue in nostras pro-
 uincias, siue in sociorum & amicorum popu. Rom. a-
 gros, & ciuitates, oppida, per colonias & municipia,
 an hybernis, Roman. Imperatores quas vrbes hosti-
 um æstate caperant, eas instante hyeme firmis præfidiis
 muniebant, exercitumq. in vrbes propinquorum socio-
 rum, in hyberna deducebant, neque enim potest,
 sententia est quales enim Cic. in libro epistolarum sa-
 miliar.

miliar. in repub. principes sunt, tales etiam reliqui
solent esse ciues, non continet, ab alienis diuitiis
manus non abstinet, Seuerus, Seuerus in iudicando
est is, qui nihil reo ignoscit, nihil de pœna legibus con-
stituta remittit: qui in iudicando, nec gratiam, nec o-
dium, nec preces, sed verum sequitur, inde seuerum
appellatum putant. Iudicem oportere esse sanctum, se-
uerum, incorruptum, inadulabilem, immisericordem,
inexorabilem, est apud Agellium lib. 14. in Asiam, in
Ciliciam, & in Pamphiliam, pacato, qui hostis non
esser, sumptum faciat, vt pecunia, vel vestis, vel
commeatus detur militibus, cupienti, facere, tantâ
celeritatem, in pyratâ persequendâ, non auaritia,
vt Luculli milites, Libido, vt G. Verrem Lampfaci
detinuit, vt Selapsia Annibalis robur molliuit, Plu-
tarchus ea continentia fuisse Pompeium refert, vt su-
gatis Mithridate ac Tygrane regibus ex omnibus pel-
licibus Mithridatis, quotquot capta fuerant, nullam
stupri commercio exceperit, sed saluas ac integras suis
restituit parentibus ac necessariis, Nobilitas vrbis
ad cognitionem, Pompeius postquam soluit Brun-
dusio, de negotio suscepto sollicitus, quum vrbes cete-
ras pratermitteret, Athenas tamen aduenit, rem sa-
crâ fecit, sed habita contione populi, ex templo disces-
sit, vt in eius vita Plutarchus scribit, Labor ad qui-
etem, solent imperatores militibus, labore aut via
fatigatis, concedere, vt curent corpora, seq̃ resiciant:
signa & tabulas, signa dicuntur sculptilia, siue fusilia
ad effigiem animalium fabricata, tabula vero, opera
pictorum, Si quidem in tabulis antiqui pingebant, non
in parre-

in parietibus, cæteri, imperatores, visenda, illi enim aperte mirabantur, furtim verò domos suas remittebant, nunc denique, nunc primum, id enim, tū dicitur, quum aliquid ante fieri, aut dici oportuisse significamus, Homines Romanos, ut Curium Dentatium, & Fabricium, qui tanta fuerunt abstinentia, ut etiam oblata ultro munera repudiarint, dicendi gravitate & copia, Quod patet ex oratione Ciceronis post reditum ad Quirites, in qua laudat maximè tripartitam illam orationem, quam Gn. Pompeius ad populum habuit, hostes, pyrata quos indeditionem accepit, ijsq; fidem servauit. Transmittendum, transmittere bellum, est belli onus aliq; decernere.

Rethorica explicatio inuentio & dispositio.

Secundam rem quæ spectanda est, in summo imperatore nimirum virtutē, elucere probat in pompeio per distributionem: primum autē assumptionem ponit, deinde rationē assumptionis per partitionem 3. approbationem, per conglobationem. 4. complexionem. Porro si recte volumus intelligere argumenta, & rationes quibus Cic. nititur ostendere in Pompeio reperiri virtutem, diuidamus virtutes in certas species, quarum aliæ sunt principales, aliæ harum administræ, atq; comites. Principales sunt 4. Labor, sortitudo, cōsiliū, celeritas. Harum administræ, Innocentia, temperantia, facilitas, prudentia, fides, humanitas. Sed videamus primo in Pompeio principales quatuor virtutes, cuius argumenti dispositio talis sit.

Propositio, cui in est virtus, is virtutem habet, sed maiorem omisit, ut veram.

Minor 3

Minor, Pompeio inest virtus.

Ratio, Quia & labor & fortitudo, & consilium
& celeritas, quæ sunt virtutes militares in eo reperi-
untur.

Approba- tio pro o- mnibus partibus.	{	Consilium: Quia Italiam, & Siciliam
		consilio suo multis periculis explicauit.
		Celeritas: quia multa bella celeriter
		consecit.
		Fortitudo: quod exemplis illustrat.

Iam vero, Assumptio, Non enim, Ratio as-
sumptionis per partitionem, quæ vel per affirmationem,
vel per negationem ab oratoribus ponitur, testis est
Italia, Approbatio singularum partium per exempla.
Ac primum probat summo consilio esse Pompeium,
quia Italiam, & Siciliam, consilij celeritate, pacatam
fecit, Testis est Africa, Hic probat inesse fortitudi-
nem Pompeio, cum bellum cum Domitio gessit, Te-
stis vero iam, probat Pompeium fortitudine & cele-
ritate, magnum illud bellum Maritimum seu Pyra-
ticum sustulisse: Primum autem ponit Assumptionem,
deinde rationem assumptionis, in qua enumerat calami-
tatis belli Pyratice: Iterum sequitur approbatio assu-
mptionis, deinceps repperit assumptionem affectatam.
Demum rationem assumptionis per commodorum enume-
rationem. Ultimo est conclusio argumenti, Testis, As-
sumptio, id est bellum Pyraticum Pompeius sustulit,
Quis enim toto, Ratio assumptionis, quæ probat il-
lud bellum esse magnum ab in commodis susceptum:
Quia in eo bello nemo tutus, nec provincia libera,
nec socij defensi, vrbes direpta, mare clausum, & re-
liqua in-

*liqua incommoda erant, Quis enim, prima pars.
Quam prouinciam, secundum probat.*

Dispositio huius argumentationis.

*Assumptio Bellum maximum & turpe Pompeius
consecit.*

Ratio, Quia in eo nemo tutus esse potuit.

[1. Quia non tantum alienos, sed etiam
Approba] nostros Pirata hoc tempore vexauerunt.
tio tri- } 2. Quia multas vrbes & insulas caperunt.
plex. } 3. Quia classes multas confecerunt.

*Iterum assumptio, Sed pompeius hoc bellum
consecit*

Ratio assumptionis [Quia Pompeius omnes prouin-
per partitionem.] cias eo bello liberauit.

Fuit hoc quondam, Hic communem proposi-
tionem ad exaggerandas calamitates, ex Piratico bel-
to susceptas posuit, sensus est. Maiores vestri longe à
domo socios defendebant, vos autem non tantum socios
sed nequidem vos ipsos tueri potestis, socijs vestris,
Hic iam probat socios nō esse defensos, quod nemini tu-
tum mare fuerit, Quod ad nos, probat multos ciues
fuisse à pradonibus captos, Quid aut Colophonem
probat vrbes & portus à Piratis esse captas, Nam
quid ego, Hoc loci captus. Hoc loci est partitio :
Pro dij immortales.

Hucusq; enumerauit calamitatem belli Piratici,
nunc iterum adfert commoda, quae sua virtute Pompe-
ius fecit.

Propositio.

Pompeius Mithridaticum bellum sustulit.

Ratio, per partitionem, quia tot provincias bello Mithridatico liberauit.

Complexio, Ergo in hoc est virtus.

Prô Dij, assumptio, Atq; hæc qua, Amplificat argumentationem præteritione, Quis enim, hic est ratio assumptionis per partitionem. Ita tantum, concludit in Pompeio virtutes esse militares..

Pōpeio nō solū insūt principales bellicę virtutes, scilicet, labor, fortitudo, consilium, celeritas, sed etiam harum administra, hoc est innocentia, temperantia, facilitas, prudentia, fides, humanitas. Est hæc diuina, atq;

Est autem talis Syllogismus.

PROPOSITIO: *In summo imperatore non solum bellicę virtutes, sed etiam alia requiruntur.*

Assumptio, Sed in Pompeio ista reperiuntur, videlicet innocentia, temperantia, facilitas, prudentia, fides, humanitas.

Complexio. Ergo est summus imperator.

Propositionem simpliciter tractat, Assumptionis singulas partes suo ordine probat.

Postea conclusionem ponit, Et est hæc diuina, transitione vitur per partitionem, non enim solū, propositio syllogismi, Ac primum quanta, Assumptio per enumerationem virtutum.

In Pom-

In Pompeio reperitur innocentia.

Quem enim possumus, hoc probat quinque
partito argumento per comparationem.

Dispositio argumenti.

Propositio, Qui sunt auari, non sunt innocen-
tes.

Assumptio, Sed alij erant auari, & non con-
tinentes: Pompeius autem continentissimus.

Ratio, Quia multas vrbes depradati sunt. Pom-
peius autem innocentèr sese gessit.

Complexio, Ergo est innocens, vestra admur-
murationis primam partem probat, per conglabationem cala-
mitatum, quas multa prouincia acceperunt. Estq; pa-
thetica oratio. Hic miramur, Secunda pars assump-
tionis Pompeium innocentem fuisse, cuius legiones,
Ratio assumptionis per enumerationem superiori op-
positam, Iam vero, Alias enumerat commoditates,
Hyemis enim, Conclusio de innocentia per locum
communem.

Temperantia Pompeio inest.

Age verò cæteris in rebus, quod trium par-
tium argumento probat.

Assumptio, Pompeius est temperans.

Ratio assumptionis per partitionem. Quia bel-
lum piraticum celeritèr quod signum est temperantiæ
confecit.

*Quia non auaritia, non libido, non signa eum
in bello retardare potuerunt.*

*Complexio omnium sententia temperans est
habitus.*

AGe verò, *Assumptio*, vnde illam tantam,
Ratio assumptionis, Non enim illum, *obserua*
bic dilatandi rationem per negatiuam interpositio-
nem, Itaque omnes, *Complexio à communi omniū*
sententia. Ergo est *temperantissimus*, eaq; *virtute no-*
men pop. Rom. illustrauit.

Facilitas, prudentia, fides, humanitas Pompeio
insunt, iam verò ita faciles, hoc probat per *tractati-*
onem enthimematis, ac primum illi *inesse facilitatem*
ostendit, per *facilitatis definitionem* cum dicit, Iam
verò ita faciles: *prudentiam* cum dicit, iam quan-
tum: *fidem* probat *inesse* cum dicit, *fidem* verò: *Hu-*
manitatem cum dicit, *humanitate* iam. His omni-
bus absolutis sequitur conclusio, quæ suadet Pompeium
præficiendum esse tanto bello cum dicit, & quils-
quam.

Figuræ.

IAm verò, *interrogatio*, labor, *partitio*, tanta
quanta, *redditio*, testis est Italia, *partitio*, *amplifi-*
catio, *anaphora*, cinctâ periculis, *metaphora*, quod
bellum, *adiunctio*, *Imminutum*, *sublatum*, *synoni-*
mia, Quis vnquam, *commutatio*: nam hîc *sententiæ*
ex transitione *effertuntur*, ut à priori, posteriora contra-
ria priori

ria priori profisciscatur, & conuenit cum tropo qui an-
timetabole nominatur. Sed quid, *præciso*, fuit quō-
dam fuit, *conduplicatio* ratione *amplificationis* est, &
epiphonema, Quid ad nos, *subiectio* vsq, ad eum lo-
cum. Atq; hæc qua celeritate, *quærit* enim quid dici
possit, deinde *subijcit*, quod sibi *adiumento* futurum
sit, Quid aut *Colophonē*, *partitio*, portus por-
tus, *geminatio*, pro Dij immortales, *exclamatio*, vt
vos, *comparatio*, Siciliam adiit, *breuitas*, & simili-
ter *cadens*, *dissolutum*, Ita tantum, *Epiphonema*, ex-
trema hyeme, *similiter desinens*, & *dissolutum*, est
hæc diuina, *transitio*, Ac primum, *partitio*, *Ad-
murmuratio* præmunitio, remouendæ calum-
niæ di, *suspicionis gratia*, Quare, *Aethiologia*, Recor-
damini, *patopæia*: mouet enim *commiserationem* ab
afflicta pop. Roman. sociorumq, fortuna, neque enim,
sententia, Iam verò, *transitio*, non avaritia, *articu-
lus* & *similiter cadens*, nunc denique, *repetitio* ad-
uerbii nunc.

Authoritas inest Pompeio.

GRAMMATICA EXPOSITIO.

ET quoniam authoritas, *Authoritas* est pondus
& *eminentia* quedam, vitæ probitate, scientia,
etate, meritis, potentia, vel honoribus parata, cuius
gratia, dictis, factisq, cuiuspiam plurimum deferimus,
Quod igitur nomen. Gn. Pompeius magnam nomi-
nis gloriam, admirationemq, sibi, apud cunctas gentes
ex rerum præclare gestarum magnitudine conciliauit.

Nam in Sicilia recuperanda, egregiam operam adolefcens nauasse dicitur: & Sylla partes fecutus Domitio ingenti clade expugnato, ac Iarba rege capto, totam subegit Africam. Et quoniam de ea adolefcens pubertatis annos, neq; dum egressus, id quod ante nemo, triumphasset, letis omnium acclamationibus, ab vniuerso Sylla exercitu magnus est salutatus. Inde maiore animo, in Hispaniam profectus, communi Metelli consilio auxilioq; Sertorium cum vniuersa factione sustulit. Post lege Gabinia imperator creatus, ac bello praefectus piratico, furiosos praedones, ac animalium in morem grassantes, toto mari intra quadragesimum subegit diem. Renocato deinde L. Lucullo successit, atq; de Mithridate triumphauit. Tigranem regem deuictum, & inter miserandas lacrimas ad genua procumbentem, in regnum misit, ita vnus homo insignis fama, ex Asia, Ponto, Armenia, Paphlagonia, Cappadocia, Cilicia, Siria, Seythis, Iudaeis, capto eorum rege Aristobulo, Albanis, Iberia, Creta, Basternis triumphauit, indignus qui post cladem Pharsalicam tam faede interimeretur, Illius dici, quo prolata lex Gabinia est, Referto foro, Comitium foro ita propinquum erat, vt pro eo foro saepe dicatur. Circum forum multa templa fuisse. Asconius significat, quum pro templis omnibus circum forum praesidia in causa Milonis, a Pompeio disposita scribit, omnium gentium, bellum piraticum, vilitas annonae, id diuino numine comprobatum significat, vt de suo reditu dicit in oratione pro domo sua. Quum de mea, inquit, dignitate in templo Iouis Maximi, Senatus frequentissimus vno isto dissentiente decreuisset, subito illo

eo illo ipso die carissimam annonam, nec opinata vilis consecuta est. Erant, qui Deos immortales, id quod ego sentio, numine suo reditum meum dicerent comprobasse, Rei frumenti, frumenti, accepta calamitate, quum à Mithridate Gaius Triarius deuictus est, inuitus admonui, Quū dixit finite hoc loco Quirites sicut poeta solent, qui res Romanas scribunt, Eas regiones, in Asiæ minorem ad bellum piraticum. Insolita, magna aut non solita, sapissime enim Mithridates victus, fuerat, rarissime victor. Inflammatum victoria, est enim victoria insolens natura, & superba, ut pro Marco Marcello Cic. dicit, Magnis, Copiis Tigranes enim magnis copiis Mithridatem ex Armenia in pontum redeuntem secutus est, aduersus quem, quum duceret exercitum Lucullus, ne se cum Mithridate coniungeret, ab Senatu, ut Plutarchus ait, reuocatus est, Quid virtute, Nam si absens Pompeius auctoritate tantum proficit, proficiet facilius praesens virtute, Ex locis tam longinquis, de piratis intelligit, noster imperator, Quintus Metellus cui proconsuli bellum aduersus Cretenses mandatū erat. Vltimas terras in Pamphiliam, omnes ciuitates, non solum piratas, qui ab Metello obsidebantur, sed reliquos quoque Cretenses optasse venire in deditionem Pompey dicit, Erat molestum, Ex inuidia quod ad se quoque missus non fuisset. Metellum autem & Perpennam significare videtur, quibus exercitus quoque, in Hispania commissi erant, contra Sertorium, quo tempore Gn. Pompeius quaestor adhuc cum imperio consulari aduersus Sertorium missus est, Speculatorem,

G 4

explora-

exploratorem vero autem simile magis est eū speculatore quā legatum fuisse, Magnis vestris iudiciis, quæ de Pompeio fecistis, quū ei Sertorianū bellū, itemq; maritīmū contra piratas cū imperio consulari mandauistis.

Rhetorica explicatio inuentio & dispositio.

Transit orator à ceteris animi virtutibus ad Pompei auctoritatem, cuius vim in bellis administrandis plurimum valere hac ratiocinatione rhetorica ex quinque partibus constituta probat.

Propositio, Qui in bellicis rebus auctoritate valet, illi bellum est committendum.

Ratio propositionis: Quia multum interest quid hostis de imperatore sentiat.

Assumptio.

Sed Pompeius auctoritate valet.

Ratio duplex.

1. Quia vniversus pop: Rom. ira de Pompeio sentit.
2. Quia in bello Piratico & Mithridatico plurimum illius valuit auctoritas.

Complexio.

Ergo bellum Pompeio est commitendum, Et quoniam, Propositio assumptionis, vehementer autem ratio propositionis partitione dilatata, An verò vltimam, ratio assumptionis, itaq; vt, secunda ratio per exemplum sensus est. Quia Pompei nomen in suscepto bello Piratico summam copiam annonæ effecit. Quod exemplum tractat duabus partibus propositione & expositione, Itaq; , propositio exempli. Qui quo die,
 expositio

expositio exempli, iam verò accepta. Secundo exemplo assumptionem amplificat sensus est. Bellum Mithridaticum auctoritate Pompeius compressit. Ergo in eo summa est auctoritas, quod exemplum tractat expositione, comparatione, perfectione, & enthymemate, iam verò, expositio, amisissetis Asiam, comparatio, Et quisquam, Enthymema. Tertium exemplum, age verò illa, Ad Pompeium vniuersus propè orbis legatos misit. Ergo Pompeius auctoritate valet. Antecedens conglobatione argumentorum dilatat.

Potestis igitur iam, Complexio argumentationis de auctoritate.

Elocutio.

ET quoniam, transitio, ille idem periphrasis cum sciamus, ratio, aut contemnant, partitio Synonimia, interrogatio, tanta, definitio auctoritatis, An verò, approbatio, cum vniuersus, subiectio, itaq; transitio. Quantam vix, comparatio, & diuisio: Quod ex locis, conglobatio, partitio, anaphora, speculatorem quam legatum, antiphrasis, potestis igitur, Erotesis seu interrogatio per apostrophen.

Fælicitas inest Pompeio.

Reliquum est, vt de fælicitate, istius modi fælicitas perpetua non est, eam enim qui nacti sunt, ad extremum misere, aut victi, aut mortui sunt. Alexander magnus, veneno necatus, & Scipio Africanus maior

nus maior, à suis eiectus in exilio perijt. Profugus
 Annibal veneno sibi mortem conscivit. Scipioni Afri-
 cano minori in adibus quiescenti vis allata est. Quis au-
 tem ex Romanis victoriarum atq; triumphorum glo-
 ria G. Pompeio clavior atq; felicior? is miserè victus à
 Casare, miserius obruncatus est. Iam Casarem victo-
 rem in capitolio necatum nemo nescit. Adde etiam si
 lubet vrbis Romæ felicitatē, cuius tantū fuit imperiū,
 quantū nullius ciuitatis, quæ miserè amisso imperio sæ-
 pè capta est, illud verū est quod in Agamemnone Sene-
 ca scribit: Nulla longi temporis felicitas, præstare,
 prædicare Cic: 1. de Officijs: Desorme est de seipso fal-
 sa præsertim prædicare, maximo, Fabio qui cunctan-
 do Annibalem superauit, Marcello, qui Siciliam re-
 cuperauit, Florus de eo lib. 2. Scipioni, Africano qui
 Africam vicit, Flor: lib: 2. cap. 15. Mario, à quo Cim-
 bricum bellum confectum est, Flor: lib: 3. præterita
 meminisse, more dicendi Græcorum. Sic vsū Ci-
 ceronem arbitror, ij enim progerundijs quibus carent
 vtuntur infinitiuo, meminì autem nullum habet ge-
 rundium. Hæc igitur sententia est, vt præterita recor-
 dando; reliqua sperare videamur, nam futurorum spes
 ex præteritorum memoria sæpe nascitur, inuisa,
 si dicerem fortunam esse in potestate Pompeij, aut in-
 grata, Acceptorum enim beneficiorum commemora-
 tio, animi gratitudinem ostendit, assenserint, assen-
 tior sere omnes dicunt: Sisenna vnus assentio in Sena-
 tu dicebat, & eum postea multi secuti, neq; tamen vin-
 cere consuetudinem potuerunt, author est Marcus Var-
 ro, vt ait Aulus Gellius lib: 2. vt autem imperio &
 imperior

impertior, reuerto & reuertor, munero & muneror, aliaq; eiusdem generis per multa, ita assentio, & assentior auctores grauiissimi dixerunt, venti tempestatis que, quum Piratas Pompeius persequeretur, eos tam breui tempore è mari non eiecisset, nisi ventos secundos, & serenitatē habuisset. Tempestatesq; Tempestatem medium esse vocabulum Seruius dicit, in vtramq; enim partem accipitur, obsecundarent, Secunda & prospera fuerint, propriū, pro perpetuo dici Nonius Marcellus testis est, cum communis salutis, Hic attendas particulam, cum adiungi cum dictione maioris momenti: & tam minoris, quod est contra grammaticorum precepta, Tantum boni, Pompeium imperatorem diuinum, In his locis, vbi bellum cum Mithridate gerendum sit. Ab ijs qui habent, ab ijs Romanis qui in prouincijs propinquis cum imperio sunt. Ab ijs, à Glabrione cui Lucullus partem militum tradiderat, Regium, Mithridatis & Tygranis regum.

Rhetorica explicatio.

Probaturus in Pompeio felicitatem, vititur quadam premunitione, ne interrupta accessio videatur. Sic igitur constituit argumentationem quinq; partitam.

Propositio, Omnibus serè imperatoribus ob felicitatem bella mittebantur.

Ratio: Quia felicitas in summis imperatoribus requiritur.

Assumptio: Sed Pompeius est felicissimus.

Ratio: Quia & domi & militia omnia feliciter gessit.

Complexio

Complexio: Ergo illi bellum est transmittendum.

Ego enim sic, *propositio Syllogismi*, tuit enim profecto, *Ratio propositionis*. De suis autem, *Assumptio per occupationem*, Itaq; non sum, *Ratio assumptionis*. Quare cum, *conclusio totius argumentationis per repetitionem*.

Quod si Romæ, *superiori argumentationi adiunxit expollitionem* velut ex abundanti fiducia causa ut ab ipsa loci exercitusq; opportunitate ostendat nemi rectius, praterq; vni Pompeio Asiaticum bellum mandari posse. Cuius est sensus.

Propositio.

Si domi ac priuatus viueret Pompeius, utiq; illi bellum esset commitendum.

Assumptio.

Sed cum in loco opportuno sit.

Complexio.

Ergo illi bellum est committendum

Elocutio.

Reliquum, *transitio*, de potestate Deorum, *Gnomi seu sententia*, Ego enim sic existimo, *partitio & epitasis*, non solum, *Complexio negans*. De huius autem hominis, *occupatio ad deuicandam hominis insolentiam*, Quantas, *anaphora partitio*, ciues, *Comparatio*, & *adiunctio*, socolon, *dissolutum seu assindeton*, Quare cum, *frequentatiores*, enim disperse superius, breuiter hic coguntur. Quod si, *Comparatio per fictionem*, Quid expectamus, *Epilogus, erotisis*.

Quinta

Quinta pars orationis Refutatio.

IN qua Hortensii & Catuli sententias confutando, suam corroboret: & enim qui aliena euertit sua valde confirmat, vnde fit, vt sæpè confirmemus & confutemus simul.

Grammatica expositio.

AT enim vir clarissimus, hic in foro Romano Caesarum rex ob eloquentiam dictus est, licet eius scripta infra famam fuerint. De quo Cic: in Bruto sic refert. Primum memoria tanta quantam in viro cognouisse me arbitror, vt quæ secum commentatus esset ea sine scripto verbis eisdem reddiderit quibus cogitasset. De quo etiam fertur, quod sedens olim totum diem in auctione, omnes res venales, & precia, & emptores, ordine suo recensuit, argentarijs recognoscentibus, ita vt in nullo falleretur. Beneficijs affectus, id est suffragijs vestris factus consul. Quintus enim Catulus cum M. Lepido fuit consul: vt enim consulatus magistratus est amplissimus, ita suffragia pro consulatu, beneficia sunt amplissima. Summis ornamentis honori, consulari dignitate. Hortensius enim consul designatus erat, quum Verris causa agebatur. Ingenij, Nam eloquentissimus erat Hortensius, in oratione iudiciali fit, vt contra aduersarium dicatur. Quamvis id Quintilianus lib. 4. vetet. In deliberatiua autem, si qua sunt auctoritate, qui contra sentiunt, hi vituperandi non sunt, vt hoc loco Cic: omnia alia, quæ vel ad nominis

ad nominis existimationem, vel eloquentia laudem, vel authoritatis pertinent amplitudinem illis concedit, in hoc solum, non sine animi moderatione, & molli velut articulo summos alioqui viros taxat, quod priuatis sententijs publicam postponant vilitatem, quod in Pompeio quicquam noui fieri prohibeant, in quo tam multa sint, publico omnium bono, prater exempla facta, obsoleuit. Destruit inprimis Hortensii sententiam, & ab exemplo docet, priuatam sententiam, populi vel voluntati, vel saluti condonandam, esse. Estq; hic locus rehemens, vel ad suadendum, vel ad dissuadendum quod volumus: quod exempla sunt, quasi quedam experimenta, & certa humana rationis documenta, & ita quisq; ad consentiendum permouetur, vt ipso rerum vsu atq; euentu, qui saepe plus quam consilium in rebus gerendis valet, est ante exercitus atq; instructus, singulari facultate, Cic. in Bruto scribit, Hortensium magna eloquentia laude effluisse, atq; Asiaticae dictionis studio inprimis fuisse delectatum. eoq; factum vt adolescens in causis agendis, magis quam senior floruerit, Refutata. Refutare potius à Cic. & Quintiliano, quam confutare dicitur, A. Gabinium, lege Gabinia, quod Gn. Pompeio concessum sit, est apud Plutarchum in vita Pompeij. De hac lege in Senatu actum est. Senatus promisit moriturum se potius, quam lex illa referatur. Eilegi Lucius Trebellius A. Gabinij Trib. Pleb. Collega intercessit. Eo perseuerante Gabinius tribus introuocare cepit, vt Trebellio magistratum abrogarent, sicut quondam Gn. Grachus Tribunus M. Octauio Collega suo

Magistra-

Magistratum abrogauit. Aliquandiu Trebellius, ea re perterritus non aderat, persistebatq; in intercessionem, quod damnari magis, quam perseueraturū iste Gabinium arbitrabatur. Sed postea huam septem & decē, tribus legem acceperunt, & vna mens esset, vt populi iussū conficeret, remisit intercessionem Trebellius, atq; item legem Gabinus de Pyratibus persequendis perculit, Auctor est Asconius in commentariis in orationem Cic: pro Cornelio de maiestate. In qua oratione A. Gabinium virum fortē appellat, quem cū salute populi Rom: atq; omnibus gentibus, finem diuturna timidi-
tatis, turpitudinis, & seruitutis asseret, passum esse negat, plus vnius Collega sui, quam vniuersa ciuitatis vocem valere, & voluntatē, fortem igitur appellat, quia contra Senatus voluntatem & collega intercessionem, hanc legem ferre perseuerauerit. Aulus Gabinus is est vt arbitror, qui cū L. Pisone consuluit eo anno quo Cic: in exilium abiit. Ex hoc ipso loco, dicit Hortensium habuisse duas orationes, quibus Gabiniam legem dissuaderet: vnam in Senatu, alteram in foro. Quid tum per Deos immortales, Per locum cōmiserationis ostendit, quantum detrimenti Respub: acceptura fuerat, si Hortensii autoritas contra legem Gabiniam valuisset, quantum item salutis communi patriā, Pompeii providentia sit partum, vera causa, bona, vt lib: de officiis 3. Tantum dabit amicitia, vt veram amici causam esse malit: populi causam ideo veram esse docet, quod Pompeius iudicio populi aduersus Piratas, dux factus, victoria potius est, Legati, Legatos populi Rom. & duos pratores cum lictoribus à prædonibus captos fuisse antea dixit. Quod

autem hic adiungat quaestores, intelligi fortasse liceat. Quaestores qui cum illis pratoribus in provinciam proficiscebantur. commeatu, comeatus nomine hic intelliguntur cibaria ad alimoniam exercitus ciuitatis, multitudinis alicuius. Etiam priuatum commeatum dici hic locus documento est, clausa maria, clausum cuiquam mare est, quum aut propter saeuientem tempestatem, aut praedonum pericula, nauigare non audeat. Aliquot annos, aliquot enim annos praedones mari incubuerunt. Antiochum regem, Antiochi reges praefectos nauali certamine à Romanis victos esse postquam Antiochus ad Termopylas victus, ex Graecia expulsus est, Tit. Li. lib. 36. scribit: Persemque, Hunc Plutarchus & Suetonius ferunt fuisse Philippum filium regem Macedonum, hunc Paulus Aemilius apud Samotracas capit, quem victum fleuit, aspidere, sibi iussit: tamen in triumphum duxit, ij nullo in loco, Pronomenis, ea, id, primam referri personam hic attende, ut paulo post, ydem id aliquando T. Liuius imitatus est, ut lib: 6. Vidistis in vincula duci vniversi eum, qui à singulis vobis pericula depuleram, ut lib. 30. De pace agitur, agimusque, quorum & maximè interest pacem esse, & qui quodcumque egerimus, ratum ciuitates nostrae, habiturae sint, Delostam procul, Cyclades Aegeo Creticoque mari adiacent: quarum prima & omnium clarissima, mercibus item refertissima est Delos, ob phabi numen, cum caetera mouerentur, sola stabilitate donata, ut scribit Pindarus Poeta. Est autem Delos a peplata, à manifestatione sua, quod submersa in mari.

mari.
Lator
lum
cam s
Teria
Lator
ad N
mari
Aege
auth
dicit
seno,
pena
ante
hun
puls
inter
ni, C
quen
bat,
in lo
impe
frae
tur.
rium
An
Rom
gestu
temp
ut C

mari, statim apparuerit. Plinius Orthigiam dicit, & Latona sorore, & Asteriam, ab astri similitudine Delum appellatam, posita, collocata, ut cum vulgo dicam situata. Nam ad fabulam alludere videtur. Quum Teriam iureiurando Iuno astrinxisset, ne parientem Latonam susciperet, Latona parturiente Iupiter irim ad Neptunum misit, ut insulam ab Sicilia auulsam in mari natantem apparere faceret, eamque firmam in Aegeo mari sisset, ut Latonam exciperet. Lucianus auctor est, inde appellata est. Nam Delos manifestus dicitur, oris Italiae maritimis &c. ut Caieta, Miseno, & Hostia, Appia via, Appia via à porta Capena usque ad urbem Capuam est. His temporibus, ante legem Gabiniam tempora in re mala dicit, in hunc locum, in forum, in foro enim contiones ad populum haberi solebant. forum Romanum situm erat inter Capitolium & Palatium, ubi Rostra ædes Saturni, Castoris, & Pollucis, delubra fuere, ad illud frequens populus de Reipub: negotiis consulturus veniebat, quemadmodum Senatores ad comitium. Eundem in locum Romani Magistratus finito honoris tempore imperii insignia deponebant: spolia item ac trophæa, fractarum nauium rostra & illiusmodi, alia affigebantur. Erat præterea forum olitorium, pistorum, piscarium, cupedinis, Augusti casaris. Exuuijs nauticis Antiatribus denictis, eorum naues, partim in naualia Romam subductæ, partim incensæ, rostrisq; earum suggestum in foro extructum adornari placuit, Rostraq; id templum appellatum, auctor est Lini. lib. 8. Ceteros, ut Catulum aliosq; senatores, Dolori suo, dolebat pop.

Rom. mare, orasq; maritimas à prædonibus occupatas
 esse, cum alijs multis nominibus, tum maximè, quod
 interclusi commeatus essent, unde maxima annonæ
 caritas Romæ esset. Turpitudine, nam turpe erat pop.
 Rom. etiam portus pop. Rom. qui sunt in Italia, à pira-
 tis occupatos esse, Quo mihi indignius, Aulum Ga-
 binium postquam abesset tribunatu, legatum sibi Pom-
 peius postulauit: id impetrare non potuit. Est autem
 legatus is quem imperatoris vicarium & loco tenen-
 tem vulgo dicunt. Ad expilandos, tales sunt qui pe-
 cuniam magistratui diuidunt, aut pecuniam Romæ in
 quæstu relinquunt, Quos voluerunt, eos enim
 à senatu impetrauerunt: nisi fortasse intelligat eos,
 qui contra senatus voluntatem legati sint, qua-
 lem vatinius dicit fuisse Cic. Honoris causa no-
 mino, id persapè dicit Cic. quum virum aliquem
 nominat, in quo aliqua suspicio contumelia la-
 tere possit vt actione in Verr. 2. Cum Trib. pleb.
 Significare videtur hos Trib. pleb. leges tulisse de
 mittendis imperatoribus, eosdem postquam tribunatu
 abiuerunt legatos fuisse, tam diligentes, vt eum ab
 vrbe nolent amittere, hoc bello, maritimo scilicet,
 consules ad senatum, Sylla: rerum potitus trecentos
 legis senatores quide creandis magistratibus, provinci-
 is administrandis, de bellis, triumphis, prouinciarum
 praesidiis decernendis, exercitu scribendo, submitten-
 disq; auxiliis & totius deniq; reipub. negotiis liberam
 sententiam dicerent, sanxitq; lege, ne quicquam nisi ex
 senatus consulto ad populum ferretur. Sed senatus con-
 sultumq; faciendi ius atq; potestas his solum dabatur,
 qui vo-

qui vocationem prehensionemq³ habebant, ut dictato-
ri, consuli, pratori, Tribuno plebis, vel etiam urbis pra-
fecto aut interregi. In quo & illud obseruabatur ut
habendi senatus potestas ad illum primum deferetur,
qui dignitate ceteris antecelleret: neq³ enim digni-
ores praestantioresq³ quorum maior erat autoritas pra-
terire licebat, nec senatum nisi aliquo augusto &
sacro in loco ac Deorum religione celebri conuocare
fas erat, dubitabunt, non audebunt, grauabun-
tur, non libenter sed moleste facient, inimicum edi-
ctum. Hic coniectare licet, edicto cautum fuisse, ne
quis prator senatum haberet, quo tempore consules,
eorumue alter Roma esset, ut ne quis tribunus plebis
quum pratores adessent. Vestrum ius beneficium-
que, Quia tribuni plebis, qui de imperio alicui com-
mittendo legem suffragio vestro tulerunt, postquam ab-
iuerunt magistratu, solent decerni legati ei, qui vestro
beneficio imperator constitutus est: contra quod edictum,
qui fecisset, is sibi inimicos pararet, ideoq³ inimicum
edictum appellari, qui id liceat, ut referam ad sena-
tum, si consules referre, aut dubitabunt, aut grau-
buntur. Gn. Pompeio, legendum est. Rerumq³ ge-
starum gloria G. Pompeio adscribitur.

Rhetorica explicatio.

Hortensii in primis postea Catulli sententias expu-
gnat, qui vni Pompeio bellum Mithridaticum non
esse transmittendum suadebant. Duo autem Hortensii
refutat argumenta, alterum de Pompeio, alterum de
Gabinio Pompeii legato. Tractatur autem haec refuta-
tio parti-

tio partibus quatuor, primo Protasi cum dicit. At enim vir, Secundo Antiprotasi cum dicit, Quorum ego, Tercio Hypophora cum dicit, quorum ego, Quarto Antiprotasi, cum dicit, obsoleuit iam.

Obiectio prima Hortensii, Quid igitur, vni omnia tribuenda non sunt.

Ergo hoc bellum Pompeio committendū non est.

Refutatio obiectionis.

Sententiam Hortensii vno refutat argumento, ducto ex antecedentibus per enthimema: estq; eiusmodi.

Tua Hortensii oratio nihil valuit, contra legem Gabiniam factam.

Ergo & nunc nihil valitura. Antecedens probat tali syllogismo, nam tu, propositio. Si tuæ voluntati obtemperasset senatus, multis malis affecisset Rempub. quam probat dilatatque enumeratione consequentium & comparatione cum dicit, Quid tum per Deos, ubi primum incommodum recenset, Estque oratio acris: Aliud incommodum recenset per comparationem cum dicit, Quæ ciuitas antea, Omnes ciuitates tenues etiam antea seipsas tuebantur, ante bellum piraticum, nos eas defendere non potuimus. Est hic prima pars comparationis. Altera pars comparationis dum dicit, At herclè aliquot, in qua calamitates acceptas ante bellum piraticum recenset, quas non nisi vnus Pompeius sustulit, Nos, comparatio altera, omnibus naualibus pugnis, tertia comparatio à maiore ad minus, nos quoque qui, Quarta comparatio, ijdem non modo, Altera pars comparationis.

Assumptio.

Assumptio.

Sed non obtemperavit. Quam apostrophi mitigat.

Conclusio } *Ergo consulto senatus Pompeio bel-*
 primæ obie- } *lum Mitbridaticum commisit.*
 ctionis. }

Secunda Hortensij obiectio.

Quo mihi etiam.

Non licet dare Gabinium Pompeio legatum.

Refutatio secunda obiectiois. Cicero hanc obiectio-
nem duplici argumento refutat. Primum argumentū
à persona Pompeij. Si alijs imperatoribus concedeban-
tur legati. Ergo & Pompeio concedi debent. Primo con-
clusionem, postea antecedens ponit.

Secundum argumentum duxit à persona Gabinij.

Primo Consilio Gabinij bellum piraticum Pompeius
confecit:

Ergo eundem legatum habere debet.

Secundo alij Tribuni plebis, deposito tribunatu le-
gari potuerunt.

Ergo & Gabinius esse potest legatus.

An ipse cuius, primi argumenti antecedens, Qui
in hoc bello, Conclusio, De quo legando, ad stabi-
liendam suam refutationem pollicetur se relaturum ad
senatum, ut Gabinius fieri possit Pompeij legatus: cum
enim nemini licebat presentibus consulibus, nisi con-
suli senatum convocare, in absentia autem consulum
prætoribus ea facultas erat concessa. Volebant itaq; ad-
versarij conuocationem senatus impedire, ideo Cic. du-

as occupationes soluit prima est cum dicit, neque
me impedit, Secunda est cum dicit, neque
præter, Conclusio post hac sequitur ubi concludit
Cic. refutationem sententia Hortensi per repetitionem
cum dicit, Mea quidem sententia.

Refutatio Catuli sententiæ.

Reliquum est, Tres aduersas sententias refutat,
quibus Catulus vni Pompeio bellum Mithridati-
cum non esse transmittendum persuadere nitebatur.
De eo factum esset, si contingeret eum mori, dixi-
stis, roganti Catulo respondistis, in hoc ipso, quod
dicat Pompeio parcendum, minus diuturna, nam
breue & irreparabile tempus, frui hominis vita, id
est fructum & commoditatem ex hominis vita capere:
frui enim pro eo quod est fructum capere sæpè dicitur
visui vectigalibus fundis, agris &c. At enim nihil
nouum fiat, quod Catulus in legis dissuasione dixit, id
Cicero repetit ut refutet, consuetudini paruissè,
nihil noui fecissè, cum Iugurta, quem postea victum
in triumpho ante currum suum duxit, posthac Marius
triumphali veste in senatum venit, quod nemo ante se-
cerat, ut scribit Tit. Liui. lib. 67. Idem cum cimbris
à quibus Romani exercitus sæpè victi fuerant. Nam
Papirius Carbo consul, cum exercitus suus est M. Iuni-
us Syllanus cum his pugnavit infelicitè, Aurelius
Scaurus consulis legatus amisso exercitu captus est G.
Manlius & Q. Hemilius Capi proconsules misere vi-
cti, binis castris spoliati sunt ut ait, T. Liuius, cum
Theutonibus, quibus Cymbri post tam multas victori-
as se con-

as se coniunxerunt Teutones & Teutonos dicimus, in ipso G. Pompeio, quæ in Pompeio noua constituta sunt dicit. Adolescentulum, natus erat tum Pompeius annos tres & viginti, quum in agro Piceno, tres comparauit legiones, quem Sylla imperatorem appellauit, Difficili reipub. tempore, Quo tempore bella erant ciuilia Sylla cum Carbone, exercitum confecit, exercitum conficere est cogere, & colligere, vt conficere pecuniam dicit Cic. Rem optimè, nam in Sicilia vicit capitq; Carbonem, A senarso gradu, senatum à senum ætate appellatum esse Cic. in lib. de senect. scribit, Contra Domitium Hiericam, natus Pompeius quatuor & viginti annos, adhuc eques Romanus, quod quidem nemini contigerat, ex Aprica triumphauit, deportauit, in Italiam conduxit Deportare exercitū pro eo quod est classē in patriā reducere. Tit. Liui. sæpè dicit, Ad bellum maximum, quod in Hispania cum Q. Sertorio gestum est, cuius in vita Plutarchus scribit, à paruo exercitu eius, magnas pop. Rom. copias, magnosq; duces deuictos, Cottam nauali prælio superatum, Phidiam prætorem profligatum, Domitium proconsulem protritum, Toranium Metelli legatum cum exercitu deletum, ipsum quoque Metellum virum ætatis suæ amplissimum in eam necessitatem adductum, vt L. Lollius ex Narbonensi Gallia ei auxilium ferre coactus sit, & G. Pompeius cum summa festinatione missus sit, vt Sertorio resisteret. Metellum Sertorius, magna celeritate vrgebat, Metellus cunctatione resistebat, legibus solutus, vt vulgo dicunt dispensatus, Quam vllum magistratum,

C. enim Pompeius quū adhuc quaestor esset, cū imperio consulari aduersus Sertorium missus est, ut dicit T. Liu. lib. 91. iterum triumpharet, de Sertorio. Prius enim de Domitio & Hierica in Africa victis triumphauit. Quæ in omnibus hominibus noua, sententia est quæ in C. Pompeio noua constituta sunt, ea multo sunt plura, quam quæ vnquam in vllō ciue Romano constituta sint, post hominum memoriam, ab omni antiquitate, eiusdem dignitatis, senatorum aut virorum consularium, amplissimi homines sunt senatores vel consulares, istis reclamantibus, inuito senatu prolata lex Gabinia, imperiumq; in prædones Pompeio mandatum, suis consiliis, suffragiū ius non habebant senatores, sed quum aliqua de re ferendum erat suffragium, ut si de lege ferenda agebatur, licebat senatoribus orationes ad pop. habere, quibus suaderent populo, quod agendum foret. Itaq; populi Rom. studia suis consiliis regebant, Attulistis, quum Pompeium prædonum bello prætulistis, De hoste & laude, de hoste Vincendo, ac laude ex innocentia, temperantia, continentia, fide, facilitate, aliisq; virtutibus mitioribus, apud socios, amicosq; pop. Rom. & apud exterarum nationes quaesita, Hoc anno, prætores intelligit, qui ad prouincias prætorias missi sunt, simul consules ad consulares prouincias missos intelligere liceat, iniurias, furta & rapinas, copiose locupletes, copias enim diuitias appellamus, spem capere, continere & satiare, Auro gazaque regia, Mithridatis & Tigranidis pecuniis, quam enim pecuniam hostibus imperatores res detraxerant eam in ararium Romam referendam curabant,

curabant, ideo cum imperatoribus mittebantur quaestores, ad pecuniariam rem administrandam ac praedam, ac manubias in publicas rationes referendas. Cic. lib. de officiis 2. Pacatam, qua bello careret: pacatus homo dicitur qui hostis non est, requisivit, studiosè quaesivit ut bello piratico praeferretur, animi continentiam, quia sociorum compilator ac praedator non esset, pecunia publica, vectigalibus, qua ipsi soluerent, praeter paucos, eos scilicet qui cum imperio in provincias mittuntur, clausium nomine, quod classi praefecti sunt, alienis vitiis, magna laus Pompei est, in aliorum imperatorum, tanta auaricia, tanta incontinentia, ipsum esse tam innocentem, tam continentem, inter annos tot, à tam multis annis, intra autem potius dicatur, ut intra decem annos, hoc est, antequam decem anni sint, quod decennio quoque dici posset, P. Seruilius, qui ante Pompeium cum piratis victoria non in cruenta conflixit, summis vestris beneficiis, vir consularis, amplissimis honoribus, consulatu, horum autoritatibus, per horum auctoritates.

Rhetorica explicatio:

Resutando tres aduersas Catuli sententias, videtur tribus partibus, propositione, cum dicit: Reliquum est ut de Q. Catuli, Obiectione, cum dicit. Si in vno G. Pompeio, & Resutatione cum dicit, sed in hoc ipso.

Dispositio Primæ obiectionis.

OMnem spem ponimus in Pompeij virtute. Non igitur mittendus est ad tam periculosum bellum. Ratio consequentia si enim interiret: in quo alio spes reponeretur.

Antecedens probat commendando Pompeium iudicio populi Romani dum dicit, cæpit magnum.

Solutio primæ obiectionis per inuersionem.

Spem omnem habemus in Pompeij virtute. Ergo ad bellum mittendus est. Consequentia valet. Viendum est enim hominis virtute dum licet. Quod si brevis & incerta est Pompeij vita. Ergo casuendum est quo ad licebit.

Dispositio secundæ obiectionis Catuli.

At enim nihil noui.

Propositio: Non decet quidquam fieri contra consuetudinem maiorum.

Assumptio: Si Pompeius bis imperator deligeretur, consuetudo maiorum violaretur, dum moribus antiquis Res Romana stat caditq̃.

Complexio: Ergo Pompeius belli Mithridatici imperator esse non potest. Omittit autem Cicero minorem & complexionem tanquam manifestas & solum maiorem propositionem ponit.

Refutatio

Refutatio secundæ obiectionis.

Hanc obiectionem Cic. tripliciter refutat: Primo ab autoritate maiorum, hoc argumento. Maiores nostri, nouis casibus, noua consilia accommodabant.

Ergo & hoc tempore licet accommodare: Antecedens probat duobus exemplis per prateritionem, cum dicit, non dico.

Scipionis cui bellum punicum & Hispaniense demandatum fuit. Deinde Marij qui contra Cymbros erat destinatus dum dicit, non commemorabo.

Secundo hanc obiectionem refutat à persona Catuli: dum dicit, in ipso G. Pompeio.

Ipse Catulus antea Pompeio bellum commiserat.

Ergo & hoc bellum impedire non debet.

Antecedens probat partitione dum dicit: Quid tam nouum.

Tertio, eandem obiectionem refutat à persona Pompeij dum dicit, quid verò tam inauditum, ubi multa alia noua in Pompeio demonstrat per partitionem.

Si Pompeius eques triumphauit, & loco consulis in bellum missus fuit, quod certe nouum est.

Ergo & hoc nouum bellum est illi concedendum, dum dicit, Quare videre, Hanc conclusionem duabus rationibus exaggerat.

Primario: Si semper tantorum hominum de Pompeio facta iudicia comprobastis. Ergo & hoc comprobata

probate imperatoremq; decernite. 2. ratio, Si male ante consuleretis, cum Pompeium contra pradones miseratis, illorum consilio vobis parendum esset, Sed bene consulistis: illi autem inique reclamabant; Ergo vestrum sequantur aduersarii sententiam. Obserua quomodo orator Epicrisi orationem extollit, quam sapius argumentatione perfecta conclusione proponere solet ut hoc loco: Tanta in eo Reipub;

Dispositio tertiæ Catuli obiectionis,
Atq; in hoc bello Asiatico.

Catulus virtuti Pompeij detrabebat dicens:
Præter militarem scientiam, requiruntur alia etiam in imperatore virtutes, quæ in Pompeio non reperiuntur;

Ergo non est Pompeius perfectus imperator: Et proinde hoc bellum illi commitendum non est.

Refutatio obiectionis tertiæ catuli.

Cicero primo per comparationem aliorum imperatorum, soluit obiectionem catuli, Pompeiumq; esse continentissimum probat.

Dispositio refutationis.

Propositio: Difficile est in Asia continentem esse;

Ratio ex effectu: Quia multi imperatores incontinenter in Asia vixerunt.

Approbatio: Quia omnia templa & vrbes in Asia diripuerunt.

Ratio;

Ratio: Quia tu Hortensi & Catule calamitates Asia audiisti.

Assumptio: Pompeius autem fuit continentissimus;

Complexio: Ergo Pompeio in bello Asiatico omnia concedenda.

Secundò ab autoritate clarissimorum virorum, & confirmationem probat, & aduersariorum auctoritatem infringit hoc modo.

Seruilus, Curius, Lentulus, Cassius, hoc bellum Pompeio deferunt;

Ergo aduersariorum auctoritas nihil valet. Atque in hoc bello obiectio est, difficile est in Asia propositio refutationis, difficile dictu, ratio propositionis. Quod enim fanum, approbatio, Libenter hæc coram, Ratio approbationis ab auctoritate aduersariorum, pro socijs vos, hic est amplificatio, quâ cupiditatem imperatorum quorundam perstringit. Estq; ex contrarijs, cuius est sensus. Pro socijs an contra socios in Asiam mittetis imperatores. Quæ ciuitas, commemoratur in eadem exaggeratione; nulla ciuitas nostrorum imperatorum perferre potest rapinas. Quare etiam, Hæc est veluti quædam conclusio maioris propositionis; Sensus est: Ergo non tantū fortis sed etiam continentissimus imperator in Asiam mittendus. Ecquam putatis, Sensus est: Nulla ciuitas à nostris tuta esse potest, ora maritima: Hic est assumptio, qua ostendit maritimos ob continentiam Pompeium imperatorem expetuisse, videbat enim, Epitrisi assumptionem probat, nunc qua cupiditate;
Conclusio

Conclusio tertia obiectionis per repetitionem. Quare videte, conclusio refutationis.

Elocutio.

O Ratio est concitator, ad perturbandos affectus audientium apta.

Figuræ.

Quid igitur ait Hortensius, *Hipophora*, obsoleuit iam, *antipophora*, Quæ ciuitas, *expolitio* per contentionem, Gabinio dicam Pompeio, *dubitatio*, An G. falcidius, *paradigma*, Quos honoris causa *præcastigatio*, Neque me impedit, *prokatalipsis* sed in hoc, *antiprotasis*, Quo minus certa, *lipsis*, Et consilio regere, *polysindeton*, regere, tueri, *auxesis* in verbis & similiter desinens, At nihil noui, *ipophora*, Non dico hoc loco, *paralipsis* & repetitio in aduerbio non. Est & dissolutum, propter rationes sine coniunctione oblatas. Idem cum Iugurtha, *repetitio*, singulari innocentia grauitate &c. *articulus* & dissolutum, Quid tam nouum, *subiectio*, Nouum, præter consuetudinem, inauditum, *Synonima*. non modo, sed, *Auxesis*, Mitteretur missus, *tractatio*, Hoc si vos temere, *hipotesis*, Atq; in hoc bello, *hipophora*, Difficile est, *antipophora*, pro socijs vos, *Erotema*, Quare si quam, *fiectio*, Ecquam putatis, *expolitio*, ora maritima, *metonymia*, videlicet isti, *ironia*.

Sexta


Sexta Pars orationis, Peroratio.

QUæ cum ita sint. Hac peroratio tribus partibus absolvitur, Prima est exhortatio Manili, cuius legem ac sententiam de G. Pompeio Asiatico bello præsiciendo laudat, eumq; hortatur, in eadem ut maneat sententia: Secunda est pollicitatio sui studij, dum dicitur, Ego autem. Tertia est occupatio qua ostendit hac omnia se non in gratiâ Pompeij, sed in Rempublic præstitisse dum dicit, testorq; omnes, Hic autem nulla est repetitio argumentorum, quia satis perspicue & in propositione, & in confirmatione illis usus est orator. Amplificatio est mediocris, præsertim ubi suum studium defferat Manilio, genus quoq; dicendi huius partis est temperatum.

Huic loco, Tres Sybillarum statuas iuxta rostra constitutas fuisse Plin: 39. lib. narrat, Quirites Romani dicuntur à Quirino, id est, à Romulo primo rege urbis conditore. Ante etiam Sabini appellabantur.

PROSEXTORO- SCIOAMERINO,

Oratio.

 REDO ego vos iudices mirari, quid sit, quod, cum tot summi oratores. hominesq; nobilissimi sedeant, ego potissimum surrexerim, is, qui neq; ætate, neq; ingenio, neq; auctoritate sim cum his, qui sedeant, comparandus. omnes enim hi, quos videtis adesse in hac causa, iniuriam non uo scelere conflata putant oportere defendi, defendere ipsi propter iniquitatem temporum non audent. ita sit, ut adsint, propterea quod officium sequuntur: taceant autem iccirco, quia periculum metuunt. quid ergo? audacissimus ego ex omnibus? minimè. at tanto officiosior, quam cæteri? ne istius quidem laudis ita sum cupidus, ut alijs eam præreptam velim. quæ me igitur res præter cæteros impulit, ut causam Sex. Roscij reciperem? quia, si quis istorum dixisset, quos videtis adesse, in quibus summa auctoritas est, atq; amplitudo, si verbum de repub. fecisset, id quod in hac causa fieri necesse est, multo plura dixisse, quam dixisset, putaretur: ego etiam si omnia, quæ dicenda sunt, liberè dixero, nequaquam tamen similiter oratio mea exire, atque in vulgus emanare

emanare poterit : deinde, quòd cæterorum neque dictum obscurum potest esse propter nobilitatem, & amplitudinem : neque temerè dicto concedi propter ætatem & prudentiam : ego si quid liberius dixerò, vel occultum esse propterea, quòd nondum ad remp. accessi, vel ignosci adolescentiæ meæ poterit tametsi non modò ignoscendi ratio, verum etiam cognoscendi consuetudo iam de ciuitate sublata est. accedit illa quoque causa, quòd à cæteris fortissimè ita petitiū sit, vt dicerent, vt vtrumvis saluo officio se facere posse arbitrentur : à me autem ij contenderunt, qui apud me & amicitia, & beneficijs & dignitate plurimū possunt : quorum ego neque beneuolentiam erga me ignorare, nec auctoritatem aspernari, nec voluntatem negligere debeam his de causis ego huic causæ patronus extiti : non electus vnus, qui maximo ingenio, sed relictus ex omnibus, qui minimo periculo possem dicere : neq; vti satis firmo præsidio defensus Sex. Roscius, verum vt ne omnino desertus esset, forsitan quæritis, qui iste terror sit, & quæ tanta formido, quæ tot, ac tales viros impediat, quo minus pro capite & fortunis alterius, quemadmodum consueuerunt, causam velint dicere. quòd adhuc vos ignorare non mirum est : propterea quòd consulto ab accusatoribus eius rei, quæ conflabit hoc iudicium, mentio facta non est. quæ res ea est ? bona patris huiusce Sex. Roscii, quæ

I sunt

sunt sexagies, quæ de viro fortissimo, & clarissimo L. Sylla, quem honoris causa nomino, duobus millibus nummum sese dicit emississe adolescens, vel potentissimus hoc tempore nostræ ciuitatis L. Cornelius Chrysogonus is à vobis iud. hoc postulat, vt, quoniam in alienam pecuniam tam plenam, atque præclaram, nullo iure inuasit: quoniamque ei pecuniæ vita Sex. Roscij obstare, atque officere videatur, deleatis ex animo suo suspicionem omnem, metumque tollatis sese, hoc incolumi non arbitratur huius innocentis patrimonium tam amplum, & copiosum posse obtinere: damnato, & eiecto sperat se posse, quod adeptus est per scelus, id per luxuriam effundere, atque consumere. hunc sibi ex animo scrupulum, qui se dies noctesque stimulat, ac pungit, vt euellatis, postulat: & ad hanc suam prædam tam nefariam adiutores vos profiteamini. si vobis æqua, & honesta postulatio videtur iudices: ego contra breuem postulati-
onem assero, &, quomodo mihi persuadeo, aliquanto æquiores. Primum à Chrysogono peto, vt pecunia, fortunisque nostris contentus sit, sanguinem & vitam ne petat, deinde à vobis iudices, vt audacium sceleri resistatis, innocentium calamitatem leuetis, & in causa Sex. Roscij periculum, quod in omnes intenditur, propulsetis quod si aut causa criminis aut facti suspicio, aut quælibet denique
vel minis

vel minima res reperietur, quamobrem videntur illi nonnihil tamen in deferendo nomine secuti : postremò si præter eam prædam, quam dixi, quicquam aliud causæ inteneritis : non recusamus, quin illorum libidini Sex. Roscij vita dedatur. sin aliud, agitur nihil, nisi ut ijs ne quid desit, quibus fatis nihil est, si hoc solum hoc tempore pugnatur, ut ad illam optimam præclaramque prædam damnatio Sext. Roscij, velut cumulus accedat. nonnè cum multa indigna, tum vel indignissimum est, vos idoneos habitos, per quorum sententias, iusque iurandum id assequantur, quod antea ipsi scelere, & ferro assequi consuerunt? qui ex ciuitate in senatum propter dignitatem, ex senatu in hoc consilium delecti estis propter seueritatem : ab his hoc postulare homines sicarios, atque gladiatores, non modò ut supplicia vitent, quæ à vobis pro maleficijs suis metuere atque horrere debent, verum etiam ut spolijs Sex. Roscij hoc iudicio ornati auctique discedant? his de rebus tantis, tamque atrocibus neque satis me commodè dicere, neque satis grauitè conqueri, neque satis liberè vociferari posse intelligo : nam commoditati ingenium, grauitati ætas, libertati tempora sunt impedimento : huc accedit summus timor, quem mihi natura pudorque meus attribuit, & vestra dignitas, & vis aduersariorum, & Sex. Roscij pericula. quapropter

vos oro atque obsecro iudices, ut attentè bonaque cum venia verba mea audiat. fide sapientiaq; vestra fretus, plus oneris iustuli, quam ferre me posse intelligo. hoc onus si vos aliqua ex parte alleuabitis, feram, ut potero, studio & industria iudices, sin à vobis, id quod non spero, deserar, tamen animo non deficiam, & id, quod sulcepi, quoad potero, perferam. quòd si perferre non potero, opprimi me onere officij malo, quam id, quod mihi cum fide semel impositum est, aut propter perfidiam abijcere, aut propter infirmitatem animi deponere. Te quoque magnopere M. Fanni quaeso, ut, qualem te iam antea populo R. praeuisti, cum huic eidem quaestioni iudex praesles, talem te & nobis, & P. R. hoc tempore imperitias. quanta multitudo hominum conuenerit ad hoc iudicium, vides: quæ sit omnium mortalium expectatio, quæ cupiditas, ut acris ac seuera iudicia fiant, intelligis. longo interuallo iudicium inter sicarios hoc primum committitur, cum interea cædes indignissimæ maximæque factæ sint. omnes hanc quaestionem te praetore de manifestis maleficijs antè admissis, quotidianoque sanguine sperant futuram. qua vociferatione in cæteris iudicijs accusatores uti consueuerunt, ea nos hoc tempore utimur, qui causam dicimus: petimus abs te M. Fanni, à vobisq; iud. ut quam acerrimè maleficia vindicetis, ut quam fortissimè hominibus audacissimis

simis resistatis, vt hoc cogitetis, nisi in hac
caussa, qui vester animus sit, ostendetis, eò pro-
rumpere hominum cupiditatem, & scelus, &
audaciam, vt non modò clàm, verum etiam
hic in foro, ante tribunal tuum M. Fanni: ante
pedes vestros, iudices, inter ipsa sub sellia cedes
futuræ sint. etenim quid aliud hoc iudicio ten-
tatur, nisi vt id fieri liceat? accusant ij, qui in
fortunas huius inuaserunt: causam dicit is, cui
præter calamitatem nihil reliquerunt. accusant
ij, quibus occidi patrem Sex. Roscij bono fuit:
causam dicit is, cui non modò luctum mors pa-
tris attulit, verum etiam egestatem accusant ij,
qui hunc ipsum iugulare summè cupierunt:
causam dicit is, qui etiam ad hoc ipsum iudici-
um cum præsidio venit, ne hic ibidem ante o-
culos vestros trucidetur. denique. Accusant ij,
quos populus poscit: causam dicit is, qui vnus
relictus ex illorum nefaria cæde restat. atq; vt
facilius intelligere possitis iudices, ea quæ fa-
cta sunt, indigniora esse, quam hæc sunt, quæ
dicimus: ab initio res quemadmodum gesta sit,
vobis exponemus, quo facilius & huius homi-
nis innocentissimi misérias, & illorum audaci-
am cognoscere possitis, & reipublicæ calami-
tatem. Sex. Roscius pater huiusce, municeps
Amerinus, fuit cum genere, & nobilitate, & pe-
cunia non modò sui municipij, verum etiam e-
ius vicinitatis facillè primus, tum gratia atque
hospitijs florens hominum nobilissimorum.

Nam cum Metellis, Seruilijs, Scipionibus erat ei non modò hospitium, verum etiam domesticus vsus, & consuetudo: quas, vt æquum est, familias honestatis amplitudinisque gratia nomino. itaque ex suis omnibus commodis hoc solum filio reliquit: nam patrimonium domestici prædones vi creptum possident: fama & vita innocentis ab hospibus, amicisque paternis defenditur. hic cum omni tempore nobilitatis fautor fuisset, tum hoc tumultu proximo, cum omnium nobilium dignitas, & salus in discrimen veniret, præter cæteros in ea vicinitate eam partem, causamque opera, studio, auctoritate defendit. etenim rectum putabat, pro eorum honestate se pugnare, propter quos ipse honestissimus inter suos numerabatur. posteaquam victoria constituta est, ab armisque recessimus: cum proscriberentur homines, atque ex omni regione caperentur ij, qui aduersarij fuisse putabantur, erat ille Romæ frequens, atque in foro, & in ore omnium quotidie versabatur, magis vt exultare victoria nobilitatis videretur, quam timere, ne quid ex ea calamitatis sibi accideret. erant ei veteres inimicitie cum duobus Roscijs Amerinis: quorum alterum sedere in accusatorum subsellijs video, alterum tria huiusce prædia possidere audio. quas inimicitias si tam cauere potuisset, quam metuere solebat, viuere: neque enim iudices, iniuria metuebat: nam
duo isti

duo isti sunt Titi Roscij, quorum alteri Capito-
 ni cognomen est: iste, qui adest, Magnus vo-
 catur: homines eiusmodi: alter plurimarum
 palmarum vetus ac nobilis gladiator habetur:
 hic autem nuper se ad eum lanistam contulit,
 qui, cum ante hanc pugnam tyro esset scien-
 tia, facile ipsum magistrum scelere, audacia-
 que superauit. nam cum hic Sex. Roscius esset
 Ameriæ, T. autem iste Roscius Romæ: cum
 hic filius assiduus in prælijs esset, cumque se
 voluntate patris rei familiari, vitæque rusticæ
 dedisset, iste autem frequens Romæ esset: oc-
 ciditur ad balneas Palatinas, rediens à cæna
 Sex. Roscius. spero ex hoc ipso non esse ob-
 scurum, ad quem suspicio maleficij pertineat,
 verum id, quod adhuc est suspiciosum, nisi
 perspicuum res ipsa fecerit. hunc affinem cul-
 pæ iudicatote. Occiso Sex. Roscio primus A-
 meriam nunciat Manlius Glaucia quidam, ho-
 mo tenuis, libertinus, cliens, & familiaris isti-
 us T. Roscij: & nunciat domum, non filij,
 Sed T. Capitonis inimici. & cum post horam
 primam noctis occisus esset. primo diluculo
 nuncius hic Ameriam venit. decem horis no-
 cturnis sex & quinquaginta millia passuum ci-
 sijs peruolauit: non modò vt exoptatum ini-
 mico nuncium primus afferret, sed etiam cru-
 orem inimici quàm recentissimum, telumque
 paulo antè è corpore extractum ostenderet.
 quatrduo, quo hæc gesta sunt, res ad Chry-
 sogonum

fogonum in castra L. Syllæ Volaterras defer-
tur: magnitudo pecuniæ demonstratur: boni-
tas prædiorum, (nam fundos decem & tres re-
liquit, qui Tyberim ferè omnes tangunt) hu-
ius inopia & solitudo commemoratur. de-
monstrant, cùm pater huiusce Sex. Roscius,
homo tam splendidus & graciosus, nullo ne-
gocio sit occisus, perfacile hunc, hominem
incautum, & rusticum, & Romæ ignotum,
de medio tolli posse. ad eam rem operam su-
am pollicentur. ne diutius vos teneam iudi-
ces, societas coitur. cùm iam proscriptionis
mentio nulla fieret: & cùm, etiam qui antea
metuerant, redirent, ac iam defunctos sese
periculis arbitrarentur: hominis studiosissi-
mi nobilitatis manceps fit Chrysogonus: tria
prædia vel nobilissima Capitoni propria tra-
duntur, quæ hodie possidet: in reliquas om-
nes fortunas iste T. Roscius nomine Chryso-
goni, quemadmodum ipse dicit, impetum
facit. hæc bona sexagies H. S. emuntur duo-
bus millibus nummum. hæc omnia iudices im-
prudente L. Sylla facta esse certò scio, neque
enim mirum, cùm eodem tempore & ea quæ
præterita sunt, reparet, & ea, quæ videntur
instare, præparet: cùm & pacis constituendæ
rationem, & belli gerendi potestatem solus ha-
beat: cùm omnes in vnum spectent, vnus om-
nia gubernet: cùm tot tantisq; negocijs distectus
sit, vt respirare libere non possit: si aliquid non
animad-

animaduertat, cum præsertim tam multi occupationem eius obseruent, tempusq; aucupentur, vt, simul atq; ille despexerit, aliquid huiusmodi moliantur. huc accedit, quod quamuis ille felix sit, sicut est, tamen in tanta felicitate nemo potest esse in magna familia, qui neminem neq; seruum, neq; libertum improbum habeat. interea iste T. Roscius vir optimus, procurator Chrysogoni, Ameriam venit, in prædia huius inuadit, hunc miserum, luctu perditum, qui nondum et iam paterno funeri iusta soluisset, nudum eiecit domo, atq; focis patrijs dijsq; penatibus præcipitem iudices exturbat: ipse amplissimæ, pecuniæ fit dominus. qui in sua re fuisset egentissimus, erat, vt fit, insolens in aliena: multa palàm domum suam auferebat, plura clam de medio remouebat: non pauca suis adiutoribus large effuseq; donabat, reliqua constituta auctione vendebat. quod Amerinis vsque eò visum est indignum, vt vrbe tota fletus-gemitusq; fieret: etenim multa simul ante oculos versabantur, mors hominis florentissimi Sex. Roscii crudelissima, filij autè eius egestas indignissima, cui de tanto patrimonio prædo iste nefarius ne inter quidem sepulchrum patrum reliquisset bonorum emptio, flagitiosa possessio, furta, rapinæ, donationes. nemo erat, qui non ardere omnia mallet, quam videre in Sex. Roscij viri optimi, atq; honestissimi bonis iactantem se, ac dominantem T. Roscium. itaq;

I 5

decurio-

decurionum decretum statim sit, vt Decem pri-
 mi proficiscantur ad L. Syllam, doceantq; eum
 qui vir Sex Roscius fuerit, conquerantur de i-
 storum scelere, & iniurijs, orent, vt & illius
 mortui famam, & filij innocentis fortunas con-
 seruatas velit. atq; ipsum decretum quælo co-
 gnoscite. **DECRETVM DECVRIONVM.**
 Legati in castra veniunt: intelligitur iud. id
 quod iam ante dixi, imprudente L. Sylla scele-
 ra hæc & flagitia fieri: nam statim Chrysogonus
 & ipse ad eos accedit, & homines nobiles alle-
 gat, ab ijs, qui peterent, ne ad Syllā adirent, &
 omnia Chrysogonum, quæ vellent, esse factu-
 rum pollicerentur. vsq; adeo autem ille perti-
 muerat, vt mori mallet, quam de his rebus
 Syllam doceri. homines antiqui, qui ex sua na-
 tura cæteros fingerent, cum ille confirmaret se
 se nomen Sex. Roscij de tabulis exempturum,
 prædia vacua filio traditurum, cumq; id ita fu-
 turum T. Roscius Capito, qui in X. legatis erat,
 adpromitteret, crediderunt, Ameriam re igno-
 rata reuenterunt. ac primo rem differre quotidie
 ac procrastinare isti cœperunt, deinde aliquan-
 to lentius, nihil agere atq; deludere, postre-
 mo, id quod facile intellectum est, insi-
 dias vitæ huiusce Sex. Roscij parare, neq; sese
 arbitrari posse diutius alienam pecuniam domi-
 no incolumi obtinere. quod is simul atq; sensit
 de amicorum cognatorumq; sententia Romam
 confugit, & sese ad Cæciliam Nepotis sororem,
 quam

quam honoris causa nomino, contulit, qua pater vsus erat plurimum. in qua muliere iud. etiam nunc, id quod omnes semper existimauerunt, quasi exempli causa vestigia antiqui officij remanent. ea Sex. Roscium inopem, eie- ctum domo, atq; expulsum ex suis bonis, fugi- entem latronum tela & minas, recepit domum, hospitiq; oppresso iam, desperatoq; ab omni- bus opitulata est eius virtute, fide, diligentia factum est, vt hic potius viuus in reos, quam occisus in proscriptos referretur. nam postquam isti intellexerunt, summa diligentia vitam Sex. Roscij custodiri, neq; sibi vllam cædis faciun- de potestatem dari: consilium dederunt ple- num sceleris, & audaciæ, vt nomen huius de paricidio deferrent, vt ad eam rem aliquem ac- cusatorem veterem compararent, qui de ea re posset dicere aliquid, in qua re nulla subesset suspicio, deniq; vt, quoniam crimine non po- terant, tempore ipso pugnarent: ita loqui ho- mines, quod iudicia tam diu facta non essent, condemnari eum oportere, qui primus in iudi- cium adductus esset: huic autem patronos pro- pter Chrysogoni gratiam defuturos: de bono- rum venditione, & de ista societate verbum es- se facturum neminem: ipso nomine parricidij, & atrocitate criminis, fore, vt hic nullo nego- tio tolleretur, cum ab nullo defensus esset. hoc consilio atq; adeo hac amantia impulsus, quem ipsi cum cuperent, non potuerunt occi- dere eum

dere, cum iugulandum vobis tradiderunt, quid
primum quarar? aut vnde potissimum exordi-
ar iud: aut quod, aut à quibus auxilium petam?
deorum ne immortalium? populi ne Romani?
vestram ne, qui summam potestatem habetis,
hoc tempore fidē implorem? pater occisus ne-
tarie, domus obsessa, ab inimicis bona adem-
pta, possessa, direpta: filij vita infesta, sæpe fer-
ro atq; insidijs appetita, quid ab his tot male-
ficijs sceleris abesse videtur? tamen hæc alijs ne-
farijs cumulant, atq; adaugent: crimen incre-
dibile confingunt testes in hunc & accusatores
huiusce pecunia comparant: hanc conditionem
misero ferunt, vt optet vtrum malit, ceruices
Roscio dare, an infusus in culeum supplicium
parricidarum, per summum dedecus vitam a-
mittere. patronos huic defuturos putauerunt:
desunt qui libere dicat, qui cum fide defendat,
id quod in hac causa est latis, quoniam quidem
suscepi, non deest profecto iudices, & forsitan
insuscipienda causa temere impulsus adolescen-
tia fecerim: quoniam quidem semel suscepi, li-
cet hercules vndiq; omnes terrores, minæ peri-
culaq; impendeant omnia, succuram, atq; lubi-
bo. certum est, deliberatumq;, quæ ad causam
pertinere arbitror, omnia non modo dicere,
verum etiam libenter, audacter, libereq; dicere
nulla res tanta existat iudices, vt possit vim
mihi maiorem adhibere metus, quam fides: eti-
am quis tam dissolutio animo est, qui, hæc cum
videat,

PRO SEX. ROSCIO AM. 141

videat, tacere, ac negligere possit? patrem meum cum proscriptus non esset, iugulastis: occisum in proscriptorum numerum retulistis: me domo mea per vim expulistis: patrimonium meum possidetis: quid vultis amplius? etiam ne ad subsellia cum ferro atq; telis venistis, ut hic aut iuguletis, aut condemnetis Sex. Roscium? hominem longe audacissimum nuper habuimus in ciuitate C. Fimbriam, & quod inter omnes constat, nisi inter eos qui ipsi quinq; insaniant, insanissimum. is cum curasset in funere C. Marci, ut Q. Scæuola vulneraretur, vir sanctissimus atq; ornatissimus nostræ ciuitatis, de cuius laude neq; hic locus est ut multa dicantur, neq; plura tamen dici possunt, quam populus R. memoria retinet: diem Scæuolæ dixit, posteaquam comperit eum posse viuere. cum ab eo quæreretur, quid tandem accusaturus esset eum, quem pro dignitate ne laudare quidem quisquam satis commode posset: aiunt hominem, ut erat furiosus, respondisse, quod non totum telum corpore recepisset. quo populus R. nihil vidit indignius, nisi eiuldem viri mortem: quæ tantum potuit, ut omnes ciues suos perdiderit, & affligerit: quos quia seruare per compositionem volebat, ipse ab ijs interemptus est. est ne hoc illi dicto atq; facto Fimbriæ non simillimum? accusatis Sex. Roscium: quid ita? quia de manibus vestris effugit; quia se occidi passus non est. illud, quia in Scæuola

factum

factum est; magis indignum videtur: hoc quia fit à Chryfogono; non est ferendum, nam per deos immortales, quid est in hac causa, quod defensionis indigeat? qui locus ingenium patroni requirit, aut oratoris eloquentiam magnopere desiderat? totam causam iud. explicemus, atq; ante oculos expositam consideremus. ita facillime, quæ res totum iudiciû contineat, & quibus de rebus nos dicere oporteat, & quid vos sequi conueniat, intelligetis. Tres sunt res, quantum ego existimare possum, quæ obstant hoc tempore Sex. Roscio, crimen aduersariorum, & audacia, & potentia. criminis confecti- onem accusator Erucius suscepit: audaciæ partes Roscij sibi poposcerunt: Chryfogonus autem, is, qui plurimum potest, potentia pugnat. de hisce omnibus rebus me dicere oportere intelligo: quid igitur est? non eodem modo de omnibus: ideo quod prima illa res ad meum officium pertinet, duas autem reliquas vobis populus R. imposuit. ego crimen oportet diluam: vos & audaciæ resistere, & hominum eiusmodi perniciosam atq; in tolerandam potenti- am primo quoq; tempore extinguere, atq; opprimere debetis. occidisse patrem Sex. Roscius arguitur. scelestum dij immortales ac nefarium facinus, atq; eiusmodi, quo vno maleficio scelera omnia complexa esse videantur. etenim si, id quod præclare à sapientibus dicitur, vultu sæpe læditur pietas: quod supplicium satis acre reperietur

PRO SEX. ROSCIO AM. 143

reperietur in eum; qui mortem obtulerit parenti? pro quo mori ipsum, si res postularet, iura diuina atq; humana cogeant, in hoc tanto, tam atroci, tam singulari maleficio, quod ita raro extitit, vt, si quando auditum sit, portentis ac prodigijs simile numeretur, quibus tandem te C. Eruci argumentis accusatorem censes vti oportere? non ne & audaciam eius, qui in crimen vocetur, singularem ostendere, & mores feros, immanemq; naturam & vitam vitij flagitijsq; omnibus deditam, & deniq; omnia ad perniciem profligata atq; perdita? quorum tu nihil in Sex. Roscium, ne obijciendi quidem causa, contulisti. patrem occidit Sex. Roscius: qui homo? adolescentulus corruptus & ab hominibus nequam inductus? annos natus magis quadraginta vetus videlicet sicarius, homo audax & sæpe in cæde versatus? ad hoc ab accusatore ne dici quidem audistis. luxuries igitur hominem nimirum, & æris alieni magnitudo, & in domitæ animi cupiditates ad hoc scelus impulerunt. de luxuria purgavit Erucius, cum dixit hunc ne in conuiuio quidem villo ferè interfuisse. nihil autem vnquam debuit. cupiditates porro quæ possunt esse in eo, qui, vt ipse accusator obiecit, ruri semper habitavit, & in agro colendo vixerit? quæ vita maxime disiuncta à cupiditate, & cum officio coniuncta. quæ res igitur tantum istum furorem Sex. Roscio obiecit? patri inquit, non placebat. patri non placebat?

cebat? quam ob causam? necesse est enim eam quoq; iustam, & magnam, & perspicuam fuisse: nam vt illud incredibile est, mortem oblatam esse patria filio sine plurimis & maximis causis: sic hoc verisimile non est, odio fuisse parenti filium sine causis multis, & magnis, & necessarijs. rursus igitur eodem reuertamur, & quæramus, quæ tanta vitia fuerint in vnico filio, quare is patri displiceret. at perspicuum est, nullum fuisse. pater igitur amens, qui odisset eum sine causa, quæ procrearat. at is quidem fuit omnium constantissimus. ergo illud iam perspicuum profecto est, si neq; amens pater, neq; perditus filius fuerit neq; odij causam patri, neq; sceleris filio fuisse. nescio, inquit, quæ causa odij fuerit: fuisse odium intelligo, quia antea, cum duos filios haberet, illum alterum, qui mortuus est, secum omni tempore volebat esse, hunc in prædia rustica relegarat: quod Erucio accidebat in mala nugatoriaq; accusatione, idem mihi vsu venit in causa optima. illa, quo modo crimē commentitium confirmaret, non inueniebat: ego, res tam leues qua ratione infirmem ac diluam, reperire non possum. quid ais Eruci? tot prædia, tam pulchra, tam fructuosa Sex. Roscius filio suo relegationis ac supplicij gratia collenda ac tuenda tradiderat? quid hoc? patres familias, qui liberos habent, præsertim homines illius ordinis, ex municipijs rusticanis, nonne optatissimum sibi putant esse, filios suos rei familiari

familiari maximè seruire, & in prædijs colendis operæ plurimum studejque consumere? ac amandarat hunc sic, vt esset in agro, ac tantummodo aleretur ad villam, vt commodis omnibus careret; quid, si constat, hunc non modo colendis prædijs præfuisse, sed certis fundis patre viuo frui solitum esse? tamen ne hæc attempta vita & rusticana, relegatio atque amandatio appellabitur? vides Eruci, quantum distet argumentatio tua ab re ipsa, atque à veritate, quod consuetudine patres faciunt, id quasi notum reprehendis: quod beniuolentia fit, id odio factum criminaris. quod honoris causa pater filio suo concessit, id eum supplicij causa fecisse dicis. neque hæc tu non intelligis, sed vsque eò, quid arguas, non habes, vt non modo tibi contra nos dicendum putes, verum etiam contra rerum naturam, contraque consuetudinem hominum, contraque opiniones omnium. at enim cum duos filios haberet, alterum à se non dimittebat, alterum ruri esse patiebatur. quæso Eruci, vt hoc in bonam partem accipias: non enim exprobrandi causa, sed commouendi gratia dicam. si tibi fortuna non dedit, vt patre certo nascere, ex quo intelligere posses, qui animus patrius in liberos esset: at natura certè dedit, vt humanitatis non parum haberes. eò accessit studium doctrinæ, vt ne à literis quidem alienus esses. ecquid tandem, tibi videtur (vt ad fabulas veniamus)

senex ille Cæcilianus minoris facere Eutychnū
filium rusticum, quam illum alterū Cherestra-
tum? (nam, vt opinor, hoc nomine est) alterum
in vrbe secum honoris causa habere, alterum
rūs supplicij causa relegasse? quid ad istas ine-
ptias abis, inquires? quasi vero mihi difficile sit
quamuis multos nominatim proferre (ne lon-
gius abeam) vel tribules, vel vicinos meos, qui
suos liberos, quos plurimi faciunt, agricolas as-
siduos esse cupiunt. verum homines notos su-
mere odiosum est: cum & illud incertum sit,
velint ne hi sese nominari, & nemo vobis ma-
gis notus futurus sit, quam est hic Eurychus,
& certē ad rem nihil interfit, vtrum hunc ego
comicum adolescentem, an aliquē ex agro Ve-
iente nominem: etenim hæc conficta arbitror
à poëtis esse, vt effictos nostros mores in alie-
nis personis, expressamque imaginem nostram
vitæ quotidianæ videremus. age nunc, refer a-
nimus, sis, ad veritatem, & considera, non mo-
do in Vmbria atque in ea vicinitate, sed in his
veteribus municipijs quæ studia à patribus fa-
milias maximè laudentur: iam profecto te in-
telliges inopia criminū summam laudem Sex.
Roscio vitio & culpæ dedisse. at non modo hoc
patrum voluntate liberi faciunt, sed per multos
& ego noui, & nisi me fallit animus, vnusquis-
que vestrū, qui & ipsi incensi sunt studio, quod
ad agrum colendum attinet, vitamque hanc ru-
sticam, quam tu probro & crimini putas esse o-
portere,

porzere, & honestissimam & suauissimam esse
arbitrantur. quid censes hunc ipsum Sex. Ro-
scium, quo studio, & qua intelligentia esse in ru-
sticis rebus? ut ex his propinquis eius, homini-
bus honestissimis, audio, non tu in isto artificio
accusatorio callidior es, quam hic in suo. verum
ut opinor, quoniam ita Chrysogono videtur,
qui huic nullum prædium reliquit, & artificium
obliuiscatur, & studium deponat, licebit. quod
tamen si miserum, & indignum est, feret tamen
æquo animo iudices, si per vos vitam & sanam
potest obtinere. hoc vero est, quod fieri non
potest, si & in hanc calamitatem venit propter
prædiorum bonitatem & multitudinē, & quod
ea studiosè coluit, id erit ei maximè fraudi: ut
parum miseriæ sit, quod alijs coluit, nō sibi, ni-
si etiam, quod omnino coluit, crimini fuerit. nā
tu Eruti accusator esses ridiculus, si illis tempo-
ribus natus esses, cum ab Aratro arcescebantur,
qui Consules fierent: etenim, qui præesse agro
colendo flagitium putes, profectò illum Atili-
um, quem sua manu spargentē semen, qui missi
erant, conuenerunt, hominem turpissimū, atq;
inhonestissimum iudicares. at hercule maiores
nostri longe aliter & de illo, & de cæteris talibus
viris existimabant: itaq; ex minima tenuissima-
que Rep. maximam & florentissimā nobis re-
liquerunt: suos enim agros studiole colebant,
non alienos cupidè appetebant: quibus rebus,
& agris, & vrbibus, & nationibus Remp. atque

hoc imperium, & populi R. nomen auxerunt:
neq; ego hæc eo profero, quod conferenda sint
cum hisce, de quib. nunc quærimus, sed vt illud
intelligatur, cum apud maiores nostros summi
viri, clarissimiq; homines, qui omni tempore
ad gubernacula Reip. sedere dedebant, tamen
in agris quoq; colendis aliquantū operæ, tem-
porisq; consumpserint, ignosci oportere ei ho-
mini, qui se fateatur esse rusticum, cum ruri as-
siduus semper vixerit, cū præsertim nihil esset,
quod aut patri gratius, aut sibi iucūdius, aut re-
uera honestius facere posset. odium igitur acer-
rimū patris in filium ex hoc opinor ostenditur
Eruci, quod hunc ruri esse patiebatur. nunquid
est aliud? immo vero, inquit, est: nam istum ex-
hæredare in animo habebat. audio. nunc dicis
aliquid, quod ad rem pertineat, nam illa opinor
tu quoq; concedis leuia esse atq; inepta. conui-
uia cum patre non inibat: quippe qui ne in op-
pidum quidem nisi perraro veniret. domum su-
am istum nō ferè quisquam vocabat: nec mirū,
quem neq; in vrbe videret, neq; ruri vocaturus
esset, verū hæc quoq; tu intelligis esse nugato-
ria, illud quod cœpimus, videamus, quo certius
argumentum odij reperiri nullo modo potest.
exhæredare pater filium cogitabat. mitto quæ-
rere, qua de causa: quæro, qui scias? tametsi te di-
cere atq; enumerare causas omnes oportebat:
& id erat certi accusatoris officium, qui tanti
sceleris argueret, explicare omnia vitia, atque
peccata

peccata filij, quibus incensus parens potuerit a-
nimum inducere, vt naturam ipsam vinceret, ut
amorem illū penitus insitum eijceret ex ani-
mo, vt deniq; patrem sese obliuisceretur: quæ
sine magnis huiusce peccatis accidere potuisse
non arbitror. verū concedo tibi, vt ea prætere-
as, quæ cum taces, nulla esse cōcedis. illum qui-
dem voluisse exhæredare, certe tu planū facere
debes. quid ergo affers, quare id factum pute-
mus? verē nihil potes dicere. finge aliquid saltē
commodē, vt ne planē videaris id facere, quod
aperte facis, huius miseri fortunis, & horum vi-
rorum talium dignitati illudere. exhæredare fi-
lium voluit: quam ob causam? nescio. exhære-
dauit ne? non. quis prohibuit? cogitabat, cogi-
tabat? cui dixit? nemini. quid est aliud, iudicio,
ac legibus, ac maiestate vestra abuti ad quæstū,
atq; ad libidinem, nisi hoc modo accusare, atq;
id obijcere, quod planum facere non modo nō
possis, verum ne coneris quidem? nemo nostrū
est Eruci, quin sciat tibi inimicitias cū Sex: Ro-
scio nullas esse: vident omnes, qua de causa hu-
ic inimicus venias: sciunt huiusce pecunia te ad-
ductum esse. quid ergo est? ita tamen quæstus
te cupidum esse oportebat, vt horum existima-
tionem, & legem Memmiam putares aliquid
valere oportere. accusatores multos esse in ci-
uitate vtile est, vt metu contineatur audacia.
veruntamē hoc ita est vtile, vt ne planē illuda-
mur ab accusatoribus, innocens est quispiam:

veruntamen, quanquam abest à culpa, suspicio-
 ne tamen non caret. tametsi miserum est, tamē
 ei, qui hunc accuset, possim aliquo modo igno-
 scere: cum enim aliquid habeat, quod possit cri-
 minose ac suspiciose dicere, aperte ludificari, &
 calumniari sciens non videatur. quare facile o-
 mnes patimur esse quamplurimos accusatores,
 quod innocens, si accusatus sit, absolui potest,
 nocens, nisi accusatus fuerit, condemnari non
 potest. vtilius est autem absolui innocentem,
 quam nocentem causam non dicere. anseribus
 cibaria publicè locantur, & canes aluntur in
 Capitolio, vt significant, si fures venerint. at fu-
 res internoscere nō possunt, significant tamen,
 si qui noctu in Capitolium venerint: & quia id
 est suspiciosum, tametsi bestix sunt, tamen in
 eam partem potius peccant, quæ est cautior,
 quod si luce quoq; canes latrent, cum deos la-
 lutatum aliqui venerint: opinor, ijs crura suf-
 fringantur, quòd acres sint etiam tum, cum su-
 spicio nulla sit. simillima est accusatorum ratio.
 alij vestrum anseres sunt. qui tantum modo cla-
 mant, nocere non possunt: alij canes, qui & la-
 trare, & mordere possunt. cibaria vobis præbe-
 ri videmus: vos autem maximè debetis in eos
 impetum facere, qui merentur. hoc populo gra-
 uissimum est. deinde si voletis, etiam tum, cum
 verisimile erit aliquem commisisse, in suspicio-
 ne latratote id quoque concedi potest. sin au-
 tem sic agetis, ut arguatis aliquem patrem oc-
 cidisse.

cidisse, neque dicere possitis aut quare, aut quo
modo, ac tantummodo sine suspitione latri-
bitis: crura quidem vobis nemo suffringet, sed,
si ego hos bene novi, literam illam, cui vos us-
que cò inimici estis, ut etiam eos omnes ode-
ritis, ita vehementer ad caput affigent, ut po-
stea neminem alium nisi fortunas vestras accu-
sare possitis, quid mihi ad defendendum dedi-
sti bone accusator? quid hisce autem ad suspi-
candum? ne exhæredaretur, veritus est, audio:
sed qua de causa vereri debuerit, nemo dicit.
habebat pater in animo: planum fac. nihil est,
non, qui cum deliberarit, quem certiorum fe-
cerit, vnde istud vobis suspicari in mentem ve-
nerit. cum hoc modo accusas Eruti, nonne
hoc palam dicis? ego, quid acceperim, scio:
quid dicam, nescio, unum illud spectavi, quod
Chrysogonus aiebat, neminem isti patronum
futurum: de bonorum emptione, deque ea so-
cietate neminem esse, qui verbum facere hoc
tempore auderet. hæc te opinio falsa in istam
fraudem impulit. non me hercule verbum fe-
cisses, si tibi quenquam responsurum putasles.
operæ pretium erat, si animaduertistis iudices,
negligentiam eius in accusando considerare.
credo, cum vidisset, qui homines in hisce sub-
sellis sederent, quæsisse, num ille, aut ille
defensurus esset, de me ne suspicatum quidem,
quod antea causam publicam nullam dixerim,
posteaquam inuenit, neminem eorum, qui
poslunt.

possunt, & solent : ita negligens esse cœpit,
 vt, cum in mentem veniret ei, resideret, de-
 inde spatiaretur, nonnunquam etiam pue-
 rum vocaret, credo cui cœnam imperaret,
 prorsus vt vestro confessu, & hoc conuentu
 pro summa solitudine abuteretur. perorauit
 aliquando, assedit. surrexi ego. respirare vi-
 sus est, quòd non alius potius diceret. cœpi
 dicere. usque eò animaduerti iudices eum io-
 cari, atque alias res agere, antequam Chry-
 sogonum nominaui. quem simulatque attigi,
 statim homo se erexit, mirari visus est. intelle-
 xi, quid eum pupugisset. iterum, actertio nomi-
 naui. postea homines cursare vtrò & citrò non
 destiterunt, credo, qui Chrysogono nunciarent,
 esse aliquem in ciuitate, qui contra voluntatem
 eius dicere auderet, aliter causam agi, atq; illud
 existimaret, aperiri bonorum emptionē, vexa-
 ri pessime societatem, gratiam potētiamq; eius
 negligi, iudices diligenter attendere, populo
 rem indignam videri. quæ quoniam te fefelle-
 runt Eruci, quoniamque vides versa esse o-
 mnia, causam pro Sex. Roscio si non com-
 mode, at libere dici, quem dedi putabas, de-
 fendi intelligis, quos tradituros sperabas, vi-
 des iudicare: restitue nobis aliquando veterem
 tuam illam calliditatē, atq; prudentiā: aut con-
 fitere huc ea spe venisse, quod putares hic latro-
 cinium, non iudicium futurū. de particidio cau-
 sa dicitur. ratio ab accusatore reddita non est,
 quam

quam ob causam patrem filius occiderit. quod in minus noxis, & in his leuioribus paccatis, quæ magis crebra, & iam propè quotidiana sunt, maximè, & primum quæritur, quæ causa maleficij fuerit: id Erutius in parricidio quærinon putat oportere. in quo scelere iudices, etiam cum multæ causæ conuenisse vnum in locum, atq; inter se congruere videntur, tamen non temerè creditur: neq; leui coniectura res penditur: neq; testis incertus auditur: neq; accusatoris ingenio res iudicatur: cum multa antea commissa maleficia, tum vita hominis perditissima, tum singularis audacia ostendatur, necesse est: neq; audacia solum, sed summus furor, atq; amentia. hæc cum sint omnia tamen extent oportet expressa sceleris vestigia, vbi, qua ratione, per quos, quo tempore maleficium sit admissum. quæ nisi multa, & manifesta sunt, profectò res tam scelestæ, tam atrox, tam nefaria credi non potest: magna est enim vis humanitatis: multum valet communio sanguinis: reclamationis istiusmodi suspicionibus ipsa natura: portentum atq; monstrum certissimū est, esse aliquem humana specie, & figura, qui tantum immanitate bestias vicerit, vt, propter quos hanc suauissimā lucem aspexerit, eos indignissimè luce priuarit: cū etiam feras inter se se partus, atq; educatio, & natura ipsa conciliet. non ita multis ante annis aiunt T. Clælium quendam Tarracinensem, hominem non

obscurum, cum cœnatus cubitum in idem con-
 clauē cum duobus adolescentibus filiis islet, in-
 uentum esset mane iugulatum. cum neq; ser-
 uus quisquam reperiretur, neq; liber, ad quem
 ea suspicio pertineret: id ætatis autem duo filij
 propter cubantes ne sensisse quidem se dicerent:
 nomina filiorum de parricidio delata sunt. quid
 postea? erat sanè suspiciosum neutrum sensisse?
 ausum autem esse quenquam se in id conclaue
 committere, eo potissimum tempore, cum i-
 bidem essent duo adolescentes filij, qui & sen-
 tire & defendere facile possent? erat porro ne-
 mo, in quem ea suspicio conueniret. tamen,
 cū planum iudicibus esset factum, aperto o-
 stio dormientes eos repertos esse: iudicio abso-
 luti adolescentes, & suspicione omni liberati
 sunt. nemo enim putabat quenquam esse, qui,
 cū omnia diuina atq; humana iura scelere ne-
 fario polluisset, somnum statim capere potu-
 isset: propterea quòd qui tantum facinus com-
 miserunt, non modò sine cura quiescere, sed
 ne spirare quidem sine metu possunt. videtis ne
 quos nobis poëtæ tradiderunt patris vlciscendi
 causa supplicium de matre sumpsisse, cū præ-
 fertim deorum immortalium iussis, atq; oracu-
 lis id fecisse dicantur: tamen vt eos agitent fu-
 riæ, neq; consistere vsquam patiantur? quòd
 ne pij quidem sine scelere esse potuerunt sic se-
 res habet iudices: magnam vim, magnam ne-
 cessitatem, magnam possidet religionem pater
 nus.

nus, maternusq; sanguis: ex quo, si qua macu-
 la concepta est, non modo elui non potest, ve-
 rum usq; eò permanat ad animum, ut summus
 furor, atque amentia consequatur, nolite enim
 putare, quemadmodum in fabulis sæpenume-
 ro videtis, eos, qui aliquid impiè scelerateq;
 commiserint, agitari, & perterrerì furiarum te-
 dis ardentibus. sua quæq; fraus, & suus terror
 maxime vexat: suum quemq; scelus agitat a-
 mentiaq; afficit: suæ malæ cogitationes, consci-
 entiaq; animi terrent. hæ sunt impijs assidue
 domesticæq; furia, quæ dies noctesq; parentū
 pœnas à consceleratissimis filijs repetant, hæc
 magnitudo maleficij facit, ut, nisi pene mani-
 festum parricidium proferatur, credibile non
 sit: nisi turpis adolescentia, nisi omnibus flagi-
 tijs vita inquinata, nisi sumptus effusi cum pro-
 bro atq; dedecore, nisi prorupta audacia, nisi
 tanta temeritas. ut non procul abhorreat ab in-
 famia. accedat huc oportet odium parentis, a-
 nimadversionis paternæ metus, amici impro-
 bi, serui conscij, tempus idoneum, locus op-
 portune captus ad eam rem: pene dicam, res per
 suas manus sanguine paterno iudices videant,
 oportet, si tantum facinus, tam immane, tam
 acerbum arèditi sunt. quare hoc, quo minus
 est credibile, nisi ostenditur, eo magis est, si
 convincitur, vindicandum. itaq; cum multis ex
 rebus intelligi potest, maiores nostros non mo-
 do armis plus, quam ceteras nationes, verum
 sapientia

sapientiaq; potuisse: tum ex hac re vel maxime, quod in impios singulare supplicium inueniunt: qua in re quantū prudentia præstiterint ijs qui apud cæteros sapientissimi fuisse dicuntur, considerate. Prudentissima ciuitas Atheniensium, dum ea rerum potita est, fuisse traditur, eius porro ciuitatis sapientissimum Solonem dicunt fuisse, eum, qui leges, quibus hodie quæ vtuntur, scripserit. is cū interrogaretur, cur nullum supplicium constituisset in eum, qui parentem necasset, respondit, se id neminem facturum putasse: sapienter fecisse dicitur, cū de eo nihil sanxerit, quod antea commissum nō erat: ne non tam prohibere, quam admonere videretur. Quanto maiores nostri sapientius, qui, cū intelligerent, nihil esse tam sanctum, quod non aliquando violaret audacia, supplicium in parricidas singulare excogitauerunt: vt, quos natura ipsa retinere in officio non potuisset, ij magnitudine pœnæ maleficio summo uerentur, insui voluerunt in culeum viuos, atque ita in flumen deijci. ô singularem sapientiam iudices, nonne videntur hunc hominem ex rerum natura sustulisse, & eripuisse, cui repente cœlum, solem, aquam, terramq; ademerunt? vt, qui eum necasset, vnde ipse natus esset, careret ijs rebus omnibus, ex quibus omnia nata esset dicuntur. noluerunt feris corpus obijcere, ne bestijs quoque, quæ tantum scelus attigissent, immanioribus vteremur: non sic nos

dos in

PRO SEX. ROSCIO AM. 157

dos in flumen deijcere, ne, cum delati essent in
mare, ipsum polluerent, quo cætera, quæ vio-
lata sunt, expiari putantur: deniq; nihil tam vi-
le, neq; vulgare est, cuius partem vllam reli-
querint. etenim, quid tam est commune, quam
spiritus viuis? terra mortuis? mare fluctuanti-
bus? litus eiectis? ita viuunt, dum possunt,
vt ducere animam de coelo non queant: ita mô-
riuntur, vt eorum ossa terra non tangat: ita iac-
tantur fluctibus, vt nunquam alluantur: ita
postremò eiiciuntur, vt ne ad saxa quidem mor-
tui conquiescant. tanti maleficij crimen, cui ma-
lescio tam insigne supplicium est constitutum,
probare te Eruti censes posse talibus viris, sine
causam quidem maleficij protuleris? si hunc a-
pud bonorum emptores ipsos accusares, eique
iudicio Chrysogonus præset: tamen diligen-
tius pariusq; venisses. vtrum, quid agatur, non
vides? an, apud quos agatur? agitur de parri-
cidio: sine multis causis suscipi non potest. a-
pud homines autem prudentissimos agitur: qui
intelligunt neminem ne minimum quidem ma-
lescium sine causa admittere. esto: causam pro-
ferre non potes, tametsi statim vicisse debeo,
tamen de meo iure decedam, & tibi quod in a-
lia causa non concederem, in hac concedam;
fretus huius innocentia, non quæro abs te,
quare patrem Sex. Roscius occiderit: quæro,
quo modo occiderit. ita quæro abs te C. Eruti,
quo modo, & sic tecum agam, vt in loco vel re-
spondendi

spondendi, vel interpellandi tibi potestatem
faciam, vel etiam, si quid voles, interrogandi
quo modo occidit? ipse percussit, an alijs oc-
cidendum dedit? si ipsum arguis: Romæ non
fuit: si per alios fecisse dicis, quæro, seruos nè
an liberos? quos homines? indidemne Ame-
ria, an holsce ex vrbe sicarios? si Ameria, qui
sunt hi? cur non nominantur? si Roma, vnde
eos nouerat Roscius? qui Romam multis an-
nis non venit, neq; vnquam plus triduo fuit, v-
bi eos conuenit? qui cum locutus est? quo mo-
do persuasit? precium dedit? cui dedit? per
quem dedit? vnde, aut quantum dedit, nonne
his vestigijs ad caput malefici perueniri solet?
& simul tibi in mentem veniat facito, quem
admodum vitam huiusce depinxeris: hunc ho-
minem ferum atq; agrestem fuisse, nunquam
cum homine quoquam collocutum esse: nun-
quam in oppido constitisse. qua in re prætere o
illud, quod mihi maximo argumento ad huius
innocentiam poterat esse: in rusticis moribus,
in victu arido, in hac horrida, incultaq; vita, isti-
usmodi maleficia gigni non solere. vt non o-
mnem frugem neq; arborem in omni agro re-
perire possis: sic non omne facinus in omni vi-
ta nascitur. in vrbe luxuries creatur: ex luxu-
ria existat auaritia necesse est. ex auaritia eru-
pat audacia: inde omnia scelera ac maleficia gi-
gnuntur. vita autem hæc rustica, quam tu agre-
stem vocas, parsimonix diligentix, iusticiæ ma-
gistra

PRO SEX. ROSCIO AM. 179

gistra est. verum hæc missa facio : illud quæro ;
 his homo, qui, vt tute dicis, nunquam inter
 homines fuerit, per quos homines hoc tantum
 facinus, tam occultum, absens præsertim, con-
 ficere potuerit. multa sunt falsa iudices, quæ
 tamen argui suspiciose possunt : in his rebus si
 suspicio reperta erit, culpam inesse concedam.
 Romæ Sex. Roscius occiditur, cum in agro A-
 merino esset filius, literas, credo, misit alicui fi-
 cario, qui Romæ nouerat neminem. arcessiuit
 aliquem : at quando? nuncium misit : quem? aut
 ad quem? pretio, gratia, spe, promissis indu-
 xit aliquem : nihil horum ne confingi quidem
 potest : & tamen causa de parricidio dicitur. re-
 liquum est : vt per seruos id admiserit. ô dii im-
 mortales, rem miserâ & calamitosâ. quod in ta-
 li crimine innocenti saluti solet esse, vt seruos
 in quæstionem polliceatur : id Sex. Roscio
 facere non licet : vos qui hunc accusatis, o-
 mnes eius seruos habetis : vnus puer victus
 quotidiani administer, ex tanta familia Sex. Ro-
 scio relictus non est. Te nunc appello P. Scipio,
 te Metelle vobis aduocatis, vobis agentibus,
 aliquoties duos seruos paternos in quæstione
 ab aduersarijs Sex. Roscius postulauit. memi-
 nisti né T. Roscium recusare? quid? ij serui ubi
 sunt? Chrysogonum iudices sectantur, apud
 eum sunt in honore, & in pretio etiam nunc,
 vt ex his quærat, ego postulo, hic orat, atq;
 obsecrat. quid facitis? cur recusatis? dubitate
 etiam

etiam nunc iudices, si potestis, à quo sit Sex-
 Roccifus: ab eòne, qui propter illius mortem
 in egestate & insidijs versatur, cui ne querendi
 quidem de morte patris potestas permittitur:
 an ab ijs, qui quæstionem fugitant, bona possi-
 dent, in cæde, atq; ex cæde viuunt. omnia iudi-
 ces in hac causa sunt misera atq; indigna: tamē
 hoc nihil neq; acerbius, neq; iniquius pro-
 ferri potest. mortis paternæ de seruis paternis
 quæstionē habere filio non licet. ne tandiu qui-
 dem dominus erit in suos, dum, ex ijs de patris
 morte quærat, veniam neq; ita multo post,
 ad huc locum. iam hoc totum ad Roscios per-
 tinet: de quorum audacia tum me dicturum
 pollicitus sum, cum Erutij crimina diluisssem:
 Nunc Eruti ad te venio, cōueniat mihi tecum,
 necesse est: si ad hunc maleficiū istud pertinet
 aut ipsum sua manu fecisse, id quod negas: aut
 per aliquos liberos, aut seruos. liberosne quos
 neq; vt conuenire putuerit, neq; qua ratione
 inducere, neq; vbi, neq; per quos, neq; qua
 spe, aut pretio, potes ostendere: ego contra
 ostendo, non modo nihil eorum fecisse Sex-
 Roscium, sed ne potuisse quidem facere: quod
 neq; Romæ multis annis fuerit, neq; de prædijs
 vnquam temerè discesserit. Restare tibi videba-
 tur seruorum nomen, quò quasi in portum re-
 iectus, à ceteris suspicionibus, consurgere pos-
 ses: vbi scopulum offendis eiusmodi, vt non
 modo ab hoc crimen resilere videas, verum o-
 mnem

PRO SEX. ROSCIO AM. 101

mnem suspicionem in vosmetipsos recidere intelligas. quid est ergo, quò tandem accusator inopia argumentorum confugerit? eiusmodi tempus erat, inquit, ut homines vulgò impunè occiderentur. quare tu hoc, propter multitudinem siccariorum, nullo negotio facere potuisti. interim mihi videris Eruti vna mercede duas res assequi velle, nos iudicio perfundere, accusare autem eos ipsos, à quibus mercedem accepisti: quid ais? vulgò occidebantur? per quos? & à quibus? nonne cogitas te à sectoribus huc adductum esse? quid postea? nescimus, per ista tempora eosdem ferè sectores fuisse collorum, & bonorum? ij denique qui tum armati dies noctesque concursabant, qui Romæ erant assidue, qui omni tempore in præda & sanguine versabantur, Sex. Roscio temporis illius acerbiorum iniquitatemque; obijcient? & illam sicariorum multitudinem, in qua ipsi duces ac principes erant, huic crimini putabunt fore? qui non modò Romæ non fuit, sed omnino, quid Romæ ageretur, nesciret: propterea quòd ruri assiduus, quemadmodum tute confiteris, fuit. Vereor, ne aut molestus sim vobis iudices, aut ne ingenijs vestris videar diffidere, si de tam perspicuis rebus diutius differam. Eruti criminatio tota, ut arbitror, dissoluta est. nisi forte expectatis, ut illa diluam, quæ de peculatu, ac de eiusmodi reb. commentitijs, inaudita nobis ante hoc tempus ac noua, obiecit. quæ mihi iste vilus est

visus est ex alia oratione declamare, quam in alium reum commentaretur: ita neq; ad crimen parricidij, neq; ad eum, qui causam dicit, pertinebant. de quib. quoniam verbo arguit, verbo satis est negare. si quid est, quod ad testes referret, ibi nos quoq; ut in ipsa causa, paratiores reperiet, quam putabat. Venio nunc eo quod me non cupiditas ducit, sed fides: nam si mihi liberet accusare, accusarem alios potius, ex quibus possem crescere: quod certum est non facere, dum vtrumvis licebit: is enim mihi videtur amplissimus, qui sua virtute in altiore locum peruenit, non qui ascendit per alterius incommodum & calamitatem. Desinamus aliquando ea scrutari, quæ sunt inania: quæramus, ubi maleficio & est, & inueniri potest. iam intelliges Eruti, certum crimen quam multis suspicionibus coarguatur. tamen neq; omnia dicam, & leuiter vnumquodq; tangam: neq; enim id facerem, nisi necesse esset. & id erit signum me inuitum facere, quod non persequar longius, quam salus huius, & mea fides postulabit. Causam tu nullam reperiabas in Sex. Roscio: at ego in T. Roscio reperio: tecum enim mihi res est T. Rosci, quoniam istic sedes, ac te palam aduersarium esse profiteris. de Capitone post viderimus, si, quemadmodum paratum esse audio, testis prodierit. tum alias quoq; suas palmas cognoscet, de quibus me ne audisse quidem suspicatur. L. Cassius ille, quem populus R. verissimum

PRO SEX. ROSCIO AM. 163

simum & sapientissimū iudicem putabat, identidem in causis quærere solebat, cui bono fuisset sic vita hominum est, ut ad maleficiū nemo conetur sine spe, atque emolumento accedere. hunc quæstorem, ac iudicem fugiebant, atque horrebant ij, quibus periculum creabatur: ideo quòd, tametsi veritatis erat amicus, tamen natura non tam propensus ad misericordiam, quàm inclinatus ad seueritatem videbatur. ego, quanquam præest huic quæstioni vir & contra audaciam fortissimus, & ab innocentia clementissimus, tamen facilè me paterer, vel illo ipso acerrimo iudice quærente, vel apud Cassianos iudices, quorum etiam nunc ij, quibus causa dicenda est, nomen ipsum reformidant, pro Sex. Roscio dicere: in hac enim causa cum viderent illos amplissimam pecuniam possidere, hunc in summa mendicitate esse, illud quidem non quærerent, cui bono fuisset: sed & perspicuum crimen & suspicionem potius ad prædam adiungeret, quàm ad egestatem. quid, si accedit eodem, ut tenuis antea fueris? quid, si, ut auarus? quid, si, ut audax? quid, si, ut illius, qui occisus est, inimicissimus? num quærenda causa, quæ te ad tantum facinus adduxerit? quid ergo horum negari potest? tenuitas hominis eiusmodi est, ut dissimulari non queat, atque eo magis eluceat, quo magis occultatur. auaritiam præfers, qui societatem coieris de municipis, cognatique fortunis cum

alienissimo. quàm sis audax (vt alia obliuiscar) hinc omnes intelligere potuerunt, quod ex tota societate, hoc est, ex tot sicarijs, solus tu inuentus es, qui cum accusatoribus sederes, atque os tuum non modò ostenderes, sed etiam offerres. inimicitias tibi fuisse cum Sex. Roscio, & magnas rei familiaris controuersias, concedas, necesse est. Restat iudices, vt hoc dubitemus, vter potius Sex. Roscium occiderit: is, ad quem morte eius diuitiæ venerint: an is, ad quem mendicitas. is qui antea tenuis fuerit: an is, qui postea factus sit egen-
tissimus. is, qui ardens auaritia feratur infestus in suos: an is, qui semper ita vixerit, vt quæ-
stum nosset nullum, fructum autem eum so-
lum, quem labore perperisset. is, qui omni-
um sectarum audacissimus sit: an is, qui pro-
pter fori iudiciorumque insolentiam non mo-
dò subsellia, verum etiam urbem ipsam refor-
midat. postremò iudices, id quod ad rem mea
sententia maximè pertinet, vtrum inimicus po-
tius, an filius. hæc tu Eruti tot & tanta si na-
ctus esses in reo quàm diu diceres? quo te mo-
do iactares? tempus hercule te citius, quam
oratio deficeret: etenim in singulis rebus eius-
modi materies est, vt dies singulos possis con-
sumere: neque ego non possum: non enim
mihi tantum derogo, tametsi nihil arrogo, vt
te copiosius, quàm me, putem posse dicere.
verum ego forsitan propter multitudinem pa-
tronorum

tronorum in grege annumerer: te pugna Can-
 nensis accusatorem sat bonum facit. multos
 cæsos non ad Trasimenum lacum, sed ad Ser-
 uilium vidimus. quis ibi non est vulneratus
 ferro Phrygio? non necesse est omnes comme-
 morare, Curtios, Marios, denique Mamer-
 cos, quos iam ætas à prælijs auocabat: postre-
 mò Priamum ipsum senem Antistium, quem
 non modò ætas, sed etiam leges pugnare pro-
 hibebant. iam quos nemo propter ignobilita-
 tem nominat, sexcenti sunt, qui inter sicarios,
 & de veneficijs accusabant. qui omnes, quod
 ad me attinet, vellem viuerent: nihil enim
 mali est, canes ibi quamplurimos esse, vbi per-
 multi obseruandi, multaque seruanda sunt.
 verum, vt fit, multa sæpe imprudentibus im-
 peratoribus vis belli, ac turba molitur, dum
 is in alijs rebus erat occupatus, qui summam
 rerum administrabat: erant interea, qui suis
 vulneribus mederentur, qui tanquam si offu-
 sa reip. sempiterna nox esset, ita ruebant in te-
 nebris, omniaque miscebant, à quibus miror,
 ne quod iudiciorum esset vestigium, non sub-
 fellia quoque esse combusta: nam & accusa-
 tores, & iudices sustulerunt. hoc commodi est,
 quòd ita vixerunt, vt testes omnes, si cuperent,
 interficere non possent: nam, dum hominum
 genus erit, qui accuset eos non deerit: dum ci-
 uitas erit, iudicia fient. verum, vt cœpi dicere,
 & Erutius, hæc si haberet in caussa, quæ com-
 memora-

memorauī, posset ea quamuis diu dicere, & ego iudices possum: sed in animo est, quēadmodū ante dixi leuiter trāsire, ac tātūmodo perstringere vnāquāq; rem: vt omnes intelligāt, me non studio accusare, sed officio defendere. Video igitur causas esse permultas, quæ istū impellerent. videamus nunc, ecqua facultas suscipiendi maleficij fuerit. Vbi occisus est Sex. Roscius? Rome quid tu Rosci, vbi tūceras? Romæ. Verū quid ad rem? & alij multi, quasi nunc id agatur, qui ex tāta multitudine occiderit: ac nō hoc quæritur, cum, qui Romæ sit occisus, vtrum verisimilius sit ab eo esse occisum, qui assiduus eo tempore Romæ fuerit: an ab eo qui multis annis Romam omnino non accesserit. age nunc, cæteras facultates quoque consideremus, erat tuum multitudo sicariorum, id quod commemorauit Erutius: & homines impunē occidebantur. quid? ea multitudo quæ erat? opipor aut eorum, qui in bonis erant occupati: aut eorum qui ab ijs conducebantur. vt quem occiderent si eos putas, qui alienum appetebant: tu es in eo numero, qui nostra pecunia diues es: sin eos, qui leuiore nomine appellant, percussores vocant, quære in cuius fide sint, & clientela. mihi crede, aliquem de societate tua reperies. & quicquid tu contrā dixeris, id cum defensione nostra contendito ita facillimē causa Sex. Roscij cum tua confectur. Dices, quod postea, si Romæ assiduus fui?

us fui? respondebo: at ego omninò non fui:
 fateor me sectorem esse: verum & alij multi:
 at ego, vt tute arguis, agricola & rusticus. non
 continuo si me in gregem sicariorum contuli,
 sum sicarius: at ego profecto, qui ne noui qui-
 dem quenquam sicarium, longè absum ab e-
 iusmodi crimine. permulta sunt quæ dici pos-
 sunt, intelligatur summam tibi facultatem fu-
 isse maleficij suscipiendi: quæ non modò iccir-
 co prætereo, quòd te ipsum non libenter accu-
 so: verum eo magis etiam, quòd si de illis cæ-
 dibus velim commemorare, quæ tum factæ
 sunt ista eadem ratione, qua Sex. Roscius oc-
 cisus est, vereor ne ad plures oratio mea perti-
 nere videatur videamus nunc strictim, sicut
 cætera, quæ post mortem Sex. Roscij abste-
 T. Rosci facta sunt: quæ ita aperta & manifesta
 sunt, vt medius fidius iudices, inuitus ea di-
 cam: vereor enim, cuiusmodi es Rosci, ne
 ita hunc videar voluisse seruare, vt tibi om-
 ninò non pepercerim. cum hoc vereor, & cu-
 pio tibi aliqua ex parte, quod salua fide pos-
 sim, parcere, rursus immuto voluntatem me-
 am: venit enim mihi in mentem oris tui, te, ne
 cum cæteri socij tui fugerent, ac se occultarent,
 vt hoc iudicium non de illorum præda, sed de
 huius maleficio fieri videretur. potissimum ti-
 bi partes istas depoposcisse, vt in iudicio ver-
 sarere, & federes cum accusatore: qua in re
 nihil aliud assequeris, nisi vt ab omnibus mor-
 talibus

talibus audacia tua cognoscatur, & impudentia. Occiso Sex. Roscio, qui primus Ameriam nunciat? Manlius Glaucia quem iam antea nominaui, tuus cliens, & familiaris: quid attinuit eum potissimum nunciare? quod, si nullum iam antea consilium de morte, ac de bonis eius inieras, nullamque societatem neque sceleris, neque premijs, cum homine villo coieras ad te minimè omnium pertinebat? sua sponte Manlius nunciat? quid quæso, eius intererat? an cùm Ameriam non huiusce rei causa venisset, casu accidit, ut id, quod Romæ audierat, primus nunciaret? cuius rei causa venerat Ameriam? non possum, inquit, diuinare. eò re iam adducam, ut nihil diuinatione opus sit. qua ratione Roscio Capitoni primum nunciauit? cùm Ameriæ Sext. Roscij domus, vxor, liberi que essent, cum tot propinqui cognatique optimè conuenientes: qua ratione factum est, ut iste tuus cliens, sceleris tui nuncius T. Roscio Capitoni potissimum nunciaret? occisus est à cœna rediens. nondum lucebat, cùm Ameriæ scitum est. quid hic incredibilis cursus? quid hæc tanta celeritas, festinatioque significat? non quæro quis percussit. nihil est Glaucia, quod metuas: non excutio te, si quid fortè ferri habuisti, non scrutor: nihil ad me arbitror pertinere. quoniam, cuius consilio occisus sit, inuenio: cuius manu sit percussus, non

sus, non laboro. vnū hoc sumo, quod mihi aper-
 tū tuū scelus, resq; manifesta dat: vbi, aut vnde
 audiuit Glaucia, qui tam cito sciuit? fac audisse
 statim. quæ res eū nocte vna tantū itineris con-
 tedere coëgit? quæ necessitas eū tanta preme-
 bat, vt, si sua spōte iter Ameriā faceret, id tēpo-
 ris Roma proficisceretur? nullā partē noctis re-
 quiesceret? etiā ne in tam perspicuis rebus argu-
 mentatio quærenda, aut coniectura capienda
 sit; nonne vobis hæc, quæ audistis, cernere o-
 culis videmini iudices? non illum miserum, i-
 gnarum casus sui, redeuntem à cœna videtis?
 non positas insidias? non impetum repentinū?
 non versatur ante oculos vobis in cæde Glau-
 cia? non adest iste T. Roscius? non suis mani-
 bus in curro collocat Autumedontem illum,
 sui sceleris acerbissimi, nefariæq; victoriæ nun-
 cium? non orat, vt eam noctem peruigilet? vt
 honoris sui causa laboret? vt Capitoni quam
 primum nuntiet: Quid erat quod Capitonem
 primum scire voluerit? nescio: nisi hoc video.
 Capitonem in his bonis esse socium; de tribus
 & decem fundis tres nobilissimos fundos eum
 video possidere, audio præterea, non hanc suspi-
 cionem nunc primum in Capitonem conferri,
 multas esse infames palmas, hanc primam esse
 tamen lemniscatam; quæ Romæ deferatur: nul-
 lum modum esse hominis occidendi, quo iste
 non aliquot occiderit: multos ferro, multos
 veneno. habeo etiam dicere, quem, contra mo-

rem minorum, minorem annis LX, de ponte
in Tyberim deiecerit. quæ, si prodierit, atq; a-
deò eum prodierit, scio enim proditurum esse,
audiet. veniat modò, explicet suum volumen
illud: quod ei planum facere possum Erucium
conscriptis: quod aiunt illum Sex. Roscio in-
tentasse, & minitatum esse, se omnia illa pro
testimonio esse dicturum. ô preclarum testem
iudices: ô gravitatem dignâ expectatione: ô vi-
tam honestam, atq; eiulmodi, vt libentibus
annis ad eius testimonium vestrum iusu-
randum accomodetis. profectò non tam per-
spicue istorum maleficia videremus, nisi ipsos
cæcos redderet cupiditas & avaritia & audacia.
alter ex ipsa cæde volucrum nuncium Ameriam
ad locum, atq; ad magistrum suum misit, vt,
si dissimulare omnes cuperent se scire ad quem
maleficio pertineret, tamen ipse apertum su-
um scelus ante omnium oculos poneret. alter
(si dijs immortalibus placet) testimonium eti-
am in Sex. Roscium dicturus est: quasi verò id
nunc agatur, vtrum id, quod dixerit, creden-
dum, an quod fecerit, vindicandum sit. itaque
more maiorum comparatum est, vt in minimis
rebus homines amplissimi testimonium de sua
re non dicerent. Africanus, qui suo cognomi-
ne declarat tertiam partem orbis terrarum se
subegisse, tamen, si sua res ageretur, testimoni-
um non diceret. nam illud in talem virum non
audeo dicere: si diceret, non crederetur. vide te
nunc,

nunc, quam versa & mutata in peiorem partem sunt omnia. cū de bonis, & de cæde agatur, testimonium dicturus est is, qui & sector est, & ficiarius, hoc est, qui & illorum ipsorum bonorum, de quibus agitur, emptor atq; possessor est, & eum hominem occidendū curauit, de cuius morte quæritur. qui tu vir optime? ecquid habes, quod dicas? mihi ausculta, vide ne tibi desis: tua quoque res permagna agitur. multa sceleratè, multa audacter, multa improbe fecisti, vnum stultissime, profecto tua sponte, non de Erutij sententia. nihil opus fuit te isti credere: neq; enim accusatore muto, neq; teste quisquam vitur eo, qui de accusatoris subellio surgit. huc accedit, quod paulo tamen occultor, atq; tectior vestra ista cupiditas esset. nunc quid est, quod quisquam ex vobis audire desideret? cum, quæ facitis, eiusmodi sint, vt eadem opera à nobis contra vosmetipsos facere videamini. Age, nunc illa videamus iudices, quæ statim consecuta sunt. ad Volaterras in castra L. Syllæ mors Sex. Roscij quatrduo, quo is occisus est, Chrysogono nunciatur. quæritur etiam nunc, quis eum nuncium miserit: non ne perspicuum est eundem, qui Ameriam? curat Chrysogonus, vt eius bona veneant statim. qui non norat hominem, aut rem? atqui ei venit in mentem prædia concupiscere hominis ignoti, quem omnino nunquam viderat. soletis, cum aliquid huiusmodi auditis iudices,

continuo

continuo dicere, necesse est aliquem dixisse municipem, aut vicinum. ij plerunq; indicant, per eos pleriq; produntur. hic nihil est, quod suspicionem hanc putetis. non enim ego ita disputabo: verisimile est Roscium istam rem ad Chrysogonum detulisse: erat enim eis cum Chrysogono iam antea amicitia: nam cum multos veteres à maioribus Roscij patronos, hospitesq; haberent: omnes eos colere atq; observare destiterunt. ac se in Chrysogoni fidem & clientelam contulerunt. hæc possum omnia vere dicere: sed in hac causa coniectura nihil opus est: ipsos certo scio non negare, ad hæc bona Chrysogonum accessisse in pulso suo. si eum, qui indicij partem acceperat, oculis cernetis: poteritis ne dubitare iudices, qui indicarit? qui sunt igitur in istis bonis, quibus partem Chrysogonus dederit? duo Roscij. num quisquam præterea? nemo est iudices. num ergo dubium est, quin ij obtulerint hanc prædam Chrysogono, qui ab eo partem prædæ tulerunt? Age, nunc ex ipsius Chrysogoni iudicio Rosciorum factum consideremus. si nihil in ista pugna Roscij, quod operepretium esset, fecerant, quam ob causam à Chrysogono tantis præmijs donabantur? si nihil aliud fecerunt, nisi rem detulerunt, nonne satis fuit his gratias agi? deniq; ut per liberaliter ageretur, honoris aliquid haberi? cur tria prædia, tantæ pecuniæ statim Capitoni dantur? cur, quæ reliqua sunt, iste Roscius omnia

omnia cum Chryfogono communiter possidet & nonne perspicuum est iudices, has manubias Roscij Chryfogonum re cognita concessisse? venit in Decemprimis Legatus in castra Capito totam vitam, naturam, moresq; hominis ex ipsa legatione cognoscite. nisi intellexeritis iudices, nullum esse officium, nullum ius tam sanctum, atq; integrum, quod non eius scelus, atq; perfidia violârit, & imminuerit: virum optimum esse eum iudicatote. impedimento est, quo minus de his rebus Sylla doceatur: ceterorum Legatorum consilia, & voluntatem Chryfogono enunciat: monet vt provideat, ne palam res agatur: ostendit, si sublata sit venditio bonorum, illum pecuniam grandem amissurum, sese capitis periculum aditurum: illum acuere, hos, qui simul erant missi, fallere: illum identidem monere vt cauere, hisce insidiosè spem falsam ostendere: cum illo contra hos infra consilia, horum consilia illi enunciare; cum illo partem suam depacisci, hisce, aliqua fretus hora semper, omnes aditus ad Syllam intercludere. postremo isto hortatore, auctore, intercessore ad Syllam Legati non adierunt: istius fide, ac potius perfidia decepti, id quod ex ipsis cognoscere poteritis, si acculator voluerit testimonium eis denunciare: pro re certa spem falsam domum reculerunt. in priuatis rebus si qui rem mandatam non modo malitiosus gessisset sui quæstus, aut commodi causa, ve-

rum

rum etiam negligentius, eum maiores summū
 admisisse dedecus existimabant: itaq; mandati
 constitutum est iudicium, non minus turpe
 quam furti, credo propterea, quod quibus in re
 bus ipsi interesse non possumus, in his operæ
 nostræ vicaria fides amicorum supponitur:
 quam qui lædit, oppugnat omnium commune
 præsidium, &, quantum in ipso est, disturbat
 vitæ societatem: non enim possumus omnia
 per nos agere: alius in alia est re magis utilis: id-
 circo amicitia comparantur, ut commune com-
 modum mutuis officijs gubernetur. quid reci-
 pis mandatum, si aut neglecturus, aut ad tu-
 um commodum conuersurus es? cur mihi te of-
 fers, ac meis commodis officio simulato offi-
 cis, & obstas? recede de medio, per alium transi-
 gam. suscipis onus officii, quod te putas sustine-
 re posse: quod minime videtur graue ijs, qui
 minime ipsi leues sunt. ergo idcirco turpis hæc
 culpa est, quod duas res sanctissimas violat, a-
 micitiam, & fidem. nam neq; mandat quisquā
 ferè, nisi amico: neq; credit, nisi ei, quem fi-
 delem putat. perditissimi est igitur hominis si-
 mul & amicitiam dissoluere, & fallere eum,
 qui læsus non esset, nisi credidisset. ita ne est?
 in minimis rebus, qui mandatum neglexerit,
 turpissimo iudicio condemnatur necesse est: in
 re tanta, cum is, cui fama mortui, fortunæ viui
 commendatæ sunt, atq; concreditæ, ignominia
 mortuum affecerit, is inter honestos homines,
 atq;

PRO SEX. ROSCIO AM. 175

atq; adeo inter viuos numerabitur? in minimis priuatisq; rebus etiam negligentia in crimen mandati iudicijq; infamia reuocaretur, propterea quod si recte fiat, illum negligere oporteat, qui mandarit, non illum, qui mandatum receperit: in re tanta, quæ publicè gesta, atq; commissa sit, quinon negligentia priuatum aliquod cōmodū læserit, sed perfidia, legationis ipsius ceremoniam polluerit, maculaq; effecerit qua is tandem pœna afficietur? aut quo iudicio damnabitur? si hanc ei rem priuatim Sex. Roscius mandauisset, vt cum Chrysogono transigeret, atq; decideret, inq; eam rem fidem suam, si quid opus esse putaret, interponeret: ille, qui se facturum recepisset, nonne, si ex eo negotio tantulum in rem suam conuertisset, damnatus per arbitrum, & rem restitueret, & honestatem omnem amitteret? nunc non hanc ei rem Sex. Roscius mandauit: sed, id quod multo grauius est, ipse Sex. Roscius cum fama, vita, bonisq; omnibus à decurionibus publice Roscio mandatus est: & ex eo T. Roscius non paululū nescio quid in rem suam conuertit, sed hūc funditus euertit bonis: ipse tria prædia sibi depactus est, voluntatem decurionum ac municipū omniū tantidē, quanti fidē suā fecit: videte, iam porro cætera iudices, vt intelligatis fingi maleficium nullum posse, quo iste sese non cōtaminaret. in rebus minoribus socium fallere turpissimum est, æqueq; turpe, atq; illud, de quo an-

quo ante dixi: neq; iniuria, propterea quod auxilium sibi se putat adiunxisse, qui cum altero rem communicauit. ad cuius igitur fidem confugiet, cum per eius fidem læditur, cui se commiserit? atqui ea sunt animaduertenda peccata maxime, quæ difficillime præcauentur. testi esse ad alienos possumus: intimi multa apertiora videant necesse est: socium vero cauere qui possumus? quem etiam si metuimus, ius officij lædimus. rectè igitur maiores eum, qui socium fefellisset, in virorum bonorum numero, non putârunt haberi oportere at vero T. Roscium non vnum rei pecuniariæ socium fefellit (quod tametsi graue est, tamen aliquo modo posse ferri videtur) verum nouem homines honestissimos, eiusdem muneris, legationis, officij, mandatorumq; locios induxit, decepit, destituit, aduersarijs tradidit, omni fraude & perfidia fefellit: qui de eius scelere suspicari nihil potuerunt, socium officij metuere non debuerunt: eius malitiam non viderunt, orationi vanæ crediderunt. itaq; nunc illi homines honestissimi propter istius insidias parum putantur cauti, prouidiq; fuisse, iste, qui initio proditor fuit, deinde perfuga, qui primo lociorum consilio aduersarijs enunciauit, deinde societatem cum ipsis aduersarijs coijt, terret etiam nos ac minatur, tribus prædijs, hoc est præmijs sceleris, ornatus. in eiusmodi vita iudices, in his tot tantisq; flagitijs hoc quoq; maleficiū. de quo

quo iudicium est, reperietis. etenim quærere
 ita debetis: ubi multa auarè, multa audacter,
 multa improbè, multa perfidiose facta videtis,
 ibi scelus quoq; latere inter illa tot flagitia pu-
 tatote. tamen si hoc quidè minime latet, quod
 ita promptum, & propositum est, vt non ex
 illis maleficijs, quæ in illo constat esse, hoc in-
 telligatur, verum ex hoc, etiam si quod illorū
 forte dubitabitur, conuincatur. quid tandem
 quæso iudices? num aut ille lanista omnino iam
 à gladijs recessisse videtur, aut is discipulus ma-
 gistro tantulum de arte concedere? par est aua-
 ritia, similis improbitas, eadem impudentia, ge-
 mina audacia: etenim quoniam fidem magistri
 cognostis, cognoscite nunc discipuli æquitatē.
 dixi iam antea, sæpenumero postulatos esse ab
 istis duos seruos in quæstionem: tu semper T.
 Rosci recusasti. quæro abs te, ij ne, qui postula-
 bant, indigni erant, qui impetrarent, an iste non
 commouebat, pro quo postulabant? an res ipsa
 tibi iniqua videbatur? postulabant homines
 nobilissimi, atque integerrimi nostræ ciuitatis,
 quos iam antea nominaui: qui ita vixerunt, ta-
 lesq; à populo R. putantur, vt, quidquid dice-
 rent, nemo esset, quinon æquum putaret: po-
 stulabant autem pro homine miserrimo, atq;
 infelicissimo, qui vel ipse sese in cruciatum dari
 cuperet, dum de patris morte quæreretur. res
 porro abs te eiusmodi postulatur, vt nihil
 interesset, vtrum eam rem recusares, an de ma-
 leficio

lesicio confiterere. quæ cum ita sint, quæro abs te, quam ob causam recusaris. cum occiditur Sex. Roscius, ibidem fuerunt. seruos ipsos, quod ad me attinet, neque arguo, neque purgo. quod à vobis hoc pugnari video, ne in quæstionem dentur, suspiciosum est: quod vero apud vos ipsos in honore tanto sunt, profecto necesse est, sciant aliquid, quod si dixerint, perniciosum vobis futurum sit. in dominos quæride seruis, iniquum est. an ne quæritur? Sex. enim Roscius reus est: neque enim cum de hoc quæritur, vos dominos esse dicitis. cum Chrysogono sunt. ita credo: literis eorum, & vrbanitate Chrysogonus ducitur, vt inter suos omnium deliciarum atque omnium artium pueros, ex tot elegantissimis familijs lectos, velit hos versari, homines penè operarios ex Amerina disciplina patrisfamilie rusticani. non est ita profecto iudices, non est verisimile, vt Chrysogonus horum literas adamarit, aut humanitatem, non, vt rei familiaris negotio diligentiam cognorit eorum, & fidem. est quiddam, quod occultatur: quod quo studiosius ab ipsis opprimitur, & absconditur, eo magis eminet, & apparet. quid igitur? Chrysogonus sui maleficij occultandi causa quæstionem de his haberi non vult: minime iudices. non in omnes arbitrator omnia conuenire. ego in Chrysogono, quod ad me attinet, nihil eiusmodi suspicor, neque hoc mihi nunc primum in mentem venit dicere.

PRO SEX. ROSCIO AM. 179

dicere. meministis me ita distribuissē initio causam, in crimen, cuius tota argumentatio permixta Erucio est, & in audaciam, cuius partes Roscijs impositæ sunt. quidquid maleficij, sceleris, cædis erit, proprium id Rosciorum esse debet. nimiam gratiam potentiamq; Chrysgoni dicimus & nobis obstare, & perferri nullo modo posse, & a vobis, quoniam potestas data est, non modo infirmari, verum etiam vindicari oportere. ego sic existimo, qui quæri velit ex ijs, quos constat, cum cædes facta sit, affuisse, eum cupere verum inuenire: qui recuset, eum profecto, tamen verbo non audet, tamen re ipsa de maleficio suo confiteri. dixi initio iudices, nolle me plura de istorum scelere dicere, quam causa postulare, ac necessitas ipsa cogeret: nam & multæ res afferri possunt, & vnaquæq; earum multis cum argumentis dici potest. verum ego, quod inuitus ac necessario facio, neq; diu, neq; diligenter facere possum. quæ præteriri nullo modo poterant, ea leuiter iudices attigi. quæ posita sunt in suspicionibus, de quibus si cœpero dicere, pluribus verbis sit disferendum, ea vestris ingenijs cōiecturæq; committo. Venio nunc ad illud nomen aureū Chrysgoni, sub quo nomine tota societas statuitur: de quo iudices neq; quo modo dicā, neq; quo modo taceam reperire possum: si enim taceo, vel maximam partem relinquo: si autem dico, vereor ne non ille solus, id quod ad me nihil

attinet, sed alij quoque plures læsosse esse putent. tamen si ita res se habet, ut mihi in communem causam sectorum dicendum nihil magnopere videatur hæc enim causa noua profecto & singularis est. bonorum Sex. Roscij emptor est Chryfognus. primum hoc videamus, eius hominis bona qua ratione venierunt, aut quomodo venire potuerunt. atque hoc non ita quæram iudices, ut id dicam esse indignum hominis innocentis bona venisse: si enim hæc audientur, ac liberè dicentur, non fuit tantus homo Sex. Roscius in ciuitate, ut de eo potissimum conqueramur. verum ego hoc quæro: qui potuerunt ista ipsa lege, quæ de proscriptione est, siue Valeria est, siue Cornelia (non enim noui, nec scio) verum est ipsa lege bona Sex. Roscij venire qui potuerunt? scriptum enim ita dicunt esse, ut eorum bona veneant, qui proscripti sunt: quo in numero Sex. Roscius non est: aut eorum, qui in aduersariorum præsidij occisi sunt. dum præsidia vlla fuerunt, in Syllæ præsidij fuit. posteaquam ab armis recesserunt, in summo otio rediens à cæna Romæ occisus est. si lege, bona quoque lege venisse fateor. sin autem constat contra omnes non modo veteres leges, verum etiam nouas occisum esse: bona quo iure, aut quomodo, aut qua lege venierint, quæro. in quem hoc dicam, quæris Erucci? non in eum, quem vis, & putas: nam Syllam & oratio mea ab initio, & ipsius eximia
virtus

virtus omni tempore purgavit. ego hæc omnia Chryfogonum fecisse dico, ut eumentiretur, ut malum ciuem Roscium fuisse fingeret, ut eum apud aduersarios occisum esse diceret, ut his de rebus à legatis Amerinorum doceri L. Syllam passus non sit. denique etiam illud suspicor omnino hæc bona non venisse: id quod postea, si per vos iudices licitum erit, aperietur: opinor enim esse in lege, quam ad diem proscriptiones, venditionesque fiant, nimirum ad Cal. Iun. aliquot post menses & homo occisus est, & bona venisse dicuntur. profecto aut hæc bona in tabulas publicas nullas redierunt, nosque ab isto nebulone facetius eludimur, quam putamus: aut, si redierunt, tabulæ publicæ corruptæ aliqua ratione sunt: nam lege quidem bona venire non potuisse constat. intelligo, me ante tempus iudices hæc scrutari, & propemodum errare, qui, cum capiti Sex. Roscij mederi debeam, reduuiam curem: non enim laborat de pecunia, non ullius rationem sui commodi ducit: facile egestatem suam selaturum putat, si hac indigna suspitione, & ficto crimine liberatus sit. verum quæso à vobis iudices, ut hæc pauca, quæ restant, ita audiat, ut partim me dicere pro me ipso putetis, partim pro S. Roscio. quæ enim mihi ipsi indigna & intolerabilia videntur, quæque ad omnes, nisi prouidemus, arbitror pertinere, ea pro me ipso, ex animi mei sensu ac dolore.

pronuncio : quæ ad huius vitæ casum, causam, quæ pertineat, & quid hic pro se dici velit, & qua conditione contentus sit, iam in extrema oratione nostra iudices audietis. Ego hæc à Chrylogono mea sponte remoto Sex. Roscio quæro : primum, quare ciuis optimi bona venierint : deinde, quare hominis eius, qui neq; a pud aduersarios occisus neq; proscriptus est, bona venierint, cum in eos solos lex scripta sit : deinde, quare aliquândo post eam diem venierint, quæ dies in lege præfinita est : deinde, cur tantulo venierint. quæ omnia si, quemadmodum solent liberti nequam, & improbi facere, in patronum suum voluerit conferre, nihil egerit : nemo est enim qui nesciat, propter magnitudinem rerum multa multos partim conueniente, partim imprudente L. Sylla commisisse. placet igitur in his rebus aliquid imprudentia præteriri ? non placet iudices, sed necesse est. etenim si Iupiter optimus Maximus, cuius nutu & arbitrio cælum, terra, mariaque reguntur, sæpt ventis vehementioribus, aut immoderatis tempestatibus, aut nimio calore, aut intolerabili frigore hominibus nocuit, vrbes deleuit, fruges perdidit, quorum nihil perniciæ causa diuino consilio, sed vi ipsa, & magnitudine rerum factum putamus, at contra, commoda, quibus utimur, lucemque, qua fruimur, spiritumque, quem ducimus, ab eo nobis dari, atque impertiri videmus : quid miramur,

ramur, L. Syllam, cum solus Remp. regeret, orbemque terrarum gubernaret, imperijque maiestatem, quam armis receperat, legibus confirmaret, aliqua animaduertere non potu-isse? nisi hoc mirum est, quod vis diuina asse-qui non possit, si id mens humana adepta non sit. verum vt hæc missa faciam, quæ iam facta sunt: ex ijs, quæ nunc maximè fiunt, nonnè quiuis potest intelligere, omnium archite-ctum, & machinatorem vnum esse Chrysogonum, qui Sex. Roscij nomen deferendum cura-uit? hoc iudicium, cuius honoris causa accu-sare se dixit Erucius.

desunt non pauca.

aptam, & ratione dispositam se habere existi-mant, qui in Salentinis aut in Brutijs habent, vnde vix ter in anno audire nuncium possunt. alter tibi descendit de Palatio, & ædibus suis: habet animi relaxandi causa rus amœnum & suburbanum, plura præterea prædia, neque tamen vllum nisi præclarum & propinquum: domus referta vasis Corinthijs & Deliacis, in quibus est authepsa illa, quam tanto pretio nuper mercatus est, vt, qui prætereuntes pre-tium enumerari audiebant, fundum venire ar-bitrarentur. quid præterea cælati argenti? quid stragulae vestis? quid pictarum tabularum?

quid signorum? quid marmoris apud illum putatis esse? tantum scilicet, quantum è multis splendidisque familijs, in turba & rapinis coaceruari vna in domo potuit. familiam vero quantam, & quam varijs cum artificijs habeat, quid ego dicam? mitto hæc artes vulgare, coquos, piftores, leſticarios: animi & aurium cauſa tot homines habent, vt quotidiano cantu vocum, & neruorum, & tiliarum, nocturnisque conuiuijs tota vicinitas perfeſnet. in hac vita iudices quos ſumptus quotidianos, quas effuſiones fieri putatis? quæ vero conuiuia? honeſta, credo, in eiufmodi domo. ſi domus hæc habenda eſt potius, quam officina nequitie, & diuerſorium flagitiorum omnium. ipſe verò quemadmodum compoſito & delibuto capillo paſſim per forum volitet cum magna caterua togatorum, videtis iudices, vt omnes deſpiciat, vt hominem præ ſe neminem putet, vt ſe ſolum beatum, ſolum potentem putet. quæ verò efficiat, & quæ conetur, ſi velim commemorare, vereor iudices, ne quis imperitior exiſtimet me cauſam nobilitatis victoriamque voluiſſe lædere. tametſi meo iure poſſum, ſi quid in hac parte mihi non placeat, vituperare: non enim vereor, ne quis alienum me animum habuiſſe à cauſa nobilitatis exiſtimet. ſciunt ij, qui me norunt, me pro illa tenui infirmaque parte, poſteaquam id, quod maxime volui, fieri

fieri non potuit, vt componeretur, id maxime defendisse, vt ij vincerent, qui vicerunt: quis enim erat, qui non videres humilitatem cum dignitate de amplitudine contendere? quo in certamine perditu ciuis erat, non se ad eos adiungere, quibus incolumibus, & domi dignitas, & foris auctoritas, retineretur. quæ perfectæ esse, & suū cuiq; honorē, & gradū redditum, gaudeo indices, vehementerq; lætor, eaq; omnia deorum voluntate, studio populi R. cōsilio, & imperio, & felicitate L. Syllæ gesta esse intelligo. quoniā animaduertū est in eos, qui contra omni ratione pugnarunt: non debeo reprehēdere. quod viris fortibus, quorū opera eximia in rebus gerendis extitit, honos habitus est: laudo, quæ vt fierent, idcirco pugnatum esse arbitror: meq; in eo studio partium fuisse confiteor. sin autem id actum est, & iccirco arma sumpta sunt, vt homines postremi pecunijs alienis locupletarentur, & in fortunas vniuscuiusq; impetum facerent: & id non modò re prohibere non licet, sed ne verbis quidē vituperare: tū vero in isto bello non recreatus, neq; restitutus, sed subactus oppressusq; populus Ro. est. verum longē aliter est. nihil horū est iudices. non modò non lædetur causa nobilitatis, si istis hominibus resistetis, verum etiā ornabitur. etenim qui hæc vituperare volunt, Chrysogonū tantū posse querūtur: qui laudare volunt, concessum ei non esse cum memorant.

ac iam nihil est, quod quisquam aut tam stultus, aut tam improbus sit, qui dicat: vellem quidem liceret, hoc dixissem: dicas licet. hoc fecissem: facias licet, nemo prohibet. hoc decrevissem: decerne, modo rectè, omnes approbabit. hoc iudicasset: laudabunt omnes, si rectè & ordine iudicaris. dum necesse erat, resq; ipsa cogebat, vnus omnia poterat. qui posteaquam magistratus creauit, legesq; constituit, sua cuiq; procuratio auctoritasq; est restituta. quam si retinere volunt ij, qui receperunt: in perpetuum poterunt obtinere. sin has cædes, & rapinas, & hos tantos, tamq; profusos sumptus aut facient, aut approbabit: nolo in eos grauius quicquam ne omnis quidem causa dicere: vnum hoc dico: nostri isti nobiles, nisi vigilantes, & boni, & fortes & misericordes erunt, ijs hominibus, in quibus hæc erunt ornamenta, sua concedant necesse est. qua propter desinant aliquando dicere, malè aliquem locutum esse, si quis verè ac liberè locutus sit: desinant suam causam cum Chrysogono communicare: desinant, si ille læsus sit, de se aliquid detractum arbitrari: videant, ne turpe miliumq; sit, eos qui equestrem splendorem pati non potuerunt, serui nequissimi dominationē ferre posse. quæ quidem dominatio iudices in alijs rebus antea versabatur: nunc verò quam viam muniret, quò iter affectet, videtis: ad fidem, ad iusiurandum, ad iudicia vestra, ad id quod

quod solum propè in ciuitate sincerum, sanctumq; restat. hic ne etiam sese putat aliquid posse Chryfogonus? hic etiam potens esse vult? ô rem miseram, atq; acerbam. neq; mehercules hoc indignè fero, quòd verear, ne quid possit: verum quòd ausus est, quod sperauit sese apud tales viros aliquid ad perniciem posse innocentis, id ipsum queror: iccirco ne experret nobilitas, armis atq; ferro Remp. recuperauit vt ab libidine suam liberti seruuliq; nobilium, bona, fortunas vestras, nostrasq; vexare possent? si id actum est fateor me errasse, qui hoc maluerim: fateor insanisse, qui cum illis lenferim: tametsi inermis iudices sensi sin autem victoriâ nobilium ornamento, atq; emolumentò Reip. populoq; R. debet esse: tum verò optimo, & nobilissimo cuiq; meam orationem gratissimam esse oportet. quod si quis est, qui & se, & causam lædi putet, cum Chryfogonus vituperetur: is causam ignorat, se ipsum propè non nouit: causa enim splendidior fiet, si nequissimo cuiq; resistetur: ille improbissimus Chryfogoni fautor, qui sibi cum illo rationem communicatam putat, læditur, cum ab hoc splendore causæ separatur. verum hæc omnis oratio: vt iam ante dixi, mea est: qua me vti Resp. & dolor meus. istorum iniuria coegit. sed Roscius horum nihil indignum putat: neminè accusat: nihil de suo patrimonio queritur: putat homo imperitus morum, agricola, & rusticus.

cus, ista omnia, quæ nos per Syllam gesta esse dicitis, more, lege, iure gentium facta: culpa liberatus, & crimine nefario solutus, cupit à vobis discedere: si hac indigna suspitione careat, animo æquo se carere suis omnibus commodis dicit: rogat, oratq; te Chryfogone, si nihil de patris fortunis amplissimis in suam rem conuer tit, si nulla in re te fraudauit, si tibi optima fi- de sua omnia concessit, adnumerauit, appendit, si vestitum quo ipse tectus erat, annulumq; de- dit, si os suum tibi tradidit, si ex omnib. reb. se ipsum nudum, neq; præterea quicquam, ex- cepit: vt sibi per te liceat innocenti amicorum opibus vitam in egestate degere. prædia mea tu possides: ego aliena misericordia viuo. con- cedo & quod animus æquus est, & quia necesse est, mea domus tibi patet, mihi clausa est. fero. familia mea maxima vteris; ego seruum ha- beo nullum. patior; & ferendum puto, quid vis amplius: quid insequeris? quid oppugnas? qua in re tuam voluntatem lædi à me putas? v- bi tuis commodis officio? quid tibi obsto? si spoliatorum causa vis hominem occidere, spoli- asti: quid quæris amplius? si inimicitiarum, quæ sunt tibi inimicitia cum eo, cuius antea prædia possedisti, quam ipsum cognosti? si metuis: ab eo ne aliquid metuis, quem vides ipsum ab se se tam atrocem iniuriam propulsare non posse si, quò bona, quæ Roscij fuerunt, tua facta sunt, iccirco hunc illius filium studes perdere: nonne

nonne ostendis id te vereri, quod præter cæ-
ros tu metuere non debeas, ne quando libéris
proscriptorum bona patria reddantur? facis
iniuriam L. Syllæ Chrysogone, si maiorem
spem emptionis tuæ in hu- us exitio ponis, quā
in ijs rebus, quas L. Sylla gessit. quòd si tibi cau-
sa nulla est, cur hunc milerum tanta calamitate
affici velis: si tibi omnia sua præter animam tra-
didit, nec sibi quidquam paternum, ne monu-
menti quidem causa, reservauit: per Deos im-
mortales, quæ ista tanta crudelitas est? quæ
tam fera immanisq; natura? quis vnquam præ-
dio fuit tam nefarius, quis pirata tam barbarus
vt cum integram prædam sine sanguine habere
posset, cruenta spolia detrahere mallet? scis hūc
nihil habere, nihil audere, nihil posse, nihil vn-
quam contra rem tuam cogitasse: & tamen op-
pugnas eum: quem neq; metuere potes, neq;
odisse debes, nec quicquam habere iam reliqui
vides, quòd ei detrahere possis: nisi hoc indi-
gnū putas, quòd vestitū sedere in iudicio vides,
quem tu è patrimonio tanquā è naufragio nu-
dum expulisti quasi verò nescias hunc & ali, &
vestiri à Cæcilia Balearici filia. Nepotis sorore,
spectatissima femina: quæ cum patrem clarissi-
mum, amplissimos patruos, ornatissimum fra-
trē haberet: tamē, cum esset mulier, virtute per-
fecit, vt quanto honore ipsa ex illorum digni-
tate afficeretur. non minora illis ornamenta ex
sua laude redderet. An, quod diligenter de-
fenditur,

fenditur, id tibi indignum facinus videtur? mihi crede, si pro patris eius hospitij, & gratia vellet omnes huius hospites adesse, & auderent liberè defendere, satis copiose defenderetur: sin autem pro magnitudine iniuriæ, proq; eo, quòd summa Reip. in huius periculo tentatur, hæc omnes vindicarent: consistere mehercule vobis isto in loco non liceret. uunc ita defenditur, non sanè vt molestè ferre aduersarij debeant, neq; vt se potentia superari putent. quæ domi gerenda sunt, ea per Cæciliam transiguntur, fori iudicijq; rationem Messala, vt videtis iudices, suscepit: qui si iam satis ætatis atq; roboris haberet, ipse pro Sex. Roscio diceret. quoniam ad dicendum impedimento est ætas, & pudor, qui ornat ætatem, causam mihi tradidit, quæm sua causa cupere ac debere intelligebat. ipse assiduitate, consilio, auctoritate, diligentia perfecit, vt Sex. Roscij vita erepta de manibus sectorum, sententijs iudicum permitteretur. nimirum iudices pro hac nobilitate pars maxima ciuitatis in armis fuit, hæc acta res est, vt inobiles restituerentur in ciuitatem, qui hoc facerent, quod facere Messalam videtis, qui caput innocentis defenderent, qui iniuriæ resisterent, qui quantum possent, in salute alterius, quàm in exitio mallerent ostendere. quod si omnes, qui eodem loco nati sunt facerent: & Resp. ex illis, & ipsi ex inuidia minus laborarent. verùm si à Chrysogono iudices non impetramus,


petramus, vt pecunia nostra contentus sit, vitam ne petat: si ille adduci non potest, vt cum ademerit nobis omnia, quæ nostra erant propria, ne lucem quoque hanc, quæ communis est eripere cupiat: si non satis habet auaritiâ suâ pecunia explere, nisi etiâ crudelitate sanguinis perlitus sit: vnum per fugiû iudices, vna spes reliqua est Sex. Roscio, eadem quæ Reipublicæ, vestra pristina bonitas & misericordia, quæ si manent, salui etiam nunc esse possumus. sin ea crudelitas, quæ hoc tempore in Rep. versata est, vestros quoq; animos, id quod fieri profecto non potest, duriores, acerbioresq; reddidit: actum est iudices: inter feras satius est ætatem degere, quàm in hac tanta immanitate versari. ad eamne rem vos reseruati estis, ad eamne rem delecti, vt eos condemnaretis, quos sectores, ac sicarij iugulare non potuissent? solent hoc boni imperatores facere, cum prælium committunt, vt in eo loco, quo fugam hostium fore arbitrentur, milites collocent, in quos, si qui ex acie fugerint, de improviso incidant. nimirû similiter arbitrantur isti bonorum emptores, vos hic tales viros sedere, qui excipiat eos, qui de suis manibus effugerint. dii prohibeant iudices, vt hoc quod maiores consilium publicum vocari voluerunt, præsidium sectorum existimetur. an vero iudices vos non intelligitis, nihil aliud agi, nisi vt proscriptorû liberi quauis ratione tollantur? & eius rei initium in vestro iureiurando

inreiuurando atque in Sex. Roscij periculo qua-
ri? dubium est, ad quem maleficium pertineat,
cū videatis ex altera parte sectorem, inimi-
cum, sicariū, eundemq; accusatorem: hoc tē-
pore ex altera parte egentē, probatū suis filiū,
in quo non modò culpa nulla, sed ne suspicio
quidem potuit consistere? nunquid hic aliud vi-
detis ob stare Roscio, nisi quòd patris bona ve-
nierūt? quòd si id vos suscipitis, & eadem in re
operam vestram profiteremini: si idcirco sedetis,
vt ad vos adducantur eorum liberi, quorum bo-
na venierunt: cauete per deos immortales iu-
dices, ne noua, & multa crudelior per vos pro-
scriptio instaurata esse videatur, illam priorem,
quæ facta est in eos, qui arma capere potuerūt,
tamen senatus suscipere noluit, nequid acrius,
quàm more maiorum comparatum est, publi-
co consilio factum videretur. hanc vero, quæ ad
eorum liberos, atq; infantium puerorum incu-
nabula pertinet, nisi hoc iudicio à vobis reijcitis
& aspernamini, videte per deos immortales,
quem in locum Remp. peruenturam putetis.
homines sapientes, & ista auctoritate, & pote-
state præditos, quæ vos estis, ex quib. reb. ma-
ximè Resp. laborat, ijs maximè mederi conue-
nit. vestrum nemo est, quin intelligat populū
Romanum, qui quondam in hostes lenissimus
existimabatur, hoc tēpore domestica crudelita-
te laborare. hanc tollite ex ciuitate iudices: hāc
pati nolite diutius in hac Rep: versari: quæ non
modò

PRO SEX. ROSCIO AM. 193

modò id habet in se mali, quòd tot ciues atrocissimè iustulit : verum etiam quod hominibus lenissimis ademit misericordiam consuetudine incommodorum : nam cùm omnibus horis aliquid atrociter fieri videmus, aut audimus, etiam qui natura mitissimi sumus assiduitate molestiarum, sensum omnem humanitatis ex animis amittimus.

ADAMI STEZICIEN.
IN ORAT. CIC. PRO S.
ROSCIO OCCASIO ET
argumentum orationis.

MERIA oppidum fuit, eius municipij locupletissimus fuit Sex. Roscius, pater huiusce Sex. Roscij cuius res agitur in hoc iudicio. Ei veteres fuerant inimicitiae, cum duobus Rosciis propinquis, quorum alteri Magno, alteri Capitori cognomen fuit, idq, propter partitionem bonorum. Hi Roscij cum Sex. Roscium diu cupivissent occidere, tum cogitata perfecerunt, hac occasione. Cum post bellum Marianum L. Sylla Magnum numerum optimorum civium proscripsisset, & passim multae cades impune fierent. Titus Roscius Magnus socio adiutore Manlio Glaucio Sex. Roscio, insidias collegerat Romae ad balneas palatinas, ibiq, noctu redeuntem à cana obruncat, rem statim denuntiat Tit. Roscio Capitori, qui tunc Ameriae fuit. Is porro rem desert ad L. Cornelium Chrysogonum Sylla libertum, cum eoq, paciscitur, ut parte bonorum Sex. Roscij accepta, illius nomen in proscriptorum numerum refferret. Itaq, duo Roscij, & Chrysogonus, bona Sex. Roscij tanquam proscripti à L. Sylla emunt duobus millibus nummum, eaq, exturbato filio occupant. Sed quia videbant sibi obistere vitam Sex. Roscij filij, ideo insidias illi ponunt. Ille reintellecta, Romam confugit ad Ceciliam neptem suam. Aqua cum diligentissime custodiretur,

retur, aliud aduersarij consilium capiunt. Sex. Roscium de parricidio accusant, quod patrem suum occidisset. Accusator fuit Erucius exercitatus tabula. Cic. Sex. Roscium defendit, ac primum aduersarij argumenta refutat, deinde criminationes retorquet in aduersarios & potius eadem factam esse ab ijs, quã à Sex. Roscio filio ostendit.

Genus causæ.

Genus causa est iudiciale, habens accusationem & defensionem parricidij.

Intentio aduersarij fuit.

Occidisti Roscium patrem Sex. Roscij.

Depulsio defensoris.

Non occidi.

Quæstio nata est V. Sex. Roscius occiderit nec ne?

Et hic est status coniecturalis.

Loci status.

Argumenta præcipua in hac causa ducuntur à voluntate & facultate, an filius voluerit, & potuerit occidere patrem;

Accusator dicit potuisse.

Quia homines tum vulgo interficiebantur.

Voluisse quia patrem oderat, quod eum voluit exheredare.

Cicero contra.

Amatum esse ostendit patrem à filio, quem pater ruri tum præclare præfecisset, occidere autem non

potuisse, Quia pater Romæ est occisus quo tempore filius Romæ non fuit.

Partes orationis.

Partes orationis huius sunt quinque, Exordium, Narratio, Diuisio, Confutatio, & Conclusio, quas eodem ordine collocaui, quo in præceptis sunt conscriptæ.

Genus dicendi.

Genus dicendi orationis huius est summum, graue, copiosum. Grauisima enim res dignitatem habet, pari grauitate, verborum & sententiarum confectam.

Exordij explanatio.

Ductum est hoc exordium ex opinionibus aduersariorum, quas Cic. à se remouet. Sunt autem tres partes huius exordij ad beneuolentiam auditoris, & odium aduersariorum instituta. Prima pars pertinet ad Ciceronem, qua reddit rationem suscepti patrociniij. Secunda pertinet ad Chrysogonum Syllæ libertum, quem in odium adducit. Tertia ad indices spectat.

Prima pars exordij in qua reddit rationem suscepti patrociniij, cuius sit eius modi dispositio.

Propositio, Nemo miretur quod ego S. Roscio patronus extiterim, multis alijs oratoribus sedentibus.

Ratio 1. Quia illis grauius periculum, si dixerint, quam mihi immineret.

2. Quia illis propter prudentiam nihil ignoscere-
tur, mihi autem ignosci potest propter ætatem.

3. Quia

3. Quia illi hoc negotio non suscepto, utiq; amicitiam perditorum nullatenus liberarent. Ego autem si non defenderem officium inimici hominis facere viderer.

4. Quia timent potentiam Chrysogoni, qui emit bona Sex. Rosci, quam copiose exprimit.

Complexio, Quamobrem vos oro iudices, & te praesertim Fauni, ut te nobis aequum iudicem praebes.

Credo ego vos, Propositio quam duplici occupatione figuravit prima indignum est Cic. ut tu iuuenis, qui nec ingenio, nec autoritate vales causam Rosci agas, neque aetate, hoc est, non vales aetate, ingenio, auctoritate. Ergo non licet surgere. Nam Cic. hanc primam causam inter omnes publice egit anno aetatis 27. omnes enim, Secunda occupatio. Clarissimi viri qui adsunt Roscio stant a parte Rosci, eum non defendunt. Hanc Cicero breuiter soluit, hos quidem velle defendere, sed non audent. Ita fit ut, Conclusio secunda occupationis. Quid ergo, Hic rationes duas Cicero falsas remouet, per figuram complexionem negantem, hoc est non quod sum audacissimus omnium aut ceteris officiosior. Quid ergo, Prima ratio ficta. At tanto, Secunda causa ficta, ne istius, remotio causa.

Quae me igitur res, Prima ratio propositionis per comparisonem, qua Cic. se ipsum comparat cum aduocatis Rosci. Hanc figuravit interrogatione, quod artificium est Cic. familiare. Quia si quis, Prima pars comparisonis. Ergo etiam, altera pars comparisonis. Deinde quod ceterorum, Secunda ratio

propositionis estq; hic prima pars comparationis. Ergo si quid, Secunda pars comparationis. Tametsi, huic comparationi addit correctionem quarumonia plenam. Accedit illa quoque, Tertia ratio à necessitudine petentium. Alius licet petentium preces repudiare mihi non licet. His de causis, Conclusio harum trium rationum, quibus sibi benivolentiam conciliauit, opinionemq; remouet. Sensus est. Propterea causam Roscii suscepi, quod mihi, quam aliis, minus periculum traheretur. Forsitan quærat, Quarta ratio à persona Chrysogoni, qua ostendit cur ceteri Sex. Roscii causam defendere timuerunt. quam tribus partibus tractat 1. ostendens potentiam Chrysogoni 2. ostendens postulationem Chrysogoni plenam inuidia, quam tractat fictione 3. contraria postulatione Ciceronis, qua gratiam Roscio, & inuidiam aduersariis conflare contendit, iste terror, comminatio cum metu coniuncta, quod adhuc vos, hic est suspiciosa argumentatio consilij aduersariorum, conflauit, causa fuit huius accusatoris. Quæ res ea est, Hic est explicatio causæ. Sensus est. Quia interfecto Roscio. Chrysogonus emit bona eius tanquam proscripti à L. Sylla. Sexagies, centena millia Sestertium. Sestertium autem in neutro genere significat mille Romanis Sestertios nummorum, id est 25. coronatos latinos, seu marcas Polonas. Sestertius autem valebat duos denarios cum semisse. Decem autem denarij efficiebant vnum coronatum. Ergo sexagies centena millia Sestertium valet centum millia coronatorum, vel secundum Budaum centum quinquaginta millia, quem honoris, hoc propter
suspicionem

suspicionem vitandam posuit, duobus millibus, quinquaginta coronatis seu aureis scutatis, sese dicit, Hac suspiciose, non emit sed dixit se emissè, adolescens vel potentissimus, hac ad inuidiam dicta sunt quod Chrysogonus seruus, potestatem summam inter Romanos sit adeptus. nomen autem Chrysogoni significat, aureus satus, vel semen aureum.

Secunda pars exordij.

Is à vobis iudices, in hac postulationem Chrysogoni exponit Cicero, plenam iniquitatis, quam introducit fictione oratoria, per ironiam. Hunc sibi, videtur commemoratione in eadem ironia, conciliandi odij causa in aduersarium.

Tertia pars exordij postulatio Cic.

Si vobis æqua, quam ab ironia incipit, postulat autem Cic. primo à Chrysogono vt pecunia fortunisque parentis Roscij contentus sit, & sanguinem ac vitam Roscij filij ne petat.

Secundo postulat à iudicibus omnibus, vt audacium sceleri resistent, & innocentium calamitatē leuent, etsi minima suspicio appareret parricidij, Roscius panā subeat, sin minus vt Roscium innocentē dimittant, vbi Cicero declarat fiduciam causa, qui ex ciuitate, gradatione dignitatem, & auctoritatē iudicum extollit.

Tertio postulat à iudicibus vt sua causa faueant, tenuitatem suam excusans, grauitur conqueri, quasi dicat cum igitur Roscium inique accusant, mihi autem ad illum defendendum multa desunt ob quatuor impedimenta. Ergo nostra causa fauete, hoc autem ad beneuolentiam dictum est, neque satis liberè, obserua tria officia in maleficijs 1. Scelera explica-

re 2. *Quadam adhibere 3. Rem exaggerare, nam com-*
moditati, Quatuor impedimenta adfert, ingenij de-
fectum, etatem, tempora, timorem. Quapropter
vos oro, concludit postulationem ad iudices quam
dilatat Aetiologia cum dicit, fide, pollicitatione cum
dicit, hoc onus, & pramonitione cum dicit, idque
non spero.

Quarto, te quoque magnopere, Hortatur Fau-
nium pratorem ad seueritatem iudiciorum idq, argu-
mentis quinq,

1. *Argumentum ab antea actis. Antea fuisti se-*
uerus: Ergo nunc debes esse.

2. *Ab expectatione hominum. Multi homines*
hoc à te expectant: Ergo sis seuerus.

3. *Ab occasione, Post longum tempus, à Sylla,*
hac iudicia senatui sunt commissa. Ergo ne amittas
occasionem seuerè iudicandi.

4. *A fine, Nisi seuerè iudicaueris, maxima se-*
quetur audacia & crudelitas. Ergo iudices seuerè.

5. *Innocens à sceleratis accusatur. Ergo tu Fau-*
ni & vos cateri iudices causam Roscij diligentius ac
seuerius iudicare debetis. Hic obseruanda est confli-
ctio & contentio personarum, rei, & accusatoris, qua
reo clementiam, & misericordiam parat, & in aduer-
sarium iram ac seueritatem ostendit. Estq, genus di-
cendi splendidum, iteratione & in cremento tracta-
tum.

Elocutio.

CRedo ego, occupatio, neque, polysyndeton,
 Quid ego, interrogatio cum subiectione, tam-
 et si non,

et si non, *correctio*, forsitan, *occupatio per interrogationem*, Quod adhuc, *Aethiologia*, quæ res, *interrogatio per subiectionem*, Quem honoris, *præmonitio*, scrupulum, *periphrasis conscientia*, persistit, *allegoria*, Quod si, *comparatio per fictionem*, aut, *anaphora*, *partitio*, non ne, *interrogatio*, Ex senatu, *climax*, nam, *Aethiologia* & *relata*, & *auxesis*, Et vestra, *partitio*, non modo, *complexio negans*, Primum a Chrysogono peto, *item*, Deinde à vobis iudices, *item*, Te quoque Marce Fauni, *apostrophe*. Est quoque protropi seu *adhortatio*, Quod si aut causa criminis, *Epitrope*, M. Fauni, *apostrophe*, *antiteta*, *similiter desinens*, cupiditatem, *incrementum* *Antiteta*, *emphasis*, *partitio*, etenim, *interrogatio*, Accusant, *frequentatio seu iteratio verborum*, *antiteta*, *auxesis*, *similiter desinens*, trucidetur, *Auxesis*.

Exordij huius prima periodus est *tetracolia*, *particulis elegantibus distincta* incipit à *dactyllo*, desinit in *ditrocheum*, Secunda periodus est *dicolos* incipit à *spondeo* desinit in *Epitritum primum*. Tertia periodus est *dicolos*. Membratim posthac alia sunt posita.

Secunda pars orationis narratio.

HActenus exordiū, sequitur narratio, cui præmittit *præparationem*, quæ *miseriam Rosci*, & *aduersary audaciam Reiq; pub. calamitatem exponit*, *attentionemq; sibi ipsi parat*, dum dicit: Atq; ut *facilius intelligere possitis*. Porro ipsa narratio secundum do-

dum doctrinam Hermogenis in tres partes diuiditur. In prænarrationem, narrationem, & postnarrationem. Prænarratio continet fortunam, calamitatem, & innocentiam Sex. Roscij. Narratio antecedentia, coniuncta, & consequentia cadis patris Roscij. Post narratio aditum ad refutationem patescit. Est autem hac narratio, non solum probabilis & argumentis aspersa, sed etiam ita exposita, ut res quasi ob oculos geri videatur.

Prima narrationis pars prænarratio,
Sextus Roscius.

IN hac primo Sex. Roscij fortunam declarat, cum eum municipem Amerinum ex nobili & clare familia ortum & amicitijs gratiæ florentem, pecunia opibusq; diuitem ostendit. Deinde cōmendat eius bonam vitam ob innocentiam duobus argumentis, vno ab antecedentibus, altero à consequentibus. Ab antecedentibus: Quia tempore belli, patronus & defensor fuit nobilium dignitatis, & salutis. A consequentibus: Quia post victoriam, semper in vrbe versabatur. Ergo honestissime vixit, non modo sui, comparisone dilatat, hoc est non solum Amerinos opibus vixit, sed etiam omnes propinquas ciuitates. Nam cum Metellis, probat eum amicos habere, præstantissimos per partitionem. Quas ut præmonitio, cur eos viros nominauerit, ita ex suis omnibus, pathos. A meliore fortuna Roscij descehit ad tristiore. Nihil enim tam est durum quam ex diuite miserum fieri. Nam
patrimo-

patrimonium, confirmatio patris.

Secunda pars narrationis, quæ est ipsa narratio,
erant ei veteres.

Hætenus pars prima narrationis, in qua felicitatem, calamitatem, & innocentiam demonstravit, sequitur ipsa facti expositio quâ in tres partes distinguit, in ea, quæ eadem antecesserunt, in ipsa, quæ cum ipsa eade coniuncta fuerunt, & in ea, quæ eadem sunt consecuta.

Antecedentia eadem seu causa cædis.

Erant ei.

Causa cædis Rosci erant veteres inimicitia cum duobus Rosciis quos describit, quorum alterum, descriptio personarum, neque enim indices: Rationem adiungit declinando ad describendos aduersariis, palmarum, certaminum, lanistam, qui familias domi habet ad gladiaturam exercendam, nam cum hic, pro quo Cic: verba facit: ubi comparatione amplificat rationem, cum Roscium, cum aduersario confert.

Coniuncta cædi.

Occiditur ad balneas.

Hætenus causa cædis, & qualitatibus personarum, sequitur ipsa expositio cædis breuissima, notatione trium circumstantiarum, personæ, loci, & temporis, spero ex hoc, breuiter ostendit à nullo alio, quam à Rosciis interfectum esse Roscium, idque se demonstraturum ostendit.

Consequen-

Occiso Sexto Roscio.

Duodecem sunt, quæ cædem consequuntur.

1. Nunciatio cædis Capitoni & Chrysogono: Hic observa circumstantias personæ, temporis & modi, Cisijs Cisum est genus vehiculi, cruorem, mouet affectum, quatrinduo, quarto die Liuius quàm addit: narrat autem hoc loco quomodo ad Chrysogonum cædes facta peruenerit, volaterras, oppidum in Etruria, fundos, fundum commendat à numero & situ, cum pater huiusce, comparatio, splendidus, liberalis, gratiofus, valens apud multos gratia.
2. Secundum consequens cædem Roscii. Societas intersectorum cum Chrysogono, ne diutius vos teneã, ubi observa breuitatē narrationis, coitur, initur.
3. Distributio bonorum Roscii, cum iam proscriptionis, Estq; dilatio à causa, defunctos, liberatos. Hæc bona, annectit vtilitatem precii ut dignitatem rei amplificet, sexagies, centum millia coronatorum, duobus millibus, quinquaginta coronatis.
4. Ignorantia Sylla, hæc omnia, quod declinatio ne ab ipsa narratione tractatur, ne videatur accusare Syllam, ne iudices timidiorez fiant. Primum autē remouet à se odiū Sylla, dicitq; illo nesciente hæc facta esse. Deinde ostendit seruorum ac libertorum maliciam, neq; enim, causa dilatat nescisse Syllam, à magnitudine negotiorum, præterita sunt, reputet, addendum propter sensum, respirare, accipere anhelitum ad libertatem, est hic hyperbole extenuendi causa, auepen-

tur, cæ-

tur, captent, despexerit, non aspexerit. Huc accedit, Exponit seruorum improbitatem, *felix sit*, *Plinius lib. 7.* scribit vnus hominum ad hoc cui *salicis* sibi cognomen asseruit, civile nempe sanguine ac patria oppugnatione adoptatus sit, & quibus *salicitatis* inductus argumentis. Quod proscribere tot millia ciuium, ac trucidare potuisset & praua, inquit, interpretatio, & futuro tempore infelix. *Solinus* tamen scribit cap. 6. *Syllam dictum potius salicem, quam fuisse.*

5. Interea *T. Roscius*, occupatio bonorum *Rosci*, nam *T. Roscius* profectus *Ameriam* bona *Rosci* occupauit, vir optimus, ironia, luctu perditum, mortem patris miserè lugentem, iusta, exequiis, nudum, spoliatum, penatibus, penates dicti sunt dij domestici, quod penes nos nati sunt, vel quod non longe absint ab hac vita, siue quod penitus insident. Ex quo etiam penetales à poetis vocantur. Alij à penu hoc nomen deriuant. *Macrobius*, Penates esse dixerunt, per quos penitus spiramus, per quos habemus corpus, per quos rationem animi possidemus.

6. Qui in sua re insolentia *Titi Roscii* intersectoris in diripiendis *Rosci* bonis. multa palam, partitione dilatat.

7. Qui *Amerinis*, Dolor ciuium *Amerinorum* ex tribus causis ortus: 1. Ex cade *Rosci*. 2. Ex egestate filij *Rosci*. 3. Ex direptione illorum bonorum, & enim, multa, prima causa doloris, filij autem, 2. causa, Bonorum emptio, 3. causa.

8. Itaq; decurionum decretū, Missi ad *Syllam* decem ex *Amerinis* legati, qui his de rebus *Syllam* docerent.

9. Statim

9. Statim Chryſogonus, *deceptio legatorum à Chryſogono qui eos petijt, ne tanta ſcelera ad Syllam deferent, Homines antiqui, Hic ſimplicitatem legatorum exponit, ut deceptorem in odium adducat, alligat, mittit, Exempturum, deleturum, ad promitteret, valde promitteret.*

10. Ac primo, *inſidia parata ab aduerſariis filio Roſcio.*

11. Quod iſ ſimul, *fuga Roſcii Romam ad Caci-
am matronam honeſtiſſimam, in qua muliere, com-
mendatio Cacia à genere & probitate, Ea Sex. Ro-
ſcium. Deſcriptio calamitatis Roſcii.*

12. Nam poſtquam illi, *Conſilium aduerſario-
rum, de condemnando filio Roſcio, quod cauſis quatu-
or amplificat. Prima cauſa, tempus ipſum. 2. iudicia
intermiſſa propter potentiam Sylla. 3. Inopia patro-
norum. 4. Metus oratorum, quod contra Chryſogonum
nemo auſus eſſet dicere, veterem, callidum veterato-
rem, malicia exercitatum. Hoc conſilio, Concluſio i-
pſius narrationis, in qua oſtendit cur in iudicium vo-
catus ſit Roſcius ab interſectoribus.*

Post narratio,

Quid primum querar.

IN hac tria facit: 1. Narrationis capita repetit paulo vehementius. 2. Fidem ſuam pollicetur Roſcio. 3. Facinus Roſciorum cum ſcelere C. Fimbria conſert

Primum membrum poſt narrationis.

IN qua eſt repetitio ipſa, quam à dubitatione oratoris incipit.

incipit. Deorum, tres personas enumerat, à quibus auxilium petit, fidem, auxilium, Pater, repetitio cum indignatione ad inflammandos iudices, infesta, Actiue & passiue, hoc verbum usurpari Gelli lib. 9. scribit, Domus obsessa, obserua amplificationem per conglotationem, Appetita, valde & diligenter petita. Quid ab ijs, Deliberationem interposuit orator, ad augendum crimen aduersariorum, ferunt, offerunt, ceruices, Antiqui, vt Quintil. ait: Ceruices dicebantur primusq; Hortensius ceruicem dixit, Roscio, magno, in culeum, nota parricidarum peccatam fuisse, quod sanguineis virgis verberati in culeo, cum cane, simia, & gallo, & serpente inclusi mari inticiebantur.

Secundum membrum post narrationis,

Patronos huic defuturos.

Pollicetur suam operam Roscio, sensus est. Ego Roscium defendam, quamuis sit ab alijs relictus. Primum autem amplificat à cogitationibus aduersariorum. Et forsitan, repetit pollicitationem. Quamuis adolescens tuendam causam suscepi quoniam tamen eam semel suscepi. Ergo & libere defendam. nulla res, comuni sententia promissum dilatat. Quia bono viro, nulla res maiorem vim asferre debet, quam fides. Et enim quis tam, iterum repetit breuissime capita narrationis ad exaggerandum tantum scelus aduersariorum. Hoc autem facit per prosopopaiam, vbi sermonem Roscii tribuit. Tractat autem fictionem duabus partibus, Aditu;

Aditu, & prosopopœia per enumerationem, Et enim aditus, Patrem meum, prosopopœia.

*Tertium membrum post narrationis,
Hominem longe audacissimum.*

C*omparat crimen aduersariorum cum crimine Fimbriæ. Sunt autem in hac comparatione quatuor persona Q. Sceuolæ. Sex. Roscii, C. Fimbriæ, & duorum Roscorum.*

Tractatio huius exemplis, quinque partes habet.

1. *Reprehensionem fimbriæ, & Q. Sceuolæ laudem.*
2. *Expositionem exempli.*
3. *Sensum bonorum omnium de illo exemplo.*
4. *Assumptionem presentis facti.*
5. *Sententiam oratoris.*

Hominem, prima pars reprehensio fimbriæ; Q. Sceuolæ, Laus Sceuolæ, diem Sceuolæ dixit, Secunda pars exempli expositio, in ius eum vocauit, eum posse viuere, vulnus mortiferum non esse, non totum telum, non satis alte vulneratus esset. Quo populus, tertia pars Epikrîsis, Est ne hoc, Quarta pars assumptio, quam per dialogismum tractat, Hoc quia fit. Quinta pars sententia oratoris, hoc est, Hoc facinus simile illi primo, nam per Deos, Conclusio narrationis, sensus est: Etiam qualis, qualis orator, banc causam tueri potest.

Elocutio.

Elocutio.

Quid primum, dubitatio, Deorum, partitio, pater, conglobatio, obfessa adempta, gradatio, nulla, gnomi, iugulastis, incrementum, Hominem, exemplum, de cuius laude, prateritio, Estne, conglobatio, accusatis, dialogismus, nam, exclamatio.

Tertia pars orationis partitio,
Totam causam iudices.

In hac primo transicione utitur ad partitionem, in qua attentionem parat orator. Secundo partitionem ipsam statuit, in qua proponit quid in reliquo orationis cursu sit dicturus. sit igitur sensus. Nego Sex. Roscium parentem interfecisse, sed potius à Capitone & Magno Rosciis interfectum esse. Estq; hac propositio in coniecturali statu, Quid igitur est, duabus partibus reiectis, unam tantum se pollicetur refutaturum, ipsam nempe criminationem, illa res, confictio criminis, Ergo crimen, Ex partitione colligit propositionem, occidisse patrem. Ante quam refutationem aggreditur primum extollit crimen dicens, Impossibile est à filio parentem occidi potuisse. Mox enim ostendet accusatorem, non potuisse tantum facinus in Roscio probare, Scelestum, Amplificatio propositionis. Etenim si id, Comparatione amplificat facinus Roscij à minori. Si illi graviter puniuntur, qui vultu pietatem violaverint, multo gravius illi, qui parentem interfecerunt.

O

Quarta

Quarta pars orationis Refutatio.

In hoc tanto.

HÆC pars ex locis coniecturalis status est confecta, qua diuiditur in tres partes, in prima parte refutat argumenta aduersariorum, ostendens Roscium filium non interfecisse parentem Roscij, quod facit duobus argumentis, ex voluntate & facultate. In Secunda parte, ostendit & probat Roscios, Sextum Roscium interfecisse, ex iisdem locis voluntatis & facultatis. In tertia parte Chrysogonum reprehendit, ostendens Sex: Roscij bona, contra legem, proscripta, ac vendita esse.

Prima pars refutationis.

IN hac primo probat filium parentem noluisse interficere. deinde ostendit non potuisse occidere.

Propositio. Filius noluit interficere patrem.

Argumentum tractatur per remotionem argumentorum quibus parricidium erat ab aduersario confirmandū, nec tamen est confirmatum. Constat autem partibus quatuor, propositione, assumptione, Ratione assumptionis, & complexione.

Propositio, Hoc crimen parricidij prabandum fuit abs te Eruci.

Assumptio, Sed non est probatum.

Ratio assumptionis. Roscius nec audax, nec viuis deditus, nec bonorum dilapidator fuit.

Complexio. Ergo inique est accusatus, in hoc, propositio Syllogismi per enumerationem, non ne, enumeratio argumentorum ab aduersario pratermissorū, quibus

quibus coniecturalis status explicatur, ubi ostendit Cicero, nullam causam fuisse, cur parentem filius interfecerit, Quorum tu mihi, Assumptio per remotiorem illorum, quæ in propositione enumeravit. Adolescentulus, Ratio assumptionis qua probat Roscium non potuisse patrem occidere, At hoc, remotio est, De luxuria, Hic est remotio ex testimonio adversarii. Obiectio, 1. Adversarii. Non placebat patri. Ergo patrem interfecit. Hanc solvit Cic. dupliciter. primo per syllogismum quadripartitum.

Propositio, Si non placuisset, esset aliqua causa:

Ratio propositionis per comparisonem.

Sed patri non displicuit.

Ergo nec patrem filius interfecit.

Deinde per simplicem syllogismum.

Si filiū sine causa odisset, profectō pater amens esset.

Sed pater constantissimus fuit. Ergo nec eum odio habuit.

Patri, Obiectio, patri non placebat, Solutio, nam, ratio propositionis per comparisonem, Rursus, Assumptio, pater igitur, secunda solutio estq; propositio, At is, assumptio, Ergo, complexio.

Elocutio.

IN hoc, interrogatio, auxesis, Tam, anaphora. & polysyndeton, partitio. Corruptus, ironia, æris, partitio, De luxuria, remotio & partitio, quæ vita, gnomi, quæ res, obiectio, furorem, catachresis hoc est, parricidium, patri non, sermocinatio, necesse, Aethiologia, nam vt, comparatio, amens constantissimus, Antiteta, Ergo, enumeratio.

2. *Obiectio, qua probat Erutius filium Roscium odio parenti fuisse hoc argumento. In pradia rustica filium relegauit. Ergo illi odio fuit.*

Hanc obiectionem copiosè refutat quatuor solutionibus. Prima per inuersionem. 2. Ab exemplo. 3. A ficto exemplo. 4. Ab exemplis per inductionem. Prima solutio per inuersionem. Si odisset filium, Non illi tradidisset tam sumptuosa pradia. Hic obseruabis refutationis quadruplicem translationem. Primo enim propositionem ponit, Secundo obiectionem aduersarij, Tertio contrarium propositionis, Quarto ipsam refutationem, nescio inquit, Prima pars refutationis. Propositio est in ista dictione, inquit, Tertia pars refutationis est cum dicit, quod Erutio, contraria propositioni quam sepius ex circumstantia tractat, vel aduersarium reprehendendo, vel eius argumenta deridendo, quod hic facit. Quemadmodum Erutius non potuit sua figmenta probare, sic ego vix refutare possû. Quid ais Eruci, Quarta pars refutatio ipsa, per inuersionem. Si odisset filium, non illi tot pradia, tam pulchra, tam fructuosa tradidisset.

Secunda solutio ab exemplo. Patres familias.

Idem faciunt nobiles viri.

Ergo & Roscius non odij causa filium amandauit.

At amandarat.

Complexio { *Ergo cum eum colendis pradiis re-*
duorum ar- { *legauit, constat non odij causa rele-*
gumentorû. { *gasse.*

Quam comparationem complexione tractat.

Vides Eruci, Hic aduersarij argumentationem reprehenden-

reprehendit, Quod consuetudine, *Haecenus con-*
clusso. Sequitur contraria positio. Sensus est, Quod
 fecit pater exemplo aliorum, benevolentia & amoris
 causa, illud profecto non odio fecit. Estq; repetitio duo-
 rum argumentorum. Antitesi ornata, neque hæc tu,
 Hanc clausulam addit conclusioni, ut ostendat aduer-
 sarium inopia argumentorum laborasse.

Tertia solutio obiectionis, per argumentum fi-
 ctum Cecily poëta Comici, At enim cum duos. Sen-
 sus est.

Senex Cecilianus filium suum Paticum non odij
 causa sed amoris rus relegauit:

Ergo & Roscius idem fecit, Quam solutionem
 partibus quatuor tractat. 1. Repetitione obiectionis.
 2. Antipophora utitur irrisione aduersarij. 3. Proponit
 exemplum. 4. Cur exemplo ficto sit usus rationes ad-
 fert. At enim, Prima pars solutionis obiectio. Quæ-
 so, Secunda pars solutionis schema aduersarij, quam
 petitione & schemate tractat, patre certo, infamias
 matris Erutij significat. At natura, mitigat schema
 laude humanitatis, Et quid tandem, tertia pars so-
 lutionis nemp; propositio exempli, quo probat, signum
 potius esse amoris, quam odij, Quali vero mihi, Quar-
 ta pars solutionis, qua recenset causas, cur exemplo v-
 sus sit fabuloso. Sensus est. Habeo multa exempla, sed
 ea adferre non placet propter causas quatuor. 1. Ve-
 rum homines, Quia odiosum est homines notos sume-
 re Hanc ab obiectione aduersarij incipit. 2. Et nemo
 vobis, Quia hunc Eutychum ex fabulis optime nostis.
 3. Idem valet hunc adolescentem ex fabula sumere, si-

cut aliquem ex oppido vobis notum. 4. Etenim hæc, Quia poetarum fictiones vita imaginem nobis expriment. Estq; hic fabula definitio.

Quarta solutio obiectionis, per duo exempla vera, quibus probat non odii esse signum, præficere filium agris colendis, sed beneuolentia. Age nunc.

Primum exemplum, quod tractat inductione per antecedens & conclusionem.

Umbri & omnes vicini, aliaq; municipia, tebeo vos ruri præficiunt.

Ergo & Roscius non odio præfecit filium.

At non modo, commoratur in vna eademq; re demonstranda diutius, & testimonium profert, desumptum, ex studio multorum adolescentum. Totus autem hic locus spectat, ad laudem vita rustica, Quid censes conclusio primi exempli. Ergo Roscius rei rustica peritissimus non odio filium suum rus relegauit, Verum ut opinor, Hic est breuis digressio, qua Chrysogoni improbitate perstringit: sensus est. Quoniam prædia Chrysogonus Roscio eripuit, liceat & artem illi agriculturæ eripere, modo vitam ne eripiat. Hic obserua oratores in collocandis siue argumentis, siue exemplis solere quasdam res extraneas orationi inferere.

Secundum exemplum, Næ tu Eruti. Non tantum Roscium reprehendis, sed etiam maiores nostros qui hisce studiis tenebantur. Ergo nullum est signum odii parentis in filium. Hoc exemplum est per fictionem, tractaturq; quatuor partibus. 1. Propositione exempli. 2. Expositione. 3. Sententia honorum. 4. Conclusionem. Næ tu, Propositio exempli, Etenim quis

qui, *Expositio exempli*. At hercule, *Tertia pars sententia bonorum de agrorum tutoribus*, quam *Aethiologia dilatat*. Neq; ego hæc eo, *Conclusio exempli per occupationem & comparisonem*, sensus est, Si igitur maiores nostri agris colendis occupabantur. Igitur nec Roscius odii causa rus fuit relegatus. Estq; repetitio obiectionum, odium igitur, *Conclusio tertia obiectionis per ironiam*,

Figuræ.

Nescio dialogismus, ille, *comparatio*, quid ais, *interrogatio*. Amandarat, *Ratiocinatio*, quod si *conclusio*, vides, *apostrophæ*, contra *anaphora*, *partitio*, At enim, *occupatio*. Quæso, *apostrophæ*, non enim, *Aethiologia*, quasi, *subiectio verum*, *reomotio*, etenim *gnomæ*, *Definitio*, Age, *exuscitatio*, quod tamen, *occupatio*, *Manus*, *pleonasmus*, suos agros *Aethiologia*.

Tertia obiectio aduersarii, qua probat, parentem à filio intersectum esse hoc modo. iam vero inquit.

Pater filium exheredare voluit.

Ergo signum est, filium, patrem interfecisse.

Quam Cic. per syllogismum soluit.

Propositio. Tuum erat Eruti omnia vitia Roscii explicare, propter quæ eum pater exheredare cōstituit.

Assumptio: Sed neq; vitia Roscii, nec parentis voluntatem indicare potes.

Ratio assumptionis. Quia causa nulla intercessit.

Complexio. Ergo falsum hoc est.

Hanc autem solutionem digressionem amplam & copiosam dilatat.

Nam istum, obiectio solutionis, audio nunc,
*Primo lenitatis arguit aduersarium, & quandam bre-
 uem occupationem breuiter soluit.*

Conuiuia cum patre non inibat: Ergo
 patri odio fuit.

Respondet Cic: Quia in vrbe nunquam, & ruri
 semper vixit, vt igitur hæc obiectio inepta, ita &
 hæc de exhæredando filio, Conuiuia, obiectio inserta,
 Quippe qui, solutio illud quod cæpimus, Repe-
 tit propositionem, vt ostendat magnum esse illud, quod
 dixit accusator, sed tamen nullis rationibus fixum,
 Exhæredare, Repetit obiectionem. Mitto quærere
 per præteritionem respondet obiectioni, tamen si te,
 propositio solutionis, vt naturam ipsam, Hic est la-
 tum argumentum, quo ostendit noluisse patrem filium
 exhæredare à naturali parentum amore, verum con-
 cedo, Assumptio sed nullum tale vitium adferre po-
 tuisti hanc figurauit concessione, finge aliquid, Hic
 eum in odium adducit, exhæredare filium, Assum-
 ptionem probat. Nulla causa fuit. Ergo noluit eum
 exhæredare. Nemo nostrum est Eruti. Hactenus
 postulauit argumenta, quibus ostendendum erat ab ac-
 cusatore patrem voluisse exhæredare filium. Nunc in-
 dicat quæ ratio Erutium ad accusandum impulerit.
 nempe cupiditas lucri. Est autem hic locus ad odium
 aduersarii comparatus, Quid ergo est, cautio orato-
 ria, qua monet accusatorem quid sibi faciendum fuis-
 set. Accusatores multos. Digressio in qua officia &
 utilitatem accusatoris ostendit, vt calumniam Eruti
 accusatoris

accusatoris indicaret. Hanc autem tractat propositio-
 ne, ratione, rationis confirmatione & duplici simi-
 litudine, Accusatores, propositio digressionis, vt me-
 tu, Ratio propositionis, verum tamen, correctio ra-
 tionis illudamur, si nullis rationibus crimen probare
 possint, Innocens, rationis confirmatio sumpta à fine.
 Quare facile. concludit propositionem, hoc est, Tolle-
 randi sunt accusatores, qui suspitione adducti non ca-
 lumnia accusant: Anseribus cibaria. Duplici simili-
 tudine accusatoris officium illustrat. Prima ab anseri-
 bus in Capitolio asseruatis sumpta, altera à canibus,
 qui olim alebantur Roma, custodiendi, & significandi
 causa nocturnos fures, ita etiam accusatores alendos
 esse in Rep. ad accusandos, & indicandos homines scele-
 ratos: Tractat autem similitudinem vtramq; tribus
 partibus, Propositione, Assumptione, & Expositione
 Assumptionis, Anseribus, Propositio prima similitu-
 dinis. Hic autem Cic. alludit in historiam bello Gallico.
 Cum enim Galli Capitolium noctu ascendissent, dor-
 mitantibus vigilibus, anseres, qui prope Capitolium in
 templo Iunonis alebantur, suo strepitu, Romanos
 homines exuscitauerunt, ita vt seruatum fuerit Ca-
 pitolium. & depulsi Galli. Hinc cibaria publica lo-
 cabantur anseribus, Lege Plutarchum in vita Camilli,
 Quod si luce. Altera similitudo, qua comparat ac-
 cusatores canibus, qui nulla suspitione adducti non
 tantum latrant, sed etiam mordent, ita & accusatores
 non tantum accusant innocentes, sed etiam eos conde-
 mnare volunt, Simillima. Secunda pars similitudinis
 Assumptio, Alij vestrum. Hic primam similitudinem

consert, Alij canes. *Secunda, Collatio. Cibaria* vobis præberi. Tria genera accusatorum ponit, unum eorum qui accusant innocentes: Alterum qui innocentes quidem accusant, verum eiusmodi, in quibus est quædam suspicio. Tertium genus eorum, qui non solum omni culpa, sed etiam omni suspicione carentes, accusant. Primum genus præmio dignum, alterum venia, tertium pœna. Ex hoc genere tertio, *Eru- tium* esse dicit. *Cibaria.* Primum genus accusatorum. Deinde si, *Secundum* genus. Sin autem sic. Tertium quo territat aduersarium, *Sensus.* Non crura vobis ut canibus suffringentur, sed pœna calumnia multabimini, literam illam, Romani tres habebant literas quibus in iudiciis utebantur *Ac Ln* singuli rogati sententias, unam aliquam literarum in unam proiciebant, quodcum erat factum litera numerabantur, & quarum numerus erat maior, iuxta eas pronuntiabat index sententiam. Significabat autem *A* litera absolutionem, qua reus absoluebatur. Sic litera *C*, nota erat condemnationis. Tertia autem litera *Ln*, significabat idem, ac si diceret. Non liquet, hoc est non dum constat de facto & hac erat dilationis. Quid mihi ad defendendum. Absoluta digressionem regreditur ad institutum repetitq; obiectionem aduersarii eamq; iterum eludit, ostendens non suspicione aliqua accusatum esse Roscium parricidii ab aduersariis, sed partim cupiditate lucri, partim quod neminem patrum Roscio futurum sperabant. Hac autem omnia aduersariis odium pariunt. Quid mihi, propositio orationis. Multa sunt inquit, quibus Roscius defendi potest, cum hoc

hoc modo, prima causa cur accusauerit Erutius Roscium, nempe cupiditas quæstus, quam dialogismo figurauit, vnum illud spectauit, Secunda causa, quam tractat approbatione, ratione, & comparatione. Ratio. quia, si sciret defensorem futurum Roscio, ne verbum fecisset Erutius. Approbatio: Quia in subsellis neminem suspicabatur adfuisse. Comparatio: Quia negligentius accusauit. Ego autem studiose Roscium defendi, vnum illud, secunda causa, non me hercule, Ratio per comparationem, opere pretium, Hic negligentiam Erutij reprehendit vt ostendat accusationem illius, Chrysogoni potentia nixam esse, credo cum, Approbatio quam hypotiposi illustrat, posteaquam, comparatio cuius hic est prima pars negligentia Erutij, quam eadem hypotiposi illustrat, cum gestus Erutij exponit, cum in mentem, oratores enim æquo in loco causas agebant & interdum in illo spatio, quod inter subsellia aduocatorum dabatur in ambulabant, surrexi ego, Altera pars comparationis in qua suam diligentiam in defensione Roscij ostendit per eandem hypotiposin, Esse aliquem, Hic perstringit omnia aduersariorum scelera, Quæ quoniam te, Conclusio tertia obiectionis, Ergo accusationis tuæ iniqua, spes te sesellit quia & defensorem Roscius habet, & tua improbitas est deiecta.

Elocutio.

NVnquid, dialogismus, Nam illa, ætbiologia, verum, concessio, illud quod, reiectio, mitto, præteritio, vt naturam, synonymia, cogitabat, criminatio.

minatio, Accusatores, digressio & gnomi, vtilius, sententia, canes, comparatio, sin autem, comminatio, Quid dicam, allusio, non me hercule, comparatio per fictionem, credo eum, hypotiposis ironica, Quod in minimis, comparatio.

Quarta aduersarij obiectio, de parricidio causa dicitur.

Parricida est Roscius.

Ergo capite plectendus.

Aduersarius ergo in iudicio Roscium, absq^{ue} ulla causa parricidam appellauit.

Cicero hanc obiectionem refutat primo per ergasiam hoc est per rationem. 2. Per sententiam à natura, 3. Per exemplum vnum fictum, alterum fabulosum, postremo per magnitudinem supplicij per comparationem. De parricidio, obiectio aduersarij, hoc est, parricida est Roscius, Ratio ab accusatore, Hic est refutatio per rationem, quam syllogismo à minori, ad maius, tractat.

Propositio.

I*N minimis noxis, causa maleficij, vel saltem coniectura ab accusatore reddenda est, si velit sibi fidem adhiberi. Assumptio, sed in hac causa maxima, Erutius nullam attulit.*

Ergo fides illi non est adhibenda.

Primum autem assumptionem ponit, secundo loco propositionem, tertio conclusionem.

Ratio ab accusatore, Hic est assumptio syllogismi, Quod in minimis, propositio syllogismi, in quo scelere, Amplificat maiorem propositionem, enumerans.

numerans Circumstantias, quibus parricidium erat
 comprobandum: Quæ nisi multa, Conclusio syllo-
 gismi, Quod in minimis, Propositio syllogismi, In
 quo scelere, amplificat maiorem propositionem, enu-
 merans Circumstantias quibus parricidium erat com-
 probandum. Quæ nisi multa, Conclusio syllogismi,
 Magna est enim vis, Hic est sententia à natura.
 Sensus est: Non patitur natura, ut filius patrem inter-
 ficiat. Estq; hic oratio gravis ut de oratore. 3. Testatur,
 in qua crimen parricidij auget. Observandum est au-
 tem conuersum genus dicendi. Quomodo hæc quatuor
 verba dilatat. NON FACILE HOMO PATREM
 OCCIDIT. Hoc modo. Multum valet communio san-
 guinis, reclamat istiusmodi suscipionibus ipsa natu-
 ra. Portentum atq; monstrum certissimum, hoc est. Non
 facile. Sequitur. Esse aliqua humana specie & figura.
 Postremum est, qui tantum immanitate bestias vicerit,
 ut propter quos, hanc suauissimā lucem aspexerit, eos
 indignissime luce priuaret, non ita multis cuius a-
 iunt, Sequuntur duo exempla primum verum, secun-
 dum fabulosum. Primo exemplo probat. Non credi o-
 portere aliquem esse parricidam, in quo nulla subsit
 parricidij aut causa, aut suspicio. Cuius sensus est G.
 Lælius quidem cum duobus adolescentulis filiis per-
 noctauit in eodem conclaui, mane vero repertus est
 truncatus. De parricidio accusantur duo filij, de quo
 quia causa erat incerta, iudicio fuerant absoluti. Tra-
 ctat autem hoc exemplum tribus partibus primo lau-
 de. Deinde rei gestæ expositione, Tertio sensu oratoris,
 G. Lælium, Laus G. Lælij qui erat ex Taratina op-
 pido

pido Volscorum & est prima pars exempli. Cum ex-
natus. 2. Pars expositio rei gestæ, Quid magis po-
terat, Expolitio expositonis, quæ interseritur fidei fa-
ciendæ causa. Hoc est suspicio erat filios G. Lælium in-
terfecisse. Nemo enim putabat, Tertia pars exem-
pli: sensus oratoris: Quod inquit scelera aliquo indicio
prodi solent, videtis ne quos. Secundum exemplum
fabulosum in quo introducit Orestem, qui & si matrem
suam Clitemnestram occiderat iussu Apollinis. propter
iustissimas causas, tamen fingunt poeta postea Orestem
furijs agitatum fuisse. Quo exemplo vult ostendere o-
rator magnitudinem sceleris parricidij. Hoc autem
tractat Expositione, sententia sua, interpretatione e-
xempli, & amplificatione, videtis ne, expositio exem-
pli, quos nobis poëtæ, Orestem & Alcmeonem, qui
matres suas interfecerunt, sic se res habet, Secun-
da pars exempli sententia oratoris qui parricidas tran-
quillo animo esse non posse ostendit, Nolite enim pu-
tare, interpretatio fabulosi exempli, hoc est furia quæ
vexant sceleratos, nihil aliud sunt, quam ipsa consci-
entia animi, Hæ sunt impijs, Amplificatio sceleris
parricidij, Hæc magnitudo, Hic est enumeratio cau-
sarum, & circumstantiarum, scelus parricidii ante-
cedentium. Sensus est.

Parricidium non est credibile. nisi in eo, in quo alij
qua tanti sceleris argumenta appareant.

Sed in Roscio nulla apparent.

Ergo non est parricida.

Propositionem tantum ponit, in qua assumptio in-
telligitur, vt nisi, enumerat causas, Accedat huc,
Recenset

Recenset alias causas cum circumstantiis, Quare hoc Conclusio per comparisonem, Itaq; cum multis, Alia amplificatio, qua rursus exaggerat magnitudinem parricidii, qua hoc syllogismo continetur.

Propositio. Cuicumq; scelerei grauiissima est constituta pœna, illud est atrocissimum.

Assumptio. Sed ab Atheniensibus & Romanis grauiissima est parricidii pœna constituta. Ergo parricidium est scelus atrocissimum.

Propositionem nude ponit. Assumptionem exemplo per comparisonem & exaggerationem tractat. Quo loco obseruandum est graue & grande genus orationis, quod sententiis, verbis, exornationibus, membris, collocatione, circumductionibus clausulis, est magnum, ornatum, & luminosum, itaq; propositio syllogismi, Qua in re exemplum, quod tractat tribus partibus, Propositione, laude, expositione sententia oratoris. Qua in re, propositio syllogismi, prudentissima ciuitas, secunda pars, laus, Eius porro, Expositio exempli, sapienter, sententia oratoris. Quanto maiores nostri, secunda pars exempli nempe laus Romanorum, quorum sapientiam anteponebat prudentia Atheniensium, ô singularem, Tertia pars exempli exaggeratio, seu amplificatio, qua pœnam à Romanis constitutam in parricidas extollit. Hanc tractat quinque partibus. 1. Exclamatione. 2. Epicrisi 3. causis. 4. Partitione. 5. Conuersione orationis ad hominem parricidam, Cælum, prima pars exclamatio, ut qui eum. secunda pars Epicrisis, eum necasset, sum genus dicendi id est patrem, noluerunt. Tertia pars,

pars, id est causa, propter quas ex natura tollebantur parricida. Estq; hic prima causa. Ne bestia fierent seniores, contagione ista, corpus, cadaver, non sic secunda causa. Deniq; nihil, Tertia causa. Et enim quid, Quarta pars partitio cuius sensus est. Parricidis, res omnibus mortalibus communes, erepta sunt Ita viuunt. Quinta pars conuersio orationis, sensus est. Istis omnibus parricida sunt priuati. Tanti maleficij Conclusio primæ partis refutationis, quam refutauit ex primo loco coniectura, non potuisse Roscium, tam atrox facinus commisisse, cuius nullam causam aduersarius attulit. Estq; hic obiurgatio aduersarii. Si hunc apud, Amplificat audaciam Erutii, per syllogismum à minori Si apud ipsos inimicos Roscii, Roscium accusares, utiq; tanti sceleris, causam reddere deberes. Sed apud sapientissimos iudices accusas. Ergo, Si hunc. propositio syllogismi, vtrum quid, Assumptio per diuisionem.

Elocutio.

DE parricidio, *obiectio, in quo scelere, occupatio, Auditur, creditur, gradatio, partitio, Audacia, correctio, vbi, incisum, partus, auxesis, Magis, epiphonema, propterea, Aethiologia, videtis, exuscitatio, exemplum, hic se, Epiphonema, Magna, sententia, Agitari, synonymia, Hæ sunt, exclamatio, nisi, partitio, Anaphora, itaque, comparatio, maiores, Epiphonema, vt quos, Aethiologia, solem aquam, partitio, incisum, si hunc, occupatio, vtrum, interrogatio cum subiectione:*

Secundum

Secundum membrum primæ partis refutationis. Agitur de parricidio.

HActenus primum membrum primæ partis refutationis, in qua ostendit filium noluisse parentem tam impiè necare. Nunc sequitur alterum membrum, nempe facultas, in qua querit, vel refutat potius Cicerò. Num potuerit parentem filius necare? quod facit duobus argumentis.

Primum autem transitione viitur, quam conuersione, & confidentia tractat. Sensus est. Decedam tibi de meo iure, fretus innocentia. Esto causam, propositio conuersionis, de meo iure decedam, hoc est, do tibi dicendi ac interrogandi facultatem, & sic tecum agam, confidentia.

Argumentum primum, quomodo occidit, quo circumstantiam refutat per remotionem hoc modo.

Propositio. Si filius patrem interfecerit, aut ipse sua manu interfecit, aut alijs interficiendū dederit.

Manu sua nō interfecit: quia Romæ interea nō fuit.

Neq; alijs interficiendum dedit. Si enim dedisset aut liberis, aut seruis. Si liberis, aut Amerinis, aut Romanis dedisset.

Non Amerinis: quia non nominantur. Non Romanis, quia illos non nouit. non seruis: quia pestulantur à nobis ad quæstiones, à vobis non sunt delati.

Complexio. Non igitur à filio intersectus est.

Estq; hic locus admodum subtiliter tractatus.

Ipsè percussit, Propositio argumentationis, ubi eos conuenit, Hic observa circumstantiarum enumerationem.

rationem, nonne hic, *Complexio argumentationis*:

Argumentum secundum, & simul tibi in mentem, quo probat Roscium non potuisse patrem interficere, à genere vitæ, per syllogismum quinq; partitū.

Propositio, In Hominem rusticum, non potest cadere suspicio parricidij.

Expolitio, Quia sicut non in vno agro fruges omnes reperiuntur, ita non vbiq; facinus omne reperitur.

Comparatio, In ciuitate vbi vitiorum plena omnia hoc scelus facilius inuenitur, quam ruri, vbi summa est parsimonia.

Assumptio, Sed Roscius tua sententia, est rusticus;

Ergo non potuit patrem interficere.

Primum autem *Assumptionem* ponit. Secundo loco *propositionem*. 3. *Simile*. 4. *Comparisonem*. 5. *Complexionem*.

Et simul, *Assumptio*, Qua in re, *Propositio syllogismi*, vt non omnem, *Simile*, in vrbe luxurioses, *Comparatio Urbanae & Rusticae vitæ* quam sorte tractat hoc modo. *Vita Urbana* creat luxuriam, luxuria auariciam, auaricia audaciam, audacia omnia scelera & parricidia: *Rustica* autem non, illud quæro, *Conclusio*, multa sunt, *Commoratio in exaggerando eodem argumento*, ostendens nec per liberos neq; per seruos patrem à filio potuisse necari. Primum autem probat. Non per liberos, tali syllogismo.

Si in hoc crimine suspicio vlla reperiretur, Concederem Roscium à filio esse interemptum.

Sed

Sed nulla inest suspicio.

Ergo non est interemptus.

Assumptionem probat, quia tum Roscius Amerina fuit, nec alijs literas misit, nec precio, nec promissis alios sollicitavit, Multa sunt, Propositio, Romæ Sex. Prætermissa suspicione probationem ponit, pretio, spe, observa quo homines ad maleficia inducitur, & tamen, Conclusio argumenti.

Roscus non occidit patrem per servos, reliquum est ut per servos.

Hoc probat tali argumento.

In alijs causis, servorum quaestiones, reos solent esse adiumento.

Sed in hac causa Rosci, servi ad quaestiones prohibentur.

Ergo per servos, non est interemptus pater.

O dii immortales, Propositio, id Sex. Assumptio, Te nunc appello, Probatio assumptionis, meministis ne, alia probatio ab adversariorum testimonio, Dubitate, Hic est recriminatio in adversarios per hunc syllogismum.

Ille non interfecit patrem, qui in insidiis & egestate propter patrem versatur, & cui quarendi potestas non permittitur.

Roscus est talis.

Ergo.

Assumptionem tantum ponit per contraria, cum probatione, à quo sit, Assumptio, omnia iudices, Probatio assumptionis, veniam neque ita, Hanc criminis translationem rejicit in proximum locum, Nunc.

Eruti, *Conuertit orationem ad Erutium, & concludit per repetitionem argumentum hucusque tractatum, Non potuisse scilicet patrem à filio necari, nec per se, aut per liberos, aut per seruos, ego contra, ex abundanti, Restare tibi, Repetit nec seruos interfecisse, idque allegoricè, ubi per scopulum intelligit seruos, per portum, innocentiam.*

Obiectio aduersariorum, Quid est ergo, Sex: Roscius eo tempore interfectus est quo impunè interficere licuit.

Ergo eum interfecit.

Hanc refutat Cic. tali syllogismo, per recriminationem.

Ab ijs est occisus qui eo tempore in sanguine versabantur.

Sed aduersarij sunt tales: Roscius autem ruri fuit.

Ergo ab ijs est interemptus.

Assumptionem circumstantijs dilatat, & probat ratione prætermissa, Quid est ergo, Refutationis propositio, eiusmodi tempus, Antecedens, interim mihi, Antequam soluit, reprehendit Erutiū, eiusq; inertiam in accusando deridet, qui simul, & filium Roscium, & Chrysogonum cum Roscijs accusaret. Quid ais, Hic est refutationis assumptio interrogatione & circumstantijs figurata, vereor ne aut, pracidit criminis solutionem, & concludit primam partem refutationis, qua ostendit, neq; voluisse, neque potuisse filium, interficere parentem, Si quid est, Reiectione pollicetur se alia soluturum.

Elocu-

Elocutio.

ESto, *Concessio*, Tametsi, *Occupatio*, in rusti-
cis, *Ergasia*, *Luxuries*, *Sorites*, quem ad quē,
Articulus, *Remotio*, ô dii, *Epiphonema*, Tenunc
appello, *Apostrophè*, meministi, *Epiphonema*, du-
bitate, *Concessio*, omnia, *Epiphonema*, veniam,
Reiectio, in portum, *Allegoria*, vereor, *Pracisio*,
siquid, *Reiectio*.

Secunda Pars refutationis. Recriminatio,
venio nunc eo.

Probat Roscios aduersarios Sextum Roscium inter-
fecisse, idq; septem argumentis. 1. Ex voluntate. 2.
Ex facultate. 3. Ex consequentibus. 4. Ex falsitate te-
simoniorum. 5. Ex occupatione bonorum. 6. Ex le-
gatorum perfidia. 7. Ex recusatione seruorum ad tor-
menta & quaestiones, venio nunc, *Transitione* uti-
tur, in qua duo facit, Primum se nolle aliquem accu-
sare confitetur. Deinde proponit, quid in hac secunda
parte refutationis sit dicturus, venio, transitio, nam
si, sensus est. Neminem accusare volo, is enim, Ratio
per communem sententiam, Desinamus aliquan-
do, *Propositio* qua ad syllogismum redigi potest. Ibi
maleficium querendum est, ubi inueniri potest. In Ro-
scius autem inueniri potest. Ergo, Desinamus, *Pro-*
positio syllogismi.

At ego in T. *Assumptio ex contrarijs*, Tecum
enim, *Conclusio syllogismi*, De Capitone, *obiectio*.

Primum argumentum ex voluntate seu causa im-
pellente,

pellente, quaprobat Roscios Sex. Roscium interse-
cisse. L. Cassius ille, Ille interfecit, cui bono cades,
& mors fuit.

Sed Rosciis emolumento cades Roscii fuit. Ergo

Sed hunc syllogismum conuertit in exemplum.

Propositionem enim exemplo figurauit; quod quatuor
partibus tractat, 1. Expositiuncula cum laude perso-
nae. 2. Epicrisi. 3. Reditu ad personam, laudemq;
Cassii. 4. confidentia. Assumptionem autem ex ad-
iunctis probat, quia T. Roscius tenuis, auarus, au-
dax, & inimicus Sex. Roscio fuit. Ergo eum interse-
cit, L. Cassius. Laus, identidem, Expositiuncula,
Sic vita, Epicrisis oratoris, Ego quanquam, Confi-
dentia oratoris & causae. In hac enim, Assumptio
per contrarium posita: Sensus est. Sed T. Roscio bono fu-
it. Hoc est. Sed Titus bona possidet, filius autem in
mendicitate est, praedam, ad T. Roscios qui deprada-
ti sunt bona Roscii. Quid si accidit. probatio assu-
ptionis a causis impellentibus per syllogismum eiusmodi.

Qui tenuis, auarus, audax, & inimicus fuit,
ille Roscium interfecit.

Titus Roscius talis est.

Ergo Titus Roscius interfecit.

Quid si, propositio syllogismi per fictionem. Quid
ergo, Assumptio in qua singulas partes propositionis pro-
bat. Restat iudices, Complexio argumentationis per repe-
titionem propositionis & assumptionis. An is qui, repetitio
probationis. Haec tu Eruti, Absoluto primo recri-
minationis argumento, quo probauit ab aduersariis Ro-
scium interfectum esse. Nunc digressionem vitatur, ad in-
sectanda

secunda Erutii crimina, quod innocentem Roscium ausus esset accusare, quam digressionem propositione, ratione, allegoria, & ad causam reuersione tractat. Hæc tu Eruti, Propositio digressionis. Si tantam haberis argumentorum in accusando copiam, quantam ego in defendendo, credo in dicendo te iactares. Neq; ego. Ratio per comparisonem & occupationem. Quia tu in tanta paucitate accusatorum bonus ac disertus ab omnibus, haberis accusator, verum ego forsitan, sensus. Ego quia multi patroni appellantur, fortasse in eorum grege annumerabor: tibi quia accusatores præter te nulli sunt fortasse hoc nomen accusatoris imponetur, & sat bonus accusator vi debere. Qui omnes, Hæc odii fugiendi gratia addit. Nihil enim, sententia de accusatoris dignitate. verum ut sit, Hoc loco excusat Syllam, Sensus est. Non voluntate Sylla accusatores esse interfectos, verum ut capi, regressus ad instituta argumenta per præcisionem.

Secundum argumentum repriminationis.

Video igitur causas.

Retorquet in aduersarios crimen parricidii, ex loci facultatis, seu circumstantiis loci, temporis, & personæ aduersarii: utitur autem transitione, ubi occisus est, Prima circumstantia loci, quam Syllogismo concludit.

Qui interim Roma fuit, ille Roscium interfecit.
Sed Titus Roscius fuit.

Ergo Sex. Roscium interfecit.

Tertia

Assumptionem propositioni præmittit, vbi occisus, assumptio interrogatione figurata, verum quid ad rem, propositio quam occupatione dilatauit. Quamuis multi interfectores Romæ tunc fuere, tamen credibilis est te interfecisse, qui Romæ fuisti, quam Roscium, qui non adfuit.

Secunda circumstantia temporis, syllogismo quoque tractata. Age nunc. Eo tempore interfecit Roscius, quo multitudo sicariorum, aut direptione aliorum bonorum occupabatur, aut conducebatur, ut alios occideret.

Atqui verumque in T. Roscio reperitur.

Ergo T. Roscius, Sex. interfecit Roscium. Estque aperta syllogismi collocatio. Age. Transitio, erat tunc, Propositio syllogismi. Si eos puta. Assumptio pro parte utraque, Sin eos quos. Secunda pars Assumptionis, Et qui cquid tu, Conclusio.

Tertia circumstantia aduersarii persona.

Qui Romæ assiduus sector fuit, & inter sicarios versabatur, ille Roscium interfecit.

Sed Titus Roscius talis est, filius autem nec Romæ fuit, nec quenquam sicarium nouit.

Ergo Titus Roscius, Sextum Roscium interfecit. Huius syllogismi Assumptionem tantum ponit per collationem. Quid postea. Assumptio, fateor, aduersarii verba. At ego. filij verba, per multa sunt, conclusio huius secundi argumenti per prætentionem.

Elocutio.

VENIO, commonitio, Accusarem, comparatio, is enim, gnomi, tametsi, occupatio, causam, collocatio.

collocatio. Tu. *apostrophæ*, De capitone, *reiectio*,
Lucius Cassius, *exemplum*, sic vita hominum,
Gnomi, *Epiphonema*, Ego quanquam, *occupatio*,
Quid si, *partitio*, *anaphora*, *ergasia*, *ostium*, *com-*
plexio negans, Hæctū, *apostrophæ*, *Canensis*, *alle-*
goria, non necesse est, *præteritio*, nihil enim, *sen-*
tentia, *Allegoria*, ferro *synochdoche*, video,
transitio, ubi, *interrogatio per subiectionem*, verum
 quid, *occupatio*, & alij multi, *ecclipsis*, Age, *transi-*
tio, aut eorum, *diuisio*, dices, *sermocinatio*, quæ
 non modò, *præteritio*.

Tertium argumentum, à consequentibus
 eadem Roscij. Videemus nunc
 strictim.

EX quatuor coniecturis, Sex. Roscium à Tito Ro-
 scio interfectum esse probat, videamus, *transi-*
tio, inuitus, propter tollendam inuidiam hac subie-
 cit, cum hoc vereor, Hic eius impudentiam per-
 stringit.

Argumenti Tractatio.

EX 1. *Coniectura*, hoc est, à persona eius, qui nun-
 tiauit.

Propositio, Qui per seruum mortem Roscij Ame-
 riam Capitoni celerrime noctu primus nuntiauit, ille
 Sex. Roscium interfecit.

Assumptio, Sed Titus Roscius.

Ergo Titus Roscius interfecit Sex. Roscium, *Argu-*
menti huius assumptionem tantum tractat quam oc-
cupatione figurauit.

Consequentia argumenti est, Quia Glaucia nunquam nunciasset, nisi premio à Tit. Roscio adductus fuisset.

Sua sponte, occupatio quam ita soluit, Aut casu, aut rei alicuius gratia, interim Ameriam venit Glaucia. Sed nihil horum. Ergo tuo iussu nunciauit.

Ex 2. Coniectura hoc est, à persona cui nuntiaturum est. Qua ratione, Glaucia primum Capitioni nunciauit, non autem uxori aut liberis Roscij.

Ergo T. Roscius occidit.

Ex 3. Coniectura, hoc est à celeritate nunci, occisus est à cæna.

Celerime Cades Roscij per Glauciam ad Capitionem peruenit. Ergo,

Non quæro quis, facta prateritione, Glauciam insinuat, quasi eius manu Sex. Roscius occisus sit, de consilio T. Roscij.

Ex 4. Coniectura scilicet à tempore, vnum hoc sumo.

Glaucia noctu occisum esse Roscium nunciauit. Ergo Titus Roscius interfecit Sex. Roscium.

Nonne vobis, Hic est repetitio & energia orationis. Antumedontem, Cursorem celerrimum, qualis fuit Antumedon Achillis auriga, qui Xanto & Batio, equis velocissimis, vt pote, Zepbiri filijs rapidissime ferebatur.

Quartum argumentum, Quid erat quod Capitionem.

Argumento hoc & testimonium Capitonis representat, & eum criminis esse conscium probat, quod

quod septem partibus tractat.

Propositio, Ille testimonium dicere non potest, qui sceleris est conscius.

Ratio propositionis, Quia nec amplissimis hominibus, testimonium de sua re dicere licebat.

Exemplum perfectionem, Quod nec ipsi Apbricano concederetur.

Assumptio, Sed Capito est cadis conscius.

Ratio 1. Quia ad eum cades primum est perla-
ta, & bonorum Roscij particeps est.

Ratio 2. Quia & multos antea interfecit.

Complexio, Ergo illius testimonium adhibendum non est.

Primum autem ponit rationes assumptionis, deinde propositionem syllogismi, postea rationem propositionis cum exemplo & conclusione, Quid erat. 1. Ratio, Audio. 2. Ratio, Lemniscatam, maxime insignem Lemnisci fasciola erant ex lana non tincta, dependentes ex coronis, Habeo etiam, Hoc loco minatur Capitoni ut eum à testimonio deterreat estque elegans modus dicendi, ô præclarum, propositio syllogismi. Cuius sensus est. Huius testimonium leue est, qui cadis Roscij erat conscius. Quam propositionem tronicè tractat, Profectò non, Amplificat propositionem, ostendens Capitonis testimonium leuè esse, qui & auarus, & audax fuerit, deq, Roscij cade primus cognouerit. Si dijs immortalibus placet, Admirantes antiqui alicuius indignitatem, vel leuitatem, aut etiam indignitates certo modo loquendi, dicebant. Si dijs placet, Itaque more, Ratio propositionis a sen-
tentia

sentia maiorum. Estque hoc loco ergasia, Aphricanus, Ab exemplo dilatat propositionem, quod exemplum nudè ponit, & sua sententia amplificat, Nam illud, sententia oratoris, videte nunc, Complexio argumentationis, Ergo Capitonis testimonium leue est, Quid tu vir, Amplificat conclusionem, vt testimonium Capitonis leuissimum esse ostendat. Sensus est. Stultissime fecisti, & non de Erutii consilio, quod in accusatoris subseliis consedisti. Fidem enim eo pacto, tuo testimonio abrogasti.

Elocutio.

Videamus, transitio, mediusfidius, iuratio, verborum, Aethiologia, te ne, apostrophæ, antiteta, occisio Sex. Interrogatio cum subiectione, Quod si nulum, Comparatio per fictionem, dialogismus, sermocinatio, Qua ratione, Interrogatio, cum Ameriæ, Articulus, partitio, Cliens, Periphrasis Magni Roscii, Quid hic, Synonymia verborum, Glaucia, apostrophæ, non scrutor, membra, tac, concessio, Necessitas cum tanta premebat, Synonymia, Metaphora, Ratiocinatio, Etiam, Apostrophæ, miserum, energia orationis. Non non, membra, gradatio, Anaphora, Nescio, dialogismus, Habeo dicere, gracismus, Itaque, sententia, Aphricanus, expositio, Nam, Aethiologia, videte, exsuscitatio, sector, sicarius. Explicitio, Quid, infectatio, occultior, synonymia.

Quintum argumentum.

Age nunc, Probat ab aduersariis esse Roscium intersectum à consequentibus idq; tali Enthymemate. Aduer-

Adversarij de cade Roscij, Chrysogono nunciaverunt.

Ergo ab adversariis intersectus est.

Consequentiam probat à communi sensu. Assumptum quatuor rationibus confirmat.

1. *Quia de bonis Roscij, nullo pacto Chrysogonus cognovisset.*

2. *Quia cum Chrysogono amicitiam coinerunt.*

3. *Quia partem bonorum Roscij, à Chrysogono acceperunt.*

4. *Quia nunquam eos tantis premiis, tam liberaliter donasset. Age nunc. Transitio. Ad volateras, Assumptio. Ad quid ei. Prima ratio. Soletis. Consequentia argumenti à communi sensu. Hic nihil est. Secunda ratio cum approbatione. Nam cum. Approbatio. Quia aliis contemptis, ad amicitiam Chrysogoni se contulerunt, Hæc possum, conclusio. Qui sunt igitur. Tertia ratio. Age nunc. Quarta ratio per syllogismum Hypotheticum.*

Si tantum illi nuntiassent, & non authores cadis essent. certè eos tantis premiis non affecisset.

Atqui alteri tria prædia, alteri magnum potum donavit. Ergo.

Nonné perspicuum. Conclusio argumentationis.

Sextum argumentum.

Venit in decemprimis. Sumitur hoc argumentum ex perfidia Capitonis, quod tractatur Entimemate.

Capito

Capito in legatione ad Syllam perfidiosus fuit.

Ergo interfecit Roscium.

Antecedens partitione dilatat, impedimento est, partitio est, amplificans assumptionem Auxesi, illum acueret, Antitetis dilatat, estq; hic numerosa oratio. In priuatis rebus. Hoc loco tractat locum communem duplicem. De violato mandato, & societate legationis, primum autem de mandato ex loco. comparatorum à minone differit.

In priuatis rebus non licet violare mandata.

Ergo & in publicis.

Antecedens tribus rationibus probat, & Exornatione, & Complexione. Similiter consequens duabus rationibus amplificat. In priuatis. antecedens. itaq; mandati, prima ratio à magnitudine pœna, credo, secunda ratio. Non enim, tertia ratio. Quid recipis Exornatio quæ quidem generatim perstringit perfidos: ipsum tamen Capitonem perstringere videtur. Hanc tractat interrogatione & Synonymia. Ergo idcirco, Conclusio antecedentis. Perditissimi. Sententia. In minimis, secunda pars antecedentis per comparationem: sensus est Multo magis ille peccat, qui in publicis rebus, perfidiosè agit, in re tanta. Hoc autem loco Roscium Capitonem intelligit, cui mandatum de morte Roscii, & bona filii Roscii, commendata erant. In minimis priuatisq; Repetit antecedens. Si in minimis rebus tanta pœna est constituta; quanta in maioribus constituetur, ipsius cœrimoniam, Inuidiosè hac addidit. Nam cœrimonias in legationibus adhibent duntaxat, qui ad fœdera facienda, aut leges pacis belliq;

belli mittuntur. Si hanc ei rem. Antecedens vniuersale ad particulare applicat per syllogismum Hypotheticum. Si Capitonem mandatum apud Syllam transigendum, Roscius mandasset, & ex illo mandato tantillum ad suam rem Capito conuertisset: utique poena aliqua dignus esset: Sed à decurionibus mandatum accepit, & tria pradia, ad rem suam conuertit. Ergo grani poena dignus est, si hanc ei, propositio. Nunc non. Assumptio, videte iam porro, Altera digressio, qua Capitonem de violata societate legationis reprehendit. Hanc tractat syllogismo sex partium à comparatis ducto.

Propositio. Qui in rebus minoribus socium secesserit, grauius peccat, & grauius est puniendus.

Ratio 1. Quia auxilium est in societate positum.

Ratio 2. Quia socium cauere non possumus.

Ratio 3. Ab auctoritate maiorum, qui, eum, qui socium secesserit, in virorum bonorum numero, non putarunt haberi oportere.

Assumptio. Sed Roscius non vnum, sed nouem secesserit socios, non in re minima, sed in legationis munere.

Ratio. Quia Roscius prodidit, & tria pradia possedit.

Complexio. Ergo & mortis Roscii conscius est, & grauius puniendus.

Videte transitio ad aliam digressionem, in rebus, propositio syllogismi. Neque iniuria. Ratio prima propositionis. Ad cuius igitur. Exornatio primæ rationis. Atque ea, Secunda ratio, quam syllogismo tractat tripartito.

Proposi-

Propositio. Illa peccata sunt maxime puniendae, quae difficile praecauentur.

Assumptio. Sed cauere socios non possumus.

Ratio. Quia officium laderemus. *Conclusionem* reliquit.

At qui ea, *propositio*, Socium vero, *Assumptio*, quem etiam, *Ratio assumptionis*, Recte igitur, *Tertia ratio ab auctoritate*. At vero, *Assumptio*, quam duplici comparatione tractat, & *Synonymia dilatat*. Quod tamen, *correctio*. Itaque nunc, *Ratio Assumptionis*, In eiusmodi vitia, *Conclusio harum digressionum* & illius sexti argumenti per syllogismum quadripartitum.

Propositio. Qui tanta flagitia patrauit, ille & Roscium interfecit.

Ratio. Quia in quo multa scelera reperiuntur, & hoc maleficiū credibilius est reperiri.

Assumptio. Sed in Roscio reperiuntur, & in ipso Capitone.

Ergo & huius maleficii conscius est. in eiusmodi, *propositio*, Etenim quære, *Ratio propositionis per partitionem* Tamen hoc *Correctio*, id est non latet parricidium, sed planum est id Roscii factum, id tandem, *Assumptio*.

Septimum argumentum, Et enim quoniam fidem.

Conscios esse Roscios cadis probat ex seruis, ad quaestiones non datis, huiusmodi enthymemate.

Noluerunt aduersarii dare seruos in quaestiones.
Ergo

Ergo conscj sunt cadis Roscij. Antecedens probat per enumerationem & diuisionem. Per enumerationem syllogismo tripartito.

Propositio, Aut indigni erant qui postulabant, aut pro quo postulabant, aut qua postulabantur.

Assumptio, Sed homines nobilissimi, pro Roscio homine miserrimo, rem iustam postulabant.

Ergo non debebant recusare.

Et enim, transitio ad secundum argumentum, Dixi iam, Antecedens, quæro abs te, Probatio Antecedentis, Estq; hic propositio per enumerationem, Postulabant, assumptio. Quæ cum, conclusio, seruos ipsos, secunda propositio per diuisionem. Cum nõ daretis seruos in quæstionem, suspicionem de vobis mouistis: sin autem daretis, certe de vobis aliquid dicerent, in dominos quæri, Tribus occupationibus amplificat hoc argumentum. Prima in dominos, de seruis quæri non oportere; Solut Cic. Roscios non esse illorum seruorum dominos: proinde non in dominos, sed in seruos quæritur, Cum Chrysogono sunt, Secunda occupatio. Chrysogoni sunt serui; Solut Cic. tripartito syllogismo. Si essent, maximè propter literas, aut propter humanitatem, aut rei familiaris negotia. Sed nihil horum.

Ergo non sunt serui Chrysogoni.

Ita credo, Solutio & propositio syllogismi ironica. Non est ita, Assumptio per remotionem, Est quiddam, Tertia occupatio. Chrysogonus noluit quæstionem habere de seruis. Ergo non nos recusauimus; Solut Cic. se nunquam eiusmodi de Chrysogono suspicari. Est quiddam,

quiddam, *Aditus ad tertiam occupationem*, Quid igitur, *obiectio*. Minime, *solutio*, Neque hoc mihi, *Rationes duas solutionis adfert*: prima quia initio orationis idem dixi. Ego sic existimo, *Secunda ratio solutionis*, quia constat Roscios esse interfectores, ex eo quod servos recusarent dare in quaestionem, Dixi initio, *Transitio ad tertiam partem contentionis*, hoc est ad Chrysogonum reprehendendum.

Elocutio:

AGE, *Transitio*, Nonné; *Interrogatio*, cur tria; *Expositio*, Soletis, *Gnomi*, Non enim, *Præteritio*, Erat enim, *Ætiologia*, Si, *Comparatio*, Credo; *Ætiologia*, Quod quidem, *Sententia*, Perditissimi, *Sententia*, Fama, *Periphrasis Roscij*, nunc non, *Ratiocinatio*, videte, *Transitio*, neque, *Ætiologia*, multa, *anaphora auxesis*, etenim, *transitio*, in dominos, *occupatio*, meministis, *partitio*, dixi, *transitio*.

Tertia Pars Refutationis.

VENIO nunc ad illud, *Hactenus duas partes Refutationis absoluit*, in quarum altera Erutii argumenta refutavit: in altera eadem Roscij in adversarios transtulit. Nunc ad tertiam partem, hoc est ad Chrysogonum delabitur, in qua ostendit, bona Roscij venire non potuisse.

Dispositio.

TRACTAT hanc tertiam partem refutationis 5. argumentis. quibus absolutis, excusat Syllam, omnia in

nia in Chrysogonum conferendo. Tertio ostendit Chrysogonum spe temporum & nobilitatis, pro qua L. Syllacum Mario decertabat, tanta ausum fuisse. ultimo exhortatur iudices ne potentiam Chrysogoni extimescāt. Venio, transitio, in qua excusatione breui vititur per dilemma, Tota societas, alludit ad nomina societatum, qua in tabulas societatis referuntur. Nam quicquid in codicem refertur, nomen dicitur. Hoc societatem igitur bonorum Sex: Rosci significat, qua tres quidem illi coemerant, sed sub vnius Chrysogoni nomine: solus enim Chrysogonus vendenda curauerat, & minimo precio coemerat, Tamen si ita res, Nolo contra alios similes Roscijs dicere, Hæc enim, Actiologia.

Argumentum primum.

Primum hoc.

Roscius erat ciuis optimus.

Ratio: Nemo enim vnquam de eo conquestus est.

Ergo eius bona vendi non poterant.

Atque hoc, Ratio quam tractat per præteritionem, si enim, Ratio Antecedentis.

Secundum argumentum, verum hoc

ego quero.

Lege cornelia bona Roscijs venire non poterant.

Igitur vendi non poterant.

Antecedens duabus rationibus probat.

1. Quia tantum proscriptorum bona vendebantur. Sed Roscius non est proscriptus. Igitur.

2. Eorum bona vendebantur, qui in aduersario-

rum praesidiis occisi sunt. Atqui Roscius in praesidiis
L. Syllae fuit. Igitur eius bona vendi non poterant.

Verum, antecedens, scriptum, 1. Ratio per pro-
positionem & Assumptionem, scriptum.

Propositio, Quo in numero.

Assumptio, Aut eorum. 2: Ratio habet pro-
positionem & assumptionem, Aut eorum.

Propositio, dum praesidia, Assumptio.

Tertium argumentum, Si lege bona.

SI non est intersectus lege Roscius. Neque illius bo-
na, lege vendi poterant.

Sed non est lege occisus.

Ergo nec bona eius, venire poterant, in quem
excusat Syllam ne eius animum offendant in Chrysogo-
numq; omnia confert.

Quartum argumentum, Denique etiam illud.

SECUNDUM legem, certo die, proscriptorum bona
vendebantur.

Sed Roscij bona, post diem praestitutam vendita
sunt.

Ergo vendi non poterant.

Opinor enim, Propositio.

Quintum argumentum, Profecto aut haec.

AUTEM haec bona in tabulis scripta non sunt, aut tabu-
la violata.

Ergo nec proscripta, nec vendita sunt.

Intelligo me, Praefatio est orationis, qua ostendit
se de rebus lenioribus dicere. Hoc est de Roscij sublatiis
bonis,

bonis, de quibus filius nihil laborabat, cum potius
vita illius & capiti medendum sit. Reduiam, A-
Pud Festum scribitur Reduiam qua est morbus quum
cutis extra ungues se soluit. Sensus loci huius est. Par-
uam rem curo, dum maioribus sit medendum, verum
quæso, præcipit Cic. attentionem non tantum E-
xordij esse propriam, verum etiam sparsam esse, per to-
tum corpus orationis. Quare hoc loco indices attentos
facit, ad reliqua audienda. Sensus est, Dicam quid i-
pse sentio, & quid Roscij causa postulat, Ego hæc,
Hic deinceps vrget Chrysogonum concludendo superio-
ra argumenta, quibus vsus est in Chrysogonum.

Secundum membrum tertiæ partis
refutationis, Quæ omnia.

Remouet crimen à Sylla quod Chrysogonus cum
reincere cogitauit, quem locum tractat Cic. qua-
tuor partibus. Propositione, Ratione, simili, & Con-
clusionem.

Propositio. Non potest hæc causa, in Syllam con-
ferri.

Ratio, Quia multa sunt commissa imprudente L.
Sylla.

Similitudo, Si enim Iupiter optimus Maximus,
cuius nutu & arbitrio cuncta reguntur, sæpè ventis
vehementioribus, aut immoderatis tempestatibus, aut
nimio calore, aut intollerabili frigore hominibus no-
cuit, vrbes deleuit, fruges perdidit. Quid miramur L.
Syllam, aliqua animaduertere non potuisse.

Complexio, Ergo ipse Chrysogonus est author tan-
torum scelerum.

Nemo est enim, Ratio propositionis, Placet igitur, similitudo illustris à re magna ab Ioue scilicet eiusq; actionibus, Oportebat enim L. Cornelio Sylla, summo imperatori, consimilem imperatorem, aut maiorem inuenire, qui cum eo gloria rerum gestarum comparari possit. Quoniam autem in hominibus parem non habuit, quem cum Sylla compararet Iouem assumpsit. Tractat autem similitudinem quatuor partibus. Propositione, similitudine, adaptatione, & Ratiocinatione, Placet, propositio similitudinis, quæ similitudini præponitur. cuius sensus est. Necessè fuit in tanto imperio aliquid Syllam præterire, Et enim si, sequitur similitudo cuius sensus est. Si Ioui ignoscendum est, Magnus debet ignosci L. Sylla cuius minor est potestas. Hic autem persona clara splendidam & præclaram faciunt orationem, Cælum terra, partitio rerum malarum, impartiri videmus, hucusq; partitio & de Ioue similitudo oratione circumducta & coacervata, Quid miramur, accommodatio similitudinis, Solus, esset monarcha, estq; dilatio in hoc verbo facta, Nisi hoc mirum, Ratiocinatio à maiori. Si Deus hæc assequi non potuit, quid mirum si Sylla adeptus non est, verum ut hæc, complexio, cuius honoris causa, multa hic desiderantur, primum totus ille locus, in quo ostendit bona Sex. Roscij venire non debuisse, deinde amplificationis principium, per quam inuidiam constat Chrysogono, ut omnium Sylla libertorum abundantissimo, copiosissimo, & potentissimo. finge igitur talia quedam à Cic. dicta esse, ut videas, quo pertineant hæc quæ sequuntur truncata. Alij uero Sylla liberti non mediocres

diocreis rei familiaris copias repente consecuti sunt, qui antea erant egentissimi, ades amplissimas, coemerunt, qui antea tecum quo imbris causa, succederent, non habebant; fundos, pradia, villas possident, quibus nuper, pedem in suo ubi ponerent, non erat. Sed quid ad Chrysogonum, fundis & villis remotis, & deuiis, neque ita fructuosos contenti sunt: ille villas habet suburbanas opportunissimas, instructissimas, ac fructuosissimas. Si domum aptam &c. Præterea superiora quoque illa post verbum curauit, erant mutila in libris vulgatis, hoc iudicium, cuius honoris causa accusare se dixit Erucius. Quæ sic restitui. Qui hoc iudicium confluat, cuius honoris causa accusare se dixit Erucius. Sed nonnulli sic legendum putant, deferendum curauit, Hoc iudicium, Eius honoris causa accusare se dixit Erucius. Aptam, id est habent aduersarij suæ nequitia habitationem aptam, Alter tibi descendit, Hoc loco perstringit luxum & intemperantiam Chrysogoni per partitionem, ut ostendat eum bona Roscii occupata, ad luxuriam conuertisse. Primum autem ruris, deinde domus, post familia, & corporis luxuriam depingit, stragulæ, pictæ, varro stragulum ab insternendo dictum asserit, pictarum tabularum, imaginum, rapinis, proscriptione, lecticariis, qui lecticam domini, gestare soliti sunt, Aurium causa, periphrasis musicæ, quotidiano cantu, Musica est triplex, oris, manus, flatus, credo, ironice hæc dicta sunt, præ se, comparatione sui.

Tertium membrum partis tertiæ,
Quæ vero efficiat.

HActenus infectatus est intemperantiam Chryso-
goni, nunc ostendit eum spe temporum, ac nobili-
tatis, tanta ausum fuisse. Primum tamen laudat Syl-
lanam ex Mario victoriam, ne offenderet nobilitatem,
sitq; sensus. Laudo Syllæ & nobilitatis victoriam.
Hanc propositionem quinq; rationibus illustrat. Quæ
vero, propositio, non enim vereor, prima ratio,
quia nobilium causam probavi, Sciunt ij, approbatio
rationis, quia cum rem ad pacem perducere non potui,
victoriam nobilitatis malui. Quis enim erat, secun-
da ratio per syllogismum. Illis me adiunxi, qui autho-
ritatem retinebant. Sed Syllani tales erant. Ergo.
Quæ perfecta. Assumptio. Quod animaduersum
Tertia ratio, Laudo eos punitos esse, qui contra Syl-
lam arma sumpserint, Sin autem id, Quarta ratio,
quia hoc bellum Sylla suscepit, non propter homines
nequam ditandos, aut populum opprimendum, verum
longe, Ergo non potest reprehendi victoria nobilitatis

Quartum membrum huius tertiæ partis,
At iam nihil est.

Occurrit iudicibus, qui nutu prohibere se dice-
bant, ne causam iuste iudicarent.

Propositio est, Licet vobis dicere, & hanc cau-
sam iuste iudicare.

1. Ratio. Quia vos estis magistratus à Sylla consti-
tuti.

2. Ratio

2. Ratio. Ne vobis magistratus auferatur.

3. Ratio. Quia potentiam Chrysogoni nihil est, quod timeatis: si quidē nulla est. Approbatio huius rationis Quia non ideo nobilitas armis decertauit, vt Chrysogonus cuiusq; bona vexaret, sed vt Resp. auctior & ornatiores esset.

Ac iam, Propositio per dialogismum, Quam si 2. ratio Quapropter definunt, Separat Chrysogonū à nobilitate, & propterea nihil ab eo timendum esse iudicibus persuadet Hic ne etiam. 3. Ratio. Neque mehercules. Dilatat propositionem comparatione, idcirco, Approbatio, si id, à sua sententia, Quod si quis, Conclusio excusationis. Itaq; neminem hac mea oratio ledere potest, cum nobilitatis causa, sit à Chrysogono separata.

Quinta Orationis pars Conclusio,

Verum hac omnis oratio.

Sequitur extrema pars orationis Conclusio, quam Cic. commiseratione Roscii, & insectatione Roscii tractat. Sunt autē duae illius partes, altera ad Chrysogonum aduersarium, altera ad iudices spectat. Obseruanda autem hoc loco erit vis amplificationis, de qua in Partitionibus præcipit. Sunt enim hic conglobationes, comparationes, partitiones, prosopopeia, affectus, & multa alia. Verum, Transitio ad conclusionem, Sed Roscius, Propositio Conclusionis, Rogat oratq;. Apostrophi ad Chrysogonum. Estque prima pars conclusionis per contentionem tractata, prædia mea, prosopopeia agentis Roscii cum Chrysogono. Quid vis amplius, commoratur insectando

Chryfogonum, ostendens nullam eum habere causam
 damnandi Roscium. tribuit autem orationem Roscio.
 Forma dicendi est acrimonia plena. Si spoliolum.
 Hic alias causas recenset, & variat orationem per
 congeriem & comparisonem, maiorem spem, Hoc
 est, maiorem tu spem habes de bonis, quæ possedisti, si
 Roscium tolleres, quam Sylla de suis victorius. Quod
 si tibi, Hoc loco iam acerbius accusat Chryfogonum.
 Quis vnquam prædo, obserua expolitionem. Quasi
 vero nescias, Egestatem Roscij exponit, vt crudelita-
 tem Chryfogoni altius extollat, à Cæcilia, Metelli Ma-
 cedonici sordore. Estq; laus à parentibus, amicis, ab
 humanitate, à parente. An quod, Alias causas con-
 gerit, nullas prorsus fuisse quæ indicant Chryfogonum
 ad condemnandum Roscium, quas per obiectionem
 refutat. An quod, obiectio, Sin autem promagni-
 tudine, Refutatio per syllogismum. Si omnes amici
 Roscij eum defendissent, certe & plures hic adessent,
 & vos ex hoc isto depulissent loco, Sed sine vi defendi-
 tur Roscius. Quia mihi hæc defensio, à Messala adole-
 scente tradita est. Ergo nullam causam habes. Nunc
 ita, Assumptio, Quæ domi, Ratio assumptionis.
 nimirum iudices, Decet enim nobiles tueri, quod nunc
 facit Messalla cum defendit Roscium à sectoribus. Estq;
 hic laus studii ac officij Messala pro hac nobilitate, pro
 qua Sylla cum Mario decertabat, Verum si à Chry-
 fogono. Secunda pars perorationis, quam ad mise-
 ricordiam iudicum conuertit, Ad eam ne. Admonet
 iudices officij, Solent hoc boni Amplificat elegan-
 ti similitudine, quam tractat Propositione, Expositione
 ne, Am.

ne, & Amplicatione. Nimirū. Applicatio. An vero iudices, *Alias causas recenset quibus impellit iudices ad absoluendum Roscium nisi ut, alia causa, quia omnes proscriptorum liberos, cum Sex. Roscio, tollere conantur. Dubium est, Alia causa. Quia innocens est Roscius. hanc contentione tractat. Quod si id vos Alia causa à metu. Quia crudelior erit hac vestra proscriptio, quam illa Syllana. Hanc comparatione figuravit. Illam priorem, Prima pars comparationis. Hanc vero quæ, Secunda pars comparationis. Homines sapientes. Alia causa, quia is maximè opitulari debetis, qui laborant. Hanc tollite, Exhortatio iudicum ad misericordiam.*

M. T.

M. T. C I C E R O N I S
C O N T R A C A T I L I N A M
O R A T I O P R I M A



V O V S Q V E tandem abutere Catilinapatientia nostra? Quàm diu nos etiam furor iste tuus eludet? Quem ad finem sese effrenata iactabit audacia? Nihil ne te nocturnū præsidium Palatii? nihil urbis vigiliæ? nihil timor populi? nihil consensus bonorum omnium? nihil hic munitissimus habendi Senatus locus? nihil horum ora, vultusq; mouerunt? Patere tua consilia non sentis? Constrictam iam omnium horum conscientia teneri coniurationem tuam nō vides? Quid proxima, quid superiore nocte egeris, vbi fueris, quos conuocaueris, quid consilij cœperis, quem nostrū ignorare arbitraris? O tempora, ô mores, Senatus hæc intelligit, Consul videt, hic tamen viuit, Viuit? imo verò etiam in Senatum venit, fit publici consilij paticeps, notat & designat oculis ad cædem vnum quemq; nostrū. Nos autem viri fortes satisfacere Reipub. videmur, si istius furorem, ac tela vitemus. Ad mortem te, Catilina, duci, iussu consulis, iam pridem oportebat: in te conferri pestem istam, quā tu in nos omne iam diu machinaris. An verò vir amplissimus, P. Scipio, pontifex maximus, Ti. Gracchum, mediocriter labe-

ter labefactantem statum Reip. priuatus inter-
fecit: Catilinam verò, orbem terræ cæde, atque
incendiis vastare cupientem, nos consules per-
feremus? nam illa nimis antiqua prætereo,
quòd Q. Seruilius Hala Sp. Melium, nouis re-
bus studentem, manu sua occidit. Fuit, fuit ista
quondam in hac Rep. virtus, vt viri fortes acri-
oribus suppliciis ciuem perniciosum, quàm
acerbissimum hostem coercerent. Habemus e-
nim senatusconsultum in te Catilina, vehe-
mens, & graue, non deest reip. consilium, ne-
que auctoritas huius ordinis: nos, nos, dico a-
pertè, consules desumus. Decreuit quondam
senatus, vt L. Opimius Cos. videret, ne quid
resp. detrimenti caperet. nox nulla intercessit:
interfectus est propter quasdam seditionum
suspiciones C. Gracchus, clarissimo patre na-
tus, aui maioribus: occisus est cum liberis M.
Fuluius, consularis. Simili senatusconsulto, C.
Mario, & L. Valerio, Coss. permissa est resp.
Num vnum diem postea L. Saturninum, tri-
bunum plebis, & C. Seruilius mors à reip.
pœna remorata est? At nos vicesimum iam di-
em patimur hebescere aciem horum auctori-
tatis. habemus enim huiusmodi senatuscon-
sultum, verumtamen inclusum in tabulis,
tanquam gladium in vagina reconditum: quo
ex senatusconsulto confestim interfectum te
esse, Catilina, conuenit. Viuis: & viuis non ad
deponendam, sed ad confirmandam audaci-
am. Cu-

am. Cupio, P. C. me esse clementem : cupio in tantis reip. periculis non dissolutum videri : sed iam me ipsum inertiae , nequitiaeque condemnno. Castra sunt in Italia contra remp. in Etruriae faucibus collocata : crescit in dies singulos hostium numerus : eorum autem imperatorem castrorum , ducemque hostium, intra mœnia , atque adeò in senatu videmus , intestinam aliquam quotidie perniciem reip. molientem. Si te iam, Catilina, comprehendi , si interfici iussero : credo , erit verendum mihi, ne non potius omnes boni , serius à me quam quisque crudelius factum esse dicat. Verùm ego hoc , quod iam pridem factum esse oportuit , certa de causâ nondum adducor ut faciam. tum denique interficiam te , cùm iam nemo tam improbus , tam perditus , tam tui similis inueniri poterit , qui id non iure factum esse fateatur. Quamdiu quisquam erit , qui te defendere audeat , viues : & viues ita , ut nunc vivis , multis meis & firmis præsidijs oppressus , ne commouere te contra Rempubl. possis. Multorum te etiam oculi & aures , non sentientem , sicut adhuc fecerunt , speculabuntur , atque custodient. Etenim quid est Catilina , quod iam amplius expectes ? Si neque nox te nebris obscure cœtus nefarios , nec priuata domus parietibus continere vocem coniurationis tuæ potest ? si illustrantur , si erumpunt , omnia , muta iam istam mentem : mihi crede , obluiscere cædis atque incendiorum. Tenèris

vndiq; luce sunt clariora nobis tua consilia o-
 mnia. Quæ etiam mecum licet recognoscas.
 Meministi me ante diem XII. Calend. No-
 uemb. dicere in Senatu certo die fore in armis;
 qui dies futurus esset ante diem VIII. Calend.
 Nouemb. C. Manilium audaciæ satellitem, atq;
 ministrum tuæ? Num me fefellit Catilina, nō
 modò res tanta, tam atrox, tam incredibilis; ve-
 rùm id quod multò magis est admirandum, di-
 ces? dixi ego idem in Senatu eadem te optima-
 tum contulisse ante diem V. Cal. Nouemb.
 Tum cum multi principes ciuitatis Rom: non
 tam sui conseruandi, quàm tuorū consiliorū re-
 primèdorū causa profugerūt. Num inficiari po-
 tes te illo ipso die meis præsijs, mea diligentia
 circumclusum, cōmouere te contra Rempub:
 non potuisse? cum tu discessu cæterorum no-
 stra tamen, qui remansissemus, cæde te conten-
 tum esse dicebas? Quid? cum te Præneste Ca-
 lend. ipsis Nouemb. occupaturum nocturno
 impetu esse confideres? Sensisti ne illam Colo-
 niam meo iussu, meis præsijs, custodijs, vi-
 gilijsq; esse munitam? Nihil agis, nihil moliris,
 nihil cogitas, quod ego non modò audiam
 sed etiam videam, planeq; sentiam. Recognos-
 sce mecum tandem illam superiorem noctem:
 iam intelliges multò me vigilare acrius ad salu-
 tem, quàm te ad perniciem Reipub. Dico te
 priore nocte venisse inter Falcarios (non agam
 obscure) in M. Leccæ domum, cōuenisse cō-
 dem com-

dem complures eiusdem amentia scelerisq; socios. Num negare audes? Quid taces? Conuincam sinegas. Video enim esse hîc in Senatu quosdam qui tecum vnâ fuere. O dij immortales, vbinam gentium sumus? quam Remp. habemus? in qua vrbe viuimus? Hîc, hîc, sunt in nostro numero, P. C. in hoc orbis terræ sanctissimo, grauissimoq; consilio, qui de nostro omniumq; interitu, qui de huius vrbis, atq; adeo orbis terrarum exitio cogitent. Hosce ego video Consul, & de Rep. sententiam rogo: & quos ferro trucidari oportebat, eos nondum voce vulnero: Fuiisti igitur apud Leccam illa nocte Catilina, distribuisti partes Italia: statuisti quò quenq; proficisci placeret: delegisti quos Romæ relinqueres, quos tecum educeres: descripsisti vrbis partes ad incendia: confirmasti teipsum iam esse etiam exitnrum: dixisti paululum tibi esse etiam tum moræ quòd ego viuerem. Reperti sunt duo equites Romani, qui te ista cura liberarent, & sese illa ipsa nocte paulò ante lucem me in meo luctu interfecturos pollicerentur. Hæc ego omnia, vix dum iam cœtu vestro dimisso comperi: domum meam maioribus præsidijs muniui atque firmaui. exclusi eos, quos tu manè ad me salutatum miseras: cùm illi ipsi venissent, quos ego iam multis ac summis viris ad me venturos id temporis esse prædixeram. Quæ cùm ita sint Catilina, perge quò cœpisti: egredere aliquando ex

do ex vrbe : patent portæ , proficiscere. Nimi-
um diu te Imperatorem illa tua Manliana ca-
stra desiderant. Edicte cum etiâ omnes tuos : si
minus quamplurimos. Purga urbē. Magno me
metu liberatis dummodò inter me , atque te
murus intersit. Nobiscum versari iam diutius
non potes. Non feram , non patiar , non sinam.
Magna diis immortalibus habenda est gratia ,
atque huic ipsi Ioui Statori antiquissimo cu-
stodi huius urbis , quod hanc tam tetram , tam
horribilem , tamque infestam Reip. pestem
toties iam effugimus. Non est sæpius in vno
homine salus summa periclitanda Reip. Quam
diu mihi Consuli designato Catilina insidiatus
es , non publico me præsidio , sed priuata dili-
gentia defendi : cum proximis comitiis Consu-
laribus me Consulem in campo , & competi-
tores tuos interficere voluisti : compressit uos
nefarios conatus , amicorum præsidio & copi-
is , nullo tumultu publicè concitato. Denique
quotiescunque me petisti , per me tibi obstiti :
quanquam videbam perniciem meam cum
magna calamitate Reipub. esse coniunctam.
Nunc iam apertè Rempub. vniuersam petis.
Templa Deorum immortalium , tecta urbis ,
vitam omnium ciuium , Italiam denique to-
tam ad exitium & vastitatem vocas. Quare ,
quoniam id quod primum atque huius impe-
rii disciplinæque maiorum proprium est , face-
re non audeo : faciam id , quod est ad seueritas

tem lenius , ad communem salutem utilius:
Nam si te interfici iussero , residebit in Repub.
reliqua coniuratorum manus. Sin tu (quod te
iamdudum hortor) exieris , exhaurietur ex
vrbe tuorum comitum magna & pernicioſa
ſentina Reip. Quid eſt Catilina ? Num dubitas
id me imperante facere , quod iam tua ſponte
faciebas ? Exire ex vrbe Conſul hoſtem iubet.
Interrogas me , num in exilium ? Non iubeo
ſed ſi me conſulis , ſuadeo. Quid enim Catilina
eſt , quòd te iam in hac vrbe delectare poſſit ? in
qua nemo eſt , extra iſtam coniurationem per-
ditorum hominum , qui te non metuat : ne-
mo , qui te non oderit. Quæ nota domeſticæ
turpitudinis non iniuſta vitæ tuæ eſt ? quod
priuatarum rerum dedecus non hæret infamiæ ?
Quæ libido ab oculis , quod facinus à mani-
bus tuis vnquam , quod flagitium à toto cor-
pore abſuit ? Cui tu adoleſcentulo , quem cor-
ruptelarum illecebris irretiſſes , non aut ad au-
daciæ ferrum , aut ad libidinem faciem præ-
tulisti ? Quid verò nuper cùm morte ſuperioris
vxoſis nouis nuptiis domum vacuam feciſſes ?
nonne etiam alio incredibile ſcelere hoc
ſcelus cumulaſti ? quod ego præmitto , &
facile patior ſileri , ne in hac ciuitate tanti faci-
noris immanitas aut extiſſe , aut non vindica-
ta eſſe videatur. Præmitto ruinas fortuna-
rum tuarum , quas omnes impendere tibi pro-
ximis idibus ſenties. Ad illa venio , quæ non
ad pri

ad priuatam ignominiam vitiorum tuorum, non ad domesticam tuam facultatem, non ad turpitudinem, sed ad summam Reip. atque ad omnium nostrum vitam salutemq; pertinent. Potestné tibi huius vitæ hæc lux Catilina, aut huius spiritus cœli esse iucundus? cùm scias esse horum neminem, qui nesciat te pridie Cal. Ian. Lepido & Tullo consulibus, stetisse in comitio cum telo, manum Consulum & Principum ciuitatis interficiendorum causa parauisse? sceleris ac furori tuo non aliquam mentem, aut timorem tuum, sed fortunam populi Ro. obstitisse. Ac iam illa omitto, neque enim sunt aut obscura aut non multò post commissa. Quoties tu me designatum, quoties me Consulem interficere voluisti? Quot ego tuas petitiones ita coniectas, vt vitari posse non viderentur, parua quadam declinatione, & (vt aiunt) corpore effugi? Nihil agis, nihil assequeris, nihil moliris quod mihi latere valeat in tempore, neque tamen conari ac velle desistis. Quoties iam, quoties iam tibi exorta est sic ista de manibus? Quoties verò excidit calu aliquo, & elapsa est? tamen ea carere diutius non potes. Quæ quidem quibus abs te initiata sacris ac deuota sit, nescio, quòd eam necesse putas Consulis in corpore defigere. Nunc verò quæ tua est ista vita? Sic enim iam tecum loquar, nō vt odio permotus esse videar, quo debeo, sed vt misericordia, quæ

tibi nulla debetur: Venisti paulò antè in Senatum: quis te ex hac tanta frequentia, ex tot tuis amicis ac necessariis salutauit? Si hoc post omnium hominum memoriam contigit nemini, vocis expectas contumeliam, cum sis grauissimo iudicio taciturnitatis oppressus? Quid, quod aduentu tuo ista subsellia vacua facta sunt? Quid? quod omnes Consulares (qui tibi per sæpè ad eadem constituti fuerunt) simulatque assedisti, partem istam subselliorum nudam atque inanem reliquerunt? Quo tandem animo hoc tibi ferendum putas? Serui (me herclè) mei, si me isto pacto metuerent, vt te metuunt omnes ciues tui, domum meam relinquendam putarem: tu mihi urbem non arbitraris? Et, si me meis ciuibus iniuria suspectum tam grauitè atque infensum viderem, carere me aspectu ciuium, quàm infestis omnium oculis conspici mallet. Tu cum conscientia scelerum tuorum agnoscas odium omnium iustum, & iam tibi diu debitum dubitas, quorum mentes sensusque vulneras, eorum aspectum præsentiamque vitare? Si te parentes timerent atque odissent tui, neque eos vlla ratione placare posses: vt opinor, ab eorum oculis aliquò concederes. Nunc te patria, quæ communis est omnium nostrum parens, odit ac metuit, & iam diu de te nihil iudicat, nisi de parricidio suo cogitare: huius tu neque auctoritatem verebere, neque iudici-
um se

um sequere, neque vim pertimesces? Quæ tecum Catilina sic agit, & quodammodo tacita loquitur: Nullum iam tot annos facinus extitit, nisi per te: nullum flagitium sine te. Tibi vni multorum civium necesse, tibi vexatio direptioque sociorum impunita fuit, ac libera. Tu non solum ad negligendas leges & quaestiones, verum etiam ad devincendas perfringendasque valuisti. Superiora illa, quanquam ferenda non fuerunt, tamen ut potui, tuli. Nunc verò me totam esse in metu propter te vnum: quicquid increpuerit, Catilinam timeri nullum videre contra me consilium iniri posse, quod à tuo scelere abhorreat: non est ferendum. Qamobrem discede, atque hunc mihi timorem eripe: si verus, ne opprimar: sin falsus, ut tandem aliquando timere desinam. Hæc si tecum, ut dixi, patria loquatur, nonne impetrare debeat, etiam si vim adhibere non possit? Quid? quod tu te ipse in custodiam dedisti? Quid? quod vitandæ suspicionis causa apud M. Lepidum te habitare velle dixisti? à quo non receptus, etià ad me venire ausus es, atque domi meæ te asservari rogasti? cum à me quoque id responsum tulisses, me nullo modo posse iisdem parietibus tutum esse tecum, qui magno in periculo essem, quod iisdem mœnibus containeremur: ad Qu. Metellum Prætorem venisti, à quo repudiatus, ad sodalem tuum virum optimum M. Marcellum demigrasti, quem tu videlicet & ad custodiendum te

diligentissimum, & ad supicandum sagacissimū
 ad vindicandum fortissimum fore putasti. Sed
 quā longē videtur à carcere atq; à vinculis abesse
 debere, qui se ipsum iam dignū custodia iudicauerit? Quæ cū ita sint Catilina, dubitas,
 si hīc morari æquo animo non potes, abire in
 aliquas terras, & vitam istam multis supplici-
 is, iustis debitisque ereptam, fugæ solitudini-
 que mandare? Refer, inquis, ad Senatum: id
 enim postulas. Et si hic ordo sibi placere de-
 creuerit, te ire in exilium, obtemperaturum
 te esse dicis. Non referam id, quod abhorret à
 meis moribus: sed tamen faciam vt intelligas,
 quid hi de te sentiant. Egredere ex vrbe Catili-
 na, libera Remp. metu: in exilium, si hanc vo-
 cem expectas, proficiscere. Quid est Catilina?
 quid attendis? quid animaduertis horum si-
 lentium? patiuntur, tacent. Quid expectas
 auctoritatem loquentium, quorum volunta-
 tem tacitorum perspicias? At si hoc idem huic
 adolescenti optimo P. Sextio: si fortissimo vi-
 ro M. Marcello dixissem, iam mihi Consuli
 hoc ipso in templo, iure optimo Senatus vim
 & manus intulisset. De te autem Catilina cū
 quiescunt, probant: cū patiuntur, decer-
 nunt: cū tacent, clamant. Neque his solū,
 quorum tibi auctoritas est videlicet chara,
 vita vtilissima: sed etiam illi equites Romani,
 honestissimi atque optimi viri, cæteri que for-
 tissimi ciues, qui circumstant Senatum: quo-
 rum tu

rum tu & frequentiam videre, & studia per-
spicere, & voces paulò antè exaudire potui-
sti: quorum ego vix abs te iam diu manus ac
tela contineo: eosdem facillè adducam, vt te
hæc quæ iam pridem vastare studes, relinquen-
tem, vique ad portas prolequantur. Quan-
quam quid est quod loquar? te vt nulla res
frangat? tu vt nunquam te corrigas? tu vt vl-
lam fugam meditare? tu vllum vt exilium co-
gites? Vtinam tibi istam mentem Dij immor-
tales donarent: tamen si video, si mea voce per-
territus ire in exilium animû induxeris, quanta
tempestas inuidiæ nobis, si minùs in præsens
tempus, recenti memoria scelerum tuorum,
at in posteritatem pendeat: sed non est mihi
tanti, dummodò ista tua sit priuata calami-
tas, & à Reipubl. periculis seiungatur. Sed
tu vt vitijs tuis commoueare, vt legum pœ-
nas pertimescas, vt temporibus Reipubl. con-
cedas, non est postulandum. Neque enim
Catilina is es, vt te aut pudor à turpitudine,
aut metus à periculo, aut ratio à furore re-
uocârit. Quamobrem (vt sæpè iam dixi)
proficiscere. Ac, si mihi inimico, (vt prædi-
cas) tuo constare vis inuidiam, recta perge
in exilium. Vix feram sermones hominum si
id feceris. Vix molem istius inuidiæ, si in exi-
lium ieris iussu Consulis, sustinebo. Sin au-
tem seruire meæ laudi, & gloriæ mauis, egre-
dere cum importuna sceleratorum manu:

confer te ad Manlium : concita perditos ciues : secerne te à bonis : inter patriæ bellum : exulta impio latrocinio , vt à me non eiectus ad alienos , sed inuitatus ad tuos ille videaris. Quanquam quid ego te inuitem ? à quo iam sciam esse præmissos , qui te ad forum Aurelium præstolentur armati : cùm sciam pactam & constitutam esse cum Manlio diem , à quo etiam Aquilam illam argenteam , quam tibi ac tuis omnibus perniciosam esse confido , & funestam fut uram , cui domi tuæ sacrariū scelerum tuorū constitutū fuit , sciam esse præmissā ? Tu , tu vt illa diutiùs carere possis ? quam venerari ad cædem proficiscens solebas ? a cuius altaribus sæpè ista dextram impiam ad necem ciuium transtulisti : ibis tandem aliquando , quò te iam pridem tua ista cupiditas effrenata ac furiosa rapiebat. Neque enim tibi hæc res adfert dolorem , sed quandam incredibilem voluptatem. Ad hanc te amentiam natura peperit , voluntas exercuit , fortuna seruauit. Nunquam tu non modò otium , sed ne bellum quidem , nisi nefarium concupisti. Nactus es ex perditis atque ab omni non modò fortuna , verum etiam spe derelictis , conflatam improborum manum . Hic tu qua lætitia perfruere ? Quibus gaudiis exultabis ? Quanta in voluptate bacchabere ? Cùm in tanto numero tuorum neque audies virum bonum quenquam neque videbis ?

debis? At huius vitæ studium meditatri illi sunt, qui feruntur, labores tui: iacere humi non modò ad obsidendum stuprũ, verum etiam ad facinus obeundum: vigilare non solũ ad insidiandum somno maritorum, verum etiam bonis occisorum. Habes vbi ostentes illam præclaram tuam patientiam famis, frigoris, inopiæ rerum omnium: quibus te breui tempore confectum esse senties. Tantum profeci tum cum te à consulatũ repuli, vt exul potius tentare, quàm consul vexare Remp. posses: atq; vt id, quod esset à te sceleratè susceptum, latrocinium potius quàm bellum nominaretur. Nunc vt à me, P. C. quandam propè iustam patriæ querimoniam detester, ac deprecet: percipite, quæso, diligenter, quæ dicam, & ea penitus animis vestris, mentibusq; mandate. Etenim si mecum patria, quæ mihi vita mea multo est carior: si cuncta Italia, si omnis Resp. loquatur: M. Tulli, quid agis? tunè eum, quem esse hostem comperisti, quem ducem belli futurum vides: quem expectari imperatorem in castra hostium sentis, auctorem sceleris, principem coniurationis, euocatorem seruorum, & ciuium perditorum, exire patieris, vt abs te non emissus ex vrbe, sed immissus in urbem esse videatur; nonnè hunc in vincula duci, non ad mortem rapi, non summo supplicio mactari imperabis? Quid tandem impedit te? mosnè maiorum? At persæpe etiam priuati in hac rep. perniciosos

perniciosos ciuicis morte mulctarunt. An leges, quæ de ciuium Romanorum supplicio rogatæ sunt? At nunquam in hac vrbe ij, qui à Rep. defecerunt, ciuium iura tenuerunt. At inuidiam posteritatis times? Præclaram verò populo R. refers gratiam, qui te, hominem per te, cognitum, nulla commendatione maiorum, tam maturè ad summum imperiû per omneis horum gradus extulit, si propter inuidiam, aut alicuius periculi metum, salutem ciuium tuorum negligis. Sed, si quis est inuidiæ metus, num est vehementiùs seueritatis, ac fortitudinis inuidia, quam inertiae, ac nequitiae pertimescenda? An, cum bello vastabitur Italia, vexabuntur vrbes, tecta ardebunt: tû te non existimas inuidiæ incendio conflagraturum. His ergo sanctissimis Reip. vocibus, & eorum hominum, qui idem sentiunt mentibus, pauca respondebo. Ego, si hoc optimum factu iudicarem, P. C. Catilinam morte mulctari, vnius vrsuram horæ gladiatori isti ad viuendum non dedissem. Etenim, si summi viri, & clarissimi ciues, Saturnini, & Gracchorum, & Flacci, & superiorum complurium sanguine non modò se non contaminârunt, sed etiam honestârunt: certè verendum mihi non erat, ne quid, hoc parricida ciuium interfecto, inuidiæ mihi in posteritatem redundaret. Quòd si ea mihi maxime impenderet: tamen hoc animo semper fui, vt inuidiam virtute partam, gloriam, non inuidiam

inuidiam putarem. Quamquam nonnulli sunt in hoc ordine, qui aut ea, quæ imminet, non videant: aut ea, quæ vident, dissimulent: qui spem Catilinæ mollibus sententijs aluerunt, coniurationemq; nascentem non credendo cor roborauerunt. quorum auctoritatem secuti multi, non solum improbi, verum etiam imperiti, si in hunc animaduertissem, crudeliter, & regiè factum esse dicerent. Nunc intelligo, si iste, quò intendit, in Manliana castra peruenit, neminem tam stultum fore, qui non videat coniurationem esse factam: neminem tam improbum, qui non fateatur. Hoc autem vno interfecto, intelligo, hanc Reip. pestem paulisper reprimi, non in perpetuum comprimi posse. Quòd si se eiecerit, secumq; suos eduxerit, & eodem ceteros vndiq; collectos naufragos aggregauerit: extinguetur, atq; delebitur non modò hæc tam adulta Reip. pestis, verum etiam stirps, ac semen malorum omnium. Etenim iamdiu P. C. in his periculis coniurationis, insidijsq; versamur. sed nescio quo pacto omnium scelerum, ac veteris furoris, & audaciæ maturitas in nostri consulatus tempus erupit. Quòd si ex tâto latrocinio iste vnus tollatur: videbimur fortasse ad breue quoddam tempus, cura, & metu esse releuari: periculum autem residebit, & erit inclusum penitus in venis, atq; in visceribus Reipub. Vt sæpe homines ægri morbo graui, cum æstu, febrique iactantur,

iactantur, si aquam gelidam biberint, primò releuari videntur: deinde multo grauius, vehementiusq; affligantur: sic hic morbus, qui est in Rep. releuatus istius pœna, vehementius viuis reliquis ingrauescet. Quare, P. C. secedant improbi secerant se à bonis, vnum in locum congregentur: muro deniq; id quod sæpe iam dixi, secerantur à nobis: desinant insidiari domi suæ consuli, circumstare tribunal prætoris vr bani, obsidere cum gladijs curiam, malleolos ad incendendam urbem, faciesq; comparare. sit deniq; inscriptum in frontē vniuscuiusq; ciuis, quid de Republica sentiat. Polliceor vobis hoc, P. C. tantam in nobis Coss. fore diligentiam, tantam in vobis auctoritatem, tantam in equitibus Romanis virtutem, tantam in omnibus bonis consensionem, vt Catilinæ profectioe omnia patefacta, illustrata, oppressa, vindicata esse videatis. hisce omnibus Catilina, cum summa Reip. salute, & cum tua peste ac perniciē, cumq; eorum exitio, qui se tecum omni scelere, parricidioque iunxerunt, proficiscere ad impium bellum ac nefarium. Tum tu Iupiter qui iisdē quibus hæc vrbs auspiciis a Romulo est constituta, quem Statorē huius vrbs atq; imperii verē nominamus: hūc & huius socios à tuis aris ceterisq; tēplis ac tectis, vrbs ac mœnibus, a vita fortunisq; ciuium omniū arcebis: & omnes inimicos bonorū, hostes patrię, latrones Italię, scelerū fœdere inter se ac nefaria societate coniunctos, æternis suppliciis viuos mortuosq; mactabis

Adamus

ADAMVS STEZICIEN.

IN PRIMAM ORATIONEM CATILINARIAM.

Quid dicat orator.



LVCIVS Catilina homo audax, & magnarum rerum appetens, varioq; praeclitus ingenio, Consulatum cum semel atq; iterum ambisset, totiesq; repulsam passus esset, cum suis similibus ad eadem Senatus faciendam, coniurauit. Ita q; cum iam Catilinarij milites in Etruria conuenerent, diesq; facinori destinata appropinquaret: coniurati in domum M. Leccae 8. Idus Nouemb. nocte sequenti conuenerunt. Ea nocte, dies Catilinae exeundi, ceteris manendi conditio, caedis atq; incendiorum per totam urbem descriptio constituta est. Iam se exiturum Catilina dixit, sed paululum sibi esse mora, quod Cic: Consul viueret, narrauit. Tum G. Cornelius, & L. Vaguntius equites Romani polliciti sunt, se illa ipsa nocte, paulo ante lucem venturos, tanquam salutatum consulem, & intromissos more consulis, & iure amicitiae in lecto eum interfectorios. Huius consilij Cic. per Fulviam factus certior, domum suam praesidiis validioribus firmat, duos equites ad eadem, ut constitutum erat venientes aditu prohibet, eoq; ipso die conuocato Senatu, videns illic sedentem in Senatu Catilinam, ira commotus, acerbissime in eum, hac prima oratione inuehitur & eum urbe egredi, & secum suos educere iubet: quia

bet. qua tantum profecit, vt Catilina perterritus vrbe profugerit.

Genus Quæstionis.

Quæstio est ea qua vocatur hypotesis, descripta certis personis, tempore, loco, facto, modo, vt sit ne Catilina interimendus, vel vrbe eijciendus?

Constitutio causæ.

Huius orationis status est qualitatis, quæritur enim. **IVRE NE CATILINA CONIVRATVS INTERFICIENDVS VEL VRBE PELLENDVS?**

Interficiendum esse probat ex locis huius status proprijs. Natura; qua permittit facinorosos tolli è medio. Lege; qua grauis & vebemens. quam appellat Senatus consultum, contra Catilinam lata est. Consuetudine & iudicato, quo mediocriter labefactantes Remp. interempti sunt. Pellendum vero vrbe probat. Natura, qua inuisa pellit. Catilina autem cum sit inuisus ciuibus, non potest inter eos manere. Lege; quia in Catilinam Senatus consultum latum erat, Aequo, bono: quia iniquum est ob vnum facinorosum vniuersam Remp. in discrimen vocari.

Quo loco dicat.

Dispositio partium orationis est naturalis: quia naturali ordine in collocandis partibus orationis processit. Est enim hic primo exordium. 2. Propositio. 3. Confirmatio

3. Confirmatio. 4. Refutatio, ultimo loco Conclusio. Narratio abest, nisi eam velis narrationem dicere, quæ per totam ferè orationem, de sceleribus Catilinæ sparsa est: verum eiusmodi narratio potius ad probandum non ad originem causæ referenda est. Dispositio vero locorum & argumentorum, est, ut plerumq; sit iudicij.

Quomodo dicat.

ORatoris officium est, ut humilia subtiliter, mediocria moderate, magna graviter dicat. Hinc genera dicendi prouenerunt. Humile mediocre, & sublime. Et quoniam hic graues & magna res aguntur, graue quoq; merito adhibetur genus orationis: utitur ergo in hac oratione Cic. genere dicendi sublimi, vehementi, incitato, pleneq; patetico, hoc enim & negatiui grauitas, & Senatus authoritas, & Ciceronis consularis dignitas, & Catilinæ furentis summa improbitas perstulabat, quod constat sublimium verborum ampla atq; ornata cōpositione, periodis, numeris, ornamentis, sublimi generi seruientibus, & ad concitandos animos accomodatis, ut sunt graues & vehementes, interrogationes, exclamationes, prosopopœia, apostrophæ, articuli, repetitiones, ironiæ, deprecationes, dialogismi, præteritiones.

DE EXORDIO:

Inuentio Exordij.

Duo probat in hoc Exordio: Primum, quod Catilinæ abutatur patientia consulum. Secundum, quod Catilinam ad mortem iam pridem duci oportebat sumptum

Sumptum autem est hoc Exordium iuxta præcepta rhetorū; ex visceribus causa. Est quoq; breue, propterea quod in hoc genere deliberatio Cic: præcipit. Exordia esse debere breuissima. Sumptum est à circumstantiis, seu attributis causa, ut sunt persona Catilina, qui abutitur lenitate magistratus. ex attributis Senatus consulti: ex attributis consulum. ex attributis causa, cum ob tantam facinoris atrocitatem, iam pridem morte dignissimum Catilinam esse dicit: ex interuentu persona, dum dicit Catilinam in Senatum venisse. Quoniam autem tres fines sunt Exordiorum: Beneuolentia, Attentio, Docilitas, hos Cic: hic consecutus est, non petendo, sed ipsa actione: quod Antonius maxime apud Ciceronem probat. Nam ego inquit beneuolum mihi iudicem facilius facere possum, cum sum in cursu orationis, quam cum sunt omnia inaudita: Docilem autem non tum, cum polliceor me demonstraturum, sed cum doceo & explano. Attentos vero, cum digna attentione loquor. Quum ergo imprudentiam, audaciam, furorem amplificat Cic. Catilina, dum Senatus consultum, urbis vigilias, populi metum, indignitatemq; rei refert, beneuolos partim à personis, partim à rebus auditores parat. Dum periculum imminens, exempla, & curam maiorum in puniendis seditiosis laudat, suam ignauiam accusat: attentos facit auditores. Dum futura confirmationis semina ponit: dociles reddit. Utitur hic amplificationibus, exaggerando audaciam Catilina, & eum mortem iam pridem dignum iudicando.

Dispositio

Dispositio Exordij.

Exordij cuiusvis Hermogenes quatuor partes statuit. 1. Protasin, hoc est, propositionem. 2. Paraskewin, hoc est confirmationem. 3. Apodosin seu reditionem. 4. Basim, hoc est, exitum siue terminationem. Quam dispositionem in hoc exordio, secutus est Cic. cuius est. *Propositio, Non debes abuti Catilinæ patientia nostra.*

Confirmatio, Quia tua coniuratio patet.

Reditio, Te iam dudum ad mortem duci oportebat, quam tu iam diu in nos machinaris.

Exitus, At nos vigesimum iam diem te patimur.

Dispositio argumentorum exordij & partium argumentationis.

Quoniam in hoc exordio, duplex est questio, argumenta ideo duplici ordine erunt collocanda. Prima est questio.

V. Catilina abutetur patientia Consulum.

Quam probat Cic. in partem affirmantem tali rationatione.

Propositio, Catilina tu abuteris patientia nostra.

Ratio, Nam te non mouent urbis vigilie, praesidium palatii, munitio capitolij, timor populi, concursus bonorum.

Rationis confirmatio. Tua enim coniuratio patefacta est, quam enumeratione consiliorum, & audacia Catilinaria, negligentiaq; senatus amplificat.

274³ Adam. Stezicien. in I. orat.

Complexio qua annexa est propositioni. Cessa. ergo
abuti patientia nostra.

Secunda Quaestio V. ad mortem Catilinam duci
iam pridem oportebat.

Hec probatur quatuor argumentis.

Primum Argumentum.

Propositio, Machinarius tu iam diu in nos mor-
tem.

Ergo iam te ad illam dudum duci oportebat.

Consequentia est ab aequo. Conclusionem hic vide
in priori loco positam, antecedens in posteriori.

2. Argumentum ab exemplis qua reducit ad
locum minorum comparatorum, an vero vir am-
plissimus.

Privato homini licet occidere turbatorem pacis.

Ergo multo magis licebit Consuli, euersorem rei-
publ.

Antecedens cum ipsis exemplis ponit, comparans
personam persona, factum facto: ut priuatum Consu-
li: labefactionem, vastationi, cædi: rempublicam
orbi terra.

3. Argumentum à consuetudine maiorum,
fuit fuit.

Licuit honestè maioribus sumere supplicium, de
perniciosis ciuibus.

Ergo & nobis licet de te pernicioso Catilina.

Antecedens exprimit, sed non probat, quia ex su-
perioribus exemplis, manifestum redditur.

4. Argumentum, Habemus enim sena-
tusconsultum.

Senatus

Senatus auctoritate iam dudum condemnatus es.

Ergo licet nobis consulibus te perniciosum interficere.

Consequentiam probat à tribus exemplis, ut L. Opimij consulis, qui G. Gracchum, & M. Fulvium: G. Marij & L. Valerij consulum, qui L. Saturnium & G. Seruiliū, senatus consulto, ob seditiones quasdam interemerunt. Ergo & Catilina interim debet. Antecedens probat per confessionem, habemus enim, se scilicet habere senatus consultum, sed tamen inclusum, & tanquam gladium in vagina reconditum.

Elocutio.

Cicero iubet fieri exordia verecunda, non elatis instructa verbis: sed acuta sententiis: pugnas quoque atque rebovementias, procul abesse oportere, Antonius ab exordiis docet. Nil si quidem est in natura hominum, quod se in uniuersum effundat, & quod totum repente euolet, sed omnia quae sunt, quaeque auguntur acerrimè, tenuioribus principiis natura ipsa prae texnit. Verum pro diuersitate temporis, pro diuersitate materiae, pro diuersitate personarum, hac praeccepta orator rumpit: saepe enim eadem sequitur, sed non eodem modo: ut hoc in loco Cic. fecit, ubi discessit pro tempore & causa à praeceptis exordiorum, Adhibet enim genus dicendi graue, vehemens, incensum, quo rapidus fertur, & nullo pacto sustinetur.

Verba & Compositio.

Verbis utitur illustribus, grauibus, sonantibus, superlatis, translatis. Componendo autem ad vehementiam & asperitatem orationem suam, ea verba in componendo adhibet, quæ acrimoniam faciunt, atrocitas enim efficitur etiam asperitate literarum, ut Virgil. Insonuere poli sonitumq, dedere cauerna, & Monstrum horrendum, informe, ingens, cui lumen ademptum. Vnde Demetrius aspera inquit compositio est, quæ vocalium habet collisiones, quæq, constata, ex sibi conuenientibus, & familiaribus literis, quod hoc loco cernere licet. repetitur enim crebro vocalis. Amo lestissima, & ei similis. E præterea consonantes R, & M.

Periodi & numeri.

Rhetores temperato dicendi generi, artificiosas & longiores iubent adhibere periodos: graui artificiosas, sed quodammodo breuiiores, in hoc etiam plura membratim & casim effecerimus, subtile verò genus liberum magna ex parte periodis. Cicero hoc loco quia in graui genere dicendi versatur, non adhibet periodos, sed casim & membratim solum dicendi conficit, ut acrimoniam, asperitatem, atrocitatem rei exhibeat. Periodus enim artificiosè contexta, elegantiam potius non acrimoniam & indignationem parit: quod enim in paruo magnam vim præsefert, acrius & vehementius est; breuitas enim acris, & imperiosa: oratio autem verbosa, supplicanti decet & postulanti. quod Cic. hoc exemplo prudentissimè expressit, incisi-

enim

enim & membratim orationem conficit. Numeris quoque vitur ad perturbandum aduersarium, inflammandosq; ciuium animos accommodatis. De numero Cic. in oratore ad Brutum dicit: quod id quod numerosum in oratione dicitur, non semper numero fit; sed nonnunquā aut concinnitate, aut constructione verborum. Ita si numerus orationis quaeritur, qui sit, omnis est: sed alius, alio melior, atque aptior. Commendat autem Cic. paulo post hos pedes seu numeros, creticum, pæanem, qui spacio est par, syllaba longior. Non improbat spondaem, dactylum, trochaem, iambum, pyrrichium; sed tamen ita ne videatur esse carmen: super autem omnes pedes commendat dochmion. Nihil autem interest postrema syllaba, brevis an longa sit, quia id ne in versu quidem exquiritur. Huic porro generi ex numeris pæanem Caesar maximè conuenire docet & eos qui sunt pæani aequales, vt est creticus, bachiuss, palimbachiuss, prater ea ex compositis, in hoc genere frequentes sunt, Ionici & Epitriti. Quousque, tria membra sunt extra comprehensio- nem posita, nec possunt ad circulum, qui periodus est, redigi, sed singula per se intelliguntur. Incipit oratio à Diambo, qui pes conuitijs, & maledictis est aptissimus, clauditur Ionico maiori, Nihil ne, pnuma: est enim oratio septem membrorum, vno verbo clausa, ita vt non constituat periodum. Differt à superiore, quia illic singula membra singulis verbis clauduntur, hic vero vnico in fine absoluuntur deinde illic in nomina- tiuo, hic in genitiuo casu. Instituitur oratio à diambo, terminatur epitrito primo, patere, duo membra, quæ
S 3
singula

*singula suis verbis clauduntur; in principio habent
 amphibrachum, in fine creticum, Quid proxima,
 Spiritus sex membrorum, vnumquodque verbis suis
 absoluitur. Incipit ab epitrítico tertio, desinit in dichoreu-
 um. Senatus hoc, Membris & incisiss extremam
 hanc tractationem circumduxit, tanquā vinculo quo-
 dam, vt firmiter habeant menti auditoris. de quo De-
 metrius. Circumductiones in fine conscriptas & col-
 ligatas esse oportet: circumductio enim acris est, disso-
 lutio simplex. Incipit à diantho, desinit in epitrítum
 secundum, Nos autem, Episinapsis incipit à molosso
 clauditur antispasto, Ad mortem, periodos dicolos,
 procedit à molosso, incidit in dichoreum, An vero, pe-
 riodus bimembris, ornata incisiss, inchoata à molosso,
 terminata vero dichoreo, Nam illa, periodus simplex
 ab amphibracho incipit, & clausa est epitrítico quarto,
 fuit fuit, periodus incisiss longioribus traducta, estq;
 bimembris in cuius principio est pæan secundus, in fi-
 ne vero epitrítus primus, Habemus, periodus tri-
 membris, incipit ab amphibracho clauditur Ionico ma-
 iori, decreuit, membratim narrat, at nos, periodus
 simplex, incipit ab epitrítico tertio, desinit in dichoreu-
 um. Habemus enim, periodus tricolos, inchoata à
 pæane secundo, clauditurq; eodem, viuis & viuis, ora-
 tio incisim facta extra periodum, choriambus inchoata
 & Ionico maiori terminata.*

Figuræ Sententiarum.

Tribus præcipuè figuris sententiarum, Cic. exor-
 nauit hoc principium, anastrophe, erotemate, &
 amplifi-

amplificatione. De *Anastropi Fabius* inquit. Quamuis est maximè proprium, & observandum, ut eos alloquamur potissimum quos conciliatos nobis esse studemus: interim tamen est vtile causa, ut acrior & vehementior sit sensus, ad personam, orationem, in quā dicimus dirigere. Quod hoc loco fecit Cic. qui acrimoniam & vehementiam sibi propositam habet. ponitur & erotima, in quo maximè motus & vehementia orationis cernitur: quo detracto, oratio esset ad modum humilis, ac veluti sine spiritu corpus. Additur quoque ornatus amplificationis, ex conglotatione effectuum, causarum, consequentium, antecedentium, rerumque magnarum, quæ usu hominum cernuntur.

Figuræ Verborum.

Patientia, furor, audacia, metonymia, contenta pro continentibus, eludet, effrenata, iactabit, metaphora, Nil nil, anaphora, præsidium palatii urbis vigiliæ, timor populi; consensus bonorum, horum ora, vultusque, metonymia subiecta per adiuncta significantur, mouerunt, adiunctio, patere, sentis, constrictam, teneri, vides, metaphora, Quid proxima, anastrophe, egeris, fueris, conuocaueris, similiter desinens, ô tempora, exclamatio quæ rei narrata & probata additur admirationis augenda causa. Tempora, mores, senatus, metonymia. Insuper figuræ verborum accommodata sunt, quæ acrimoniæ seruiunt: sunt & congeries verborum idem significantium, ut abiui patientia, furorem immodestius exercere, audacia immoderata effrenata.

rata efferri, & paulo post. Quid egeris, ubi fueris, quos conuocaueris, consilij ceperis, sunt etiam membra quae efferuntur sine coniunctione, ut nihil ne te, nihil &c. Item quid proxima, quid superiore, sunt dictiones iteratae, ut facilius magnitudinem mali exprimat: uiuit, uiuis, & uiuis. Sunt & anthiteta cum ablatione; ut non ad deponendum, sed ad confirmandum. gradatim quoque currit oratio, ut urbis vigilia, timor populi, & cetera.

Secunda pars orationis propositio
cupio patres conscripti.

Cum superius probauerit Catilinam iam pridem interficiendum esse, in hac propositione, qua est ueluti preparatio, ad persuadendum Catilinam, ut exeat urbe, corrigit suam sententiam, & docet quomodo intelligenda sit, addito quasi quoddam clementiae affectu, cuius loci dispositio est talis.

Propositio, Catilina est interficiendus, sed non hoc tempore per me: sed quando eius coniuratio omnibus ad oculum probis & malis patebit.

Ratio ex effectis, Omnis enim qui ciuem interficit, crudelitatis existimationem incurrit.

Ego autem vellem crudelitatis existimationem esugere, hanc amplificat, ostendendo fortitudinem & prouidentiam suam.

Complexio, Ergo tu à me interficiendus non es, sed adhortandus, ut urbe exeas.

Hanc argumentationem Cic. confuse tractat.

Observatio artis.

Fabius lib. 4. cap. 4. Propositione quae est confirmationis

orationis initium, non semper uti necesse esse ait. Aliquando enim, sine propositione aliqua, satis quoque manifestum est, quid in quaque questione versetur. Quod praeceptum hoc loco expressit Cic. videbat enim ex ipso Catilina intuitu, tum ex principio suae orationis manifestum esse, quid veller Cicero; ideo non expressit propositionem, sed expositione, correctione uè superiorum intricauit.

Elocutio.

Figura sententiarum. Cupio. Communicatio seu deliberatio, quae est propria generi dicendi graui, qua suam clementiam, cum improbitate Catilinae comparat: quo efficit, ut maximam auxesim eius improbitatis ponat. Sed in me, indignatio est, qua inertiam lenitatemq; suam cōdemnat. Castra sunt. Aetiologia quae amplificatur circumstantiis temporis, & loci, causis efficientibus: ut imperatore castrorum, magnitudine periculi, &c. Sed si te. antikategoria per quam contrarium retorquet, quod ab aduersario possit obijci. verum ego. Solutio in commodi, nempe eius quod obijcitur.

Figurae verborum.

Cupio, anaphora. Reipub. metonimia, dissolutum, faucibus, metaphora, Si te, anaphora, Credo erit. ironia, tam improbus, omiotelenton, & repetitio particularum, viues viues, Epizeuxis, viues viuis, traductio, praesidijs, oculis, aures. metonimia, obfessus, commouere, sentientem, metaphora.

282 Adam. Stezicie: in I: orationem

Aduertenda quoq; est hic varietas orationis, dum enim mutat formam dicendi, mutat quoq; & compositionem. Nam dum conuertit orationem ad Senatum, paulo mitius loquitur: inferius tamen, dum conuertit orationem suam ad Catilinam, aliquantulum acerbius instat.

*Tertia pars orationis confirmatio,
Etenim quid est Catilina.*

D*ua sunt partes huius cōfirmationis, in prima ostendit nibile esse, quod expectare deinceps Catilina debeat. Cum iam palam omnibus singula coniurationis ipsius consilia pateant, quod ita esse multis coniecturis probat: precipuè tamen cum temporis, & loci, circumstantijs per interrogationem vrget, & ad mutandum, tam impium propositum hortatur. In secunda, probat in persona patriæ, Catilinam interficiendum esse.*

Prima pars confirmationis, cuius propositio talis est.

Egredere ex vrbe Catilina. Quam tractat octo argumentis.

Inuentio primæ partis.

A*D persuadendum Catilinæ, vt mutet mentem & Roma discedat, sumit Cic argumenta ex locis proprijs deliberatiui generis: vt honesto, utili, possibili, iucundo. Communibus vero, adiutorum, antecedentium,*

tium, comparatorum, consequentium. Quod si queras iure ne Catilina debeat vrbe exire? hoc ita esse probat Cic. locis status qualitatis, qui sunt sex: natura, lex, consuetudo, æquum, bonum, iudicatum, & pactum.

Quo genere motus vtatur.

Qua admirabilem elocutionem faciant, docet Cic: in lib: de oratore ad Brutum. Duo, inquit, sunt etiam, qua bene tractata ab oratore, admirabilem eloquentiam faciunt, quorum alterum, est quod Græcis *itikon*, ad naturam, mores, & ad omnem vitæ consuetudinem accommodatum, alterum quod idem *patetikon* nominant, quo per turbantur animi & concitantur, in quo vno regnat oratio. Illud superius Come, incundum, & ad benevolentiam conciliandam paratum: hoc vero vehemens, incensum, incitatum, quo cause eripiuntur: quod cum rapido motu fertur, sustineri nullo modo potest. Quo genere nos, inquit Cic: mediocres aut multo etiam minus, sed magno semper vsi impetu, sæpe aduersarios, de statu omni deiecimus. Nobis pro familiari reo, sumus orator non respondit Hortensius, à nobis homo audacissimus Catilina in Senatu accusatus, obmutuit. Seipsum itaq; Cic: explicat, & hoc præcepta docet, qualem motum adhibuerit in confirmatione. Ad quem affectum primo adfert ea, qua & animum, & consilia Catilina continent: audaciam quod in vrbe maneat, cuius scelera luce clariora sint: crudelitatem cum in necem ciuium conspirauerit. libidinem, cum nullum facinus alienum, ab eius corpore esse dicit: causas facultatis castra Manliana, constatam

conflatam improborum manum : euentus consilij eius, vt pacta comprehensa: quo die ad urbem venire decreuerit, in quem diem cadem Senatus disfulerit, vbi & qua ratione consilia habuerit. Quæ omnia referuntur ad affectum & motum concitatio- rem. Multa quoq; Cic. prætermittit, quæ maxime excitarent auditores, vt Syl- lana tempora, quæ occasione dederunt coniurationis Ca- tilinariæ. Prætermittit Casarem & Crassum, partici- pes coniurationis huius, vnde haberet iustam conquerẽ- di materiam: sed veretur eorũ potentiã, ne eos irritaret potius, quàm compesceret. Libidines non commemorat, direptiones sociorum non auget. Quod dum facit, mo- ratum se præbet, ac prudentem oratorem. Atq; hæc nõ solum ad docendum, sed etiam ad delectandum & mo- uendum, quod maxime propriũ est oratori, pertinent.

Dispositio primæ partis confirmationis.

Dispositio vnde petatur, magis ne ex arte, an ex iudicio, prudenter Fabius docet: Cùm inquit, In- finite litium formæ fuerint, futuraq; sint, & tot sa- culis nulla reperta sit causa, quæ sit tota alteri similis, sapiat oportet actor, & vigilet, & inueniat & iudicet, & consilium à seipso petat. Cicero tamen in confirma- tione hac, non sequitur præcepta à se in partitionibus tradita. in enumerandis enim factis Catilina, non ser- uat temporũ gradus: primũ enim factorũ & consiliorũ posterioris coniurationis mentionem facit. In argu- mentis Collocandis secutus est præcepta ad Herennium tradita: primis enim & posterioribus partibus firmis- simas argumentationes collocat; vt nefarios Catilinae conatus

conatus non posse contineri vrbe intestinum malum, qui sapius perdere Remp. voluerit, insensum, odiosum &c. Huc pertinent amplificationes audacia in extremo argumento. Mediocres vero argumentationes interposuit: vt eas, quia seipsum dignum carcere damnauerit, tacito iudicio condemnatus sit. urbanitas quoque maxima conspicitur in collocando, dum obicit ea, quae turpia sunt. In disponendis syllogismis, varium secutus est ordinem, aliquando enim maiorem propositionem, postposuit, aliquando conclusionem praposuit, vt in speciali explicatione adinonebimus.

Primum argumentum. Etenim quid est.

Sumptum est hoc argumentum ex loco deliberatiui generis proprio honesto: dum enim Cicero turpitudinem & scelus obicit Catilina, honestius esse dicit, vt cedat ad suos, ab ijs qui eius turpitudinem ferre non possunt. Est etiam argumentum hoc sumptum ex loco proprio qualitatis. Natura, suadet enim vt seditionosi ciues, & nefarii non ferantur in communi societate. Locus vero communis huius argumenti est adiunctorum.

Dispositio argumenti,

Propositio. Tua conuratio Catilina manifesta est.

Confirmatio propositionis. 1. Ex circumstantia temporis prateriti, nempe à die comitiorum consularium.

2. Ex circumstantia personarum, hoc est à cade optimatum, quam idem Catilina consulatu per vim adeptum, cogit.

pro, cogitabat facere: cuius exequenda facultatem, industria sua, Catiline fuisse ademptam significat.

3. Ac circumstantia loci, hoc est à Praneste oppido Roma vicino, quod cum urbi imminens, in munito loco videret Catilina, ad commodiorem urbis ipsius invasionem, occupare idem instituit: sed quo minus id prastaret, sua diligentia, Cic. factum esse innuit.

4. A consiliis noctis illius, qua in Marci Leeca domo fuit, ubi simul non obscure, omnes facti coniurationes attingit, locum, tempus, spatium, occasionem, spem perficiendi, spem calandi, qua singula, vehementi percunctatione, cum indignatione vrget.

Complexio, Ergo Catilina debes mutare mentem, & hinc abire. Hæc præposita est antecedenti, tractaturq; per interrogationem, Quæ cum ita sint, conclusio in qua Catilinam iubet otius urbe excedere significans se ipsius præsentiam in repub non laturum amplius, quod variis adiunctis & factis auget: vititurque ironia, sed amarulenta, vehementem adhibens indignationem.

Figuræ Sententiarum.

ET enim quid, præparatio: antequam enim aliquod argumentum aggrediatur, præparat attentum auditorem, quod non solum in exordio, sed etiam in cæteris partibus orationis est faciendum. Est quoque communicatio, cum orator aduersario consilium suum aliquod dat, qua figura vix non tota oratio constat, meministi ne, enumeratio signorum, non me fefellit, excursio ad indignationem accommodata, ò dii immor-

immortales, per digressionem acerba exclamatione
vititur, qua presentis reipubl. status indignitatem ex-
aggerat, Nondum voce, expolitio, fuisti igitur,
Epanalepsis, qua post multa interposita claritatis cau-
sa seipsum renocat, distribuisti, congeries, & ad do-
cendum, & ad permouendum adhibita, perge, egre-
dere, altera congeries verborum idem significantium

Figuræ Verborum.

NOx catus, domus, muta mentem, metoni-
mia, si si, anaphora, Luce clariora, Hyperbole,
non modo, verum, auxesis, ciuitatis, synecdoche;
non tam sui quam, ablatio, circumclusum com-
mouere, metaphora, præsidij, custodij, vigilijs,
metonimia, nihil agis, anaphora, agis, moliris, co-
gitas, synonymia, non non sed, auxesis, moliris, vi-
deam, sentiam planè, metaphora. Est quoque ima-
go, ubi orator non tam dicit, quam fingit & rebus ina-
nimatis, animatas quasdam actiones tribuit: ut nox
tenebris, catus nefarios, obscurare non potest. Est præ-
terea periphrasis frequens: consilia enim Catilina cir-
cumseribit varijs modis, vno eodemque loco, Hic hic,
epizeuxis, sanctissimo grauissimo, epiteta, orbis
synecdoche, vrbis, anthonomasia, voce vulnere,
metaphora, insignis, Lucem synecdoche, perge
egredere proficiscere, synonymia, purga, metapho-
ra, non feram, non patiar, non si nam, synonymia:

Secundum argumentum.

Magna Dijs immortalibus:

Inueni

Inuentio argumenti.

EX iisdem locis proprijs, sumptum est hoc argumen-
tum, ex quibus & primum: nimirum ab honesto
& natura. Ex communibus vero locis, est argumen-
tum Antecedentium.

Dispositio argumenti.

Argumentum est quadripartitum:

Propositio. Qui Remp. sapius perdere voluerit
diutius ferendus non est, non est in vno.

Assumptio. Sed Catilina perdere voluit, Magna
Dijs immortalibus, obserua Assumptionem prapo-
sitam esse propositioni, exornatamq, esse diuini auxiliij
patrocinio.

Ratio Assumptionis. Ex dissimilitudine pericu-
lorum priuatorum dum Ciceronem designatum, dum
consules en quibus salus Reip. continentur, perdere vo-
luerit. Publicorumne, dum tecla vrbis incendere o-
ptimos quosq, interficere voluerit, Quam diu mihi.

Complexio. Quare quoniam. Exire ergo Cati-
lina te iubeo ex vrbe. Hac tali expolitione tractatur.
Interficere te non audeo, pro maiorum consuetudine,
faciam igitur quod est lenitatis, vt te simul cum omni-
bus coniuratis tuis exire iubeam. Quo in loco eleganti
allegoria sumpta à navi, scditatem coniuratorum ex-
primit.

Elocutio

Elocutio.

Magna Dijs, *supplicatio*, Ioui Statori, *Epiteton*, non est, *Gnomi*, pestem effugimus, *imago*, non publico sed priuato, *ablatio*, item *antiteton*, deniq; frequens *congeries*, nunciam apertè, *contentio vocis*, & *amplificatio*. *Templa*, *teçta*, *vitam*, *totam Italiam*, *similiter cadentia*, est etiam *incrementum*, *grauioribus enim verbis increfcit oratio*, *vocas*, *adiunctio*, *Quare*, *Epilogus*, nam si, *Ratiocinatio*, si fin, *diuifio*, *Ex haurietur sentina*, *metaphora sumpta à nauì*, num dubitas *anakinosis seu communicatio*, imperante spontè, *Antiteta*, interrogas me, *prokatalepsis*. non iubeo, sed suadeo *antiphrasis*:

Tertium argumentum.

Quid enim Catilina.

Inuentio argumenti:

Sumptum est hoc argumentum ab utili: ait enim *Catilinā esse omnibus insensū, formidolosū ab omnibus tacito iudicio condemnatum, patriæ odiosum*, *Utilius est ergo exire vrbe, quam morari. Habet quoq; locū qualitatis consuetudinem. Suspectus enim semper timetur propterea q; eijciendus est. Communis vero locus est, ex adiunctis.*

Dispositio argumenti.

Suspectus es & insensus & formidolosus omnibus.

T

Abi ergo

Abi ergo in exilium. Hac priori loco posita est, tractaturq; interrogatione. Antecedens probat expositione vite. morumq; Catilina, variaq; enumeratio- ne ipsius scelerum; Primo domesticorum, ac priuato- rum, libidinem eius notans, nefarias cades. vxoris, quam veneno sustulit. Item & filij cadem: item cum nobili vestali virgine incestum, & cum filia ipsius stu- prum non commemorat, sed maiorem de ijs apud audi- tores suspicionem, praeisione facit, omniaq; commo- ratione & expolitione tractat, & ex vno verbo pro- pter accrimoniam maiorem, dilatat orationem. Deinde enumeratione publicorū scelerum, ad illa venio, vbi nefarios eius contra Senatores & consules recenset conatus, quibus ante cum Pisone, Cottam & Torqua- tum consulem occidere, deinde consulatum, secundo petens, se Ciceronem consulem interficere, consulatum, que per vim inuadere constituerat. Hac eius consilia suis attributis, causis, & euentis comprobatur. Vitimo, quoties tu me designatum, commemoratione eo- rum scelerum quibus in se consulem peccauerat, qua allegoria satis insigni exprimit, innuens Catilinam qua si alicui numini vouisset immolaturum se consulem, cum sicam insidiatorum telum in corpore consulis de- figere veluti cultro victimario, ipsum cen pecus ali- quod maciandum instituit.

Elocutio.

Quid enim, communicatio, qui qui, anaphora; Quæ nota, inusta, hæret, irretitiles, metap- phora. Est etiam enumeratio scelerum per interrogatio- nem &

nem, Prætermitto ruinas, *præteritio*, Ad illa venio, *transitio*, non ad priuatâ sed ad summam rei püb: *antiteton*, hæc lex, cæli spiritus, *commoratio*, cum scias, *Aethiologia*, aut aut, *diuisio est quoque emphasis seu significatio*: plus enim in suspicionem relinquit, quam posuit in oratione, petitiones, *Metaphora sumpta à gladiatoribus*, qui aduersariis vulnus infligere conantur, Quoties tu me, *exergasia*, siue *expolitio*, Nihil nihil, *anaphora & synonymia*, Quoties iam quoties, *epixeuxis*, initiata sacris, *allegoria*.

Quartum Argumentum, Nunc vero
qua tua est.

ARgumentum hoc sumptum est, ex loco deliberationis, vili: iudicii vero, Lege. tacito enim iudicio Catilinam condemnatum esse dicit. Ex loco vero communi adiunctorum.

Dispositio argumenti.

Propositio, Omnes boni te communi odio insequuntur, tacitoque iudicio condemnant.

Confirmatio rationis à signo, Eo quodcum in senatum venisti, nemo te salutauit, sed omnes ut patriæ hostem auersati sunt.

Amplificatio à comparatis minorum, Primo seruorum, serui si me, si me ita metuerent serui, ut te ciues tui, desererem domum: tu multo magis debes deserere urbem.

Deinde ciuium. Si meis ciuibz iniuria suspectus tam grauius atque infensus essem eorum aspectu potius nolim

ri nolim. Multo magis tu debes nolle, qui sentis omnium iustum, sibi dudum debitum odium.

Complexio, Urbem ergo deseras, nec expectes damnationem vocis.

Elocutio.

TRactatur hac oratio per communicationē, odio, misericordia, Antitesis, vocis expectas, subiectio, Quid quod, expolitio, nudam, metaphora, Quo tandem, percunctatio, serui ciues, antitesis, te, tui, tu, tibi, traductio.

Quintum Argumentum, Si te parentes,
Inuentio,

Refertur hoc argumentum ad deliberationis locum vile: iudicii vero, equum & bonum, dum ait, equum esse ut dum parentes, qui nos oderunt fugimus: patriæ conspectum fugiamus. Communem vero locum habet comparatorum minorum, ad maiora.

Dispositio.

Est integer syllogismus.

Propositio, Non est sustinendus timor parentum.

Assumptio, Nunc te patria, Sed te patria timet, odit.

Exornatio assumptionis, Ex factis Catilinæ, per prosopopæiam: in hac enim inducit conquerentem patriam, de Catilinæ flagitiis iubentemque ipsum, pro authoritate sua ex urbe discedere.

Comple-

Complexio triplex, Prima est comparatorum, quibus probat Cic. deserendam esse patriam qua sequitur post propositionem, & assumptionem dum dicit, Huius tu, qua periphrasi est exornata. Cuius sensus. Quare abi.

Altera complexio est exornationis, hoc est sermonis patriæ ad Catilinam dum dicit, Quamobrem discede, qua dilemmate est exornata eiusmodi. Aut verus es ciuis, aut falsus. Si verus, discede, & libera me hoc timore, ne periclitetur. Sin falsus, discede, vt desinam timere.

Tertia est totius argumenti, Hæc si tecum, qua persuadet vt viro cedat.

Elocutio.

Sacietas cum in omni re tum quoque in oratione molesta est, qua fit, si toties idem de eodem dicitur: ideo hanc hoc in loco Cic. vitauit: cum enim proponeret Catilinæ facinora recensere: in medio cursu diuersum interponit, ne fatigatus, iisdem rebus animus, à causa auertatur. Hæc sacietas in graui genere amplificatione prosopopæis, indignationibus tollitur, in mediocri descriptionibus rerum, laudibus personarum, iocis & facetiis. Hanc in quarto argumento, amplificatione, cuius materiam à signis sumpsit, quod illum nullus salutauit, nullus collocasset, quisque tacito iudicio condemnasset: in hoc vero quinto prosopopæia tollit.

Figuræ.

Si parentes, collatio, vt opinor, præmonitio, odit

ac metuit, *incrementum verborum*, neque authoritatem, *diuisio*, iudicium vim authoritatem, *similiter cadentia*, Nullum iam, *prosopopœia*, nullum nullum, *anaphora*, extitit impunita fuit, *adiunctiones*, per te, sine te, *antiteta*, vexatio, *direptio*, *frequentatio*, est etiam indignatio, non solum, verum etiam, *auxesis*, increpuerit, *metaphora* à sonitu forium ad repentinum motum, quâ obrem discede, *exhortatio*, si es verus, *diuisio*, timorem eripe, timere desinam, *synonimia*.

Sextum Argumentum, *Quid quod tu ipse,*

Inuentio.

ARgumentum sumptum à proprio loco deliberationis honesto, iudicij vero à iudicato. Dicit enim Catilinam dignum se iudicare carcere, atque pro carcere exilio: tum etiam tacito iudicio omnium, eundem Catilinam ostendit esse condemnatum. Ex loco vero communi tractum est Testimoniorum, qui locus est extra artem positus.

Dispositio.

HOc argumentum constat probatione, & obiectione.

Probatio habet partes.

Propositionem, Dignus est carcere qui seipsum dignum iudicauit cum dicitur, sed qualege.

Assumptum

Assumptum, Sed te ipsum custodia, & carcere dignum indicas cum dicitur, Quid quod vitandæ.

Confirmatio assumpti per inductionem. Quia rogasti ut te M. Lepidus, Ego Cic. Q. Metellus M. Marcellus asseruarem.

Conclusio, Quæ cum ita sint, Aequo ergo animo hic morari non potes.

Dispositio partium,

Iudicio oratoris & consilio, partes argumentationis dispositæ sunt *Assumptum enim primo positum, secundo maior, tertio conclusio, in qua maiorem propositionem inuertit, ut potius abeat quam iniquo animo in carcere detineatur.*

Dispositio obiectionis, Refer inquis.

Antecedens, Nemo me condemnat senatorum.

Ratio, Quia non retulisti de me ad senatum.

Conclusio, Ergo nec tu condemnare debes.

Refutatio obiectionis, Egredere ex.

Refutando eius obiectionem, solutionem etiam affert, quæ sumpta est à dicto secundum quid, ad dictum simpliciter.

Antecedens senatus te tacito Consilio condemnat, Ecquid attendis.

Ergo te condemnat.

Antecedens, ipsa demonstratione probat.

Propositio, Cum tibi iubeo exire vrbe, proficisci in exilium, liberare rempub. metu: Senatus tacet & te non defendit.

Assumptum, Et qui tacet approbat *Consilium*.

Amplificatio assumpti, Primo à dissimili, At si hoc, Si M. Marcello vel Pub. Sestio iuberem ire in exilium, senatus illos continuo defenderet.

Ratio, Quia sunt boni viri.

Reflexio, At cum tibi iubeo, tacere, nullus te defendit.

Ratio, Quia es perniciosus civis, Item à circumstantibus equitibus, & vniuerso populo, quod etiam consentiant Catilinam ire in exilium.

Conclusio generalis, Quanquam quid ego, Hac aperta non est: eius enim loco adducit in odium Catilinam, adeo cum desperata salutis esse dicens, ut emendari nequeat: quod ex moribus ipsius probat, sibi autem conciliat gratiam.

Elocutio.

Quid quod, *Erotesis instandi gratia sumpta oratio* autem tractatur *membris*, tardeq; absoluitur, quia est *narratio*. Dediisti dixisti. similiter *desinentia*, repudiatus, *metaphora*, à diuortio *matrimonij*, diligentissimum. *ironia*, quam artificiosè exornat, confert enim *custodix diligentiam*, *suspicioni sagacitatem*, *fortitudini vindictam*. Quæ cum ita. *Epilogos ornata communicatione*, item *amplificatione verborum*. Ereptam *metaphora*. Refer in quis, *subiectio*. At si hoc. *collatio* que *emphasibus summis ornata est*. Hic notabis in referendis exemplis, *dele-*
Etum

Etum quendam adhibendum esse, exemplaq; domestica acrius mouere, quam externa, presentia & recentia, quam praterita & vetera. Cicero saepius vitur domesticis, praesertim cum res ipsa postulat, ut hoc loco, non è monumentis eruit, sed in ipso Senatu exemplum accepit, Quiescunt probant. &c. antitesis, neq; hi solum. Amplificatio ex vno verbo nata. emphasi crebra & synonymis ornata. Ad portas, Sarcasmus. Quanquam quid. preciso quæ vel ad transitionem, vel ad concludendam argumentationem adhibetur. Hoc loco patefacit aditum ad ea quæ sequuntur, tu tu, anaphora, vtinam, optatio.

Septimum argumentum,

Tamen si video.

Inuentio.

ARgumentum hoc petitum est, ex loco deliberationis Iucundo. dum enim dicit. Non potest te reuocare pudor à turpitudine, metus à periculo, ratio à furore; iucundam illi esse turpitudinem, iucundum periculum & furorem docet: & proinde hortatur eum, ut obsequatur animo suo, & exeat: ut etiam banc voluntatem patriæ præstet, dum eam metu liberabit. Iudicialis vero locus est, æquum & bonum. Communis autem est consequentium.

Dispositio.

Antecedens bipartitum.

Si Catilina in exilium

T 5

abibis,

abibis, ego magnam inuidiam subiturus sum: hanc tamen non recuso Reipub. causa ferre. Si ad bellum proficisceris, laudem mihi parabis.

Conclusio etiam bipartita. Quamobrem, vel ergo recta via perge in exilium, & mihi inimico tuo confila inuidiam, vel proficiscere cum importuna sceleratorum manu ad bellum: & mihi para gloriam.

Hanc tamen conclusionem prius correxerat, Sed tu, Cuius loci sensus est. Tu tamen, apud quem, neq; pudor, neq; metus ratio locum habet, non mouebere.

Elocutio.

TAmetsi video, Prodiortosis seu precedens correctio, Quanta tempestas. denunciatio, tempestas, metaphora ab imbris, ad vim facta, sed non est, antisaggege seu cōpensatio, sed tu vt vitijs, prosapodosis, aut aut, diuiso, turpitudine, periculo, furore, similiter cadentia: aut pudor à turpitudine, aut metus à periculo: parison hoc est prope aquatum, Quāobrem, protropi seu adhortatio, Confare, metaphora à ventis, si tu in exilium, dilemma quod alij non ornamentum sed argumentationem esse volunt. Conferte, concita perditos, secerne te, synatrismos, est etiam assyndeton seu dissolutum, non eiectus sed inuitatus, ablatio exornata copulatione, eiectus, inuitatus, alienos tuos, Antiteses.

Octauum argumentum.

Quanquam quid ego.

Inuentio

Inuentio.

Argumentum sumptum est ex loco deliberationis, possibili. Qui enim sua suosq; præmisit, possibile est hunc quoq; vrbe exire. Amplificationes autem eius referuntur ad iucundum. quæq; enim turpissima & indignissima, iucunda Catilina esse dicit. Ex loco vero iudicii, argumentum hoc ductum est, ex Pacto, quod Catilina pepigerit cum suis socijs, exire vrbe, quod præmiserit ad exercitum necessaria. Ex loco vero communi sumptum argumentum est, Adiundorum factorum Catilina.

Dispositio argumenti.

Propo- { Qui sua, suosq; ex vrbe præmisit, exire de-
bet.
sitio. { Hæc autem obscurius tractatur, quam pro
dialectico officio.

Assum- { Quanquam quid ergo, sed Catilina, sua
ptum. { suosque præmisit.

Confir- { Quia præmiserat socios, ad Manlii castra,
matio as- { diemq; pepigerat, & constituerat: quia præ-
sumpti { misit aquilam militiæ signum, quo Marius
per indu- { bello cymbrico utebatur. huic Catilina, tan-
tionem { quam Dea cuiusdam confidebat, ab eaque
Marij triumphos post oppressionem patriæ sperabat.

Complexio, Ibis tandem, Tu ergo Catilina exire debes. Hæc tractatur per amplificationem voluntatis, neque enim, ostendens voluptatem esse Catilina.

lina, contra patriam pugnare, & proinde ex ea re; eum ipsum Catilinam voluptatem summam percepturum esse dicit, si otius exiuerit. Hocq; confirmat. Primo natura, voluntate, & fortuna. Naturam ipso facto & audaciam ostendit: voluntatem vero & fortunam, quod nactus sit sibi similes: nancisci enim verbum est fortuna & casus. Secundo confirmat studio eius, ad huius te, Dum cum meditatam esse dicit, ad expectandum, donec mariti dormiant, ut vxoribus eorum potiatur, ad insidiandum hominibus, ut eos interfectos bonis spoliaret. Tertio confirmat à subiecto, habes ubi ostentes, circa quod Catilina versaretur, & suam industriam exercere possit.

Tantum profeci, Concludit tandem in vniuersum, Catilinam exulem, & latronem futurum: exornatque collatione minoris cum maiore, ut tentare, & vexare.

Admonitio de Inuentione & Dispositione superiorum argumentorum.

IN horum locorum obseruatione debemus scire, oratorem a philosopho differre. Orator enim aspergit, & tanquam quibusdam notis leniter attingit, & admodum eos philosophiae locos accommodat: Philosophus perficit, & ad docendum integrè adducit. Hoc Cic. in oratore etiam admonet. Mollis est oratio philosophorum, & umbratilis: nec sententiis, nec verbis instructa popularibus. & paulo infra. Sed hoc differunt, quod cum sit iis propositum non perturbare animos, sed placare

*carere potius: non persuadere, quam delectare: & a-
peritius id faciunt, quam nos, & crebrius concinnas
magis sententias exquirunt, quam probabiles.*

Elocutio.

QVanquam quid ego te, *renuocatio suiipsum*,
à quo iam, *Aetiologia*, sciam sciam, re-
petitio, tu ut, *interrogatio*, ibis, *obiurgatio*, effrena-
ta ac furiosa, *incrementum verborum*, neque e-
nim dolorem sed voluptatem, *Antanaclassis*, cu-
ius multas species *Quintilianus lib. 9.* ponit,
natura peperit, *Descriptio rei per proprietates*, pe-
perit, exercuit, seruauit, *dissolutum*, non modo
otium, sed ne bellum: non modo fortuna, ve-
rum etiam spe, *auxesis*, est etiam *Antitesis*, ma-
num, *synchdoche*, Hic tu qua læticia, *Harientissimos*
seu hilaritas orationis, est etiam hic *exergasia* seu expo-
litio, item similiter desinens, cum in tanto, *Aetiolo-*
gia, neque neque, *diuissio*, labores tui, *metoni-*
mia pro tu, iacere humi, *metaphora*, non solum
verum etiam, *incrementum*, præclaram, *ironia*,
quæ pronuntiatione vocis magis exprimitur cum
quadam indignatione, famis frigoris, similiter caden-
tia, & *assyndeton*, Tantum profeci, *Emphasis*, ten-
tare, vexare, *collatio*, *Latrocinium*, *Ethimologia*
facti.

Altera pars confirmationis cuius sensus est

CATILINA interficiendus est,

Nunc ut a me.

Expositis hæcenus facissimis Catilina sceleribus,
& ad

Et ad suam, in decernenda contra eum ipsum panam, maiorem auctoritatem inducit rursus, per prosopopœiam, patriam, se consule, alloquentem, Et lenitatem suam in Catilina puniendo castigantem. Cui attentionem comparat, rogans, ut attentè audiant. Observandum autem est, Attentionem Cic. adhibere, non solum in exordio, sed etiam in aliis partibus orationis, maximè vero cum transit ad aliam partem, quàm & hoc loco, rogando, Et agendo comparat: rogando, dum rogat: agendo, dum dicit sibi patriam, a què vita sua, charam esse.

Inuentio secundæ partis confirmationis.

Catilinam interficiendum esse, probat, duobus argumentis, ab utili, a necessario, ab honesto, a consuetudine, a lege, a quo & bono sumptis.

Primi argumenti inuentio, & dispositio.

Sumptum est a loco utili: utile enim est hostem patriæ interficere: ex loco vero communi adiunctorum.

Propositio, Tu ne eum, Hostis patriæ, interficere debet, nec emitti ex vrbe.

Ratio, Ut à te non, Exacerbatus namque peior esse solet.

Approbatio, Catilina enim est dux futuri belli, author sceleris, princeps coniurationis, euocator seruiorum, Et ciuicum perditorum.

Complexio, Duci ergo eum in vincula ad mortem rapi, summo supplicio maclari imperes.

Secundâ

Secundi argumenti inuentio & dispositio. 1

Quid tandem impedit.

Argumentum sumptum est à necessario & a quo
 necessitas legum consuetudinis est, & proinde a-
 quum erit, ut Catilina interficiatur. Communis ve-
 ro locus, suis locis patebit.

Propo-
 sitio. { Quid tandem impedit, Si non esset Ca-
 tilina occidendus: tum vel propter morem
 maiorum, vel propter leges, vel propter in-
 iudiam.

Assumptum. Sed nullum dicendum est.

{ Pro prima parte, hoc est, Non propter mo-
 rem maiorum, At per sepe, A consuetudi-
 ne & comparatis sumpta. Quia si licuit
 sapius priuatis, perniciosos ciues occi-
 dere, multo magis is, qui sunt in magi-
 stratu licebit.

Confirma-
 tio pro o-
 mnibus { Pro secunda parte. An leges, scilicet:
 paribus. { Non propter leges: confirmatur ex legibus
 adiunctisq, Quia qui deficiunt à Repub.
 non tenent iura Reipub. Ergo etiam is
 Respub. non debet tenere.

{ Pro tertia parte. An inuidiam. Scili-
 cet, Non debes timere inuidiam: ab a quo
 & bono, item adiunctorum rei & persona,
 confirmatur tribus rationibus.

Propositio. Non debes timere inuidiam posterita-
 tis, in defendenda patria.

1. Ratio. Præclarum vero. Quia te pop. Rom. no-
 tum ho-

num hominem, plurimis & summis beneficijs ornavit.

2. Ratio. Sed si quis est. Quia non minorem ex tua lenitate, quā ex seueritate, comparabis tibi inuidiā.

3. Ratio.. An cum bello. Quia maiorem tibi con-
flabit inuidiam, si viuet.

Confirmatio. Nam patriam incendet.

Hanc ergo potius grauiorem vitabis inuidiam.

Elocutio

HÆc adeum scopum, ad quem tota oratio accom-
modata est refertur. Sunt enim auxeses, sunt in-
dignationes; auget enim crimina Catilinæ, patos exci-
tatur indignationis, summa misericordia, dum patri-
am ipsam introducit loquentem, quasi mortuos ab in-
feris excitet. Sermones doloris pleni in expostulatione
cum Cicerone de contemptu inuidiæ apud posteritas
tem subeunda. Summum odium Catilinæ auget, dum
eius criminum atrocitatem enumerat, & extollit Ora-
tio porro patriæ exprimitur per prosopopæiā, quæ tribus
potissimum figuris sententiarum exornata est: frequen-
tatione, subiectione, & descriptione: frequentatio est,
cū scelera Catilinæ in tota oratione iam dispersa, ma-
ioris, acrimoniæ causa, in vnum locum cogit. Subie-
ctio est, in qua, quæ contra lenitatem Ciceroni videbā-
tur facere, ut pote leges moresque maiorum; per-
cussatione diluit. Descriptio rerum consequentium est
ex Catilinæ bello: vbi populi Rom. beneficia in Cice-
ronem commemorans, ostendit eum pro salute Reipub.
non debere inuidiam metuere. quo in loco simul peri-
phrasis noui hominis, & consulatus notanda est. Itemq;
in ver-

in verbis translatis. Itemq; apostrophe contra consue-
tudinem positum Cicero enim vocatiuos in oratione
plerumq; postponere solet, hic vero prapofuit, vt noua
videatur esse elocutio: quod enim nouum est, facilius
excitat. Item deprecatio, percipite quæso, Item sy-
nonima & metaphora, lentis vides, Item similiter ca-
dentia, authorem sceleris, principem coniurati-
onis, quo in loco est etiam dissolutum, Item paronomas-
ia, non emissus ex vrbe, sed immissus in urbem
Item gradatio, in vincula duci, ad mortem rapi,
primum enim rapere ad vincula, deinde ducere, post
morte multari dicit, vt crescat, non clarescat, oratio.
Item adiunctio, imperabis. Item ironia, præcla-
rum vero. Item antiteta, sed si quis, seueritati e-
nim inertia, fortitudini nequitia opponitur.

Quarta pars orationis, refutatio.

His ego sanctissimis Reip. vocibus:

Refutatio, est argumentorum allatorum in contra-
riam partem, dissolutio, cum enim Cic. suadet,
potius emittendum quam interficiendum Catilinam,
eas argumentationes dissoluit, quæ probant Catilinam,
interficiendum esse, vt proxime precedentes, & in exor-
dio. Caterum orator habet suas quasdam dissoluendi rati-
ones: aliquando enim totum illud retorquet in aduersa-
rium quod obijcitur: aliquando quæ obiecta sunt eleuat,
atq; irridet: aliquando grauioribus argumentis oppri-
mit: nonnunquam multis digressionibus aduersario suum
inset: aliquando vero grauissime dissoluit: partim ma-
teriã acceptã falsam ostendens: partim nõ sufficienter
allatam

allatam. partim eiusmodi esse, ex qua conclusio non sequatur: partim instantis contrariorum exemplorum, refutat: partim vero, quod frequentissimum est distinguendo dissoluit. Hoc vero loco materiam non sufficienter esse allatam ostendit in enumeratione partium, dum addit pericula Reip. non bene esse prouisa ut tuta sit Resp. Opprimit quoque, valentiori argumento, hoc nempe, quod non optimum sit factu Catilinam interficere.

Dispositio Refutationis.

IN disponenda refutatione duplici via procedere solet orator. Prima est dum omnibus aduersarij argumentis, singula respondent, quod etiam Aristoteles facere quandoque consuevit. Altera dum particulatim argumenta recenset, eademque subinde refutat. In hac refutatione Cic. priori processit via. nam primò quatuor argumenta aduersariorum adfert, posthac respondet eis.

Primi argumenti aduersariorum Refutatio.

Ego si hoc optimum.

Propositio. Optimum esset Catilinam interficere.

Ratio. Quia ita securior esset Resp. obserua propositionem non esse positam expresse, qua tantum ex solutione deprehenditur.

Soluit hoc orator per negationem. Si iudicare saluum esse consiliū Catilinā interficere, interficerem: Sed nō iudico. Ergo, Maior ē tantū posuit. minor omīssa est.

Secundi

Secundi argumenti aduersariorum Refutatio.

Et enim si.

Propositio aduersariorum. Omnis qui occidit ciuem, inuidiam crudelitatis apud posteritatem subit.

Soluit Cic. primo per instantiam. Scipio & alij, in exordio enumerati, non subierunt. Ergo non omnis. Secundo per distinctionem, Quod si ea maximè, inuidia alia est, quæ comitatur fucatam virtutem, & talis est pertimescenda: alia qua comitatur solidam virtutem, & talis non est pertimescenda: nam gloria est, non inuidia.

Tertij argumenti aduersariorum refutatio.

Quamquam nonnulli sunt.

Propositio aduersariorum. Quidam senatorum imperitia, quidam improbitate quadam, appellatur essent Ciceronem tyrannum, si occideretur Catilina. Ergo forte non esset occidendus.

Hanc per concessionem soluit, & narrationem sanioris consilij, dicens: Cic. se velle Catilinam in exilium relegare, ut post eius discessum coniuratio eius omnino plana esset, & proinde esset liber ab hac suspitione.

Quarti argumenti aduersariorum refutatio.

Hæc autem vno.

Propositio aduersariorum. Interfecto Catilina, posset comprimi Catilina. Satius ergo esset hunc occidere.

Soluit per contrariorum illationem. Non compri-
metur, sed reprimetur, ac ingrauescet. Quod probat
ex consequentibus incommodis interfecti, & commo-
dis emissi Catilinæ. Si enim proficiscetur, sequentur
illum simul omnes coniurationis eius socij. Si autem
in vrbe interficeretur, remaneret nihilominus in ci-
uitate totus grex coniuratorum eius, qui collectis viri-
bus, idem vel grauius multo Reipub. periculum adse-
ret. Tutius ergo est tollere malum, quam releuare.
Quod eleganti similitudine à morbo sumpta declarat.
Quemadmodum enim in febris fit: ita accidet in hac pe-
ste Catilinaria coniurationis: in febris autem aqua ge-
lida pro medicamento sumpta, magis auget febrim,
quam extirpat. Ergo quoque mors Catilina magis au-
gebit pestem, quam cum vita discessu.

Elocutio.

Hoc loco animaduertendum est, Cic. dicere sedas-
cius, quam paulo ante. Hoc propter decorum fa-
cit: nam aliter dum dicit, rem & sermonem habet
cum Catilina: aliter dum cum senatoribus & repub.

Figura.

His ego, prosopopæia dialogismo quodam concin-
nata. Est etiam ornata oratio collatione rerum,
& personarum & factorum, dum dicit, si summi vi-
ri, Est etiam obiurgatio, quanquam nonnulli sint,
sunt & amplificationes, & enim, Item similitudo eru-
dita,

dita, vt sæpe homines ægri. Ex minutioribus autē figuris reperiuntur creberrima epiteta vt, summi viri, clarissimi ciues, metaphora vt, gladiatori, clarissimi, contaminauerunt, poliptoton vt, videant, vident, similiter desinens vt, aluerunt coluerunt; Subiectiones prudentes vt, stultum, suis enim verbis pro patria quædam subiungit. Paronomasia vt, reprimi, comprimi, Auxesis vt, non modo hæc adulta pestis verumetiam stirps, releuatus, ingrauescet, metaphora.

Ultima pars orationis peroratio,

Quare P. C. secedant.

Inuentio & dispositio.

DEclaratis hæcenus Catilinæ sceleribus, & coniuratione contra patriam, iam tandem orationem præsentem concludit. Hæc autem peroratio ad motum maximè accommodatur, quæ tribus absoluitur partibus. In enumeratione, secedant improbi, breuiter commemorat illa, quæ dicta sunt in confirmatione, dum Catilina improbus notabatur. In amplificatione, designant insidiari, Catilinam insidiatorem vocat, quod verbum amplificat, vt circumstare, obsidere, faces comparare. Affectus adhibet, polliceor vobis, à magnitudine periculi, & in ostendendo diligentiam suam, in atroci scelere extirpando, tum in singulari quadam precatione ad Iouem, vt conseruata repub: insidiatores incolumitatis reipub. viuos disperdat, dignasq; scelerum penas defacinososis viuis sumat, eosq; etiam post vitam sempiternis penis afficiat.

Elocutio perorationis.

Mira est amplitudo soni, quæ diligenter considerari debet. Eas enim vocales quæ asperè sonant, & clarè, adhibet, ut est e & a, in fine vero v. Ex consonantibus vero R. S. Q. ut. Quare P. C. Secedant, congregentur, secernantur, muro, Consuli, circumstare, tribunal, pratoris urbani, V. in fine frequenterissime quasi de industria, Tum tu Iupiter quibus vrbs, auspicijs, Romulo constitutus, hunc, huius, vrbes.

Figuræ Sententiarum.

Quare, complexio, quam multiplicat multis verbis ad idem spectantibus, ut sunt, lecedant, secernant, congregentur, secernantur, Estque congeries insignis, dum aliter, atque aliter vocat Catilinā, polliceor vobis, affirmatio & quædam obtestatio, est quoque amplificatio, Hisce omnibus, execratio, qua in odium Catilinam inducit, & summam in rempub. commiserationem excitat. Tu tu, Apostrophe, tum, deprecatio.

Figuræ verborum.

Secernant, secedant, similiter cadentia, muro Consuli, urbem, synecdoche, inscriptum, metaphora, patefacta, illustrata, oppressa, metaphora, & articulus, tantam, anaphora, & dissolutum, tectis, vrbis manibus, synecdoche, Italiæ patriæ, methonimia, viuos mortuosque, diuisio, mactabis, metaphora à sacrificijs.

M. T. C I C E R O N I S

CONTRA CATILINAM

Oratio II.

TAndem aliquando, Quirites, L. Catilinam furentem audacia, scelus anhelantem, pestem patriæ nefariè molientem, vobis atq; huic vrbi ferrum flammamq; minitantem ex vrbe vel eiecimus, vel emisimus, vel ipsum egredientem vrbe persecuti sumus. Abijt, excessit, euasit, erupit. Nulla iam perniciès à monstro illo atq; prodigio mœnibus ipsis intra mœnia comparabitur. Atq; hûc quidem vnum huius belli domestici ducem sine controuersia vicimus. Non enim iam inter latera nostra, sica illa versabitur: non in campo, non in foro, non in curia, non deniq; inter domesticos parietes pertimescemus: loco ille motus est cum est ex vrbe depulsus: palàm iam cum hoste, nullo impediante, bellum iustum geremus: sine dubio perdidimus, hominem: magnificèq; vicimus, cum illū ex occultis insidijs in apertum latrocinium coniecimus. Quòd verò non cruentum mucronem, vt voluit, extulit, quod ei ferrum de manibus extorsimus, quòd incolumes ciues, quòd stantem urbem reliquit: quanto tandem illum mœrore afflictum esse & profligatum putatis? Iacet ille nûc prostratus, Quirites, & se percussam atq; abiectum esse sentit, & retorquet oculos profectò

sæpè ad hanc urbem, quam ex suis faucibus ereptam esse luget. Quæ quidem latari mihi videtur, quòd tantam pestem euomuerit, forasque proiecerit. At si quis est talis, quales esse omnes oportebat, qui in hoc ipso in quo exultat & triumphat oratio mea, me vehementer accuset, quòd tam capitalem hostem nò comprehenderim potius quàm emiserim, non est ista mea culpa Quirites, sed temporū. Interemptū esse L. Catilinam, & grauissimo supplicio adfectū iam pridè oportebat. Idq; à me & mos maiorum, & huius imperij seueritas, & Resp. postulabat. Sed quàm multos fuisse putatis, qui, quæ ego deferrem, non crederent? quàm multos qui propter stultitiā non putarent? quàm multos, qui etiam defenderent? quàm multos, qui propter improbitatem fauerent? Ac si sublato illo: iam pridem ego L. Catilinam, non modò inuidiæ meæ, verum etiam periculo vitæ sustulissem. Sed cum viderem, ne vobis quidem omnibus re etiam probata, si illum, ut erat meritis, morte multassem, fore, ut eius socios inuidia oppressus, persequi non possem. rem huc deduxi, ut tum palàm pugnare possetis, cum hostem apertè videretis. Quem quidem ego hostem, Quirites, quàm vehementer foris esse timendum putem, licet hinc intelligatis, quòd illud etiam molestè fero, quòd ex vrbe parum comitatus exierit. Vtinam ille omnes secum suas copias eduxisset.

Tongil-

Tongillum mihi eduxit, quem amare in præ-
 texta calumnia cœperat: Publicium & Muna-
 cium, quorum æs alienum contractum in po-
 pinam, nonnullum Reipub. metum adferre
 poterat, reliquit. Quos viros? quantos alieno
 ære? quàm valentes? quàm nobiles? vos vi-
 detis. Itaque illum exercitum ex Gallicanis
 legionibus, & cum hoc delectu quem in agro
 Piceno & Gallico Q. Metellus habuit ex his
 copijs quæ à vobis quotidie comparantur, ma-
 gnopere contemno, collectum ex senibus de-
 speratis ex agresti luxuria, ex rusticis mendicu-
 lis, ex decoctoribus: ex ijs qui vadimonia
 deferere, quàm illum exercitum maluerunt.
 Quibus ego non modò si aciem exercitus no-
 stri, verum etiam si edictum Prætoris
 ostendero, concident. Hos quos video vo-
 litare in foro, quos stare ad Curiam, quos
 etiam in Senatum venire, qui nitent vnguen-
 tis, qui fulgent purpura, malleam secum suos
 milites eduxissent. Quòd si hîc permanent,
 mementote, non tam exercitum illum esse
 nobis, quam hos qui exercitum deseruerunt
 pertimescendos. Atque etiam hoc magis
 sunt timendi, quòd quid cogitent, me scire
 sentiunt, neque tamen permouentur. Vi-
 deo cui Apulia sit attributa, quis habe-
 at Hetruriam, quis agrum Picenum,
 quis sibi has vrbanas insidias cædis at-
 que, incendiorum depoposcerit. Omnia

superioris noctis consilia ad me perlata esse sentiunt. Patefeci in Senatu Hesternæ die. Catilina ipse pertimuit, profugit. Hi quid expectant? nonne illi vehementer errant, si illam meam pristinam lenitatem perpetuam sperant futuram. Quod expectaui, iam sum adsecutus: ut vos omnes factam esse aperte coniurationem contra Rempub. videretis: nisi verò si quis est, qui Catilinæ similes, cum Catilina sentire non putet. Non est iam lenitati locus, severitatem res ipsa flagitat. Vnum etiam nunc concedam. Exeant, proficiantur, ne patiantur desiderio sui Catilinam miserum tabescere. Demonstrabo iter. Aurelia via profectus est: si accelerare volent, ad vesperam consequentur. O fortunatam Rempub. siquidem hanc sentinam huius urbis eiecerit. Vno me herculè Catilina exhausto, releuata mihi & recreata Respub. videtur. Quid enim mali aut sceleris fingi aut excogitari potest, quod non ille conceperit? Quis tota Italia veneficus? quis gladiator? quis latro? quis sicarius? quis parricida? quis testamentorum subiecto? quis circumscriptor? quis ganeo? quis nepos? quis adulter? quæ mulier infamis? quis corruptor iuuentutis? quis corruptus? quis perditus inueniri potest, qui se cum Catilina familiarissimè non vixisse fateatur? quæ cædes per hosce annos sine illo facta est? quod nefarium stuprum non per illum? Iam verò
quæ

quæ tanta in vllò vnquam homine iuventutis
 illecebra fuit, quanta in illo? qui alios ipse a-
 mabat turpissimè aliorum amorì flagitiosissimè
 seruiebat. Alijs fructum libidinum, alijs mortē
 parētum, non modò impellendo, verùm etiam
 adiuuando pollicebatur. Nunc verò quam
 subito, non solùm ex vrbe, verùm etiam ex-
 agris ingentem numerum perditorum homi-
 num collegerat: nemo non modo Romæ,
 sed ne vllò in angulo totius Italiæ oppressus
 ære alieno fuit, quem non ad hoc incredibi-
 le sceleris fœdus asciuerit. Atque vt eius di-
 uersa studia in dissimili ratione perspicere pos-
 sitis, nemo est in ludo gladiatorio paulò ad fa-
 cinus audacior, qui se non intimum Catili-
 næ esse fateatur. Nemo in scena leuior & ne-
 quior, qui se non eiusdem propè sodalem fu-
 ille commemoret, atque idē tamen stuprorum
 & scelerum exercitatione assuefactus, frigo-
 re & fame & siti ac vigilijs perferendis, fortis
 ab his istis suis sociis prædicabatur, cū indu-
 striæ subsidia atque instrumenta virtutis, in
 libidine audaciaque consumeret. Hunc verò
 si secuti fuerint sui comites, si ex vrbe exierint
 desperatorum hominum flagitiosi greges: ô
 nos beatos, ô Rempub: fortunatam, ô præ-
 claram laudem Consulatus mei! Iam enim
 non sunt mediocres hominum libidines, non
 humanæ ac tolerandæ audaciæ: nihil cogi-
 tant nisi cædes, nisi incendia, nisi rapinas.
 patrimonia

Patrimonia sua profuderunt: fortunas suas obligurierunt. res eos iam pridem, fides deficere nuper cœpit: eadem tamen illa, quæ erat in abundantia, libido permanet. Quod si in vino, & alea comestationes solum, & scorta quæerent: essent illi quidem desperandi, sed tamen essent ferendi. hoc verò quis ferre possit, inerteis homines fortissimis viris insidiari, stultissimos prudentissimis, ebriosos sobrijs, dormienteis vigilantibus? qui mihi accubantes in conuiuijs, complexi mulieres impudicas, vino languidi, cōfecti cibo, lectis redimiti, vnguentis obliniti, debilitati stupris, eructant sermonibus suis cædem bonorum, atque vrbis incendia. Quibus ego confido impendere fatum aliquod: & pœnas, iam diu improbitati, nequitix, sceleri, libidini debitas, aut instare iam planè, aut certè iam appropinquare. Quos si meus consulatus, quoniam sanare non potest, sustulerit: non breue nescio quod tempus, sed multa sæcula propagarit Reip. Nulla est enim natio, quam pertimescamus: nullus rex, qui bellum populo R. inferre possit, omnia sunt externa, vnius virtute, terra, mariq; pacata, domesticum bellum manet: intus insidiæ sunt: intus inclusum periculum est: intus est hostis. cum luxuria nobis, cum amentia, cum scelere certandum est. Huic ergo me bello ducem profiteor, Quirites: sulcipio inimicitias hominum perditorum. quæ sanari poterunt quacunq; ratione sanabo. quæ rescanda erunt, non patiar ad perniciem ciuitates

ciuitatis manare. proinde aut exeant, aut quiescant: aut, si in vrbe, & in eadem mente permanent: ea quæ merentur, expectent. At etiam sunt, Quirites, qui dicant, à me in exilium eiectum esse Catilinam. Quod ego si verbo assequi possem: istos ipsos eijcerem, qui hæc loquuntur. Homo enim videlicet timidus, & per modestus vocem consulis ferre non potuit. Quid, quòd hesternò die, cùm domi meæ pene interfectus essem: senatum in ædem Iouis Statoris vocaui: rem omnem ad patres conscriptos detuli. quo cùm Catilina venisset: quis cum senator appellauit? quis salutauit? quis denique ita adspexit, vt perditum ciuem, ac non potius, vt importunissimū hostem? Quin etiā principes eius ordinis partē illam sublelliorū, ad quam ille accesserat, nudam, atque inanem reliquerunt. Hic ego vehemens ille consul: qui verbo ciueis in exiliū eijcio, quæsiui à Catilina, an in nocturno conuentu apud M. Leccā fuisset necne. Cùm ille, homo audacissimus, conscientia conuictus, primò reticuisset: patefeci cetera: quid ea nocte egisset, vbi fuisset, quid in proxima constituisset, quemadmodum esset ei ratio totius belli descripta, docui, cùm hæsitaret, cùm cunctaretur: quæsiui, quid dubitaret eò proficisci, quo iam pridem pararat: cùm arma, cum secureis, cum falceis, cum tubas, cum signa militaria, cum Aquilam illam argenteam, cui ille etiam sacrarium scelerum domi suæ fecerat

cerat, scirem esse præmissam. In exilium eie-
ciebam, quem iam ingressum in bellum esse vi-
debam? Etenim, credo, Manlius iste, centurio,
qui in agro Fesulano castra posuit, bellum po-
pulo R. suo nomine, indixit: & illa castra nunc
non Catilinam ducem expectant: & ille eie-
ctus in exilium, se Massiliam, ut aiunt, non in
hæc castra conferet. O conditionem miseram,
non modò administrandæ, verum etiam con-
servandæ Reipub. Nunc, si L. Catilina, consi-
lijs, laboribus, periculis meis circumclusus, ac de-
bilitatus, subito pertimuerit, sententiam muta-
uerit, deseruerit suos, consilium belli faciendi
abiecerit, ex hoc cursu sceleris, & belli, iter ad
fugam, atque in exilium conuerterit: non il-
le à me spoliatus armis audaciæ, nō obstupefa-
ctus, ac perterritus mea diligentia, non despe-
conatuq; depulsus, sed indemnatus, innocens,
in exilium eiectus à consule, vi, & minis esse
dicetur: & erunt, qui illum, si hoc fecerit, non
improbum, sed timidum: me non diligen-
tissimum consulem, sed crudelissimum tyran-
num existimari velint. Est mihi tanti, Quirites,
huius inuidiæ falsæ, atq; iniquæ tempestatem
subire, dum modo à vobis huius horribilis bel-
li, ac nefarij periculum depellatur. Dicatur sa-
ne eiectus esse à me, dum modo eat in exilium.
sed mihi credite, non est iturus. Nunquam e-
go à dijs immortalibus optabo, Quirites, inui-
diæ meæ leuandæ causa, ut L. Catilinam duce-
re exercitum

re exercitum hostium, atq; in armis volitare
 audiat: sed triduo tamen audietis: multoq;
 magis illud timeo, ne mihi sit inuidiosum ali-
 quando, quod illum emisero, potius, quam
 quod eiecerim: sed cum sint homines, qui il-
 lum, cum profectus sit, electum esse dicant,
 idem, si interfectus esset, quid dicerent? Quan-
 quam isti, qui Catilinam Massiliam ire dictitant
 non tam hoc queruntur, quam verentur. Ne-
 mo est istorum tam misericors, qui illum non
 ad Manlium, quam ad Massilienseis ire malit.
 Ille autem, si merhercules hoc, quod agit, num
 quam antecogitasset, tamen latrocinantem se
 interfici mallet, quam exulem vivere. nunc
 verò, cum ei nihil adhuc præter ipsius volunta-
 tem, cogitationeq; acciderit, nisi quod viuis no-
 bis Romæ profectus est: optemus potius, ut
 eat in exilium, quam queramur. Sed cur tam
 diu de vno hoste loquimur: & de eo hoste, qui
 iam fatetur se esse hostem: & quem, quia, quod
 semper volui, murus interest, non timeo. de
 his: qui dissimulant, qui Romæ remanent, qui
 nobiscum sunt nihil dicimus. Quos quidem ego,
 si vllò modo fieri posset, non tam vlcisci
 studeo, quam sanare, & ipsos placare Reip. ne-
 que, id quare fieri non possit, si me audire vo-
 luerint, intelligo. Exponam enim vobis, Qui-
 rites, ex quibus generib. hominum istæ copiæ
 comparentur: deinde singulis medicinam con-
 siliij, atq; orationis meæ, si quam poterò, affe-
 ram. Pri-

ram. Primum est eorum, qui magno in ære alieno, maiores etiam possessiones habent. quarum amore adducti, dissolui nullo modo possunt. Horum hominum species est honestissima: sunt enim locupletes: voluntas verò, & causa impudentissima. Tu agris, tu ædificijs, tu argento, tu familia, tu rebus omnibus ornatus & copiosus sis: & dubites aliquid de possessione detrahare, ac fidem acquirere? Quid enim exspectas? bellum? quid? ergo in vastatione omnium tuas possessiones sacrosanctas futuras putas? an tabulas novas? errant, qui istas a Catilina expectant. meo beneficio tabulæ novæ proferentur, verū auctionariæ. Neq; enim isti, qui possessiones habent, alia ratione vlla salui esse possunt. Quod si maturius facere voluissent, neq; (id quod stultissimum est, certe cum vsuris fructibus prædiorum: locupletioribus his, & melioribus ciuibus vteremur. Sed hosce homines minimè puto pertimescendos, quòd aut deduci de sententia possunt: aut, si permanebunt, magis mihi videntur vota facturi contra Remp. quam arma laturi. Alterum genus est eorum, qui quanquam premuntur ære alieno, dominationem tamen expetunt; rerum potiri volunt: honores, quos quieta Rep. desperant, perturbata consequi se posse arbitrantur. Quibus hoc præcipiendū videtur, vnum scilicet & idem, quod cæteris omnibus, vt desperent, se id quod conantur, consequi

sequi posse: primum omnium me ipsum vigilare, adesse, prouidere. Reip. deinde magnos animos esse in bonis viris, magnam concordiam, maximam multitudinem, magnas præterea copias militum: deos denique immortalibus huic inuicto populo, clarissimo imperio, pulcherrimæ urbi, contra tantam vim sceleris, præsentis auxilium esse laturos. Quod si iam sint id quod cum summo furore cupiunt, adeptum illi in cinere urbis, & sanguine ciuium, quæ mente conscelerata, ac nefaria concupierunt, se consules, ac dictatores, aut etiam reges sperant futuros? non vident se cupere id quod si adepti fuerint, fugitino alicui, aut gladiatori concedi sit necesse? Tertium genus est ætate iam confectum, exercitatione robustum: quo ex genere est ipse Manlius, cui nunc Catilina successit. Hi sunt homines ex ijs coloniis, quas Fessulis Sylla constituit: quas ego vniuersas, ciuium esse optimorum, & fortissimorum virorum sentio: sed tamen sunt hi coloni, qui se insperatis, repetitisque pecunijs sumptuosius, insolentiusque iactantur. hi dum ædificant, tanquam beati: dum prædijs, lecticis, familijs magnis, conuiuijs, apparatibus delectantur, in tantum æ alienum inciderunt, ut si salui esse velint, Sylla sit ijs ab inferis excitandus. qui etiam non nullos agrestes, homines tenues, atque egentes in eandem illam spem rapinarum veterum impulerunt. Quos ego utrosque, Quirites, in eo-

dem genere prædatorû direptorumq; pono. sed eos hoc moneo, desinant furere, ac proscriptiones, & dictaturas cogitare. Tantus enim illorum temporum dolor inultus est ciuitati, ut iam ista non modò homines, sed ne pecudes quidem mihi passuræ esse videantur. Quartum genus est sane varium, & mistum, & turbulentum: qui iam pridem premuntur: qui nunquã emergent: qui partim inertia, partim male gerendo negotio, partim etiã sumptibus, in veteræ ære alieno vacillant: qui vadimonijs, iudicijs, proscriptionibus bonorum defatigati, permulti & ex vrbe, & ex agris se in illa castra conferre dicuntur. Hosce ego non tã milites acreis, quam inficiatores lentos esse arbitror. qui homines primùm si stare non possunt, corruant: sed ita, ut non modo ciuitas, sed ne vicini quidem proximi sentiant. nam illud non intelligo, quamobrem, si viuere honeste non possunt, perire turpiter velint: aut cur minore dolore perituros se cum multis, quam si soli pereant, arbitrentur. Quintum genus est parricidarum, sicariorum, denique omnium facinorosorum, quos ego à Catilina non reuoco. nam neq; diuelli ab eo possunt: & pereant sane in latrocinio, quoniam sunt ita multi, ut eos capere carcer non possit. postremum autem genus est, non solum numero, verum etiam genere ipso, atq; vita: quod proprium est Catilinæ: de eius delectu, immò verò de complexu

eius

eius, ac sinu: quos pexo capillo, nitidos, aut imberbeis, aut benè barbates videtis manicatis, & talaribus, ac tritis tunicis: velis amictos, non togis: quorum omnis industria, vitæ, & vigilandi labor in antelucanis cænis expromitur. In his gregibus omnes aleatores, omnes adulteri, omnes impuri, impudiciq; versantur. hi pueri tam lepidi, ac delicati, non solum amare, & amari, neq; cantare, & saltare, sed etiam ficas vibrare & spargere venena didicerunt: qui nisi cæxunt, nisi pereunt, etiam si Catilina perierit, scitote hoc in Rep. seminarium Catilinarium futurum. Verumtamen quid sibi isti miseri volunt? num suas secum mulierculas sunt in castra ducturi? quemadmodum autem illis carere poterunt, his præsertim iam noctibus? quo autem pacto illi Apeninum, atq; illas pruinas, ac niueis perferent? nisi idcirco se facilius hyemem toleraturos putant, quod in conuiuijs nudi saltare didicerunt. O bellum magnopere pertimescendum, cùm hanc sit habiturus Catilina scortatorum cohortem prætoriam. Instruite nunc, Quirites, contra has tam præclaras Catilinæ copias vestra præsidia, vestrosq; exercitus: & primum gladiatorii illi confecto & saucio, confules, imperatoresq; vestros opponite: deinde contra illam naufragorum eiectam, ac debilitatem manum, florem totius Italiæ, ac robur educate. iam vero vrbes coloniarum, ac municipiorum respondebunt Catilinae tumulis sylue

stribus. Neq; vero cæteras copias, ornamenta, præsidia vestra, cum illius latronis inopia, atq; egestate debeo conferre. Sed, si, omiſſis his rebus omnibus, quibus nos suppeditamur, eget ille, senatu, equitibus R. populo, vrbe, ærario vectigalibus, cuncta Italia, provincijs omnibus, exteris nationibus. si, inquam, his rebus omiſſis, ipsas causas, quæ inter se conſigunt, cõtendere velimus: ex eo ipso, quam valde illi iaceant, intelligere possumus. Ex hac enim parte pudor pugnat, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus: hinc cõtantia, illinc furor, hinc honestas: illinc turpitudine, hinc continentia: illinc libido: deniq; equitas, tẽperantia, fortitudo, prudẽtia, virtutes omnes certant, cũ iniquitate, cũ luxuria, cũ ignauia, cũ temeritate, cum vitijs omnibus: postremò copiarum cum egestate, bona ratio cum perdita, mens sana cum amentia, bona deniq; spes cum omnium rerum desperatione conſigit. In huiusmodi certamine ac prælio, nonne, etiam si hominum studia deficiant, dii ipsi immortales cogant ab his præclarissimis virtutibus, tot & tanta vitia superari? Quæ cùm ita sint, Quirites, vos quemadmodum iam antea dixi, vestra teçta custodijs, vigilijsq; defendite: mihi, vt vrbi sine vestro motu, ac sine vlllo tumultu, satis esset præsidij, consultum, ac prouisum est. Coloni omnes, municipesq; vestri, certiores à me facti de hac nocturna

nocturna excursionē Catilinæ, faciliē vrbeis suas, sineisque defendent, gladiatores, quam sibi ille maximam manum & certissimam forte putauit, quanquam meliore animo sunt, quàm pars patriciorum, potestate tamen in vestra continebuntur. Q. Metellus, quem ego prospiciens hoc, in agrum Gallicanum, Picenumq; præmisi, aut opprimeret hominem, aut omneis eius motus, conatusq; prohibebit: reliquis autem de rebus constituendis, maturandis, agendis, iam ad senatum referemus. quem vocari videtis. Nunc illos, qui in vrbe remanserunt, atq; adeò qui contra vrbis salutem, omniumq; vestrum, in vrbe à Catilina relictī sunt, quanquam sunt hostes, tamen quia nati sunt ciues, monitos etiam, atq; etiam volo. Mea lenitas adhuc si cui solutior visa est, hoc exspectauit, vt id quod latebat, erumperet. quod reliquum est, iam non possum obliuisci, meam hanc esse patriam, me horum esse consulem: mihi aut cum his viuendum, aut pro his esse moriendum. nullus est portæ custos, nullus insidiator viæ: si qui exire volunt, consulere sibi possunt: qui verò in vrbe se commouerit, cuius ego non modo factum, sed inceptum vllum, conatumve contra patriam deprehendero: sentiet in hac vrbe esse consules vigilantes, esse egregios magistratus, esse fortem senatum, esse arma, esse carcerem: quem vindicem nefariorum, ac manifestorum scelerum maiores,

maiores nōstri esse voluerunt. Atq; hæc omnia sic agentur, Quirites, vt res maximæ minimo motu, periculū summa nullo tumultu, bellum intestinum, ac domesticum, post hominum memoriam crudelissimum, ac maximum, me vno togato duce & imperatore, sedetur. quod ego sic administrabo, Quirites, vt, si vllō modo fieri poterit, ne improbus quidem quisquam in hac vrbe pœnam sui sceleris sufferat. Sed si vis manifestæ audaciæ, si impendens patriæ periculum me necessario de hac animi lenitate deduxerint: illud profectō perficiam, quod in tanto, & tam insidioso bello vix optandum videtur, vt neq; bonorū quis intereat, paucorumq; pœna vos omnes iam salui esse possitis. Quæ quidē ego neque mea prudētia, neq; humanis consilijs, fretus polliceor vobis, Quirites, sed multis, & non dubijs deorum immortalium significationibus, quibus ego ducibus in hanc spem, sententiamq; lum ingressus: qui iam non procul, vt quondā solebant, ab externo hoste, atq; longinquo, sed hīc præsentes suo numine, atq; auxilio, sua templa, atque vrbs recta defendunt: quos vos, Quirites, precari, venerari atque implorare debetis, vt quam urbem, pulcherrimam, florentissimam potentissimamq; esse voluerunt, hanc omnibus hostium copijs, terra mariq; superatis à perditissimorum ciuium nefario scelere defendant.



IN M. T. C I C. O R A - TIONEM CATILINARIAM

SECUNDA M.

EVM L. Catilina prima Ciceronis oratione perterritus, cum trecentis armatis ex vrbe, ruinam & exitium reipub. minitans discessisset, inq, Manliana castra contendisset. M. Cic. postridie contione aduocata, hanc secundam in Catilinam orationem ad Quirites habuit: in qua primum Catilina profectionem ex vrbe gratulatur Reipub. significans iam ab eo foris, non ita timendum esse, sicut ab eius coniurationis sociis, quorum magnam turbam adhuc in vrbe remansisse innuit. Quare post eis, etiam suadet, ducem vt comitentur suum, in eosq, seuerum se fore minatur, si cuius factum, vel conatum contra patriam deprehenderit. Tum ad confirmandos ciues, exercitum Catilina non esse pertimescendum indicat, commemorans certam quendam hominum perditorum, & effeminatorum nebulonum genera, qui se Catilina adiunxerint. Ad extremum tandem Quirites hortatur, vt ab eorum insidiis domos suas, custodiis vigiliisq, defendant, spem se magnam concepisse dicens conseruanda vrbis, Deorum quibusdam significationibus, quorum opem quoque implorandam suadet, vt suo presidio, rempub. defendere velint.

Genus Quaestionis.

Questio huius orationis est definita, estq, composita, non simplex. Est enim & de facto, & de eo quod

facere oporteat. De facto talis. Cur Catilina non sit interemptus, sed potius crudeliter eiectus, De eo quod facere oporteat, talis. Bellum est necessarium contra hostem patriæ Catilinam.

Genus causæ.

Causa generis est deliberacini: ornata enim est ornamentis generis deliberativi, recipitq; inde et locos et tractationem. Nam locis illis fere duobus constat. Necessario et facili. Nam et necessarium esse bellum ex periculis ostendit: et facile ex copiis. Dum autem occulte tractat eius partes, cur Catilina potius eiectus quam interemptus sit: Demonstrativum erit genus causa. Veram enim non publica populi, sed privata Ciceronis causa adhibita est. Atq; in prima quia plus periculi habebat, plus etiam elaborat: et quamvis severitas lenitati permisceatur: lenitati tamen plus concessit.

Constitutio causæ.

Statum in hac oratione non incommode spectari posse, hac verba Cic. fere in fine Topic. docent. Atque etiam in deliberationibus, atque laudationibus, idem existunt status. Nam et negantur sepe ea futura, quæ ab aliquo in sententia dicta sunt fore: si aut omnino fieri non possunt, aut sine summa difficultate non possunt. In priori parte is status est. Sit ne laudandum quod Catilina eiectus potius quam interfectus sit: In posteriori. Sit ne bellum contra Catilinam necessarium.

Dispositio.

Quatuor potissimum partibus constat hac oratio. Exordio, Confirmatione, Confutatione et Conclusionem.

sione. Narratione hic non multum opus est: quoniam hæc præteritarum, aut præsentium rerum est: suasio autem futurarum. Sparsim tamen hic Cic. de iis quæ cum Catilina acta sunt populum docet, omnemque hanc orationem ad fidem & motum, sed ad motum maxime refert. Propositione non semper uti oratorem Quintil. lib. 4. cap. 4. docet. Tum autem non vitur, cum quid in quæstione versetur manifestum est. Expressit Cic. in hac oratione & illud de calanda arte præceptum: inter dicendum enim è re nata, Confirmatio & probationes varia & multiplices sequuntur. Ea enim gratiora sunt, quæ inuenta subito, non domo allata esse videntur. vide Quintil. lib. 4. cap. 5. Quare hoc loco Cic. partitionem seu propositionem significanter exprimere neglexit, quia manifestum erat quid versabatur in quæstione. De Catilina enim consultatio fuit. Si tamen diligentius consideraueris, hanc propositionem colliges Temporaria postulabant, ut Catilina potius emitteretur, quam interficeretur.

Elocutio.

Vitur Cic. graui dicendi genere, & vario, & ad concitandos Quiritum animos accommodato.

EXORDIUM.

Inuentio.

EXordium sumptum est ab adiunctis rerum & personarum. Primo à persona Catilina, dum eū apud Quirites in odium inducit, eius conatus describens, X. 5 furentem

furentem audacia, scelus anhelantem, &c. Secundo ab adiunctis rerum, dum dicit, Nulla perniciēs parabitur. Tertio à persona Catilina, Catilinam dolere quod non interfecit nos. Benevolentia paratur hinc quod tantam pestem, suo labore & industria sustulerit. Attentio excitatur, dum digna narrat, dum atrocità sublata esse pericula demonstrat. Non enim inter latera nostra, sic versabitur. Docilitas ipsa non ex verbis, sed ex facto ipso, tragediaq; Catilina, quam facere inceptabat patuit. Proinde hic manifesta non est, nisi in sequentibus forte futura sit. Deinde hos fines, benevolentiam, attentionem, docilitatem, parat pene in omnibus periodis. Docet enim & explanat, quis fuerit Catilina, nempe furens, audacia, scelus anhelans, pestis patria, urbis incendium moliens, &c. Deinde dum ita sublatum esse malum dicit, ut neque in campo, neque in curia, neque in foro, neque inter parietes domesticos quicquam periculi amplius superfuert. Postremo dum gestum Catilina dolentius exprimit, ita ut quasi ipsum ante oculos ponere videretur. Attentos vero, crebro & tota oratione, in excitandis mentibus indicum, non modo prima denunciatione facit. Potest etiam hoc exordium dici, ab expectatione vulgi,

Dispositio partium exordij.

Dispositione Hermogenis vii videtur: ille enim quatuor partibus omne exordium constare vult. 1. Protrasi seu propositione. 2. Paraskeui seu confirmatione. 3. Apodosi seu reditione. 4. Basi seu exitu, vel conclusione. Quod exordium hisce quatuor partibus constat.

Propositi

Propositio, Catilinam scelus anhelantem & incendium molientem vrbe emisimus.

Confirmatio, Nullum periculum ab eo nobis intra mania comparabitur.

Reditio, Sed apertum bellum, cum aperto hoste, geremus. Eam partem amplificat à consiliis Catilina, quod ille, non aperte contra rempub. volebat pugnare, sed moliebatur ex insidiis eadem & incendia: hoc quia sibi Ciceronis Consilio ereptum videt, maximo dolore afficitur.

Basis, Ergo latari debemus.

Dispositio argumentorum exordij.

HOc exordium in eiusmodi questione consistit. An ex discessu Catilinae ex vrbe latandum sit; Cuius quidem questionis primam partem à principio ex iis verbis, Tandem aliquando Catilinam emisimus, Posteriores ex ultima periodo cognoscet. Ergo Respub. latari debet dum dicit, Quæ quidem latari mihi videtur, sit talis **Propositio.**

Latari debemus. hac post omnia argumenta collocata est.

Probatum autem rationibus.

1. **Ratio,** Ex adiunctis sceleribusq. Catilina, tandem aliquando, Quia Catilina audax, furiosus, & reipub. pestem machinans profugit. Ergo latandum est. Obseruabis vnicam tantum modo esse vniuersalem conclusionem argumentorum omnium, quæ in fine exordij collocata est.

2. **Ratio,** Nulla enim, à consequentibus,
Quia

Quia nullæ insidiæ sunt iam metuendæ à Catilina.

3. Ratio, Ex adiunctis, Quia victus est Catilina.

Confirmatio rationis. Nam loco motus est; loco autem moti propemodum pro victis habentur.

4. Ratio, Palam cum hoste, Quia facilius erit belli gerendi ratio.

Rationis confirmatio. Nam Catilinam, ex occultis insidiis in apertum latrocinium coniecimus.

5. Ratio, Quod vero, ex adiunctis Catilina. Quia dolet Catilina, quod non cruentum gladium, ut voluit, extulit: ferrum enim ei de manibus extorsimus.

6. Ratio, Quia incolumes ciues, stantemque urbem reliquit.

Conclusio, Quæ quidem lætari mihi, Ergo nos lætari debemus.

Elocutio.

Genus dicendi est graue, quod tum ex sententiis cognoscitur grauib; & iis quæ tractant animos auditorum, aduersariorum autem perturbant, & attonitos reddunt: tum ex verbis sonantibus & grauib; ut furentum audacia, scelus, eiecimus, excessit, euasit, pestem: item ex verbis iunctis, ut emisimus, excessit, pertimescimus, depulsus: translatis: hæc enim sunt insignes metaphora, graues metonymia, addo, descriptio gestus Catilinary, ad viuum plane expressa: ut non narrari, sed res ipsa exhiberi oculis audientium videatur. Hoc ipsum quoque genus cognoscere potest.

potest ex compositione, periodis, & numeris.

Compositio.

HÆC cum superioris orationis compositione contor-
dat: ad asperitatem enim, suam componit oratio-
nem, in acerba, atque iram mouente causa: iustas e-
nim querimonias parit iustus dolor. Eas itaq; vocales
adhibet, quæ plenum sonum per se efficiunt, eumq; ad
iracundiam compositum. Sæpius vitur *A* & *E* voca-
libus. vt. Tandem aliquando Quirites, Catilinam, su-
rentem, audacia, pestem anbelantem, &c. quas exci-
pit molestum atque sonorum *V*. vt. vrbe eiecimus, mi-
simus, persecuti sumus, pulcherrimam tamen muta-
tionē istius facit & gratā, dum *A* & *I* deinde *I* & *E*,
O, *I*, & *O* permutat, vt abiit, euasit, nulla iam perni-
cies, à monstro illo, atque prodigio. deinde finit *A* in
I. Comparabitur. Ex consonantibus *N* & *M* fre-
quentissima, & *d*, *l*, in principio sæpius. Postea vt va-
rietas sit, *s* in medio assumit: vt domestici, sine contro-
uersa, versabitur, sica, domesticos, pertimescemus.

Periodi.

IN graui genere solent esse breues & artificiosa perio-
di. Sed hoc loco, quia est oratio ad asperitatem & ve-
bementiam accommodata paulo longiores sunt. Prima
periodus est monocolos, pluribus incisus ornata, incisa
interiecit, abiit, excessit, &c. Sequitur deinde perio-
dus trimembris, cuius protasim priore, apodosim po-
sterioribus duobus absoluit membris, quodlibet ver-
bum suis membris donat, membratim deinde suam
orationem pronunciat. Quod vero, periodus bimem-
bris, cu-

bris, cuius principium duobus incis. finem simplicibus verbis adornauit Reliqua sunt periodi vnius membri.

Numeri.

Iacobus Strabeus, hos numeros principijs conuenire docet, creticum, paanem primum, quartum, Dochimum, Dichoræum, Molossum, Anapastum. Vitur in hoc exordio trocheo, & paane tertio, dactylo, molossò, Tertiam periodum incipit à cretico & choriambò, finit in trochaum & dactylum; vltimam periodum finit in creticum, paanem primum, Amphibrachim, & Ionicum maiorem, pestem euomuerit, forasq; proiecerit.

Figuræ sententiarum.

Prima est amplificatio morum Catilina, & sceleris, furentem audacia, scelus anhelantem, & cetera. Altera amplificatio à loci distributione, in campo, in curia, in foro, in priuatis adibus, Tertia ex ipsius frustratione, Non extulit cruentum mucronem, nobis viuis excessit, ferrum illi extorsimus, ciues incolumes, stantem urbem reliquit: ista vno verbo satis exprimere erat, quæ variis atque variis pbrasibus effert, Est & insignis caracterismus, quo Catilina corpus, & mores, gestumque exprimit ab eo loco. Iacet ille nunc prostratus. Talis est descriptio familiarū Erebi apud Virgil. lib. 6. Vestibulum ante ipsum primusque in faucibus ore luctus, & ultrices posuere cubilia cura, pallentesq; habitant morbi, tristisq; senectus, & metus, & malesuada fames, & turpis egestas, terribiles visu, forma, lathumque laborque. & Cat.

Sic Tes

Sic Terentius mores exponit Trasonis, Mitronis, Menendemi.

Figuræ verborum.

FVrentem, anhelantē, pestem, *metaphora*, vrbi ferrū flamma, *metonymia*, vel vel, *diuisio*, Eiecimus, emisimus, prosecuti sumus, *similiter desinens & dissolutum*, Abijt excessit, *articulus*, & congeries verborum idem significantium, Monstro prodigio, *metonymia & metaphora*, Mænibus mænia, *traductio & synecdoche*, versabitur, depulsus, *impediente, metaphora*, hominem, *metonymia*. Mucronem, viuis nobis, ciues vrbis, *synecdoche*, ferrum, *metonymia*, Afflictum, profligatum, iacet, prostratus, perculsum, abiectum, sentit, retorquet, faucibus ereptam, euomuerit, proiecerit, *metaphora*.

Secunda pars orationis confirmatio.

At si quis est talis.

PArtes huius confirmationis sunt tres. In prima rationem sui consilii Cicero declarat, cur non interficiendum potius, quam emittendum Catilinam duxerit. In secunda parte. Renocat orationem à Catilina, ad urbanos coniuratos, tanquam magis timendos, & in vniversum differit, omnes coniuratos despiciendos esse, quæ est pars præcipua orationis. In tertia adhortatur Quirites, ad bellum contra Catilinam suscipiendum.

Inuentio confirmationis & dispositio.

EX variis locis tum propriis, tum communibus, tum ab arte sumptis, tum extra artem positis viuitur Cic. argumen.

argumentis in confirmando. Dispositio autem qualis esse debeat Cic. in partitionibus oratoris docet. Varii sunt inquit ordines collocandi. Nam aut temporum seruantur gradus, aut generum distributiones, aut à minoribus ad maiora ascendimus: aut hac, in aequali varietate distinguimus, cum parua magnis, simplicia coniunctis, obscura dilucidis, lata tristibus, incredibilia probabilibus inteximus. Quae omnia Cic. hoc loco exprimit. Seruat temporum gradus, dum exaggersans Catilinae scelus & audaciam, primum praeteritum, deinde praesens tempus scelerum diligenter notat. Generis distributionem observauit hoc loco potissimum, dum scelus per species diducit, homicidium, latrocinium, subiectionem testamentorum, deceptionem, adulterium, stuprum, caedes, &c. A maioribus ad minora delabitur, caedes, incendia, rapinae, A minoribus ad maiora, Quod si in vino, & alea, & caetera. Distinguit varietate, dum nunc exclamat, nunc triumphat, quasi iam adeptus victoriam, nunc timorem incutit. Atque hac est in sententiis collocatio. Verborum collocatio prope ea est, quam ipse Cic. 3. de orat. complexus est. Hac collocatio conseruanda verborum, quae iunctam orationem efficit, quae coherentem, quae lenem, quae aequaliter fluentem, Id assequimini, si verba extrema cum sequentibus, primis, ita iungatis: vt neque aspere concurrant, neque vastius diducantur. Et paulo superius. Collocationis est componere, & statuere verba, sic: vt, neque asper eorum concursus, neque hiulcus sit, sed quodam modo coagmentatus & lenis. Coagmentatum cursum hoc loco spectat, patrimoniam

monia sua profuderunt, fortunas abligurierūt. Argumentorum collocatio hac est. firma in principio, in medio probabilia, in fine firmissima ponuntur. Posuit enim Cic. primo argumenta ab utili. In medio amplificationes de sceleribus Catilinae sunt: In fine illud argumentum à minori ad maius, quod acerrimum est & efficax, collocavit.

Prima pars confirmationis.

NE hac pars valetur per incertos fines, certus terminus constituendus, ad quem omnia argumenta dirigantur. Sed quia orator propter copiam & ornatum dicendi, eum terminum variat, ne videatur idem multoties dicere, singulis argumentis eandem conclusionem repetere, ideo quibusdam ista expositio forsam videbitur friuola esse. Sed tamen si diligentius rem quam tractat, spectes, inuenies ad eum scopum tendere, ut confirmet.

Melius Reipub: esse ex Catilina emissio, quam eiecto.

Quam propositionem statim in principio habes, hisce verbis prolatam. Quod Catilinam non interfecerem non est hac mea culpa, sed temporum. Quid enim hac verba aliud sonant, quam sic postulabat res, mores hominū, ut emitteretur, potius quā occideretur. Itaque emissus est. Sumit autem initium confirmatio ab his verbis, Interemptum esse L. Catilinam, quam callide Cic. à concessione inchoat, ne auditorū animos offendat, si statim ex abrupto neget. Quasi dicat. Accusatis me, quod Catilinam emissem potius, quam occiderim: ita est, si accusandus, si atrocitatem facti

ſpectetis, ſi rem ipſam, incommoda multa, qua conſequutura erant interfectum Catilinam, immerito à vobis accuſor. Itaque ad eam propoſitionem omnia argumenta referemus.

Melius fuit Catilinam emittere, quam interficere.

Hanc probat & confirmat iis argumentis.

Primum argumentum, ac ſi ſublato, ab vili, tum ab adiunctis.

Propoſitio, Si iudicarem interfecto Catilina à vobis omne periculum depelli poſſe, interfeciſſem.

Aſſumptio, Sed non iudicavi.

Maiorem exprimit, minorem vero aliis verbis immutat, cuius pramiſit probationem, quia alii non crederent improbe, alii ſulte, coniurationem à Catilina eſſe factam, alii ſauendo illi, defenderent eum: itaque grauius malum timui.

Concluſio, Rem huc deduxi, Melius ergo erat efficere apertum hoſtem, quam occultos, quos perſequi non poſſem. Sed emiſſione, apertus eſt hoſtis factus, cade multi occulti eſſent, hoſtes. Ergo melior eſt Catilina emiſſio quam cades.

Secundum argumentum, Quem quidem ego, Ab adiunctis egreſſorum, & eorum qui remanſerunt in vrbe.

Propoſitio, Abitu ſeu emiſſione, hoſtem Catilinam effeci potius contemnendum: hos vero qui remanſerunt, metuendos.

Ratio prima partis ex adiunctis exercitus. Is enim hoſtis, habet exercitum ex ſenibus, mendiculis, doctores.

coëtoribus, vadimoniorum desertoribus, & ceteris id genus collectum.

Amplificatio, A minori ad maius. Ab edicto pratoris concident. Ergo multo magis ab exercitu.

Ratio secunda parit, Hoc quos video, Non tam enim illi, qui sunt extra urbem, coniurati, sunt metuendi, quam ij qui remanserunt in urbe, formidandi.

Confirmatio, Non permouentur enim, tametsi scit magistratus eorum consilia prona esse ad euertendum rempublicam, dum Catilina ipse pertimuit, & profugit, ideo contra eos seuerum se fore comminatur, iubet que eos citius ex urbe discedere, nã illi vehementer, Amplificans suum officium & praterita lenitatis finem ostendens. Officium consulare exigit: vt in tanta scelerum multitudine & atrocitate finis sit lenitati, seueritas adhibeatur. Hoc autem facit, vt minis compellat ad exeundum eos, qui remanserunt, quod palam ostendit infra. Exeant, proficiantur, &c. Hortaturque eos obiter ironice, ab equo. Quia iniquum est pati, tabescere desiderio, ducem suum Catilinam. Item à facili, quia via facilis est, & breue tempus est ad cõficiendum iter.

Tertium argumentum, O fortunatam Remp. à comparatis, proprio vero utili.

Catilina emissò, eiectum est malum: occiso fouetur.

Ergo melius est emittere, quam occidere.

Antecedens amplificat, me hercule, per frequentationem, siue congeriem variorum malorum,

quibus respub. post discessum Catilinae liberata sit: & enumerationem Catilinae & coniuratorum eius, scelerum. Potissimum autem hic enumerat, audaciam, intemperantiam, ceteraq; naturalia virtutum semina, in habitus vitiosos conuersa.

Quartum argumentum, Hunc vero, à minori ad maius.

Propositio, Catilina emissio, ciuitas melius habere capit.

Amplificatio per congeriem incommodorum. Multis siquidem incommodis liberauit Catilina Romam: iam enim non sunt mediocres hominum libidines. Quod si hunc sui comites secuti fuerint, quam beata, quam fortunata respub. quae praecleara laus mei consularatus esset.

Conclusio, Melius ergo erat Catilinam emittere, quam eicere.

Quintum argumentum, quod si in vino, A proprio, tuto, communi vero dissimili.

Propositio, Melius est apertum hostem emittere, quam insidiatores relinquere.

Assumptum, Sedegressus Catilina, apertus hostis est: relictis vero insidiatores non ferendi.

Probatio assumpti, Quia hic qui sunt relictis in urbe coniurati, bonis viris insidiantur, eructant sermonibus suis nihil, nisi cadem bonorum, & urbis vastationem: quibus Cic. ominatur exitium: reipub. vero victoriam, ut eos ab instituto deterreat: populum vero aduersum eos confirmet.

Ergo tutius insidiatorem emittere quam fouere.

Sextum

Sextum argumentum, Quod si meus, à consequentibus.

Si sustulisset ex vrbe & hos qui remanserunt, adhuc permulta tempora floreret respub.

Ergo melius erat, & Catilinam emitte.

Antecedentis ratio, Quia consequeretur bellum apertum & contemnendum, sicut Catilina emissio consecutum est, & ita hostes facile delere possemus: omnes enim hostes externi pacati sunt: cum is solum nobis pugnandum esset. Hanc rationem primo à suo in rempub. conseruando studio amplificat, Huic ego me bello, dum se ducem contra Catilinam eiusq. socios ex vrbe egressuros fore pollicetur: deinde ab officio, dum se, non crudelem ducem, qui omnia prosteruat, vastet, euertat proficitur: sed prudentem, qui quos viderit resipiscences, & contra rempub. non rebelles, hos cum repub. reconciliet.

Septimum argumentum, At etiam sunt, à consequentibus.

Accusant me, quod Catilinam eiecerim, cum emissus sit.

Ergo si occideretur, consequeretur, vt me crudelissimum tyrannum vocarent.

Antecedens probat primo à pari. Hos qui hac dicunt non possum vno verbo eicere. Ergo neque Catilinam potui.

Secundo ab adiunctis Catilina.

Antecedens Catilina timidus non est. Quod probat à signis. Quia vix me heri non interfecit, & tamen audebat venire in senatum: & cum nemo illum salu-

sasset cum omnes fugerunt : tamen ille sedebat.

Conclusio. Ergo non pareret, si vellem eum eicere vi. Est autem hic occupatio, per quam diluit, quod obijci poterat. Satius scilicet fuisse tantum hostem patria interfici, quam emitti.

Octauum argumentum, hic ego vehemens ille consul, à genere ad speciem, vel à toto ad partem.

Neminem eicio. Ergo nec Catilinam.

Deinde narrat, qua occasione & quibus verbis per-motus Catilina, exiuerit, eius scelera indicans.

Nonum argumentum, ab oppositis, Qui egressus est, ad bellum, non eicitur in exilium, cum hæsitaret, Catilina egressus est ad bellum. Ergo non eiectus est. Maiorē ponit dum dicit, in exilium eiciebam. Minor probatur superius, scilicet quod ad bellum egressus. Quia arma, secures, fascēs, aquilam præmisit.

Decimum argumentum à signis.

Manlius non facit bellum suo nomine, expectat itaq; duce[m] Catilinam.

Ergo non eiectus est Catilina, sed vltro cecidit.

Antecedens probat. Et illa castra. Quia castra duce[m] Catilinam expectant; quia Catilina se ad illa re-cta contulerat. Exclamatione deinde querimoniaq; vititur aduersum iniquissima hominum de sua fide iudicia, qui se crudelem tyrannum appellaturi fuissent si in exilium Catilina abiisset, ubi clandestinos Catilinae fautores oblique perstringit, atq; ad extremum ostendit, Catilinam ex vrbe discessisse, non vt iret in exilium, sed vt bellum contra patriam susci-peret. Hinc
conclu-

concludit. Concedo istud maleuolis, ut dicatur, à me
eiectus. Eat igitur, & liberet nos metu. Si ibit in exi-
lium: ego magnam inuidiam subibo: sed ego eam non
recuso, nec peto à dijs, ut hanc mihi leuant.

Vndecimum argumentum.

Sed cum sint homines, ex consequentibus,
qua tractatur per minoris & maioris comparisonem
Eiecto Catilina magnum incommodum est.

Ergo interfecto maius esset. Itaq; melius erat e-
mittere quam eicere, quod ego feci. Hanc rationem am-
plificat à scelere maleuolorum, quanquam isti, pro-
batq; iterum Catilinam in exilium non iturum, ex ad-
iunctis ipsius, quem ea voluntate, & his moribus præ-
ditum esse docet, ut etiam si non ex animi sententia
bellum sibi contra patriam succederet, malit tamen la-
trocinans interfici, quam in exilio viuere. Quæ omnia
Cic. ad debilitandos coniuratos, bonos autem ciues con-
firmandos commemorat.

Elocutio.

Quoniam rebus ipsis par & equalis debes esse ora-
tio, Res enim magna maiestatem & gravitatem
orationis, humiles & familiares subtilitatem, medio-
cres mediocritatem requirunt. Hac quoq; causa, quo-
niam gravis & magna est, sublimi quoq; genere orna-
ta est. Sunt adhibita figura graues, quæ angustam &
grauem orationem efficiunt: ut grandes metaphora, in-
terrogationes reherentes, exclamationes, articuli,
repetitio.

repetitiones. *Affectus* adbibentur, utriq; & leniores, & concitatiores. Leniores sunt in ijs sententijs. Utinam ille omnes suas copias eduxisset. ô fortunatam Remp. si quidem hanc sentinam huius urbis eiecerit & cætera Concitatiores hoc loco: Quæ cades per hosce annos sine illo facta est, &. Hoc vero quis ferre possit incertes homines, fortissimis viris insidiari stultissimos, prudentissimis. Et in antiteticis. Non diligentissimum Consulem, sed crudelissimum tyrannum existimari velint. Et cum profectus sit, eiectionem esse dicunt: idem si intersectus esset quid dicerent.

Figuræ.

AT si quis est talis. *Prolepsis* seu *præoccupatio*, *interemptum* esse, *paromologia* seu *concessio*. At si sublata, continua est, densa, & continens frequentatio verborum, cum argumentatione conclusa. Utinam ille, optatio, Quos viros, *Emphasis*. Collectum ex senibus, *Congeries*, seu *coacervatio* verborum idem significantium. Quibus ergo, *amplificatio* per non modo, sed etiam. Hos quos video. *congeries*, quos si hic, *cōminatio*, cui *Apulia*, *polipteron*. Exeat proficiscantur. *concessio*, nisi vero, *ironia*, ô fortunatam, *exclamatio*, Quid enim mali, *Amplificatio* quæ longissime protrahitur, quæ exornat interrogationibus per vices. Quæ cædes per hosce annos, *amplificatio* à præterito tempore, in angulo, *hyperbole*, nemo, *anaphora*, mediocres libidines, *auxesis*, cædes, *gradatio*, quæ à maximis ad minora gradatim descendit, observandum etiam est, quod ordinem

dinem naturalem in verbis non immutat: nam ex cadibus, incendijs, rapina, fortunas suas, Congeries & omioteleuton, inertes fortissimos, antiteta. Qui mihi accubantes, Characterismus, quo gestus volupratorum elegantissime describit. Quibus ergo, ominatio: improbitate nequitiae, Expolitio ex verborum coaceruatione, Quos si, promissio & asseneratio, nulla est enim, enumeratio & congeries sententiarum, Domesticum bellum, expolitio verborum & congeries sententiarum, sanari sanabo, polypoton, Quæ sanari, consultatio, proinde exeant, concessio cum cōminatione, At etiam sunt, proleptis seu occupatio, timidus & permodestus, ironia, vocui detuli, similiter desinens, perditum ciuem, auxesis, Quin etiam principes, expolitio, vehemens eiicio, ironia, Quæsiui à Catilina, prosopopœia seu dialogismus, Quid ea nocte, apophasis, cum arma congeries, quæsiui quid, prosopopœia, credo, ironia, O conditionem, exclamatio quam sequitur congeries & amplificatio, non improbum, antiteta, dicuntur sane, concessio, emiserim eiecerim, omioteleuton.

Ex minutioribus illis sunt.

CRebra metaphora, vt exultat, triumphat, capitalis oppressus persequi, deduxi videritis, sublatō, depelli, motum, decoctoribus, concident, sentiunt, patefeci, errant, affecutus, aperte, flagitant, tabescere, sentinam, ex hausto, releuata, recreata, greges, prosuderunt, abligurierunt, impendere, eructant, sanare, sustulerit, intus, inclusum, rescanda, erunt, perniciem

manare, circumclusus, debilitatus, abiecerit cursu, iter, spoliatus, obstupefactus, depulsus, lenanda, volitare. Metonymia. ut pratexta, popinam, agresti, purpura, noctis lenitatem, res publica, iuuetutis, fortunas, libido, alea, vino, urbis, improbitati, nequitia, scelere, libidini, luxuria, amentia, scelere, ciuitatis, mente, vocem, castra, Reipublica, consiliis, laboribus, periculis, nefarii. frequenter etiam Cic. utitur synecdoche, ut foro, curiam, sicarius, virtutis, fatum, homo. Vitur etiam periphrasibus, ut sceleris, sedus, pro coniuratione: anaphoris, dissolutis.

Secunda pars confirmationis,
Sed cur tam diu.

PRecisione reuocat cursum orationis ad socios coniurationis Catilina, quorum per prolixam distributionem, enumerat sex genera, ostenditque quid de vnoquoque genere sentiendum sit, quamque nihil, vel parum omnes sint metuendi. Ad quam quidem enumerationem idoneum sibi facit aditum, dum dicit. Exponam vobis Quirites, vbi proponit simul ac diuidit, de quo deinceps dicturus est, quod pertinet ad docilitatem. Conciliat etiam beneuolum auditorem, quos quidem ego, dum dicit se eos, qui sese Catilina coniunxerunt, velle potius sanare, ac reconciliare Reipub. quam bello persequi. Genus autem causa huius partis est deliberatio. Porro in hac parte placuit eiusmodi constituere propositionem, ad quam omnia argumenta dirigantur.

Coniura.

Coniuratorum consilia irrita sunt.

Hanc probat sex argumentis.

Primum argumentum sumptum ex primo genere coniuratorum, vnum genus est eorum.

In hoc argumento primo personas describit seditiosorum & perditorum hominum, quos facit locupletes, obaratos, usuris grauatos, qui cum amplas possessiones haberent, as tamen quod debebant soluere creditoribus, nolebant. Verum nouas tabulas de are alieno remittendo & usuris minuendis, expectantes à Catilina, ad eum ipsum accesserunt. Sed hanc eorum iniquam spem ex repugnantibus Cic. refellit, significans se prolaturum quidem tabulas, verum auctionarias, quibus videlicet cogeretur omnes isti, qui creditoribus suis satisfacere nolunt, suas possessiones auctioni, & venditioni publica subycere, ut sic ex redacta per auctionem pecunia, si non sua sponte, magistratum tamen autoritate impulsus, suis creditoribus omnia persoluerent debita, & ita fidem suam atque famam liberarent.

Secundo, Quid expectas, consilium eorum explicat & refutat dilemmate.

Propositio, Vel expectatis bellum, vel tabulas:

Confirmatio, Neque enim, Quia alia ratione non potestis retinere possessiones.

Assumptum, Si bellum, frustra.

Ratio, Nam in vastatione non erunt tuta vestra possessiones.

Si nouas tabulas eas non consequemini, sed potius
auctio.

auctionarias. Hoc amplificat, Quid si maturius, ab eorum inertia & stulticia. Si non expectaretis ut resura, fructus pradiorum vincant. & meliores, & locupletiores, essetis.

Tertio, Sed holce, Hos primi generis aduersarios, non esse pertimescendos ait.

Primam rationem dat, quia illi possunt deduci de sententia.

Alteram, Quia illi suis possessionibus timentes, magis pro repub. vota facturi domi quiescentes, amore possessionum suarum, quam eam ipsam oppugnaturi videantur.

Secundum argumentum ex altero genere coniuratorum, Alterum genus est eorum.

In hoc primo personas & qualitatem Cic. describit coniuratorum. Personas notat, indicans obnoxios esse aris alieni, egenos: qualitatem, dum eos ambitiosos bonorum, hoc motu ciuiliis belli notat, quos quieta repub. se consequi posse non arbitrabantur.

Secundo, quibus hoc præcipiendum, Refutat eorum consilium per inficiationem.

Propositio, Nego vos consequi posse honores, dominationem.

Ratio 1. Primum omnium, ab impossibili: Quia ego vigilabo, & magni sunt animi, in bonis viris ad resistendum vestris conatibus, magna concordia, maxima multitudo, magna copia militum, ad extremum dii ipsi auxiliares erunt.

Ergo non consequemini honores & dominationem.

Ratio 2. à repugnantibus. Quod si iam sint.

Quia

Quia etiā si vicerint coniurati, optatos tamen honores in seditione, & urbis exitio nequaquā assecuturi sunt.

Confirmatio. Quia nulla dignitas consulis, aut regis, vel dictatoris potest esse in vastatione urbis. Hæc amplificat, non vident, ab eorum precipiti stulticia cuius loci sensus est. Hac area quæ extabit post vastatam urbem, potius gladiatoribus & fugitiuis, quam honores capientibus, concedetur.

Tertium argumentum.

A tertio genere coniuratorum ductum.

Tertium genus.

Primò personas huius generis coniuratorum describit. Sunt autem in hoc ordine, veterani Sylla milites, rustici quidam mendiculi, profundentes bona sua, qui in tantum as alienum inciderunt; ut si salui esse velint, suscitandus esset Sylla à mortuis, utriq; rapinis ac cadibus inbiantes. Tandem ijs consulit, ut turbare ciuitatem desinant, cum sint omnibus inuisi, adeo, ut eorum insolentiam, pecudes etiam perpesura non sint, nedum ciues Romani tollerare debeant.

Quartum argumentum.

A quarto genere coniuratorum

Quartum genus est.

In hoc genere Cic: primo constituit homines oberratos, ignauos, profusos, decoctores, iudicijq; damnatos. Quos, hosce ego, per contemptum transit, non recusando acrius, usq; turpissimum exitum ominatur.

Primo

Primo à consequenti. Stare non possunt. Corruent igitur. Deinde expolit conclusionem: Ita cadent, ut in illorum casu nulla sit iactura Reip. & vicinis omnibus. Secundo ex adiunctis, nam illud non, vixerunt turpiter. Ergo corruent. Tertio ex adiunctis. aut cur minori, Malunt cum multis in bello, quam domi soli perire. Ergo corruent.

Quintum argumentum.

A quinto genere coniuratorum.

IN quinto genere ponit insigniter scelestos parricidas, sicarios, facinorosos, quos tanquam perditos & desperatos omittit, & perire simul cum Catilina optat.

Sextum argumentum.

Ex sexto genere coniuratorum.

Postremum.

IN hoc primo cōiuratos per hypotiposim suis coloribus depingit, eosque statuit homines delicatos, libidinosos, & luxu perditos. Secundo, quorum omnis industria adducit eos in contemptum ex antecedentibus, sensus est. Omnes suam industriam in voluptatibus confectandis consumunt. Ergo ad bellum inepti sunt. Tertio. Verum tamen quid sibi isti, Eosdem refutat ex adiunctis belli, quæ repugnant eorum delicis. Nam ad bellum proficiscientibus relinquenda sunt voluptates, tedium omne perferendum, asperitas hyemis, quamvis maxima sit tolleranda est. Hi istis carere non possunt. Ergo nihil in bello efficient. Confert tandem,

nisi

nisi idcirco, eorum conuiuia ad castra, & nuditatem ad armaturam.

Ultimo hanc secundam confirmationis partem vniuersaliter concludit exclamatione per ironiam posita. Ergo bellum, ex tantis hominibus collectum non est pertimescendum. Habet autem hac conclusio magnam occasionem sequentis adhortationis, in qua enumerabit Romanorum copias, ut sic per collationem virum, ciuium bonorum, & coniuratorum exercitus, à Romani timorē depellat. Dispositio autem huius partis talis est. Primo, personā coniuratorū describit. Deinde qualitatem eorum notat, ut primi generis species honesti, reuera impudentissimi; secundū ambitiosi. Tercio consilia eorum tangit. In primis quidem duobus significanter, in ceteris vero generibus non exprimit: quoniam idem est consilium eorum, cum superioribus, ut Remp. inuadant. Postremò eorū consilia suis argumentis reprehendit, ac irrita facit.

Elocutio.

Genus dicendi est temperatum ac mediocre, ut in narratione fieri par est. Adhibet affectus leniores eosque varius, ut in illa amplificatione stulticia. Quod si maturius, & mihi illi in cinere urbis & sanguine ciuium, &c. &, tantum illorum temporum &c. &, nam illud intelligo. &, num suas secum mulierculas, Exclamatio in fine semel, sed admodum apte adhibita est.

Figuræ sententiarum.

Sed cur, transitio, Quos quidem ego consulta-
tio, magno maioris, paronomasia, sunt enim, par-
rentesis,

rentesis, agris tu, apostrophe. Quid enim, prolepsis, Quod si, amplificatio grauisima, Expectant articulus cum antitetis, Quibus præcipiendum, prolepsis, primum omnium, congeries rerum & causarum, Quod si iam, concessio quæ mente, parentesis non sine affectu, non vident, amplificatio, vt si salui, prolepsis tertij generis per impossibile, Hosce ego, antitesis, Qui homines, prolepsis quarti generis, Sed ita, Expolitio & correctio sententiæ, Et percant sane, optatio vel potius execratio grauisima, In his gregibus, congeries cum summa animi contentione, Amare, amari, paria paribus reddita, scitote, comminatio, verumtamen, consultatio, ô bellum, exclamatio cum interrogatione.

Figuræ verborum.

Hoste hostem polypoton, sanare, metaphora; Reip. metonimia, (medicinam, dissolui, maturius deduci, premuntur, consequi, clarissimo, robustum, sentio, repentinus, iactant, tenues, furere, inustus, Mixtum, turbulentum vacillant, defatigati, stare corruant, sentiant, diuelli, complexu, sinu, gregibus seminarium) metaphora. Argento, familia, sceleris, cinere, sanguine, colonus, temporum, ciuitas, pruinas, niues, metonimia, tabulæ, magnos, amare, polypoton, vrbis, ciuium, dictaturas, sicariorum, latrocinio, muliereulas, synechdoche.

Tertia pars confirmationis.

Instruite nunc Quirites.

Adhortatur Quirites ad bellum contra Catilinam suscipiendum; estq; generis deliberatiui. cuius tanta

tanta est energia, ut rebus ipsis quam verbis incites, nulla enim est mentio suscipiendi belli, nulla conclusio, sed bellum ipsum gestu & voce exprimit, milites quasi iam in acie congressuros ordinat, in pugnam strenue educit, tanquam non oratorem, sed imperatorem belli ageret, exitum belli victoriam, quasi in vera pugna facit, dum ait, virtutibus tot, & tanta vitia superari.

Dispositio partis huius.

Propositio. Quirites arma sumite aduersus nefarium Catilinam.

Ratio. Superabitur enim facile.

Confirmatur ratio quinque argumentis communibus ferè omnibus à comparatione ductis; propriis vero, honesto & facili, quibus plurimum persuadet. Conferunt enim, primo personas inter se, principes cum principibus, milites cum militibus, deinde urbium præsidia, quæ civibus bonis, firma satis adesse, seditiosis autem & coniuratis, non esse, tradit. Postea causas ipsas belli, ex adiunctis variis, quibus Catilina & sociorum eius conatus, modis omnibus, inferiores esse demonstrat, quod prolixa congerie tractat: singula primum singulis, deinde pluribus: tum paria paribus opponens.

1. Argumentum, instruite, comparatorum sumptum ab adiunctis exercitus utriusque, Catilina & Quiritum. proprius vero est à loco facili. Catilina copia contemnenda sunt, nostræ vero firmissima. Ergo Catilina superabitur.

2. Argumentum, Deinde contra illam, ab
Z adiunctis

adiunctis ducum & militum, item à loco possibili. Catilina dux est fugitiuus, gladiator, vulneratus: nostri duces integri, firmi: Catilina milites sunt vulnerati, prima congressione confecti: eiectioni, naufragi: nostri flos & robur totius Italia. Ergo Catilina superabitur.

3. Argumentum, neque vero, ex loco communi comparatione adiunctorum, rerum necessarium ad bellum, proprio vero loco possibili. Nos omnibus rebus ad bellum necessariis abundamus, ille eget. Ergo Catilinam vincemus.

4. Argumentum, si, inquam, Ab adiunctis causarum belli, proprio vero honesto. Nostra belli causa honesta est, illorum inhonesta. Ergo pro honestate merito depugnandum. Antecedens probat, ex hac enim parte, paria paribus conferens. Catilinarios fraus, scelus, petulantia, incitat ad bellum: nos fides, pietas, pudor. Ergo nostra causa belli meliores, & proinde honestiores sunt.

5. Argumentum, in huiusmodi, à loco communi proprietate & officiis rerum, proprio vero necessitate, sumptum. Bonas causas necesse est sortiri bonum finem. At nostra causa belli, meliores sunt, illorum pessima. Ergo nostras causas finem bonum assequi necesse est, illorum vero malum. Nos ergo victores, illi victi euadent. Obseruanda sunt hoc loco diligenter contraria, quae inter se conferuntur satis prudenter, & eruditè.

Dispositio argumentorum est iudicii: non enim sequitur artis praecepta in argumentis collocandis, sed iudicium

iudicium suum. Primo enim à facili, deinde à possi-
bili, postea ab honesto, ultimo à necessario argumenta
collocat Sententiarum dispositio etiam est iudicii, dum
gladiator, consules: naufragis, florem Italiae opponit.
Deinde sequitur ordo naturalis, dum prius prestan-
tia re ponit. ut in ornamentorum praesidiorumq; cum
inopia & egestate comparatione. In hoc quoq; loco dum
virtutes, cum vitiis confert: virtutibus primum,
vitiis secundum assignat locum.

Elocutio.

Elocutio est ad commouendos animos apta summi
generis dicendi, dum bonos cum malis, virtutes
cum vitiis summa animi contentione comparat. Me-
tonymia frequentissima sunt. Amplificationes & ver-
borum & rerum insignes, ex variis rerum circumstan-
tiis sumptæ, congeries, contentiones, summo & graui
animi motu continuatæ. Affectus vehementes quos
non tantum sententia, sed etiam verba ipsa excitant.
ut, gladiator, confecto, & saucio, latronis, ino-
pia, & egestate, ad extremum in comparatione vir-
tutum & vitiorum.

Figurae sententiarum.

PRæclaras, ironia est acris, est quoque in tota sen-
tentia characterismus hoc est belli descriptio, neq;
vero, Amplificatio grauißima à rebus sumpta, ex
hac enim parte, Antitesis, & congeries causarum
grauißima & vehemens, in huiusmodi certamine,
Z 2 ominatio

ominatio in qua bene, bonis: male, malis, ominatur.

Figuræ verborum.

Vestra, *polyptoton*, præsidia, *metonimia*, gladiator, debilitatam, florem, robur, coloniarum, municipiorum tumultis, *metaphora*, præsidia, inopia, egestate, senatu, ærario, italia, provinciis, exteris, pudor, petulantia, stuprum, fraudatio, *metonimia*, iaceant certamine præclarissimis, *metaphora*, tot & tanta, *polyptoton*.

Compositionem grauem & concitatam, verba ipsa declarant, augentur atque insurgunt sententia, naturalis ordo ubi commodè fieri potuit seruatur, interdum pro affectus exigentia variatur, ad extremum ingreditur continuo fluxu, & nusquam offendit oratio.

Quoniam autem ad affectum grauem componitur oratio, ideo negligentius periodos obseruat, ut non præmeditatus videatur dicere, sed ex ipso rerum affectu.

Numeri in hac oratione, sunt qui maximè probantur, ut est *pæan primus*, *pæan tertius*, *epitritii*, *creticus*, *ionici antibachius*, *trocheus*, *dactylus*.

Peroratio, Quæ cum ita sint,

Inuentio & dispositio.

Hæc constat partibus quinque.

1. *Est adhortatio, in hac ciues ad vrbis defensionem hortatur, simulq; operam suam in comparandis præsidiis pollicetur.*

2. *Est*

2. Est brevis antedictorum repetitio, coloni omnes, in hac ex illis quæ hæcenus in oratione dixit præcipua enumerat. ubi primum præsidia urbis, coloniarum, & municipiorum cum novis præsidiis Catilinariorum confert, magnamq; spem victoriæ in Q. Metelli, contra Catilinam, exercitu, & in sua senatorumque diligentia ponit.

3. Est adhortatio, nunc illos, in qua eos qui remanserunt in urbe, hortatur, ut exeant, libertatemq; ipsis, egressionis promittit.

4. Est comminatio, Qui vero, in hac grauis-
simè comminatur ei, si quis se in urbe contra rempub. mouerit, simulq; officium suum atq; diligentiam in propulsandis & vindicandis hostibus promittit: & ut omnem eius rei à se inuidiam remoueat, significat se omnia sedulo facturum, ut ex tanti periculi metu, rempub. ad tranquillitatem pacemque reducat: & ut vel in neminem, vel certe in paucos, si requirat necessitas, animaduertat. quod studium suum viuo testimonio, ad maiorem populi confirmationem auget.

Ultima est commemoratio signorum atque indiciorum diuinæ beneficentiæ erga populum Romanū, quæ quidem ego, In hac commemorando beneficia Deorum, spem firmiorem in animis Quiritum, consequenda pacis excitat, simulq; eosdem adhortatur, ad venerandos Deos, ut ij tam graui periculo, & calamitate Romam liberent.

Elocutio.

Genus dicendi ratione compositionis est ferè mediū, sed si rem ipsam potius, quam verba & sententias intuemur,

intuemur, graui generi poterimus banc partem subijcere: inest enim maxima vis in enumeratione, est summus terror in comminatione, deniq; magna grauitas in amplificatione. Affectus sunt magni pondere, dictione prope parui.

Est quoq; moderata dictionis compositio: qua oblitus Cic. vehementia superioris, & acrimonia apertissime vtitur. Nulla hic interrogatio, nulla vehementia cernitur: ad tranquillitatem componit orationem: quia vult sedare commotos animos coniuratorum contra rempublicam. Ait enim de peroratione ad Trebatium in Topicis, cuius effectus hic debet esse. Vt aut perturbentur animi, aut tranquillentur: & si ita iam affecti sunt ante, vt augeat eorum motus, aut sedet oratio. Quod quidem praeceptum exprimit Cic. dum pacare, & tranquillos animos coniuratorum efficere studet.

Pars item hac iuxta praecepta rhetorum periodis maxime ornanda est: numerus enim & comprehensiones faciunt orationem iucundam. Hic prima periodus bimembris, membra vero sunt vix non paria numero syllabarum, quam vehementer Aristoteles probat Vltimo loco ponit periodum, cum summo animi affectu quatuor membrorum, cuius principium tribus membris continetur, reditus vltimo.

Adhibet principio paeanem primum, epitritum secundum, Quae cum ita sint, in clausula media ionicum maiorem, defendite, in fine epitritum 3. finem orationis claudit Molosso, precedente tribracho vt sceleris defendant Reliqua diligenti observatione colliges.

Figura.

Figuræ.

T*multu similiter e adens, quam sibi quanquam, parentesis, mea lenitas, consultatio, tecta, synecdoche, custodiis, vigiliis, senatum, arma, scelerum, audaciæ, patriæ, urbem, nefario, metonymia, prospiciens, maturandis, latebat, crumperet, commouerit, domesticum, impendens, deduxerint, ducibus, ingressus, florentissimam, metaphora, meam, paranomasia, Qui vero, comminatio, quæ quidem, pollicitatio.*

Z 4

M. T.

M. T. CICERONIS

IN L. CATILINAM

Oratio III.



Empublicam, Quirites, vitamq; omnium vestrum, bona, fortunas, coniuges, liberosq; vestros, atq; hoc domicilium clarissimi imperij, fortunatissimam pulcherimamq; urbem hodierno die, Deorum immortalium erga vos summo amore, laboribus, consilijs periculisq; meis ex flamma atque ferro, ac penè ex faucibus fati ereptam, & vobis conseruatam ac restitutam videtis. Etsi non minus nobis iucundi atq; illustres sunt hi dies, quibus conseruamur, quàm illi quibus nascimur, quòd salutis certa lætitia est, nascendi incerta conditio; & quòd sine sensu nascimur, cum voluptate conseruamur: profectò quoniam illum qui hanc urbem condidit, Romulum ad Deos immortales beneuolentia fama que sustulimus, esse apud vos posterosq; vestros in honore debet dies is, qui eandem hanc urbem conditam amplificatamq; seruauit. Nam totius vrbsis templis, delubris, tectis omnibus subiectos propè iam ignes, circumdatosque restinximus: itemq; gladios in Remp. districtos reuoluimus, mucronesq; eorum à iugulis vestris reiecimus. Quæ quoniam in Senatu illustrata, patefacta, comperta sunt per me, vobis iam exponam

ponam breuiter, Quirites, vt & quanta & quàm manifesta, & qua ratione inuestigata & comprehensa sint, vos qui ignoratis, exactis scire possitis. Principio, vt Catilina paucis ante diebus erupit ex vrbe, cùm sceleris sui socios & huiusce nefarij belli acerrimos duces Romæ reliquisset, semper vigilauì & prouidi, Quirites, quemadmodum in tantis & tam absconditis insidijs salui esse possemus. Nam tum cū ex vrbe Catilinā eiciebam (non enim iam vereor huius verbi inuidiam, cùm illa magis sit timenda, quod viuus ingressus est) sed tum, cū illum exterminari volebam, aut reliquam coniuratorum manū simul exituram, aut eos qui remanissent infirmos sine illo ac debiles fore putabam. Atq; ego, vt vidi, quos maximo furore & scelere esse inflammatos sciebam, esse nobiscum & Romæ remanuisse, in eo omnes dies noctesq; consumpsi, vt quid agerent, quid molirentur, sentirem ac viderem: vt, quoniam auribus vestris propter incredibilem magnitudinem sceleris, maiorem fidem faceret oratio mea, rem ita comprehenderem, tum demum animis salutique vestræ prouideretis, cùm oculis maleficium videretis. Itaq; vt comperi, legatos Allobrogum belli Transalpini & tumultus Gallici excitandi causa, à P. Lentulo esse sollicitatos: eosque in Galliam ad suos ciues, eodemque itinere cum literis mandatisque ad Catilinam esse missos comitemque his adiunctum esse, Vultur

tium, atq; huic datas esse ad Catilinam literas; facultatem mihi oblatam putavi, vt quod erat difficilimum, quodq; ego semper optabam à Dijs immortalibus, tota res non solum à me, sed etiam à Senatu & à vobis manifestè deprehenderetur. Itaq; hesternò die L. Flaccum & Cn. Pontinium prætores fortissimos atque amantissimos Reip. viros ad me vocavi, rem omnem exposui, quid fieri placeret ostendi. Illi autem qui omnia de Repub. præclara atq; egregia sentirent, sine recusatione ac sine vlla mora negotium susceperunt, & cum aduersperasset, occultè ad pontem Miluium peruenerunt, atq; ibi in proximis villis ita bipartiti fuerunt, vt Tybris inter eos & pons interesset: eodem autem & ipsi sine cuiusquam suspitione multos fortes viros eduxerunt, & ego ex præfectura Reatina complures delectos adolescentes, quorum opera vtor assiduè in Reip. præsidio, cum gladijs miseram: interim tertia ferè vigilia exacta, cum iam pontem Miluium cū magno comitatu legati Allobrogū ingredi inciperent, vnaque Vulturcius, sit in eos impetus: educuntur ab illis gladijs à nostris: res erat Prætoribus nota solis, ignorabatur à cæteris. Tum interuentu Pontinij atque Flacci, pugna quæ erat commissa, sedatur. Literæ, quæcunq; erant, in eo comitatu integris signis prætoribus traduntur. Ipsi compræhensi, ad me, cum iam dilucesceret deducuntur. Atq; horum omnium sce-

lerum

Ierum improbissimum machinatorem Cimbrū
 Gabinium statim ad me nihil dum suspicantem
 vocaui. Deinde item accersitur P. Statilius, &
 post eum Cethegus: tardissimè autem Lentu-
 lus venit. Credo quòd literis dandis præter con-
 suetudinè proxima nocte vigilârat. Cùm verò
 summis & clarissimis huius ciuitatis viris, qui
 audita re frequentes ad me manè conuenerant,
 literas à me prius aperiri, quàm ad Senatum
 referri, placeret: ne si nihil esset inuentum, te-
 merè à me tantus tumultus iniectus ciuitati vi-
 deretur: negaui me esse facturū, vt de periculo
 publico, non ad consilium publicum rem inte-
 gram deferrem. Etenim, Quirites, si ea quæ e-
 rant ad me delata, reperta non essent: tamen e-
 go non arbitrabar in tantis Reip. periculis esse
 mihi nimiam diligentiam pertimescendam: Se-
 natur, frequentem celeriter, vt vidistis, coëgi.
 Atq; interea statim admonitu Allobrogum, C.
 Sulpitium prætorem, fortem virum misi, qui
 ex ædibus Cethegi, si quid telorum esset, effe-
 ret. Ex quibus ille maximum sicarum numerū
 & gladiatorum extulit. Introduxi Vulturium
 sine Gallis, fidem ei publicam iussu Senatus
 dedi: hortatus sum, vt ea quæ sciret, sine timo-
 re indicaret. Tum ille dixit, cùm vix se ex ma-
 gno timore recreasset, à P. Lentulo se habere ad
 Catilinam mandata & literas, vt seruorum præ-
 sidio vteretur, & ad urbem quam primū cum
 exercitu accederet. Id autem eo consilio, vt
 cūm

cum urbem omnibus ex partibus, quemadmodum descriptum distributumque erat, incendiissent, eademque infinitam civium fecissent, praesto esset ille, qui & fugientes exciperet, & se cum his urbanis ducibus coniungeret. Introducit autem Galli, iusiurandum sibi & literas à P. Lentulo, Cethego, Statilio ad suam gentem datas esse dixerunt. Atque ita sibi ab his & à L. Cassio esse praescriptum, ut equitatum in Italiam quam primum mitterent, pedestres sibi copias non defuturas. Lentulum autem sibi confirmasse ex fatis Sibyllinis, aruspicumque responsis, se esse tertium illum Cornelium, ad quem regnum urbis huius atque imperium pervenire esset necesse. Cinnam ante se, & Syllam fuisse, eundemque dixisse, fatalem hunc esse annum ad interitum huius urbis atque imperij, qui esset decimus annus post virginum absolutionem: post Capitolij autem incensionem vigesimus. Hanc autem Cethego cum ceteris controuersiam fuisse dixerunt, quod cum Lentulo & alijs eadem Saturnalibus fieri, atque urbem incendi placeret: Cethego nimium id longum videretur. Ac ne longum sit, Quirites, tabellas proferri iussimus, quae à quoque dicebantur datae. Primum ostendimus Cethego: signum cognovit: nos linum incidimus, legimus, erat scriptum ipsius manu, Allobrogum Senatui, & populo sese, quae eorum legatis confirmasset, esse facturum: orare ut item illi facerent, quae sibi legati eorum praecipissent

cepissent. Tum Cethegus, qui paulò antè aliquid de gladijs ac sicis quæ apud se erant de-
 præhensæ respondisset, dixissetque se sem-
 per bonorum ferramentorum studiòsum fuisse
 recitatis literis debilitatus atque abiectus, con-
 scientia conuictus repentinè conticuit. Introdu-
 ctus est Statilius, cognouit & signum & ma-
 num suam, recitatæ sunt tabellæ. In eadem fe-
 rè sententia confessus est, Tum ostendi tabellas
 Lentulo, & quæsiui, cognosceretne signum.
 annuit. Est verò, inquam, notum signum &
 imago aui tuiclarissimi viri, qui amauit vnicè
 patriam & ciues suos: quæ quidem te à tanto
 scelere & iam mutare & reuocare debuit. Le-
 guntur eadem ratione ad Senatum Allobro-
 gum populumque literæ: si quid de his rebus
 dicere vellet, feci potestatem. Atque ille qui-
 dem primò negauit, post autem aliquantò to-
 to Vulturij iam indicio exposito atque edito
 surrexit. Quæsiuit à Gallis, quid sibi esset cum
 his: quamobrem domum suam conuenissent?
 Itemque à Vulturio. Qui cum illi breuiter con-
 stanterque respondissent, per quem ad eum quo-
 tiescunq; venissent, quæsissetque ab eo, nihil ne
 secum esset de fatis Sybillinis locutus: tum
 subitò ille scelere demens, quanta conscien-
 tiæ vis esset, ostendit. Nam cum id posset infi-
 ciari, repentinè præter opinionem omnium con-
 fessus est: ita cum non modò ingenium illud, &
 dicendi exercitatio qua semper valuit, sed eti-
 am pro-

am propter vim sceleris manifesti atque de-
 prehensi, impudentia, qua superabat omnes-
 improbitasq; defecit. Vulturtius verò subito
 proferri literas atq; aperiri iussit, quas sibi à Lē-
 tulo ad Catilinam datas esse dicebat. Atque ibi
 vehemētissimè perturbatus Lentulus, tamen &
 signum & manū cognouit: erant autem scripta
 sine nomine, sed ita: QVI SIM, EX EO QVEM AD
 TE MISI, COGNOSCES: CVRA VT VIR SIS ET COGI-
 TA QVEM IN LOCVM SIS PROGRESSVS: ET VIDE
 QVID IAM TIBI SIT NECESSE: CVRA VT OMNIVM
 TIBI AVXILIA ADIVNGAS, ETIAM INFIMORVM.
 Gabinius deinde introductus, cū primū im-
 pudenter respōdere cōpisset, ad extremū nihil
 ex iis quæ Galli insimulabant, negavit. At mihi
 quidē. Quirites, cū illa certissima sunt visa ar-
 gumēta atque indicia sceleris, tabellæ, signa, ma-
 nus, denique vniuscuiusq; confessio: tum multò
 certiora illa, color, oculi, vultus, taciturnitas.
 Sic enim obstupuerant, sic terrā intuebantur,
 sic furtim nonnunquam inter se aspiciebant, vt
 nō iam ab illis indicari, sed ipsi se indicare vide-
 rētur. Indiciis expositis atq; editis, Quirites, Se-
 natum consului de summa Reipub. quid fieri
 placeret. Dictæ sunt à principibus acerrimæ ac
 fortissimæ sententiæ, quas Senatus sine vlla mo-
 ra est consecutus. Et quoniam nondum est per-
 scriptum Senatusconsultū, ex memoria vobis,
 Quirites, quid Senatus censuerit, exponam. Pri-
 mum mihi gratiæ verbis amplissimis aguntur,
 quod

quo
 perio-
 cus,
 pera-
 re la-
 meo
 qui h-
 is, &
 fueru-
 caſſet
 C. Ce-
 omne
 tur: a
 um, q
 depo-
 tando
 indica-
 nijs, q
 lium
 per era-
 ſatus:
 à quo
 ctos ef-
 eſt vſu
 tantaq
 ſtium,
 na, Re-
 nari po-
 tio diſ-
 rito, m

IN L. CATILINAM III.

367

Quod virtute, consilio, prouidentia mea, Resp. periculis sit maximis liberata: deinde L. Flaccus, & C. Pontinius, prætores, quòd eorum opera forti fidelique vltus essem, meritò, ac iure laudantur: atque etiam viro forti, collegæ meo, C. Antonio, laus impertitur, quòd eos, qui huius coniurationis participes fuissent, à suis, & Reip. consilijs remouisset, atque ita censerunt, vt P. Lentulus, cum se prætura abdicasset, cum in custodiam traderetur: itemq; vti C. Cethegus, L. Statilius, P. Gabinus, qui omnes præsentés erant, in custodiam traderentur: atque idem hoc decretum est in L. Cassium, qui sibi procurationem incendendæ vrbis depoposcerat: in M. Caparium, cui ad sollicitandos pastores, Apuliam esse attributam, erat indicatum: in P. Furium, qui ex his colonijs, quas Fesulas L. Sylla deduxit: in Q. Manlium Chilonem, qui vnâ cum hoc Furio semper erat in hac Allobrogum sollicitatione versatus: in P. Vmbrenum libertinum hominem, à quo primum Gallos ad Gabinium perductos esse constabat. Atque ea lenitate Senatus est vsus, Quirites, vt ex tanta coniuratione, tantaque vi, ac multitudine domesticorum hostium, nouem hominum perditissimorum pœnia, Rep. conseruata, reliquorum menteis sanari posse arbitrarètur. Atque etiam supplicatio dijs immortalibus pro singulari eorum merito, meo nomine decreta est, Quirites: quod

mihi primum post hanc urbem conditam toga
 to contigit: & his decreta verbis est, quod ur-
 bem incendijs, cæde ciueis, Italiam bello libe-
 rassem. Quæ supplicatio si cum cæteris confe-
 ratur, Quirites, hoc intersit, quod cæteræ, be-
 ne gesta, hæc vna, conseruata Rep. constituta
 est. Atque illud, quod faciendum primum fuit-
 factum, atque transactum est. nam P. Lentu-
 lus, quanquam patefactus indicijs & confessio-
 nibus suis, iudicio senatus, non modo prætoris
 ius, verum etiam ciuis amiserat: tamen magi-
 stratu se abdicauit: vt quæ religio C. Mario,
 clarissimo viro, non fuerat, quo minus C. Glau-
 ciam, de quo nihil nominatim erat decretum,
 prætorem occideret, ea nos religione in priua-
 to P. Lentulo puniendo liberaremur. Nunc,
 quoniam, Quirites, sceleratissimi, periculo sis-
 simique belli nefarios duces captos, iam, & cõ-
 prehensos tenetis, existimare debetis, omnes Ca-
 tilinæ copias omnes spes, atq; opes, his depulsis
 urbis periculis concidisse. Quæ quidem ego cum
 ex vrbe pellebã hoc prouidebam animo, Quiri-
 tes, remoto Catilina, nō mihi esse P. Lentuli so-
 mnū nec L. Casij adipem, nec C. Cethegi furio-
 sã temeritatem pertimescendam. Ille erat vnus
 timēdus ex his omnibus, sed tamdiu, dum mor-
 nibus urbis continebatur. omnia norat, omniū
 aditus tenebat: appellare, tentare, sollicitare
 poterat, audebat: erat ei consilium ad facinus
 aptum: consilio autem neque lingua, neque
 manus

manus deerat. Iam ad cæteras res conficiendas certos homines delectos, ac descriptos habebat. neque verò cum aliquid mandauerat, confectum putabat. nihil erat, quod non ipse obiret, occurreret, vigilaret, laboraret: frigus, sitim, famem ferre poterat. Hunc ego hominem tam acrem, tam paratum, tam audacem, tam callidum, tam in scelere vigilantem, tam in perditis rebus diligentem, nisi ex domesticis insidiis in castrense latrocinium compulsiſſem (dicam id quod sentio, Quirites) non faciliè hanc tantam molem mali à ceruicibus vestris depulsiſſem. Non ille vobis Saturnalia constituiſſet, neque tanto antè exitium, ac fati diem reip. denuntiaſſet, neque commiſſet, vt signum, vt litteræ suæ, testes denique manifesti sceleris deprehenderentur. quæ nunc, illo absente, sic gesta sunt, vt nullum in priuata domo furtum vnquam sit tam palàm inuentum, quàm hæc tanta in rep. coniuratio, manifestò inuenta, atque deprehensa est. Quòd si Catilina in vrbe ad hanc diem remansiſſet: quanquam, quoad fuit, omnibus eius consiliis occurri, atque obſtiti, tamen, vt leniſſimè dicam, dimicandum nobis cum illo fuiſſet, neque nos vnquam, dum ille in vrbe hostis fuiſſet, tantis periculis rem p. tanta pace, tanto otio, tanto silentio, liberaſſemus. Quanquam hæc omnia, Quirites, ita sunt à me administrata, vt deorum immortalium nutu, atque consilio & gesta, & prouisa esse

videantur. idq; cum coniectura consequi possumus, quod vix videtur humanis consiliis tam molem rerum gubernatio consequi potuisse: tum verò ita præsentes his temporibus opem, & auxilium nobis tulerunt, ut eos pene oculis videre possemus. Nam, ut illa omittam, visas nocturno tempore ab occidente facis, ardoremque cæli, fulminum iactus, ut terræ motus, cæteraque, quæ tam multa, nobis consuliis, facta sunt, ut hæc quæ nunc fiunt, canere dii immortales viderentur: hoc certè, Quirites, quod sum dicturus, neq; præter mittendū neq; relinquendū est. Nā profectò memoria tenetis, Cotta, & Torquato Coss. cōplureis in Capitolio turreis de cælo esse percussas, cum & simulacra deorum immortalium depulsa sunt, & statue veterum hominum deiectæ, & legum æraliquæ facta. tactus est etiam ille, qui hanc urbem condidit, Romulus: quem inauratum in Capitolio parvum, atque lactantem, vberibus lupinis inhiantem fuisse meministis. Quo quidem tempore, cum aruspices ex tota Etruria convenissent, cædes, atque incendia, & legum interitum, & bellum civile, ac domesticum, & totius urbis, atque imperij occasum appropinquare dixerunt, nisi dii immortales omni ratione placati, suo numine propè fata ipsa flexissent. Itaq; illorum responsis tunc & ludi decem per dies facti sunt, neque res vlla, quæ ad placandum deos pertineret, prætermissa est: ijdemq; iusserunt,

iusserunt, simulacrum Iouis facere maius, & in
excelfo collocare, & contrà, atque antè fuerat,
ad orientem conuertere: ac se sperare dixerunt,
si illud signum, quod videtis, solis ortum, &
forum, curiamq; conspiceret, fore, vt ea con-
silia, quæ clàm essent inita contra salutem vr-
bis, atque imperij, illustrarentur, vt à S. P. Q.
R. perspici possent. Atque illud ita collocan-
dum consules illi statuerunt: sed tanta fuit ope-
ris tarditas, vt neque à superioribus consuli-
bus, neque à nobis ante hodiernum diem col-
locaretur. Hic quis potest esse, Quirites, tam
auersus à vero, tam præceps, tam mente ca-
ptus, qui neget, hæc omnia, quæ videmus,
præcipueq; hanc urbem, deorum immortalium
nutu, atq; potestate administrari? Etenim cum
esset ita responsum, cædeis, incendia, interi-
tumque reip. comparari, & ea à perditis ciui-
bus, quæ tum propter magnitudinem scelerum
nonnullis incredibilia videbantur: ea non mo-
dò cogitata à nefariis ciuibus, verùm etiam su-
scepta esse sensistis. Illud verò nonne ita præ-
sente, vt nutu Iouis optimi maximi factum
esse videatur, vt cum hodierno die manè per
forum meo iussu & conurati, & eorum indices
in ædem Concordiæ ducerentur, eo ipso tem-
pore signum statueretur? quo collocato, atq;
ad vos, senatumq; conuerso, omnia & senatus,
& vos, quæ erant contra salutem omnium co-
gitata, illustrata, & patetacta vidistis. Quo e-
tiam

tiam maiore sunt isti odio, supplicioq; digni, qui non solum vestris domiciliis, atque tectis, sed etiam deorum templis, atque delubris sunt funestos, ac nefarios igneis inferre conati: quibus ego si me restitisse dicam, nimium mihi sumam, & non sim ferendus. ille, ille Iupiter restitit: ille Capitolium, ille hæc templa, ille hanc urbem, ille vos omneis saluos esse voluit. diis ego immortalibus ducibus hanc mentem, Quirites, voluntatemque suscepi, atque ad hæc tanta indicia perueni. Iam verò illa Allobrogum sollicitatio, sic à Lentulo, cæterisque domesticis hostibus, tanta res, tam dementer credita & ignotis, & barbaris commissæque literæ nunquam essent profectò, nisi à diis immortalibus huic tantæ audaciæ consilium esset ereptum. Quid vero? ut homines Galli ex ciuitate malè pacata, quæ gens vna restat, quæ populo R. bellum facere & posse, & non nolle videatur, spem imperii, & rerum amplissimarum vltro sibi à patriciis hominibus oblatam negligerent: vestramque salutem suis opibus anteponerent id nonné diuinitus factum esse putatis? præsertim qui nos non pugnando, sed tacendo superare potuerunt? Quamobrem, Quirites, quoniam ad omnia puluinaria supplicatio decreta est, celebratote illos dies cum coniugibus, ac liberis vestris. Nam multi sæpe honores diis immortalibus iusti habiti sunt, ac debiti, sed profectò iustiores nunquam. Erepti enim ex crudelissimo, ac miserrimo interitu, &

crepti

erepti sine cæde, sine sanguine, sine exercitu,
sine dimicatione, me vno togato duce, &
imperatore, vicistis. Etenim recordamini,
Quirites, omneis ciuileis dissensiones, neque
solum eas, quas audistis, sed & has, quas vos
metipsi meministis, & vidistis: L. Sylla P. Sulpi-
cium oppressit: ex vrbe eiecit C. Marium, cus-
todem huius vrbis: multosque forteis viros
partim eiecit ex ciuitate, partim interemit. Cn.
Octavius, Coss. armis ex vrbe collegam suum
expulit. omnis hic locus aceruis corporum, &
ciuium sanguine redundauit. Superauit postea
Cinna cum Mario. tum verò, clarissimis viris
interfectis, lumina ciuitatis extincta sunt. Vl-
tus est huius victoriæ crudelitatem postea Syl-
la. ne dici quidem opus est, quanta diminutio-
ne ciuium, & quanta calamitate reip. Dissensit
M. Lepidus à clarissimo, & fortissimo viro Q.
Catulo. attulit non tam ipsius interitus reip. lu-
ctum, quàm cæterorum. Atque illæ dissensio-
nes erant huiusmodi, Quirites, quæ non ad de-
lendam, sed ad commutandam remp. pertine-
rent. non illi nullam esse remp. sed in ea, quæ
esset, se esse principes: neque hanc urbem con-
flagrare, sed se in hac vrbe florere voluerunt.
Atque illæ tamen omnes dissensiones, quarum
nulla exitium reip. quæsiuit, eiusmodi fuerunt,
vt non reconciliatione concordix, sed interne-
ctione ciuium diiudicata sint. In hoc autem vno
post hominum memoriam maximo, crudeliss-

simoque bello, quale bellum nulla vnquam
barbaria cum sua gente gessit: quo in bello lex
hæc fuit à Lentulo, Catilina, Cassio, Cethego
constituta, vt omnes, qui salua vrbe salui esse
possent, in hostiũ numero ducerentur: ita me
gessi, Quirites, vt omnes salui conseruaremini:
& cum hostes vestri tantum ciuium superfu-
turum putassent, quantum infinitæ cædi resti-
tisset: tantum autem vrbis, quantum flamma
obire non potuisset: & urbem, & ciueis inte-
gros, incolumeisq; seruari. Quibus pro tan-
tis rebus, Quirites, nullum ego à vobis præmi-
um virtutis, nullum insigne honoris, nullum
monumentum laudis postulo, præter quàm
huius die vestræ memoriã sempiternã In animis
ego vestris omneis triumphos meos, omnia
ornamenta honoris, monumenta gloriæ, lau-
dis insignia, condi, & collocari volo. nihil me
mutum potest delectare, nihil tacitum, nihil
denique huiusmodi, quod etiam minùs digni
assequi possint. Memoria vestra, Quirites, no-
stræ res alentur, sermonibus crescent, litera-
rum monumentis inueterascent, & corroboran-
buntur: eandemq; diem intelligo, quam spe-
ro æternam fore, & ad salutem vrbis, & ad me-
moriã consulatus mei, propagatam: vnoq;
tempore in hac rep. duos ciueis existisse, quo-
rum alter sineis vestri imperii, non terræ, sed
cæli regionibus terminaret: alter eiusdem im-
perii domicilium, sedemq; seruaret. Sed, quo-
niam

niam earum rerum, quas ego gessi, non est eadem fortuna, atque condicio, quæ illorum, qui externa bella gesserunt: quòd mihi viuendum sit cum illis, quos vici, ac subegi: illi hosteis aut interfectos, aut oppressos reliquerunt: vestrum est, Quirites, si cæteris recta lra facta profunt, mihi mea nequando obsint, prouidere. mentes enim hominum audacissimorum sceleratæ, ac nefariæ ne vobis nocere possent, ego prouidi; ne mihi noceant, vestrum est prouidere: quanquam, Quirites, mihi quidem ipsi nihil iam ab istis noceri potest. magnum enim est in vobis præsidium, quod mihi in perpetuum comparatum est: magna in rep. dignitas, quæ me semper tacita defendet: magna vis est conscientiæ, quam qui negligent, cum me violare volent, se ipsi indicabunt. Est etiam in nobis is animus, Quirites, vt non modò nullius audaciæ cædamus, sed etiam omneis improbos vltro semper laceßamus. Quòd si omneis impetus domesticorum hostium depulsi à vobis, se in me vnum conuerterint, vobis erit prouidendum, Quirites, qua condicione posthac eos esse velitis, qui se pro salute vestra obtulerint inuidiæ, periculisque omnibus. Mihi quidem ipsi quid est, quod iam ad vitæ fructum possit acquiri, præsertim cum neque in honore vestro, neq; in gloria virtutis quidquam videam altius, quò quidem mihi libeat adscendere? Illud perficiam profectò, Quirites, vt ea, quæ

gessi in consulatu, priuatus tuear, atq; ornem:
 vt, si qua est inuidia in conseruanda rep. susce-
 pta, lædat inuidos, mihi valeat ad gloriam. de-
 niq; ita me in rep. tractabo, vt meminerim sem-
 per quæ gesserim, curemque vt ea, virtute, non
 casu, gesta esse videantur. Vos, Quirites, quo-
 niam iam nox est, veneramini illum Iouem, cu-
 stodem huius vrbis, ac vestrum, atque in ve-
 stra tecta discedite: & ea, quanquam iam peri-
 culum est depulsum, tamen æquè, ac priori
 nocte fecistis, custodiis, vigiliisque defendite.
 Id ne vobis diutius faciendum sit, atque vt in
 perpetua pace esse possitis, prouidebo.

ADAMVS

A
IN



ser-
con-
qu-
nif-
ric-
cat-
dat-
Re-
inf-

C
ma-
Cic-
in p-
rat-
uit-
cili-



ADAMVS STEZICIENSIS IN TERTIAM CIC. ORATIONEM CATILINARIAM.

Argumentum orationis.



Expectantes ciues Romanos Cic: primo docet, qua industria, quoué consilio coniurationis principes in vrbe relictos deprehenderit, quibus indicijs deprehensos oppresserit, quidq; ea de re censuerit Senatus: cuius quidem coniurationis oppressionem, talem extitisse affirmat, qualem sua consilia, vix ad exitum deducere potuissent nisi diuinitus adiutus foret. Deinde magnitudinem periculi ostendit, comparans eam coniurationem, cum ceteris ciuilibus, intestinisq; bellis. Postremo commendat se liberoſq; suos populo Romano, & se in incapta Reipub. defensione, etiam priuatum constantem, atq; infractum fore promittit.

Genus Quæstionis.

Quæstio est ea quæ vocatur hypothesis, descripta certo tempore, notata factio, vtrum apud ciues Romanos posterosq; eorum, in honore debeat esse dies, is, quo Cic. urbem seruauit. Quæ quidē quæstio satis euident est in principio orationis, magisq; indicata, quam disputata. In eius vero cursu admodum obscure eam inuoluit; hoc autem facit, ne inuidiam sibi apud ciues conciliet, si sapius & apertius, eo die à se seruata Rempublic dixerit

dixerit. Sed partim reijcit hoc factum in ipsos Deos, qui portentis & prodigijs ante significabant, eam coniurationem futuram: partim etiam magnitudinem mali exaggerat..

Genus causæ.

O Ratio est deliberatiui generis: suadet enim in ea Quiritibus Cic: ut diem illum quo ex coniuratorum manibus Resp. erepta est, ad perpetuam rei memoriam celebrent, ut supplicationibus decretis, deorum immortalium in se beneficia agnoscant, adeoque sine metu sint, ac Deo grati.

Status seu constitutio.

Status huius causæ is est. An sit dies is perpetua memoria celebrandus, quod faciendum esse ab aequitatis locis probat. Quamobrem ad qualitatis statum pertinet. Non quidem ex illa consuetudine causarum, ut in genere iudiciali: in illo enim loco, ex quo eam orationem habuit Cic. non exercebantur iudicia, neque etiam Cic: hoc loco accusat. Sed est status extra contentionem natus. Cuius sensus. Dies quo à Cic. oppressa coniuratio est, perpetua memoria temporis notandus est.

Quo loco dicat

Dispositio consistit in duobus, in verbis, & rebus: rerum autem dispositio triplex est. Partium orationis, argumentorum, & partium argumentationis. Hac oratio constat quatuor ijs partibus. Exordium, qua

dio, in quo latet orationis totius propositio. Narratione, Confirmatione, & Conclusionem. Estq; earum ordo natura. In exordio Cic modeste suum erga Remp. beneficium commemorat, in narratione modum ac viam complectitur coniurationis patefacta: quo nimirum pacto coniurati principes in vrbe deprehensi, conuicti & custodijs dati sint. Confirmatio continet indicia varia, quibus probat Deos ipsos, urbem Romam conseruare voluisse, atq; Remp. ex praesenti coniuratione liberasse,

Verborum vero dispositio, argumentorum, & partium argumentationis, suis locis patebit.

Quomodo dicat.

Genus dicendi est medium. Quod primo ex ipsa materia iudicari potest: In hoc enim genus cadit omnis virtutis ratio, vt nunc Ciceronis pietas erga Remp. & officium magistratus, erga ciues commemoratur: cadit quoq; omnis laudatio, vt Deorum immortalium, quibus cura est imperium Romanum. Secundo ex verborum elocutione eorumq; compositione, quae leniter coeunt, ipsaq; compositio plurimum suauitatis habet, vt pote quod aequabili verborum dignitate constet. Demum ex sententijs earumq; amplificatione. deniq; ex ipsis quibus est aspersa affectibus. Magis tamen inclinata est ad grande genus. Ornataq; est ijs potissimis figuris, & luminibus verborum quidem metonymia, Synechdoche metaphora, epanaphora polysindeton, paranomasia, & id genus ceteris. Orationis vero ac Sententiarum Prolepsis, prosopopaea, digressio, dialogismo, praeiudicio, & alijs.

EXOR.

Exordij explanatio.

AD celebrandas per Senatum constitutas supplicationes excitaturus populum Cicero, statim ab initio summam presentis orationis apperit, commemorans, primum sua erga urbem conseruatam beneficia, deinde ad diem solenniter obeundum inuitans. Quorum illud congerie, hoc collatione exornat & auget. Est autem hoc exordium eius generis, quod Rhetores in sinuationem vocant: quo quidem utitur, non quia turpe genus causa sit, aut inhonestū, sed quia paradoxon, hoc est admirabile fuit, prater hominum opinionem: Etenim plebs Catilina fauebat, ut Salustius testatur. Quod cū Cic: animaduertisset, quasi curis & laboribus anhelans inopinatū plebi profert. Rempublicam Quirites videris esse ex faucibus, sati, meis consilijs laboribus periculis, ereptam ac conseruatam. Deinde dicit Rempub. esse iam seruata, cū tamen nondum bello Catilinario liberata fuerit, sed tantum aliquot conspiratores capti & in custodiam traditi. Inopinatum est igitur genus causa, cū dicat se perfecisse, quod nondum perfecit. Postremo expectanti populo, & radio expectationis laboranti, inopinata rei gesta naratione animum erigit, ac ad spem bonam pertrahit. Conciliat beneuolentiam, à laboribus & curis suis in Rempub. à denunciatione, à se seruata urbis. Attentionem parat ex comparatione salutaris & natalis diei. Docilitatis locus est, in prima & vltima periodo, sed dum narrat quid laboribus suis effecerit, Subiectos ignes restinximus, districtos gladios reuoluimus, mucrones à iugulis sestris

lis vestris reieciimus. Habet autem hoc exordium locum communem comparatorum parium: paria enim sunt condere urbem & conseruare urbem. Habet quoque exordium hoc eas virtutes de quibus precipiunt retores: Primam, quia non est longum. 2. Quia non est commune cum sit futura confirmationis preparatio ex penetrabilibus ipsius causa nata. 3. Quia est verendum ac modestum. Affectus sunt mitiores ex amore Deorum, & suis periculis propter patriam susceptis, ex magnitudine facti, ut ex flamma, ex ferro & alijs & in principio, à commemoratione conseruatae vitae ciuium omnium, sic, in vltima periodo ex facti sui exaggeratione.

Dispositio exordij.

In hoc exordio syllogismus, si bene animum intenderis integrum inuenies, in tali forma.

Propositio. Si is qui urbem condidit, innumerum Deorum relatus est, ut Romulus. Certe & qui conditam seruaui, in honore apud vos, posterosque esse debet.

Ratio expressa est. Non minus enim iucundi sunt dies, quibus nascimur, quam quibus conseruamur.

Confirmatio rationis. 1. Quia salutis certa ratio est, nascendi incerta conditio.

2. Quia sine sensu nascimur, cum voluptate autem conseruamur.

Assumptum. Rempub. Quirites. At qui ego seruaui.

Ratio. Nam totius urbis, templis, delubris, rebus
etis omnibus

Etis omnibus, subiectos prope iam ignes, circumdatosq;
restinximus &c. & in prima periodo. Consilij, pericu-
lisq; meis, ex flamma atq; ferro ac pene ex faucibus sati
ereptam &c.

Conclusio non est expressa, sed post narrationem
vsq; reiecta, vel quia in minore patuit, vel quia vltro
mentibus auditorum occurrit. Est ergo dispositio huius,
argumentationis iudicij. Verborum vero dispositio est
naturalis, totum enim primo ponit, deinde eius par-
tes enumerat, vt Remp. vitamq; omnium vestrum, bo-
na, fortunas, & reliqua. Attende autem prudentiam
summam oratoris, dum primo amorem Deorum, de-
inde consilia, labores, pericula sua ponit, digniora pra-
mittendo. Facit quoq; vt crescat non decrescat oratio,
dum dicit ereptam, conseruatam, ac restitutam: pri-
mum enim eripimus, ereptum conseruamus, conserua-
tum restituimus. Hoc vero loco grata est collocatonis
varietas in vna sententia, dum primo ponit latitiam
salutis, deinde quasi abiectum, incertitudinem con-
ditionis: postea hunc eundem ordinem inuertit: prius
posuit sensum nascendi, deinde voluptatem conseruand-
di. Cetera diligens lector obseruet.

Obseruatio circa hoc exordium.

Videtur hoc exordium esse contra praecepta rhetorū
maxime autem Quintiliani, qui lib. 4. cap. 1. ar-
gumentis locum esse negat in exordio. Cuius haec verba
sunt. Nec argumentis autem, nec locis, nec narrati-
oni, similis esse in proemio debet oratio: neq; tamen de-
ducta semper atq; circumdata, sed saepe simplici atq;
illaborata

illaborata similis, nec verbis vulgus, nimis promittens
hæc ille. Hoc igitur exordium cum sit argumentosum,
non simplex, sed circumductum elaboratumque, vide-
bitur, quod est contra rhetorum præcepta. Sed scien-
dum est, quod oratores non sequuntur præcepta, non
quatenus non liceat, sed quatenus non utile putant,
ut idem Quintilianus eo loci docet. Neque enim istud
scriptores artium, quia non liceat, sed quia non pu-
rent utile, vetant. Ita si vincet utilitas, propter ean-
dem causam, facere debebimus, propter quam veta-
mur. Hoc tamen exordium non debet videri elabora-
tum: nam quasi quiddam inopinatum, populo Roma-
no nunciat.

Elocutio.

Exordium hoc ad graue genus est deflexum. Eius
iunctura siue compositio grauis & elegans. Eas e-
nim vocales principio adbibet, quæ clarissime & ple-
nissime sonant: ut sunt A & O, ut Remp. vitamque om-
nium vestrum, bona, fortunas, coniuges, liberos,
atque hoc domicilium clarissimi & cætera. Ita tamen ne
videatur affectata compositio, grata vicissitudine va-
riet ut hoc loco crebrius permixta sonant, hoc domici-
lium, clarissimi, fortunatissimam erga vos, summo a-
more, laboribus, &c. In fine A & E crebrius, ut
conseruatam, exceptam, restitutam videtis. Ex conso-
nantibus amplè sonant M P ut Remp. vitam omnium
bona, liberos, &c. Aspere sonant R & geminatum
M ut pulcherrimam diem, hodierno die, Deorum im-
mortalium, summo & cætera. Asperitas in fine ex li-
tera R

tera R posita, vt ereptam, conseruatam, restitutam. Sequenti periodo R cum L mollius sonant: vt non minus nobis incundi dies, atq; illustres dies & cetera. Quod tamen in medio immutauit. Conseruamur, nascimur, saluti. In ea quoq; compositione ordo maxime seruandus est in verbis singulis & contextis. Quo quidem loco Fabius praecipit lib. 9. cap. 4. vt crescat oratio, & sententia augeri & crescere videantur: quod fiet, si infirmiori iungatur fortius, & naturalis ordo rerum seruetur. Quod quidem obseruatum est in hac oratione, totum precedat partes natura ordine posuit enim prius totam Resp. vitamq; omniū, bona, fortunas, & cetera. Hoc loco insurgit sententia, ignes restinximus, gladios retudimus, à iugulis vestris reiecimus.

Periodi.

Genera periodorum duo facit Fabius. alterum simplex cum longiore ambitu sensus vnus circumducitur: alterum quod constat mēbris & incisis, quae plures sensus habent. Primi generis in hac oratione, est prima periodus, quae multis incisis est ornata, vt pronunciando anhelans curam & sollicitudinem suam in Remp. significet. Satis enim erat, dicere, Rempub. Quirites laboribus meis conseruatam videtis, ille multis incisis auxit vt vides. Secundo loco est periodus retracolos, cuius principium duobus, reditus duobus membris continetur. Postremo monocolos est tribus incisis ornatum.

Numeri.

Adhibentur numeri potissimum in principiis, nonnunquam

nunquam in mediis, maximè vero in clausulis, pedes uno in loco, non plures tribus, non pauciores duobus observantur. Hoc loco primo Ionicus maior & Bacchius. Rempub. Quirites. In medio diambis vitur, interposito choriambo claudit dispondeo & Bacchio. Conseruatam videtis, Secundam periodum à molosso incipit, frequentius in mediis repetito, in dactylum & molossum terminat. Ultima enim cuiusque syllabæ longa siue brevis fuerit, communis censetur, Tertiam incipit ab epitrito tertio, claudit in diambum, omnium pedum mordacissimum.

Figuræ sententiarum.

PRIMA est amplificatio totius & partium: Rempublicam enim diducit in suas partes, quæ quidem oratorem satis moratum & circumspectum esse arguit: Estque hic maxima congeries partium. Secunda incrementum, ereptam, restitutam, conseruatam, &, ignes restinximus, gladios retudimus, mucrones reiecimus. Tertia Actiologia, cum causam statim propositioni subiungit, Quod salutis certa læticia est, Quarta parentesis, quam si sustuleris, planiorem, sed simpliciorē facies orationem. Ultimo expolitio, quæ eandem sententiam ut priorem periodum commutatis verbis explicat, Nam totius vrbis, & cætera.

Figuræ verborum.

REmpub. fortunas, amore, laboribus, con-

B b

filijs,

filijs, periculis, flamma, ferro, *metonymia*, quibus aliud pro alio intelligitur, Domicilium clarissimi imperij, faucibus ereptam, *metaphora*, ferro, *polyptoton*, imperij urbem, fati, *synechdoche*, ex flamma ferro incendijs, *hyppallage*, illustres, *metaphora*, quibus nascimur, *polyptoton*, certa, *paronomasia*, urbis tectis, *synechdoche*, gladios Rempub. *metonymia*, reiecimus, *metaphora*, & similiter desinens.

De Narratione, Qua quoniam.

ANtequam aggreditur narrationem pramittit propositionem, non totius orationis, sed tantum ipsius narrationis. Propositio enim non solum in ostendenda quaestione principali, sed nonnunquam in singulis argumentis quae epicheiremata vocantur proponi solet. Propositio vero totius orationis latuit in exordio: usitatum enim est oratoribus in manifesta ratione dicendorum, vel in ea qua facile conciliare possit oratori invidiam, multo orationis tractu circumducere, nec expresse ponere propositionem. Post propositionem narrationis instituit veram narrationem, copiosam, & illustrem, qua in primis exponit populo, quibus modis coniuratos in urbe comprehenderit. Deinde, introduxi Vulturcium, quibus rationibus comprehensos coniurationis contra patriam susceptae convincat: tum, iudicijs expositis, quod senatus consultum has eorum insidias consecutum sit, quod circumstantiis exornat, quia nimirum seuerum & summo

summa consensu factum, adhibens quoque suas causas cuilibet senatus consulto. ceterum in explicanda hac narratione considerandum erit genus narrationis, species, partes, & officia eius.

Genus narrationis quale sit.

Genera narrationis tria fecere rhetores: vnum proprium causa, ubi sedes est argumentorum: alterum quasitum, quando narratio seruire potest causa, sed non est ex causa, ut illa de raptu Proserpine contra Verrem, quod vocant digressionem. Tercium alienum & remotum a causa, veluti sunt historiarum & fabularum, locorum, personarum, rerum, morumque descriptiones. Hec narratio est generis primi, quia ex ea profluunt argumenta confirmationis: veluti cum hoc loco dicit, captos esse coniuratos, in confirmatione dicit, tutos esse ciues Romanos, opera Ciceronis, seruata rempub. Ergo supplicatio, seruatoris nomine, hoc est Ciceronis, celebranda est.

Species narrationis.

IN vno quoque genere, duæ sunt species narrationis: quarum altera simplex, quæ rem vii facta est, sine rationibus, syllogismis, & apparatu exponit, ut hoc loco. Introduxi Vulturium, sine Gallis, fidem ei publicam dedi: hortatus sum, ut ea quæ sciret, sine timore indicaret: tum ille dixit, cum se ex magno timore recreasset, & cetera. Altera apparata, quæ

argumenta, causas facti continet, dictis diuersorum hominum argumenta & confirmationes adhibet, ut videatur quodammodo testata loqui. Confirmat dictum hoc loco Lentulum autem sibi confirmasse ex factis Sybillinis, & cetera. Facti causam subiungit hoc loco. Id autem eo consilio, ut cum urbem omnibus ex partibus incendissent. Has itaque species narrationis, cum mistas esse in hac oratione videamus, ut plerumque usu venire solet: iam non vna forma narrationis erit, sed multiplex, ut ex vtraque consarcinata.

Partes narrationis.

IN omni expositione est principium, medium & finis: ea namque quae praecesserunt totum negotium, & quae subsequuta sunt considerari etiam solent, si causa profuit. Veluti narraturus de bello inter G. Caesarem & Pompeium gesto, primum docet praecedentia totum bellum, ut sit repulsa Caesaris principium capit in conscribendis militibus, actum est per aliquot annos: finem accepit in interitu Pompei, & liberorum eius. Subsecuta seruitutes, egestates, exilia civium Romanorum & Reipub. oppressio. In ea quoque oratione, narraturus Cicer. captos esse coniuratos. Primum antecedentia exponit, suam diligentiam, praetorum militumque praesidium. Principium rei gestae atque comprehensionis in ipsa praetorum prosecutione fuit, cum Roma egressi sunt ad pontem Miluium, Medium occursum, & conflictus, cum coniuratis. Finis in confessione sceleris consistit. Post finem quid sub-

quid subsecutum sit ponit, traditio in custodiam con-
ruratorum, gratia Ciceroni acta, & supplicatio de-
creta, Collega eius Antonio, pratoribus, Allobro-
gibus laus tributa, & cetera.

Officia seu virtutes narrationis.

Quatuor sunt, sine quibus nusquam potest esse opti-
ma narratio, perspicuitas, quae efficit narrationem
apertam, breuitas, probabilitas, & suauitas. Hac
narratio est dilucida, quia ad summum ordine natura-
li ab imo tendit, ut primo comprehensi, examinati,
in custodiam traditi, Et in iis. Ad me vocaui, rem o-
mnem exposui, quid fieri placeret ostendi. Non omit-
tit quoque quicquam eorum quae necessaria sunt, nec
gesta rei, causas, rationes, exitus, negligit. Postre-
mo verba ex communi vsu loquendi decerpta, & suo
ordine disposita, claritati & perspicuitati deseruiunt.
Est quoque hac narratio breuis ob verba simplicia,
resque tales, quae tantum modo ad negotium seruiunt.
Adhuc verisimilis est, ob circumstantias: non solum e-
nim narrat quomodo quicquam contigerit, sed etiam
quibus de causis: complectens circumstantias perso-
narum ut quis comprehenderit, quos, qualis. Item
circumstantias locorum, temporum: à quibus maxi-
ma materia narrandi & argumentandi sumitur.
Principio vero causam facti enumerat. Efficientem
aut consistere in diligentia & vigiliis suis; adiuuantes
vero in pratoribus, Allogobribus, in miluibus, qui-
bus vsus est in praesidio Reipub. Est vltima hac nar-
ratio sua-

ratio suavis, ob modestam officii predicationem, ac commemorationem, prosopopœiam, expositionem colloqui. dum dicitur. Est vero inquam signum notum, imago aui tui, clarissimi viri, qui amabat vnicè patriam & ciues suos.

Elocutio.

Quoniam optimus est ille orator, qui grauiam magnifice, humilia subtiliter, mediocria temperatè dicit. Hanc idcirco varietatem seruauit, in hac narratione Cic. grauius enim effert hunc locum. Qua quoniam illustrata, patefacta, comperta, & cetera. & Illi autem qui omnia de repub. praclara atque egregia sentirent, sine recusatione, atque sine vlla mora negotium susceperunt, grauitatem ex literis pleno ore sonantibus, nempe A & E. ex consonantibus Q, S, T. venaberis. mediocriter efferruntur, quæ E, & I, ex vocalibus. M, & N, ex consonantibus frequentius habent, ut cum vero summis ac clarissimis viris huius ciuitatis, qui audita re, frequentius ad me venerunt. Humiliter & neglecto filo, texuntur illa. In-
 roducti autem galli, iusiurandum sibi, & literas à P. Lentulo Cethego Statilio, ad suam gentem data esse dixerunt. Narrationis ergo elocutio, accommodatur rebus ipsis.

Compositio.

Iunctura compositionis, à compositione siue structura dicta: nam ut duarum tabularum, nisi partes
 exa tte

exactè coaluerint : aut certe hiabit , aut inaequalis & male complanata subsiliet : viroque autem modo vnguis per eam deductus harebit , ac sistetur. Ita in oratione , vel ex vocalium crebro concursu , hiat dictio : vel consonantium positu , eminet ac resistit. Medium igitur eligendum est , quod est in omnibus rebus congruentissimum , in hacque oratione euentissimum. Ordinem verborum , qui compositioni energiam quandam addit , considera : vt hoc loco augetur sententia , illustrata , patefacta , comperta , quibus respondent haec verba , paulo inferius posita , manifesta , inuestigata , comprehensa. Et quid agerent , quid molirentur , respondent , sentirem , ac viderem. Sic caetera non erunt perspicaci obseruatu difficilia.

Periodi.

PERIODIS & orationis circumductiones , negligentius in narrationibus seruantur : sed membratim casimque proferri narrationem rhetores iubent. Hoc tamen non debere esse perpetuum , et obseruationes plurima , & hac narratio nostra indicat. Membratim quidem ille casimque suam construit narrationem , sed passim etiam ponit circuitus. Dum enim dicit , At ego vt vidi quos maximè scelere , ac furore esse inflammatos , & caetera. Periodus est quatuor membrorum . Principium est duorum membrorum : reditus quoque duorum est . caetera vero casim membratimque persequitur. Vsque ad hunc locum . cum vero summis , ubi periodus est trimembris , caetera rursus membratim , Casimque feruntur.

Numeri.

Numerum non ubique de industria adhiberi Cic. ipse admonet, ne nimium numerosa videatur oratio, neque deprehendatur affectatio, aut ex similitudine, & continuatione fastidium fiat Principio Choriambus est, in medio utitur anapestis claudit trocheo & molosso. Deinde incipit à molosso, claudit pyrrichio & amphibrachi, fore putabam. Pæan primus est hoc loco, Atque ego, iambus & trocheus dum dicit videretis. Cetera vicissitudinaria varietate ornata diligens observabit lector.

Figuræ.

Illustrata, patefacta, comperta, manifesta, inuestigata, comprehensa, incrementum & synonimia, metaphora, erupit, acerrimos, exterminari, furore inflammatos, sentirem, viderem, præclara, egregia, machinatorem, iniectus, abiectus, demens acerrimè, remouisset, sollicitatione, versatus, domesticorum, sanari, metaphora, vrbe, gallici, galliam, pons, vigilia, prætoribus, rem, urbem in finitam, virginum, ferramentorum, signum, patria, principibus, gallos. *synechdoche*, Manuum reipub. senatum, equitatum, copias, tabellas, ingenium, manus, senatû fortissimum, senatus, virtute, consilio, prudentia, *metonimia*, sceleris locios, *periphrasis* coniuratorû, non enim, parentesis & præoccupatio, Aut reliquam, *merismos*, superuenerunt susceperunt, *omioteleuton*, quorum opera, *parentesis*, & ab illis, *merismos*.

merismos, publico, metaboli. Quam alii, polyptoton, Negauī, prosopopœia Etenim, expolitio, à Pub. Lentulo prosopopœia, Acnelongum, transitionis particula, Primū ostendi, diatiposis dixissetq; prosopopœia, quæhui, dialogismus, nam cū id, expolitio, Argumenta, diatiposis & verborū congeries, qualise st hoc loco virtute cōsilio prudentia, hic enim, Actiologia

De confirmatione orationis.

Post narrationem confirmatio sequitur, cuius principiū in propositione seu quæstione principali describenda versatur. Refert enim suo nomine Dīs immortalibus decretam esse honorificam supplicationem, propter conseruatam ab incendijs urbem. Sciendum porro est morem fuisse apud Romanos, vt ex senatus decreto, imperatorum nomine, qui bella gererēt prospera, supplicationes ad Deorum templa, cum coniugibus & liberis causa gratulationis celebrarentur: supplicationes autem tales, non in vnum diem, verum in decem, quindecim pro cuiusq; merito decernebantur. Ad has ergo supplicationes latenter agendo, neq; exprimendo celebrandas, Quirites pramissis prius causis exhortabitur.

Inuentio confirmationis.

Confirmatio est generis suasoriij. Suadet enim celebrationem dici, quo per se conseruata est Respub. Locos autem quos habeat confirmatio in deliberatiuo genere causa Cic. lib. de orat. 2. & Fabius lib. 3. cap. lo docent. Aiunt enim sume argumenta debere, ab

honesto, utili, iucundo, facili, necessario. Argumenta ergo omnia huius confirmationis ad honestum reduci possunt. Honestum enim rhetores natura, legibus, virtutum descriptionibus, quæ ex efficientibus & effectis sumuntur, constare dicunt. Natura rei tangitur, dum dicit sibi supplicationem decretam, propter conservatam urbem, tanquam aliquod honorificum præmium pro laboribus, Reip. causa susceptis, cuius reddendi, natura ipsa, author est. Leges nullas recitat, sed senatus consultum, quod ad leges maxime pertinet exponit: Senatus enim consultum est. lex viua. Virtutum descriptiones sequuntur, in commemoratione facti, amplificatione, atq; in ipsos Deos translatione: dicit enim se tanto consilio esse usum, ut quod videbatur, vix esse humani consilij, talem coniurationem comprehendere, hoc se Deorum auxilio, sine cade, & sanguinis effusione consecutum esse. Descriptiones quoq; virtutum & meritorum suorum, a comparatione elucet, dum comparat antecedentia ciuilia bella, cum bello Catilinario, dum explicat finem bellorum ciuiliū, & finem belli huius: dum deniq; represionem illorum, cum represione coniurationis huius confert. Hoc genus causa exemplis potissimum illustrandum præcipiunt rhetores: quia futura ex præteritis facile colliguntur, cuius præcepti Cic. non immemor exempla ponit ciuiliū bellorum quinq;. Ad utile, iucundum, facile, necessarium nullum prorsus argumentum pertinet, quia non est necessarium, ut orator ubiq; omnibus vatur locis.

Dispositio

Dispositio confirmationis.

LOcorum & argumentorum dispositio est iudicij
 ut plerumq; solet. Porro argumentorum dispositio
 est inusitata. Etenim vel assumptionem tantum ponit,
 cum eius confirmatione; vel propositionem subiecta con-
 firmatione, cum tamen interim argumentationum com-
 plexiones reticeat, easq; in finem omnium syllogismo-
 rum reijciat. Quod facit primò ut artem calet. Etenim
 videtur tantum referre in hac oratione modum com-
 prehensa coniurationis: sed tamen in eum finem ten-
 dit, ut excitet ad celebrandam supplicationem. Secun-
 do ut invidiam maleuolorum vitet: nam si frequentius
 cupiat celebrandam supplicationem, invidiam sibi cõ-
 ciliaret. Tertiò ut modestiam suam ostendat: nam si
 frequenter inculcaret supplicationem celebrandam es-
 se, arrogans quodam modo videretur. Quarto, ut po-
 sitis præmissisq; causis, tanquam validioribus conclusi-
 onis fundamentis, firmitus bareat conclusio, acriusq;
 auditorem incitet. Hoc quoq; animaduertendum est,
 quod de industria principalem questionem longissimis
 confirmationibus assumptionum obruit. Quod in Catil-
 ina summum erat periculum, quod Deorum immor-
 talium auxilio suppresserit coniurationem, diutius mo-
 ratur in hisce assumptionibus, ut magnitudine mali o-
 stensa, facilius ad celebrandam supplicationem persua-
 deat. Deinde, post principalis questionis complexio-
 nem, aliam argumentorum seriem instituit: nempe ab
 exemplis, quæ ad suum factum aptissimè comparat:
 ut ostendat

ut ostendit longè esse præstantius & commodius, quam illorum qui cum magna civium clade civilia bella suppressere. Ad extremum dicit ita se in ea comprehenda coniuratione gessisse, ut omnes ciues salvi conservarentur, quod a superioribus factum non erat. Sed iam ingrediamur singula argumenta. quorum sit hæc Propositio.

Supplicationes diis immortalibus meo nomine celebranda sunt.

Quam probat octo rationibus.

1. Ratio, quod urbem incendiis, in qua tangitur rei natura. Nam mihi supplicatio decreta est propter conservatam urbem, tanquam aliquod honorificum premium pro laboribus reipub. causa susceptis, cuius reddendi natura ipsa author est. Vbi observa circumstantias qualitatæ & modi talis est decreta supplicatio qualis antea nemini. Modus tangitur, dum ait, Quibus verbis decreta.

2. Ratio, ab exemplis & collatione. Nam si aliis benè administrata reip. supplicatio decreta, multo magis Ciceroni, ob servatam, decernenda est.

3. Ratio, ab honesto communi vero antecedentium, Atque illud, Præcessit meritum subsequi ergo oportet premium, ipsa nempe supplicatio. Quod autem hoc sit meritum, explicat, illudque æquum esse à dissimili ostendit, nam P. Lentulus, Si cuiquam consuli prætorem occidere licebat, certe mihi in privatum animadvertere licuit. Sed G. Mario Glanciam occidere licuit. Ergo & ego Lentulum, qui ius civis & prætoris,

pratoris, amiserat, iure convictum, iuste punio, & sine cuiusquam invidia. Dissimile est prator & priuatus, & de illo nominatim nihil decretum. Lentulus autem literis convictus, de quo eo superius nominatim fuisse decretum dixit.

4. Ratio, ab honesto, communis vero ab effectis, nunc quoniam, omnia pericula mea opera conciderunt, salus & pax reipub. data est. Confirmatur ratio, Quem quidem ego, Quia & Catilina à quo maximum erat periculum eiectus, & ceteri coniurati scapti, ac in custodiam traditi. Locus est ab effectis. Antequam autem maximum periculum in Catilina situm fuit, probat ab adiunctis, ille erat, Qui omnium aditus tenet, consilia ad facinus, manu, linguaque promptus est, in eo summum est periculum. At Catilina est talis, ceteri coniurati non. Ergo. Minor tantum est posita pro viraque parte. Nam superius dixit Lentulum somniculosum, Cassium propinquum, & cetera. Quod vero sit in Catilina promptitudo, declarat dum dicit, Neque vero cum aliquid mandauerat, confectum putabat, Nihil erat, quod non ipse obiret, occurreret, vigilaret, laboraret, & cetera. Amplificatur hæc ratio, Hunc ego, A consequentibus. Propositio. Si ego tam acrem hominem Catilinam vrbe non eiecissem, non facile tanta moles mali, à cervicibus vestris depulsa esset. Confirmatur, non ille saturnalia, ex dissimilitudine aliorum coniuratorum. Quia ille non constituit diem saturnaliorum ad incendendam urbem, ut alij coniurati, sed negotium celeriter, sine strepitu perfecisset. Assumptum, quæ nunc, At qui eieci Catilinam

linam quod exornat collatione minoris cum maiore, furti nempe, cum coniuratione. Ergo depulsa est tanta moles malorum à vobis.

5. Ratio, Quod si Catilina, Quia si Catilina eiectus non esset, dimicandum nobiscum eo esset: nec tantis periculis liberata esset respub.

6. Ratio, quanquam hæc omnia, conuenit prope cum superioribus, excepto quod per correctionem tractatur, in qua explicanda, diutius Cic. moratur, sumiturq, ab effectis. Qui Rempub. non suo, sed Deorum immortalium Consilio adiutus liberauit, eius nomine supplicatio, dys decreta, celebranda est.

Sed Cicero non suo, sed Deorum immortalium consilio adiutus rempub. summis periculis liberauit.

Ergo.

Obserua quam callide correctionem expoliat, dum enim dicit, vix videtur, id facit, ut & sua diligentia & dys laudem tribuat. Propositio maior argumenti non est. Assumptionem. Nempe Deorum immortalium consilio, & nutu, se tantam rem perfecisse probat Cic.

Primò, à testimonijs vel signis diuinis quorum duo genera facit: alterum obscurum. facis ardorem cæli, ex quo non ita coniectura facile potest capi, quod ex arte per præteritionem ponit, quum enim dicturi sumus, quod causa nostra valde vtile sit & non nulla quæ minus vtilia videantur, nos omittere simulamus, præparamus hac ratione auditores, ad audiendum attentè

attente id, quod causa nostra sit vilius. Alterum si-
gnum vel testimonium est evidens. Memoria tenetis
Cotta & Torquato. ex quo facile cognoscitur, quid
protendat: aperire enim ostendit, coniurationem diui-
nitus esse patefactam: & hoc ob collocatam statuam,
quam ponere iusserunt aruspices. Hac absoluta vitur
digressionem, quo maiores, in qua inuehitur in coniu-
ratos, qui non solum hominum domicilijs, sed etiam
Deorum delubris sunt funestos ac nefarios ignes infera
re conati.

Secundo, Assumptionem probat. Quibus ego
sine. A proprio Deorum, quorum instinctu, benefi-
cioq, voluntatem hanc Cic: suscepit, & ad tantum
iudicium peruenit. Sensus ergo huius probationis est.
Dum mihi inspirarunt hanc mentem, hocq, consilium de-
derunt. Ergo eorum ope coniuratio est, per me compre-
hensa. Conclusio preposita est Antecedenti.

Tertio, Assumptionem probat. Iam vero illa
Allobrogum. Ab adiunctis iudiciorum. Deorum vo-
luntate Lentulus ignoris & barbaris hominibus, arca-
num coniurationis, stulte credidit. Ergo diuinitus per
Cic. comprehensa coniuratio.

Quarto eandem probat. Quid vero. Ex adiun-
ctis Gallorum. Diuinitus factum est, ut Galli impa-
tentes seruitutis, spem imperij oblatam negligenter. Ergo
diuinitus comprehensa per Cic. coniuratio. Complexio;
Quamobrem Quirites. per exhortationem. Cele-
brate igitur supplicationes: sub qua intelliguntur cau-
se supra allatae. Quia scilicet omnia pericula concide-
runt, Catilina electus, in quo summum erat pericu-
lum;

lum, coniurati comprehensi, Deorum immortalium auxilio Resp. per Ciceronem liberata periculis. Post hæc aliam argumentorum seriem instituit. Nempe ab exemplis, quæ ad suum factum aptissime comparat, ut ostendat, longe esse præstantius, & commodius, quam illorum, qui cum magna civium clade civilia bella suppressere.

7. Ratio. Nam multi, à minori ad maius. Si antea iusti & debiti honores Dīs habiti sunt, profecto nunc iustiores haberi debent. Sed primum est. Ergo. Maior propositio neglecta est. minor expressè posita est. Quæ cōfirmatur. Erepti enim. ex collatione exemplorum, quia coniuratio hæc sine sanguinis effusione comprehensa est. Cetera autem dissensiones cum maxima crudelitatem reconciliata sunt. exempla vide L. Syllæ Gnei Octavij.

8. Ratio. Atque ille. in qua probat iustiores sibi honores decretos, estq; locus à fine. Si honores decreti, ijs, qui dissensiones ad commutandum Reip. statum pertinentes, cum maxima civium crudelitate sopierunt iusti fuerunt: profecto iustiores sunt mihi decreti, qui civile bellum ad delendam Remp. susceptum, sine caede, & sanguine suppressi. At illud est. Ergo & hoc debet esse. Tractatur argumentum, per comparationem. Maior propositio neglecta. Assumptum pro viraq; parte explicatur, comparat enim factum suum, cum alieno: pericula, cum periculis: dicitq; se ita in ea comprehendenda coniuratione gessisse, ut omnes ciues, salvi conseruarentur, quod à superioribus factum non erat. Conclusio ad perorationem reijcitur.

Elocutio.

Elocutio.

Verba accommodata sunt rebus, in eorum autem compositione, maxima inuenitur soni amplitudo, praesertim autem in principio, quod maximè requirebat amplitudinem. Admixta quoque est asperitas, ubi rei atrocitas tractatur, dum dicitur. Nunc quoniam scelerissimi periculosissimiq; & cetera. & omnia norat, omniū aditus tenebat, quae cum magno inimi motu proferenda sunt. Adhibetur quoque compositionis mediocritas, in medio confirmationis dum dicitur, Quanquam haec omnia Quirites, usque ad hunc locum, Hic quis potest esse Quirites, tam auersus à vero, quem locum ad grauitatem, & acrimoniam quandam composuit. In digressionem, quo etiam maiore, maxima est acerbitas. Vitur quoque orator de industria magna vocis suauitate, dum dicit, ille ille Iupiter restitit, Exempla cum maxima commiseratione, & dolore narrat. Cetera diligenter observator facile olfaciet, quid gratum, quid ingratum auribus sit.

Periodi & numeri.

Periodos frequentes & elegantes haec confirmatio habet, prima periodus est tricolos, cuius principium unico, reditus duobus membris constat. Sequitur monocolos antitetis exornata, nam pub. Lentulus, periodus trimembris, nunc autem, periodus trimembris. Cetera membratim profert, hunc ego, periodus duorum membrorum, cuius principium multis epite-

Ce

tis orna-

tis ornatum, reditus est paulo breuior, non ille, pe-
 riodus tetracolos, cuius principium, tribus simplici-
 bus membris constat, reditus vnico, dissimilitudine
 ornato. Quod si Catilina, periodus trium mem-
 brorum, quanquam hæc omnia, periodus vnus
 membri, quæ ad spiritum inclinatur, cuius longior verbo-
 rum tractus, ad continuum vocis sonum spectat, nam
 ut illa, periodus duorum membrorum, & enim cum,
 periodus bimembris elegans, illud vero, pneuma,
 quid vero ut homines, periodus duorum membro-
 rum, cuius principium est multis incisis ornatum, re-
 ditus antiteto & interrogationibus, quamobrem
 Quirites, Cæsaris membratimque, fluit hoc loco oratio, in
 qua compositionis grauitatem, ex sesquipedalibus ver-
 bis, venari licet, atque illæ dissensiones, periodus
 trium membrorum, cuius principium vnico contine-
 tur membro, reditus duobus, vnico verbo clausis, at-
 que illæ, periodus monocolos, in hoc autem, tetra-
 colos periodus cuius principium ad affectum composi-
 tum tribus membris constat, reditus vnico, elegantè
 expolitione ornato. Numerus & pedes, cum ex ipsis
 figuris, tum etiam ex industria positi, magni & con-
 cinni sunt. Sponte currens est in epistrophis, in omio-
 teleutis, omioptotis, & similibus. Ut hoc loco, ille erat
 vnus timendus, omnium aditus tenebat, au-
 debat, tentare, appellare, occurreret, vigila-
 ret, laboraret, & constituisset, denunciaisset,
 commisisset, similes sunt numeri. Dum vero dicit,
 ille, ille Iupiter, capitolium. vititur numero celeris
 & virgenti, qui ex trochaïs, & dactylis constat.

Figura.

Figuræ.

VRbem, ciues, mænibus, vrbis, sceleris, vrbis, imperii, signum, tectis, puluinaribus, vrbem, ciuium, *synecdocha*, togato, senatus, sceleratissimi, periculossimi belli, copias, opes, hominum, adipem, furiosam temeritatem, lingua, manus, signum, furtum, coniuratio, rempub. consilium, funestos, ignes nefarios, mentem audaciæ, *metonymia*, faciendum, factum, consilium, tanto, iusti, iustiores, vrbem, vrbe, bellum bello, vrbi vrbem, *polyptota*, patfactus, clarissimo, ceruicibus, depulsem, natus conlequi conspiceret, illustrarentur, lenissime, dimicandum, interitum, occasum, ducibus, imperatore, redundauit, lumina extincta, calamitate reipub. *metaphora*, atque illud, *parekbas* seu *digressio*, vt quæ religio, *paradigma* per *comparisonem*, prætoris ius, *merismos* seu *distributio* iuris, tenetis, *omiotoleuton* in qua par numerus resonat, sceleratissimi, *omioptoton*, erat ei, *paronymasia* non tam in voce, quam in significatione, posterius enim, consilium, audaciam significat, nil erat, *omioteleuta* in quibus orbis numerosus continetur. Hunc ego hominem, congeries verborum, & *omioptoton* quæ numerosam facit orationem, compulsem, depulsem, *omioteleuton* & *paronymasia* seu *agglomatio*, dicam id, *parentesis*, non ille, numerorum *concinnitatem* hoc loco obserua, & ex membrorum quantitate, quæ compar dicitur, & *omiotoleutis*, quæ nunc.

antapodosis contraria positio, vt nullum furtum, ikon, nam vt illa, apophasis, prateritio & Aetiologia, Hic quis potest, congeries sententiarum idem ferè significantium, & interrogatio, etenim, expolitio qua eandem rem commutatis verbis explicat, omnia & senatus & vos, merismos qua genus diuidit in species, qui non solum vestris domiciliis, Hipphora qua intendit posterius ex priore, ille capitolum, anaphora & congeries conseruatarum rerum, credita & ignotis, merismos, quid vero, Aetiologia, præsertim, antitesis & interrogatio, L. Sylla, paradigmata, partim eiecit, merismos, omnis hic locus, topographia, lumina ciuitatis, ikon, non illi, antitesis cum hipphora, vt non reconciliatio, ne, eadem cum hipotiposi qua rem ita describit, vt oculis subicere videatur, quale vnquam, adinaton, restituisset: potuisset, omioptoton numeris per se redolens, & vrbem, & ciues seruani, adiunctio.

Peroratio, Quibus pro tantis.

PERorationis duas partes Rhetores statuunt, enumerationem & amplificationem: illa repetuntur summa præcipuorum argumentorum capita, hac affectus concitantur. Nulla argumentorum enumeratio cuiusdè est, nisi velis hoc loco vocare repetitionem, dum præmia laborum commemorat, & insigne honoris, in onumentum laudis præmium virtutis, quæ neglecta est, propter inuidiam. Et quemadmodum in confirmatione assumptionum, probationibus
questio-

questionem principalem obscurauit: ita in peroratione, non vult artem suam prodere. Amplificatio vero in affectibus mouendis est clarissima: & tota ferè peroratio ad affectus mouendos composita est.

Dispositio.

Quatuor partibus hæc peroratio constat.

In prima concludit ex superioribus supplicationem celebrandam esse, adhibita exornatione à dissimili. non desiderare se dicens magistratum, non triumphum, non statuam: tantum eius diei memoriam, hoc est supplicationem Deorum, quam partem amplificat ex contrariis. Nil me mutum dicens, delectat: ac vinum delectabit. Huic rationem subiungit. Hoc enim sapè, intellige statuas, minus digni assequi possunt. Hanc tandem amplificat, memoria vestra, ab ijs quæ consequuta sunt memoriam illius diei scilicet supplicationem, dicens, se assecuturum incrementum virtutum, & perpetuitatem suarum laudum.

In secunda, vnoque tempore, collationem facit aliorum imperatorum secum, vt ostendat se esse in periculis: quo facto postulat vt defendatur, non sua, sed reipub. causa. Si enim ego prouide, ne noceant vobis hostes: ne mihi noceant, prouidendum quoque vobis est. Argumentum à pari. Et si opprimetur Cic. nemo posthac reipub. defendet. Defendite ergo non iam me Ciceronem, cui nihil iam ad honorem, nihil ad gloriam acquiri potest. quam potius vestram reipub.

In tertia, illud profecto, promittit se in defendenda repub. constantem fore in posterum, ne putetur casu potius, non consilio conseruasse rempub. quod exornat adiunctis inuidia.

In vltima, vos Quirites quoniam, incitat ad celebrandam supplicationem & ad defensionem vrbis Dispositio verborum naturalis. prius ponit virtutem, deinde honorem, postremò monumentum. Sic in ceteris facilis erit talis dispositionis observatio.

Vide in hac peroratione affectus, tota enim fere ad hos mouendos composita est. Et statim in principio euident est, affectuum commotio, dum dicit se ea negligere, quæ alijs admirantur, & expetunt, in eoq; amplificando diutius versatur. dum dicit. Nullum ergo à vobis præmium virtutis, &c. & paulo inferius. Dum describit optare se præmium, pro repub. conseruata, memoriam: quem locum synonymis exornat, memoria, sermonibus, monumentis, Excitat quoque commiserationem dum dicit sibi deterio-rem esse conditionem conseruata reipub. quam alijs amplificata. Si tuti illi inter hostes fuerant, inter quos ipse viuens minime tutus esse potest. Excitat affectus, dum eligit deterio-rem partem. Benefacta, inquiens, vobis aliorum profunt. hoc ego curo ne mea mihi noceant. A pollicitatione constantia mouentur affectus hoc loco, Est etiam in nobis is animus, ex adiunctis inuidia. Non lædet me inimicorum inuidia, sed proderit ad gloriam. Denique affectus constant sententijs grauib; pronuntiatione, & gestu, quæ postrema videre facilius est quam explicare.

Elocutio.

Elocutio.

Verba cum sua compositione grauius sunt, & ad delectationem iucunditatemque accommodata. Compositionem porro, vel synonyma, vel sententiarum par quantitas vel figura, iucundam orationis seriem efficientes, declarant: ut sunt anaphorae grandes, comparia, synonyma, antitheta, & cetera. Iucunditas, cum alibi, tum in principio & hoc loco spectatur. Magnum enim in vobis est praesidium.

Periodi hic reperiuntur, Quibus pro tantis, periodus dicolos, habens principium longius exitum breuiorem, qua Hermogeni iucunda videtur. Quinimò in hoc loco & sequentibus alibi, qua est, cum spiritus productione sententia vnus in aliam mutatio, sed quoniam, periodus tricolos elegantissima, cuius principium duobus membris, constat, reditus vnico eoque circumducto in orbem, ut quasi orbis in orbe esse videatur, mentes enim, periodus duorum membrorum cuius principium longius, reditus breuior, ut prioris, Magnum est enim, periodus quatuor membrorum, cuius principium tribus membris constat, reditus vnico: principij membra duobus incisus constant, quasi per antistrophum ornatis, tertium simplex, quia quarto circumductum, Est etiam, periodus vnus membri, vel si maius cum Cic. appellare, membrum circumductum, Quo si omnis, periodus duorum membrorum, illud perficiam profecto, periodus duorum membrorum parium se-

re syllabarum, denique, periodus vnius membri, vos Quirites, periodus duorum membrorum, id ne, menoclos.

Numeri.

Totam numerorum rationem ex iudicio oratoris pendere, Cic. auctor est. In dicendo enim, inquit, id numerosum putatur, non quod totum numeris constet, sed quod ad numeros proximè accedit. Concinnam & numerosam orationem faciunt, exitus casuum similes, ut hoc loco, virtutis, honoris, laudis, & cætera. &, tacitum mutum, &, alentur, crescent, inueterascent, terminaret, seruaret, est enim non quasi sit, sed vltro accersitus, in hac concinnitate numerus. Primam periodum incipit ab anapæsto, & spondæis, claudit dichoræo. quod genus clausula est lepidum & suauis, Cic. in fine sententiæ frequens. Secundam periodum incipit à syllabis celeribus, claudit tardissimis. Inter ceteros dichoræum pedem numerosum & Cic. laudabilem frequenter positum obserua. In verbis, propagatam, terminaret, prouidere, iudicabunt, prouidendum, prouidebo.

Figuræ.

Bellum, anaphora & compar, sententiæ enim sunt parin numero syllabarum, virtutis honoris, omioptoton, insigne, ornamenta, insignia, condi & collocari, metaphora, omnes triumphos, paria paribus collata, nil me mutum, expolitio, omnes, polyptoton,

lyptoton, dici, metonymia, nil, anaphora & dissolu-
tum, alentur crescent, inueterascent, corroborata-
buntur, metaphora, quam spero, ominatio, & ad
salutem, merismos, vrbis consulatus, metonymia,
quorum alter, dialysis & epanodos, fortuna, me-
tonymia, mihi, mea, magnum, magna, polypoton,
mentes enim, Aetiologia, quanquam, correctio,
violare, conuerterint, fructum, ascendere, alti-
us, ornem, depulsum, metaphora, quod quæ de-
fendet, polypoton & paria paribus collata & expo-
lita, est etiam, asseneratio, quod si omnes, parono-
logia, illud perficiam, asseneratio, inuidia, parono-
masia qua in contrarium sensum, eandem vocem de-
torquet, tractabo, virtute, gesta, custodiis, vigili-
is, metonymia,

C c S

M. T.

M. T. C I C E R O N I S

IN L. CATILINAM

Oratio III.



Ideo, P. C. in me omnium vestrum
 ora atq; oculos esse conuersos: video
 vos non solum de vestro ac Reip. ve-
 rum etiam si id depulsum sit, de meo
 periculo esse sollicitos. Est mihi iucunda in ma-
 lis, & grata in dolore vestra erga me voluntas:
 sed eam per deos immortales (quæso) depo-
 nite, atq; oblitis salutis meæ, de vobis ac libe-
 ris vestris cogitate. Mihi quidem si hæc conditio
 Consulatus data est, vt omnes acerbitates, o-
 mnes dolores, cruciatusq; perferrê, feram non
 solum fortitèr, sed etiã libenter, dummodo me-
 is laboribus, vobis, populoq; Romano dignitas
 salusq; pariat. Ego sum ille Consul, P. C. cui
 non forum, in quo omnis æquitas continetur:
 non campus consularibus auspicijs consecratus
 non curia, summum auxilium omnium genti-
 um: non domus commune perfugium, non le-
 ctus ad quietem datus, non denique hæc sedes
 honoris sella curulis, vnquam vacua mortis
 periculo, atq; insidijs fuit. Ego multa tacui,
 multa pertuli, multa cōcessi, multa meo quon-
 dam in vestro timore lanau: nunc si hunc exi-
 tum consulatus mei, Dij immortales esse volue-
 runt, vt vos P. C. Populumq; Rom. ex cæde
 misera,

misera, coniuges, liberosq; vestros, virginesq;
 Vestales ex acerbissima vexatione, templa, atq;
 delubra, hanc pulcherrimam patriam omnium
 nostrum ex foedissima flamma, totam Italiam
 ex bello & vastitate eriperem, quaecunq; mihi
 vni proponetur fortuna, subeatur. Etenim si
 P. Lentulus suum nomē inductus à vatibus fa-
 tale ad perniciem Reip. fore putauit, cur ego
 non læter meum consulatum ad salutem Reip.
 propè fatalem extitisse? Quare P. C. consulite
 vobis, prospicite patriæ: conseruate vos, con-
 iuges, liberos, fortunasque vestras: populi Ro-
 mani nomen salutemq; defendite: mihi parcere, ac
 de me cogitare desinite. Nam primum debeo
 sperare, omnes deos qui huic vrbi præsident,
 pro eo mihi, ac mereor, relatueros gratiam esse.
 Deinde, si quid obtigerit, æquo animo para-
 toque moriar. Neque enim turpis mors forti
 viro potest accidere, neque immatura Consu-
 lari, nec misera sapienti: nec tamen ego sum il-
 le ferreus, qui fratris charissimi atque amantissi-
 mi præsentis mœrore non mouear, horumque
 omnium lachrymis, à quibus me circumflesum
 videtis: neq; non meam mentem, nō domū; sapē
 reuocat exanimata vxor, & abiecta metu filia,
 & paruulus filius, quem mihi videtur amplecti
 Resp. tanquam obsidem Consulatus mei: ne-
 que ille, qui expectans huius exitum diei adstat
 in conspectu meo gener. Moueor his rebus o-
 mnibus, sed in eam partem, vt salui sint vobi-
 scum

scum omnes, etiam si vis aliqua me oppresserit, potius quàm & illi, & nos vna cū Rep. peste pereamus. Quare P. C. incūbite ad salutē Reip. circūspicite omnes procellas quæ impendent nisi prouidetis, non Tib. Gracchus. qui iterum Trib. pleb. fieri voluit: non C. Gracchus, qui agrarios concitare conatus est: non L. Saturninus, qui C. Memmium occidit, indiscrimen aliquod, atq; in vestræ seueritatis iudicium adducitur: Sed tenentur hi, qui ad vrbis incendium, ad vestrū omnium cædem, ad Catilinam accipiendum Romæ restiterunt. Tenentur literæ, signa, manus, denique vniuscuiusq; confessio: sollicitantur Allobroges, seruitia excitantur. Catilina accersitur. Id est initium consilium, vt interfectis omnibus, nemo ne ad deplorandum quidem Reip. nomen, atque ad lamentandam tanti imperij calamitatē relinqueretur. Hæc omnia indices detulerunt, rei confessi sunt: vos multis iam iudijs iudicauistis. Primū, quod mihi gratias egestis singularibus verbis, & mea virtute atque diligentia perditorum hominum patetactam esse coniurationem decreuistis. Deinde, quod P. Lentulum, vt se abdicaret Prætura, cōegistis. Tum quod eum, & cæteros, de quibus iudicauistis, in custodiam dandos censuistis: maximeq; quod meo nomine supplicationem decreuistis: qui honos togato habitus ante me est nemini. Postremò, hæc æterna die præmia legatis Allobrogum. Titōq; Vultur

Vulturti deditis amplissima. Quæ sunt omnia
 eiusmodi, ut ij in custodiam nominatim dati,
 sunt, sine dubitatione à vobis damnati esse vi-
 deantur. Sed ego institui referre ad vos P. C.
 tanquam integrum, & de facto quid iudicetis,
 & de pœna quid censeatis. Illa prædicam, quæ
 sunt Consulis. Ego magnum in Rep. versari fu-
 rorem, & noua quædam misceri, & concitari
 mala iam pridem videbam. Sed hanc tantam,
 tam exitiosam haberi coniurationem à ciui-
 bus nunquam putavi. Nunc quicquid est, quo-
 cunq; vestræ mentes inclinant, atq; sententiæ,
 statuendum vobis ante noctem est. Quantum
 facinus ad nos delatum sit, videtis: huic si pau-
 cos putatis affines esse, vehementer erratis: la-
 tius opinione disseminatum est hoc malum:
 manauit non solum per Italiam, verum etiam
 transcendit Alpes, & obscure serpens, multas
 iam provincias occupauit. Id opprimi susten-
 tando ac prolatando nullo pacto potest. Qua-
 cūq; ratione placet, celeriter vobis vindicandū
 est. Video duas adhuc esse sententias: vnā D.
 Syllani, qui censet eos qui hæc delere conati
 sunt, morte esse mulcandos. Alteram L. Cæ-
 sariis, qui mortis pœnam remouet, cæterorum
 suppliciorum omnes acerbitates amplectitur.
 Vterq; & pro sua dignitate, & pro rerum ma-
 gnitudine in summa seueritate versatur. Alter
 eos, qui nos omnes, qui populum Romanum
 vita priuare conati sunt, qui delere imperium:
 qui

qui populi Romani nomen extinguere, puncto temporis frui vita, & hoc communi spiritu, non putat oportere. Atq; hoc genus pœnæ, sæpè in improbos ciues in hac Rep. esse vsurpatum recordatur. Alter intelligit, mortem à Dijs immortalibus non esse supplicij causa constitutam, sed aut necessitatem naturæ, aut laborum, aut miseriarum quietem esse. Itaq; eam sapientes nunquam inuiti, fortes etiam sæpè libenter appetiuerunt. Vincula verò & ea sempiterna certè ad singularem pœnam nefarij sceleris inuenta sunt. Itaq; municipijs dispertiri iubet. Habere videtur ista res iniquitatem, si imperare velis: difficultatem, si rogare. Decernatur tamen, si placet: ego enim suscipiam, & (vt spero) reperiam, qui id quod saluti omnium causa statueritis, non putet esse suæ dignitatis recusare. Adiungit grauem pœnam municipibus, si quis eorum vincula ruperit, horribiles custodias circumdat, & digna scelere hominum perditorum sancit, ne quis eorum pœnam quos condemnat, aut per Senatum, aut per populum leuare possit. Eripit etiam spem, quæ sola hominem in miserijs consolari solet, bona præterea publicari iubet. Vitam solam relinquit nefarijs hominibus: quam si eripuisset multas vno dolore animi ac corporis & omnes scelerum pœnas ademisset. Itaq; vt aliqua inuita formido improbis esset posita, apud inferos eiusmodi quædam illi antiqui supplicia impijs constituta

constituta esse voluerunt : quòd videlicet intel-
ligebant his remotis, non esse mortem ipsam
pertimescendam. Nunc P. C. ego mea video
quid intersit. Si eritis secuti sententiam C.
Cæsaris, quoniam hanc is Reip. viam, quæ po-
pularis habetur, secutus est, fortasse minus e-
runt hoc autore & monitore huius sententiæ
mihi populares impetus pertimescendi. Sin il-
lam alteram secuti eritis, nescio an amplius mi-
hi negocij contrahatur. Sed tamen meorum pe-
riculorum rationes vtilitas Reip. vendicat. Ha-
bemus enim etiam à C. Cæsare, sicuti ipsius di-
gnitas postulabat, & maiorum eius amplitudo,
sententiam tãquam obsidē perpetuæ in Remp.
voluntatis : intellectum est, quid interest inter
lenitatem concionatorum, & animum verè po-
pulem, salutem populi consulentem. Video de-
istis, qui se populares haberi volunt, abesse,
non neminem, ne de capite videlicet ciuium
Rom. sententiam ferat. Is & nudius tertius in
custodia ciues Rom. Cethegum & Pub. Lentu-
lū dedit, & supplicationē mihi decreuit, & indi-
ces hesternò die maximis præmijs affecit. Iā hoc
nemini dubium est, qui reo custodiā, quæ sitori
gratulationem indici præmiū decreuit, quid de
tota re & causa iudicārit. At verò C. Cæsar intel-
ligit legē Semproniam esse de ciuib. Rom. cō-
stitutam. Qui autē in Rep. sit hostis, eum ciuē
esse nullo modo posse. Deniq; ipsum latorem
legis Sempronie, iussu populi pœnas Reipub.
dependisse.

dependisse. Idem & ipsum largitorem Lentulum & prodigum non putat, cum de perniciè Reip. & exitio huius vrbis tam acerbè, tamque crudeliter cogitaret, etiam appellari posse popularem. Itaque homo mitissimus atque lenissimus non dubitat, P. Lentulum æternis tenebris vinculisq; mandare: & sancit in posterum, ne quis huius supplicio leuando, se iactare, & in perniciè Reip. post hac popularis esse possit. Adiungit etiam publicationem bonorum, vt omnes animi cruciatus, & corporis etiam egestas ac mendicitas consequatur. Quamobrem siue hoc statueritis, dederitis mihi comitem ad concionem pop. Rom. charum atque iucundum: siue illâ Syllani sententiâ sequi malueritis, facilitè me atq; vos à crudelitatis vituperatione defendetis: atque obtinebo eam multò leniorem fuisse. Quanquam P. C. quæ potest esse in tanti sceleris immunitate punienda crudelitas? Ego enim de meo sensu iudico: nam ita mihi salua Repub. vobiscum perfrui liceat, vt ego, quod in hac causa vehementior sum, non atrocitate animi moueor (quis enim est me mitior?) sed singulari quadam humanitate & misericordia. Videor enim mihi hanc urbem videre lucem orbis terrarum, atque arcem omnium gentium, subitò vno incendio concidentem. Cerno animo sepultam patriam, miseros atque insepultos acervos ciuium. Versatur mihi ante oculos aspectus Cethegi, & furor in vestra

exde

cæde bacchantis. Cùm verò mihi proposui re-
gnantem Lentulum, sicut ipse se ex fatis spe-
rasse confessus est, purpuratum esse, & Gabi-
nium, cum exercitu venisse Catilinam, tum
lamentationem matrum familiâs, tum fugam
virginum atq; puerorum, ac vexationem vir-
ginum Vestalium perhorresco. Et quia mihi
vehementer hæc videntur misera atq; miserâda,
idcirco in eos qui ea perficere voluerunt, me se-
uerum vehementemq; præbebo. Etenim quæ-
ro: si quis paterfamiliâs liberis suis à seruo in-
terfectis, vxore occisa, incensa domo, supplici-
um de seruis quàm acerbissimum sumplerit, v-
trum is clemens ac misericors, an inhumanus
& crudelissimus esse videbitur? Mihi verò im-
portunus ac ferreus, qui non dolorē cruciatu
lenierit. Sic nos in ijs omnibus qui nos, qui ho-
mines coniuges, qui liberos nostros trucidare
voluerunt: qui singulas vniuscuiusq; domos, &
hoc vniuersum Reip. domiciliū delere conati
sunt: qui id egerunt. vt gentem Allobrogū in
vestigis huius vrbis atq; in cinere deflagrati im-
peri collocarent, si vehemētissimi fuerimus, mi-
sericordes habebimur: sin remissiores esse vo-
luerimus, summæ nobis crudelitatis in patriæ
ciuiumq; perniciæ fama subeunda est. Nisi verò
cuipiâ L. Cæsar vir fortissimus & amantissimus
Reip. crudelior nudiustertius est visus, cùm
sororis suæ fœminæ electissimæ virum præsen-
tem, & audientem, vita priuandum esse dixit:

cùm Flaccum iussu Consulum interfectum, filiumque eius impuberem ligatum, à patre missum in carcerem, necandum esse dixit. Quorum quid simile fuit factum? quid initum delendæ Reip. consilium? largitionis voluntas tum in Rep. versata est, & partium quædam contentio. Atque illo tempore huius aui Len- tuli clarissimus vir, armatus, Gracchum est persecutus: ille graue tum vulnus accepit, ne quid de summa Reipub. dignitate minueretur: Hic ad euertenda fundamenta Reipub. Gallos accersuit, seruitia concitauit, Catilinam euoca- uit, attribuit nos trucidandos Cethego, cæte- ros ciues inrerficiendos Gabinio, Urbem inflā- mandam Cassio, totam Italiam vastandam di- ripiendamque Catilinæ: Veremini, censeo, ne in hoc scelere tam immani ac nefario nimis, ali- quid seuerè statuisse videamini? Cùm multò magis sit verendum, ne remissione pænæ cru- deles magis in patriam, quàm ne seueritate a- nimaduersionis nimis vehementes in acerbissi- mos hostes fuisse videamini. Sed quæ exaudio, P. C. dissimulare non possum: iactantur enim voces, quæ perueniunt ad aures meas, eorum qui vereri videntur, vt habeam satis præsidij ad ea quæ vos statueritis hodiernò die trāsfigenda. Omnia prouisa, parata & constituta sunt, P. C. cum mea summa cura atque diligentia, tum multò etiam maiore populi Romani, ad sum- mum imperium retinendum, & ad communes fortunas

fortunas conseruandas. Voluntate omnes ad-
sunt omnium ordinum homines, deniq; omni-
um ætatum: plenum est forum, plena tem-
pla, pleni omnes aditus huius loci ac tem-
pli. Causa enim est post urbem conditam
hæc inuenta sola, in qua omnes sentirent vnum
atque idem, præter eos, qui cum sibi viderent
esse pereundum, cum omnibus potius, quàm
soli perire voluerunt: hosce ego homines exci-
pio, & secerno libenter, neq; enim in improbo-
rum ciuium, sed iam acerbissimorum hostium
numero habendos puto. Cæteri verò Dij im-
mortales, qua frequentia, quo studio, qua vir-
tute ad communem dignitatem salutemq; con-
sentiunt? Quid ego hæc Equites Romanos com-
memorem? qui vobis ita summam ordinis con-
siliique concedunt, vt nobiscum de amore Rei-
publicæ certent. Quos ex multorum annorum
dissensione huius ordinis, ad societatem con-
cordiamq; reuocatos, hodiernus dies vobiscū
atq; hæc causa coniungit: quam coniunctionē
si in Consulatu confirmatam meo, perpetuam
in Rep. tenuerimus, confirmo vobis nullum
posthac malum ciuile ac domesticum, ad vl-
lam Reip. partem esse vëturum. Pari studio de-
fendendæ Reip. conuenisse video Tribunos æ-
rarios fortissimos viros: Scribas item vniuer-
sos, quos cum casu huc dies ad ærarium fre-
quentes aduocauit, video ab expectatione hu-
ius sortis ad communem salutem esse conuer-

sos: omnis ingenuorum adest multitudo, etiam tenuissimorum. Quis enim est, cui non hæc templa, aspectus vrbis, possessio libertatis, lux denique hæc ipsa, & hoc commune patriæ solum cum sit charum, tum verò dulce atq; iucundum? Opere præcium est, P. C. libertinorum hominum studia cognoscere, qui sua virtute, fortunam ciuitatis consecuti, hanc verè suam patriam esse iudicant. Quam quidam hinc nati & summo nati loco, non patriam suam, sed urbem hostium esse iudicauerunt. Sed quid ego huiuscæ ordinis homines cōmemorem? quos priuatæ fortunæ; quos communis Resp. quos deniq; libertas ea, quæ dulcissima est, ad salutem patriæ defendendā excitauit? Seruus est nemo, qui modò tolerabili conditione sit seruitutis, qui non audaciā ciuium perditorū perhorrescat qui nō ob stare cupiat qui non tantum quantum audet & quantū potest, conferat ad communem salutis voluntatē. Quare si quem vestrū forte cōmouet hoc, quod auditum est, lenonem quēdam Lentuli concurrare circum tabernas, precio sperantem sollicitare posse animos egentium atque imperitorum: est id quidem cæptum atque tentatum: sed nulli sunt inuenti tam aut fortuna miseri, aut voluntate perditī, qui non ipsum illum sellæ atque operis & quæstus quotidiani locum, qui non cubilia ad lectulum suum, qui denique non cursum hunc ociosum vi-
 æ si uæ saluum esse velint, multo verò maxima
 pars

pars eorum qui in tabernis sunt, nisi verò
 (id enim potius est dicendum) genus hoc vni-
 uersum amantissimum est otij. Etenim omne
 eorum instrumentum, omnis opera ac quæstus,
 frequentia sustinetur, alitur otio. Quorum
 si quæstus oclusis tabernis minui solet, quid
 tandem incensis futurum est? Quæ cum ita sint
 P. C. vobis populi Romani præsidia non de-
 sunt. Vos, ne Reip. deesse videamini, provide-
 te. Habetis Consulem ex plurimis periculis &
 insidijs, atque ex media morte, non ad vitam
 uam, sed ad salutem vestram reseruatam: o-
 mnes ordines ad conseruandam Remp. mente,
 voluntate, studio. virtute, voce consentiunt.
 Obsessa facibus & telis impiæ coniurationis, vo-
 bis supplex manus tendit patria communis. Vo-
 bis se, vobis vitam omnium ciuium: vobis ar-
 cem & Capitolium: vobis aras, penates: vobis
 illum ignem Vestæ perpetuum ac sempiter-
 num: vobis omnia templa Deorum atq; delu-
 bra: vobis muros atque vrbis tecta commen-
 dat. Præterea de vestra vita, de coniugum ve-
 strarum ac liberorum anima, de fortunis omni-
 um, de sedibus, de focis vestris hodierno die
 vobis iudicandum est. Habetis ducem memo-
 rem vestri, oblitū sui, quæ non semper facultas
 datur, vt sui oblitus, Cōsul ciuium suorū sit me-
 mor. Habetis omnes ordines, omnes homines,
 vniuersam Remp. Id quod in ciuili causa hodi-
 erno die primum videmus, vnū atque idem sen-

tientem. Cogitate, quantis laboribus fundatum imperium, quanta virtute stabilitam libertatem, quanta deorum benignitate auctas exaggeratasque fortunas, nox vna penè delèrit. Id ne vnquam posthac non modò confici, sed nec cogitari quidem possit, vobis hodierno die providendum est. Atque hæc non vt vos, qui mihi studio penè præcurritis, excitarem, locutus sum: sed vt mea vox quæ debet esse in Rep. princeps, officio functa Consulari, videretur. Nunc antequam P. C. ad sententiã redeo, de me pauca dicam. Ego, quantã manus est coniuratorum quã videtis esse per magnam tantam me inimicorũ multitudinẽ suscepisse video: sed eã esse iudico turpem & infirmam, contemptam & abiectam: quòd si aliquando alicuius furore & scelere concitata manus ista plus valuerit quàm vestra ac Reipublicæ dignitas, me tamen meorum factorum atque consiliorum, P. C. nunquam pœnitebit. Etenim mors, quam illi mihi fortasse minitantur, omnibus est parata. Vitæ tantam laudem, quanta vos me vestris decretis honestatis, nemo est allecutus. Cæteris enim semper bene gestæ, mihi vni conseruatæ Reip. gratulationem decreuistis. Sit Scipio clarus ille, cuius consilio atque virtute Annibal in Africam redire, atque ex Italia decedere coactus est. Ornetur alter eximia laude Africanus, qui duas vrbes huic imperio infestissimas Carthaginẽ, Numantiamque deleuit. Habeatur vir
egregius

egregius L. Paulus ille, cuius currum rex potentissimus Perses honestauit. Sit in æterna gloria Marius, qui bis Italiam obsidione & metu seruitutis liberauit. Anteponatur omnibus Pompeius, cuius res gestæ atq; virtutes iisdem quibus Solis cursus è regionibus ac terminis continentur. Erit profectò inter horum laudes aliquid loci nostræ gloriæ: nisi fortè maius est patefacere nobis prouincias, quò exire possimus: quàm curare, vt etiam illi qui absunt, habeant quò victores reuertantur. Quanquam est in vno loco conditio melior externæ victoriæ, quàm domesticæ, quòd hostes alienigenæ aut oppressi seruiunt, aut recepti, beneficio se obligatos putant. Qui autem ex numero ciuium dementia aliqua deprauati, hostes patriæ semel esse cœperunt, eos cum à perniciæ Reip. repuleris, neque vi còercere, neque beneficio placare possis. Quare mihi cum perditis ciuibz æternum bellum susceptum esse video, quod ego vestro bonorumque omnium auxilio, memoriaque tantorum periculorum, quæ non modo in hoc populo qui seruatus est, sed etiam in omnium gentium sermonibus, ac mentibus semper hærebit, à me atque à meis facile propulsari posse confido: Neque vlla profectò tanta vis reperietur, quæ coniunctionem vestram equitumque Rom. & tantam conspirationem bonorum omnium perfringere & labefactare possit. Quæ cum ita sint, P. C. pro imperio, pro exercitu,

exercitu, pro prouincia, quam neglexi: pro triumpho, cæterisque laudis insignibus, quæ sunt à me propter hanc urbem vestram, vestræq; salutis custodiam repudiata: pro clientelis, hospitisque prouincialibus, quæ tamen urbanis opibus non minore labore tueor, quam comparo. Pro his igitur omnibus rebus, & pro meis in vos singularibus studijs, proque hac, qua prospicitis ad conseruandam Remp. diligentia nihil à vobis, nisi huius temporis totiusq; mei Consulatus memoriam postulo. Quæ dum erit vestris mentibus infixæ firmissimo me muro scriptum esse arbitror. Quod si meam spem vis improborum fefellerit atque superauerit, commendando vobis paruum meum filium: cui profecto satis erit præsidij, non solum ad salutem, verum etiam ad dignitatem, si eius qui hæc omnia suo solius periculo conseruauerit, illum esse filium memineritis. Quapropter de summa salute vestra populi que Romani, P. C. de vestris coniugibus ac liberis, de aris ac focis, de fanis ac templis, de totius urbis rebus ac sedibus, de imperio, de libertate, de salute Italiæ, deque vniuersa Rep. decernite diligenter vt institueritis ac fortiter. Habetis enim Consulem, qui & parere vestris decretis non dubitet: & ea quæ statueritis, quoad viuere, defendere, & perfectum præstare possit.

ADAMVS

AD AMVVS STEZICIENSIS IN QVARTAM CIC. ORATIO- NEM CATILINARIAM.

Argumentum orationis.

Postridie quam deprehensi coniurati, iudicati, confessi, & in custodias liberas traditi sunt, legatis Allobrogum, Titoque Vulturcio ex senatus decreto, præmia data sunt amplissima. Huius diei postridie, quum sentiret Cic. quorundam manus comparari, ad eripiendos vi è custodia coniuratos, habuit senatum in curia, ut de coniuratorum pæna, senatus decerneret. D. Syllanus consul designatus, primus sententiam rogatus, eos ultimo supplicio afficiendos censuit: eius sententiam multi secuti. Postea G. Cæsar censuit eos publicatus bonis, per municipia disperdiendos, inque publicas custodias tradendos: denunciatis panis ijs qui eximerent, vel qui ut reuocarentur, ad senatum referent. Hanc Cæsaris sententiam, multi sequebantur, pluresque secuturi videbantur, propterea quod minorem Cic. inuidiam coniuratorum pæna ex hac sententia decreta, conflat ura esse videbatur. Cicero ne in hanc sententiam reliqui omnes concederent, utque sua vox officio functa consulari videretur, hanc orationem in senatu habuit: in qua hortatur senatores, ut cogitent magis de suo, de coniugum & liberorum periculo, quam ipsius Ciceronis. Cæsaris sententiam vere popularem esse di-

esse dicit, eam laudat, eam sibi minus periculosam factetur: sed hortatur senatores ut Syllani potius quam Cæsaris sententiam sequantur: nec verendum us esse ostendit, ut videantur crudeles, si deprehensos coniuratos, ultimo afficiant supplicio: sed potius verendum, ne si in coniuratos lenes & clementes sint, in patriam crudeles esse videantur.

Genus Quæstionis.

Quæstio est descripta personis, & circumstantia modi. Virum in puniendis coniuratis sententia Syllani, qui censet eos morte multandos esse: an Cæsaris, qui mortis quidem pœnam remouet, sed omnes suppliciorum acerbitates adhibet sequenda sit? utramque laudat, sed priorem sequi oportere censet.

Genus Causæ.

Oratio refertur ad genus deliberatiuum. Suadet enim potius interficiendos esse coniuratos, quam publicatis eorum bonis in perpetua custodia seruandos. Quia hostes sunt: quia sententia Cæsaris popularis est: quia animaduersio euidentis facinoris, non est crudelitas: quia ciues interficere coniurati voluerunt, funestos ignes inferre urbi. Ergo interficiendi.

Dispositio Orationis.

Oratio constat, quinque partibus. Exordie, propositione, resutatione, confirmatione, & epilogo. Estque earum ordo iudicij non naturæ: contra enim naturalem

turalem ordinem partium, refutationem præmittit confirmationi.

Elocutio Orationis.

GENUS dicendi in hac oratione, mediocre quidem est: sed tamen ita tractatum, ut proximè ad summum accedere videatur. Affectus mouet crebris, quibus tanquam aculeis quibusdam animos auditorum capit, stimulat, atque adsequendam Syllani sententiã animat sententijs elegantibus multis, usque expressis scatet quæ faciliè auditoris animũ retinent, ut fortĩ viro, turpis mors non potest accidere, immatura consulari: misera sapienti. Iucunda in malis voluntas amicorum. Spes sola hominem in miserijs solatur. Hostis reipublicis esse nequit. omnis opera ac quæstus frequentia sustinetur, alitur otio, & cætera.

De Exordio.

MULTI senatores Caesaris sententiã quæ exilio coniuratos multabat, in rem Ciceronis esse putabant, quod hac coniuratorum pena minus inuidiæ subiret Cicero: ideoque hanc Caesaris sententiã sequabantur. Eos igitur senatores hortatur Cic. ut periculum suum, & coniugum & liberorum metuant magis, quam ipsius Ciceronis.

Genus Exordij.

GENERA exordiorum duo tradunt rhetores: proæmium, in quo continetur aperta beneuolentiã captanda ratio: & insinuatio, qua clandestinè ingredimur
in causam.

in causam. Genus exordij in hac oratione est apertum, quod græci proæmium, latini principium vocant: quia tale genus exordij ipsa qualitas prodit. Honestum est genus causa, aperta quoque est benevolentia, attentio-
nis, & docilitatis paranda ratio: ob quæ attributa, seu fines, reperta sunt exordia. Parat Cic. benevolentiam à persona sua, dum dicit se suam salutem negligere, publicam verocurare: ab incommodis suis, quod propter se propinqui maxore afficiantur, seq. dicens non esse ferreum, qui fratris charissimi atque amantissimi presentis maxore non moveatur. Parat etiam à rebus ipsis, nempe à conservata repub. Attentionem vero parat, dum metum inicit Senatui, proposita ex collatione periculi magnitudine, dum dicit non T. Grachus, qui iterum tribunus plebis esse voluit, paratur quoque attentio ex certitudine sceleris dum dicit, Tenentur literæ, signa, manus, deniq; vniuscuiusque confessio. Item, Hæc omnia iudices detulerunt, rei confessi sunt, vos multis iam iudicijs iudicastis, Docilitatem vero parat, in generali totius causæ expositione dum dicit, sed ego institui referre P, C, & cætera. hoc enim loco est totius orationis principalis propositio. Cuius sensus est, Institui referre ad vos, quid de pena coniuratorum censeatis, hoc est pana ne moris, an perpetui carceris puniendi sint. Facit quoq; docilitatem & attentionem, ex magnitudine mali, quod impendet, nisi prouideant, ex authoribus coniurationis multis.

Inuentio

Inuentio exordij.

Hermogenes ponit quatuor species exordiorum. Prima est ex opinionibus hominum ducta, qualis est *Actio* 1. Si quis vestrum iudices, aut eorum, qui adsunt mirantur, & in *Ver. oratione* 7. Nemini video dubium esse iudices, quin apertissimè C. Verres in Sicilia, sacra, profanaq; omnia, & priuam, & publicè spoliavit. Secunda à diuisione, quod adseri commendationem oratori, cum sit ingeniosum, ut est pro *Cluentio*. Animaduerti iudices, omnem accusatoris orationem in duas diuisam esse partes. & pro *Cecinna* si quantum in agro locisq; desertis audacia potest, tantum in foro, iudicijsq; impudentia valeret, & cetera. & pro *Quintio*, Tertia ex superabundanti actione quod vel multa omittit, vel quædam aduersario donat, quæ est morata, ut lib. 2. in *Verrem*. Multa mihi iudices necessario pratermittenda sunt, ut possim aliquando de his rebus, quæ mihi commissæ sunt dicere. Et pro *Archia* poëta. Si quid est in me ingenij quod sentio quàm sit exiguum, aut si quæ dicendi exercitatio, Quarta ex attributis & circumstantiis locorum, temporum, personarum, locorū ut pro *Deiotaro*, quo d intra priuatos parietes dicat. Personarum ut pro *d. mo sua*: temporis, ut pro *Calio*, quod die festo iudicium coactum sit *Præsens* exordium ductum est ab opinione hominum vel *Senatus*. Senatus minus periculum opinabatur *Ciceroni* subesse, si sententiam *Cæsaris* sequeretur: ille non de suis, sed de publicis periculis consulere hortatur. Vi-

tur. Video patres conscripti, in me, omnium vestrum ora, atque oculos.

Dispositio Exordij.

Dispositio exordij est naturalis primo proponit, & aperit dicenda, deinde approbat, postea ad rem ipsam redit, denique concludit.

Propositio, Cogitatis de mea salute.

Approbatio, Grata mihi est voluntas vestra erga me.

Reditio, Sed obliti salutis mea de publica salute cogitate.

Ratio reditionis pro prima parte, hoc est cur de Cic. salute cogitare non debeant, mihi quidem, Quia consulatus meus fatalis est, ad ferendos pro patria dolores. Locus ab adiunctis. Si consulatus meus subiectus est doloribus pro patria ferendis, eos ego feram ut salutem patriæ conseruem, Atqui primum est. Ergo & secundum: Maiorem posuit, minorem neglexit, sed eius probationem posuit, dum dicit. Ego sum ille consul, quæ ducta est ex euentis, quam in partes Cic. distribuit. Æle consule, nullus mihi locus vacuus fuit periculis. Ergo consulatus meus fatalis est, ad ferenda pericula & dolores. Ratio reditionis pro altera parte, nunc si hunc exitum, si meus consulatus, fatalis est, ad salutem patriæ, quæcumq; mihi obtigerit fortuna eam subibo. Locus est adiunctorum, Quod confirmat, & enim si pub. Lentulus, à contrariis: opponit enim Lentulum tanquam patriæ hostem sibi rei pub. seruatori.

Conclusio, Quare P. C. consulite, Quare de salute

salute patriæ cogitate, de me cogitare desinite. Hanc primo confirmat tum à spe & fortitudinis definitione. Referent mihi inquiens dii pro meis in patria conseruanda laboribus gratiam. Ergo omnes labores & pericula subibo: tum ab adiunctis fortis viri, consularis, & sapientis. Parato animo fortique moriar. Ergo mors mihi, non poterit esse grauis, vel turpis, vel immatura, vel misera.

Secundo corrigit propositionem, nec tamen ego sum, Moneor quidem periculis, moneor propinquorum lachrymis, qui metuunt, ne mihi aliquid mali accidat: quam amplificat à partibus propinquorum, & postea soluit per distinctionem. Sed tamen ita moneor, non vt ego, sed vt nos omnes salui simus.

Tertio, Quare patres conscripti, occasione ex se facta, quod moneatur periculo, sed publico, adhortatur eos ad consulendum de publico periculo, ex collatione dissimilium exemplorum id faciendum esse probans: Si enim illi, qui seditiones plebis concitauerunt, vt Gracchi: si illi qui priuatum hominem interfecerunt vt Saturninus morte multati: multo magis coniurati, qui ad incendium reipub. ad eadem ciuitum, Romæ remanserunt, multandi sunt. Diligenter ergo de publico periculo consulere debetis. An autem si ad euerendam rempub. remanserint, probat, tenentur literæ, signa, manus. à testimoniis, signis, & iudicato.

Dispositio quoque rerum & verborum naturalis est: veluti in rebus admirandis, primum vultum conuertimus, deinde oculis aspicimus, postea cogitatione reuoluimus. Hinc dicit video P. C. omnium vestrum

ora, atque oculos conuersos. Sic inferius, quæ sunt priora tempore prius commemorat, ut frater, uxor, filia, filius, gener, & cætera. Res gesta, ut sunt gesta narrantur. literæ, signa, manus, confessio. Deinde prius iubet cognoscere scelus, deinde de pœna statuere. Et de facto quid iudicetis & de pœna quid statuatis.

Elocutio.

Totum exordium ad commiserationem spectat, suntque in eo affectus insignes in ijs locis primo dum gratam sibi dicit voluntatem sui defendendi 2. dum pericula sua longo orationis tractu recitat: humani enim ingenij est moueri iniurijs aliorum 3. dum suam curam commemorat in seruanda patria: beneficiorum enim necessaria commemoratio, officij memores efficit 4. dum suam constantiam in defendenda patria asseuerat, & in contemnen dis pro patria periculis. Neque enim turpis mors forti viro, & cætera. Reliqua diligens lector obseruabit.

Compositio.

Literarum similium coagmentatio frequens, reddit hiulcam, vel resistentem orationem: sed medium si quis inter raritatem & frequentiam teneat, iucundam efficiet orationem. Vocalibus in hoc exordio Cicutitur frequentibus, in principio E, & O. consonantibus vero S, M. quod genus orationis est graue, iucundum, elegans, ac tersum: similis decursus virgentem facit

facit orationem, fortiter, libenter, & consulite,
desinite, perspicite, & cetera.

Periodi.

PERIODI sunt frequentes & elegantes prima, secunda, & tertia sunt bimembres, mihi quidem, praema, nunc si hunc, periodus bimembris cuius primum membrum incisus est ornatum, per diuisionem totius in partes, quare P. C. periodus bimembris, cuius primum membrum, multis incisus similibus est ornatum, num primum, periodus duorum membrorum, neque enim, unicum membrum interiecit sine circumductione, quale Gnomi esse solet, in reliquis membris & casum dicit, non T. Gracchus, periodus tetracolos, cuius principium tribus membris constat, reditus uncto, tribus incisus ornato, cetera membris incisum, dicit, ego magnum, periodus bimembris, nunc quicquid est, membrum inciso ornatum quod habet quandam vim ad impellendum. Tale est in fine, quacunque ratione placet, celeriter vobis vindicandum est, interiecta sunt membra duo similis compositionis: ut, videtis, erratis.

Numerus.

Numerus est suavis & incundus, qui & equalitate grata, & varietate suavi constat. Incipit ab anapaesto & spondeo, terminatur in molossium, est mihi, Creticus, finit contrario pede amphibrachi: nam syllaba ultima cuiusque dictionis est communis. obseruabis
E e frequentes

frequentes dichoreos, ut, cogitate, continetur, consecratus, extitisse, cogitare, restiterunt, & Ionicū maiorem, defendite, incumbite, accersitur, confessio, & cætera. Paan primus frequens quoque est, ut, consulite, prospicite, desinite, seruitia, incumbite, circumspicite, cætera prosodiacis praeceptis imbutus, facile observabit.

Figuræ sententiarum.

SEd eam per Deos immortales, protropi seu adhortatio, feram non solum fortiter sed etiam libenter, epistrophe, cui non forum, amplificatio totius in partes, in qua vniuscuiusque partis explicatio continetur. forum in quo æquitas continetur: curia summum auxilium omnium gentium: domus commune perfugium, & cætera. Græci hipotiposin vocant. Multa tacui, simploce, alias complexio, quæ eandem vocē, in principio, medio, sine repetit. Nunc si, amplificatio est, & totius in partes diuisio, & enim si, paradigma, & erotima, quare, complexio & congeries similium sententiarum, neque enim, epanodos numeros, & paria, paribus reddita, neq; meam mentem, amplificatio qua genus in suas species diuidit. Propinquos nempe, in fratrem, uxorem, filium, & cætera. Non Tib. Gracchus, paradigmata, Tenentur literæ, congeries sententiarum, primum quid, enumeratio, quæ omnia, complexio, & de facto, orbis numerosus, quo similes numeri ponuntur, quantum facinus, communicatio.

Figuræ

Figuræ verborum.

Video, *anaphora*, ora, oculos, *metonimia*, vos vestra, *polypoton*, cruciatus, *synechdoche*, proferre, *polypoton*, pariat, *metaphora*, non non, *anaphora*, forum, campus, domus, lectus, omnium, *synechdoche*, æquitas, *metonimia*, vacua acerbissima, vexatione, sanaui, immatura, ferreus, abiecta amplecti, oppreserit, incumbite, circumspicite, impendent, prouidetis, patefactæ, amplissima, *metaphora*, tacui, *omiotoleuton*, lachrymis, domum vis reipub: seueritatis, incēdium, cædem, manus, seruitia, nomen, togato, *metonimia*, vrbis, signa, *synechdoche*.

Propositio orationis,

Sed ego institui.

Propositio est futura deliberationis, cui adiuncta est adhortatio ad celeriter iudicandum, quæ nititur duabus rationibus tractatis amplificatione periculorum.

Prima ratio est, ego magnum, ab adiuncta periculorum magnitudine. Exitiosa est coniuratio, & quam nunquam quisquam putaret susceptam. Ergo, nunc quicquid, celeriter iudicandum est.

Secunda ratio est, quantum facinus, à causis adiuvantibus. Multi sunt præter omnium opinionem, huius facinoris authores. Ergo, quacumq; ratione, celeriter statuendum est. Antecedens tractat commu-

nicatione, videtis, paradoxo, latius opinione dif-
 seminatum est hoc malum, auxesi, manauit nō
 solum per Italiam, verum etiam transcendit
 Alpes, Conclusionem amplificat dissimili: dissimilia
 enim sunt, sustentare, prolatare, & celeriter indica-
 re.

Refutatio.

IN hac primo ostendit duas esse sententias de coniura-
 tis, quarum alteram sibi probari, alteram non item,
 dicit. Non quod duo soli scilicet Syllanus & Caesar de-
 liberauerint. Neronem enim ante Casarem dixisse sen-
 tentiam Appianus, lib. 2. scribit: qui coniuratos cen-
 suit custodiendos, quo ad Catilina superatus esset, ut
 rem diligentius certiusq. inquirerent, atque animad-
 uerterent: sed ideo dicit, video duas adhuc esse
 sententias, quod ceteri in eas iuerunt frequentes.
 Probat ergo maximè in hac refutatione sententiam Syl-
 lani, Caesaris improbat, sed admodum callidè: Laudat
 enim Casarem & eius sententiam improbat: vnde spe-
 ctatur prudentia oratoris, qui cuius sententiam reij-
 cit, eius personam non offendit. Cur autem aperte no-
 lit refutare, hæ sunt causa. Prima ne eum offendant sibi.
 2. Ne offensum irritet in rempub. 3. Ne Caesar per a-
 pertam refutationem putetur conscius esse coniuratio-
 nis Catilinae. 4. Ut eum lenitate refutationis pertrahat
 ad suam sententiam. 5. Ut prudentiam suam ostendat
 in magistratu administrando: magistratum lenem esse
 debere in reprehendendis de repub. aliorum sententiis.
 Hisce de causis apparet Cic. de industria talem concin-
 nasse refutationem.

Secundo

Secundo refutat cuiusdam ciuis factum, qui in senatum non venit, ne de capite ciuium iudicaret, simulque Casarem laudat.

Porro refutatio, Cicerone teste, de inuentione, argumenta aduersariorum, aut diluit, aut infirmat, aut eleuat, Cic. hoc loco infirmat dilemmate, dum dicit nec rogando, nec imperando id perfici posse. Rhetores argumentum tale vocant ab incommodo. Eleuat etiam sententiam Caesaris, sed simulatè: laudat hominem, eius tamen consilium minime sibi probari significat. dum dicit hanc penam similem esse panis fictis inferorum. Postea eius sententiam popularem ambiguo nomine vocat, quod vix in tanta oratoris astutia iudicare possis, ad laudem ne, vel ad improbationem pertineat. viitur quoque refutatione ab inuiti; dicit enim in sententia Caesaris aliquid periculorum inesse: in Syllani & si quoque sit aliquid, tamen tutiorem & vtiliorem sententiam reipub. hanc esse dicit.

Inuentio & dispositio Syllani sententiæ,
alter eos.

Propositio, Coniurati, mortis pena, sunt puniendi.

Ratio 1. Quia rempub. delere voluerunt.

Ratio 2. Quia mortis pena in improbos ciues usitata fuit.

Conclusio, Ergo eos puncto temporis frui, vita, & hoc communi spiritu non oportet.

Argumentum est ab efficiētibus causis, & exemplis.

Ec 3

Inuen-

Inuentio & dispositio Cæsaris sententiæ,

*Alter intelligit.**Sententia Cæsaris hæc est & eius dispositio.**Propositio, Mors non est supplicij causa inuenta;**Ratio 1. Quia inuenta est vel ob necessitatem naturæ, vel ob laborum, miseriarumque quietem.**Ratio 2. Quia plerique eam apperuerunt.**Conclusio, Ergo coniurati non sunt morte puniendi.**Vincula autem sunt ad panam sceleris inuenta, & æque sempiternam.**Ergo vinculis sempiternis tradendi sunt Locus à descriptione pana.*

Refutatio Cæsaris sententiæ,

*habere videtur.**Tali dilemmate, primo refellit Cæsaris sententiam.**Vel iubet Cæsar imperare municipibus, ut seruent coniuratos, vel rogare. Sed verumque incommodum est. Nam iniquum est municipibus imperare, ut coniuratos in custodiam suam accipiant, & quod iniquum est, hoc est difficile ad impetrandum. Ergo non est sequendum in utramvis tamen partem se paratum esse dicit, ne offendant Cæsarem.**Secundo adducit reliquam partem sententiæ Cæsaris scilicet de pana statuenda in eos, qui vincula rupterint. Item, de horribili custodia sancita & digna sceleribus*

leribus hominum perditorum. Item, de ijs qui de coniuratis postea ad senatum referant, aut cum populo agant: quod si quis referat, aut cum populo ageret, senatum existimaturum dixerat eum contra rempublicam & salutem omnium facturum: quo eripit spem quoque qua sola in miseris hominem consolari solet. Item de bonis publicandis.

Tertio, vitam solam, explicat Caesaris sententiam, quam ostendit admodum esse grauem.

Propositio. Caesar vitam non eripit coniuratis.

Ratio. Quia vno dolore, omnes adimere videtur penas.

Confirmatio. Confirmat hanc similitudine, inferiorum, quorum fidei panis, haec vera pana sit similis: Caesar enim cruciatus adhibet, mortem amouet, quales sunt apud inferos cocyri fremitus, transuetio Acherontis, mento summam aquam attingens sibi eneas Tantalus, Sisyphus saxum voluens, & cetera. Quae fidei esse non vera Cic. in Tusculana 1. assenerat.

Quarto, nunc P. C. vitamque sententiam assumit, & dicit, alteram scilicet Caesaris esse minus inuidiosam, alteram vero non magis periculosam. Si tamen sunt aliqua pericula, dicit reipub. vtilitatem postulare, vt ea ipse suscipiat.

Quinto, habemus, laudat iterum sententiam Caesaris, quod de industria facit, ne Caesar cuius sententia non probatur, coniurationis nomine suspectus sit. Multi enim de G. Casare male sentirent, alij quod faueret coniuratis, alij quod hac leniore coniuratorum pana sibi fieri aditum, ad vrbis dominatum putaret: & ideo

distinguit popularem suspectum, & verè popularem. Suspectus popularis is est, qui cum magna lenitate in senatu contionatur, non quod reipub. expediat, sed quod vel suis commodis, vel etiam suo sensui, idque ratum ac firmum esse vult. Vere popularis autem est, qui saluti reipub. nullo habito personarum respectu consulit.

Refutatio cuiusdam ciuis,
video de istis.

IN hac primo quidam Senator notatur, qui de ciuium capite indicare noluerat, quem quoque Cic. de ciuium capite, tamen si absens fuerat, indicasse probat ab effectis.

Propositio, Iam hoc nemini, Qui reo custodiam, quaestori gratulationem, iudici præmium decreuit, de capite ciuium Romanorum indicauit.

Assumptio, Is & nudius tertius, At is qui in Senatum non venit, hoc fecit.

Complexio, Ergo de capite ciuium Romanorum indicauit; hac subest maiori propositioni.

Secundo, At vero G. Cæsar, laudat Cæsarem quod non solum venerit, sed etiam indicauerit.

Argumentum à contrariis.

Cæsar legem Semproniam intelligit esse de ciuibus.

At Lentulus non est ciuis, cum sit hostis.

Ergo lex non spectat ad Lentulum.

Maiorem ponit & probat ab auctoritate & exemplo. Quia idem ipse legis eius lator morte damnatus est.

est. Minorem miscet simul cum conclusione Laudans igitur Casarem, itaque homo mirissimus. concludit sententiam Casaris, eiusque circumstantias modorum colligit de custodia & publicatione.

Conclusio refutationis, quamobrem, concludit in vniuersum se paratum esse, vitamus sententiam sequi, adiungens vtriusque consequentia.

Elocutio :

Elocutio acris, sine amarulentia tamen: ut videatur amicè, non hostili animo improbare ea quæ sibi non probantur. Periodi negligentius adhibita: quia compositio ad docendum nõ ad permoendum spectat. Numerus non affectatus, gratus tamen & iucundus, qui aurium iudicio, non artificiosa compositionis textura constat.

Figuræ.

VNam D. Syllani, enumeratio, delere amplectitur, acerbitates, verlatur, extinguere, puncto, singularem, horribilis, leuaret, eripit, secutus, vendicat, lenitatem, dependisse, acerbè leuando, vitare perniciem, lequi, metaphora, Alter eos, merismos, qui non omnes, amplificatio per diductionem generis in species, quæ qui, anaphora, habere, dilemma, decernatur, permissio & optatio, ego enim, Aetiologia, aut per, merismos, nomen, spiritum, nefarii sceleris, custodias, scelere, dignitas, amplitudo, capite, metonymia, imperium, vincula,

vincula, cruciatus, synechdoche, eripit, congeries sententiarum, nunc patres, communicatio, si eritis, dilemma, sed tamen, correctio, intellectum, expositio, iam vero hoc nemini, orbem numerosum obserua, in quo paria paribus redduntur, quam obrem, complexio.

De confirmatione orationis. *Quamquam P. C.*

Inclinat iam manifeste in Syllani sententiam, probatq, non esse crudelitatem, si coniurati morte puniantur. Est autem hoc in more Ciceroni positum, ut quod ab aduersarijs illi obicitur, vel obici possit, illud in aduersarios reijciat. Miloni obiectum est ab aduersarijs, quod Clodio fecerit insidias, retorquet Cic. hoc crimen in aduersarios, & probat, quod Clodius Miloni insidiatus sit. Sex. Roscius occidisse patrem, ab aduersario accusatus est: id aduersarios fecisse Cic. contendit. Ab Aulo Cluentio, corruptos esse indices dicunt aduersarij: ab Opimiaco aduersario eos corruptos esse Cic. docet. Mirantur fortasse nonnulli, quod Cic qui defendere alios solitus sit, ad Verrē accusandū descendat Cic. magis id se facere docet, ut defendat Sículos à Verre vexatos, quam ut Verrē accuset. Hic obicitur crudelitatem esse, si morte mulcentur coniurati: probat Cic. non solum non esse crudelitatem, verum etiam nisi morte mulcentur, Senatus crudelitas in patriam, suspicionem laborabit.

Inuentio & dispositio confirmationis.

Propositio huius confirmationis hac est. Nulla esse potest crudelitas, si coniurati morte puniantur.

Qua

Quæ probatur ex locis honesto, utili, facili, similium, comparatorum, exemplorum. Dispositio autem sententiarum est iudicii: prius enim improbauit sententiam Caesaris, non offendens ipsum Casarem imò laudauit eum, quod sit misericors & sententia eius clemens. Nunc autem sententiam Syllani multo clementiorem innuit: cum nullam habeat, adnexam crudelitatem: cum magna sit omnium ordinum consensus, in ea perficienda, & sacras cultas. Dispositio argumentorum est ex arte petita: Primum enim ab honesto, deinde ab utili: Postremo firmissimum argumentum ab honesto & facili ponit. Dispositio porro syllogistica inuentionis ex iudicio dependet: non ubiq; enim tribus partibus syllogismus concluditur.

Inuentio & dispositio argumentorum.

Argumentum primum.

Quanquam, P. C. Ad locum honesti & utilis argumentum hoc referri potest. Communis vero locus est repugnantium.

Propositio. quanquam, in punienda summi sceleris immanitate non est crudelitas.

Approbatio. Ergo enim de meo. Quia ego in iudicando, non ducor atrocitate animi sed misericordia & humanitate. Hanc exornauit contrarijs: vehemens enim & mitis contraria sunt.

Assumptio. Videor enim mihi. At qui in coniuratis summi sceleris est immanitas. Hac circumscribitur, & simul probatur. Quia coniurati volebant incendere

444 Adam. Stezicien, in IIII. orat.
incendere urbem, interficere ciues, vexare virgines.
Complexio. Et quia mihi. Ergo in ea puniendā
nulla est crudelitas.

Secundum argumentum.

ET enim quæro. Duclum hoc argumentum, ex
eodem loco proprio, ex communi verò similitudi-
nis, & collationis ciuitatis cum familia. Quemadmo-
dum paterfamilias, in puniendis morte nefarijs ser-
uis crudelis non est: Ita senatus in puniendis scelera-
tis coniuratis crudelis non erit.

Ratio. Quia dolorem suum cruciatu nocentis le-
niet.

Sed primum est verum. Ergo & secundum. Hæc
exornauit suo iudicio, & interrogationis subiectione.

Tertium argumentum.

Ab exemplo L. Caesaris sumptum, reduciturq; ad vile.
Nisi vero.

SI. L. Caesar in condemnando sororis suæ marito &
in approbanda Fuluii Melij Saturnij & aliorum
morte, in minori delicto crudelis non est visus. Certe in
puniendis hisce coniuratis propter maius delictum, nō
erit crudelitas. Sed primum est. Ergo & secundum.
Minor propositio tantum est posita, quam sequitur pri-
mo declaratio peccatorum, quorum quod simile,
cuius loci sensus est. In damnatis seditiosis ciuibz, mi-
nus peccatum: in coniuratis vero maius.

Ratio. Quia illi liberales volebant esse in Reip-
morationem.

mutationem: Hi autem inierunt consilium delendæ Reipub. Secundo sequitur amplificatio. Atque illo tempore. initi consilij delendæ Reip. Ex dissimilitudine Lentulorum, aui, & nepotis. Ille Remp. defendebat, hic oppugnat. Quare, vereamini, in puniendis acerbissimis hostibus non est crudelitas, sed magis in remissione pœna.

Quartum argumentum

Ex efficientibus & adiuvantibus causis eadē cōiuratorum, quæ reducuntur ad facile: ex communi vero adiunctis causarum efficientium, sed quæ ex audio.

Omnia sunt parata. Ergo satis est præsidij facile est perficere eadem coniuratorum. Quod argumentum tractat per occupationem. Antecedens probat, omnia prouisa, & amplificat à sua cura, & populi Romani voluntate, cuius præsidia amplificat ex adiunctis per diuisionem partium.

Quintum argumentum.

Ex honesto & facili sumptum, causa enim post.

Omnes, exceptis coniuratis, qui in mortem suam, consentire non possunt, in mortem coniuratorum consentiunt.

Ergo honestum est, & facile, coniuratos morte punire. Antecedens inductione probat. Quid ergo hic. Eques Senatores, tribuni, ærarij, scriba, ingenui, libertini, serui, operarij, vnum sentiunt. Ergo omnes consentiunt. Locus ex enumeratione partium, quæ singu-

larum, tractatio, & ordo obseruandus est. Item solutio eorum qua obſci poſſunt, dum dicit, Quare ſi quē quo loco reſponderet iſ, qui putabant conſulem minus praſidij habere.

Elocutio.

Genus dicendi eſt ſummum, in quo ſunt figure grandes, affectus frequentes, ſententia graues.

Compoſitio orationis ad docendum & excitandum conſert, euidentiamq; rerum maximam habet, qualis hoc loco eſt cum uero mihi propoſui regnantem. Leuitulum, & in inductione longa qua ad finem ponitur.

Duo prima membra ſine circumductione ſunt poſita. Poſthac ſequitur periodus trium membrorum, nam ita mihi, cuius principium duobus, reditus uno membro conſtat, uideor enim, periodus ſex membrorum, cuius principium quatuor, reditus eſt duorum membrorum, Et enim, periodus bimembris, Sic nos in iſs, periodus quinque membrorum. Cetera ſine circumductione, membratim, caſimq; dicit, uere animi, periodus duorum membrorum. Cetera obſeruaſſet lector.

Numerus frequens & clarus, quem paſſim ipſa compoſitio ultro facit, ut hoc loco, Gallos accerſiuit, ſeruitia concitauit, Catilinam euocauit, & cetera. Omnia prouiſa, parata, conſtituta ſunt & cetera. Spondei ſunt frequentes, Cretici, Epiriiti, Moloſſi, Anapeſti, & parium temporum pedes, Non deſunt & ceſeres, ut paanes, tribrachi, choriambi.

Figura.

Figuræ sententiarum.

Prima est correctio, qua aditum ad causam facit, nam ita mihi, optatio iureiurando ornata, Quis enim, parentesis interrogatione ornata, videor, hypotiposis. Et enim quæro, communicatio qua aduersarius etiam arbitris uti vult, erotemate ornata, mihi vero, subrectio est interrogationis, & in toto hoc orationis tractu similitudo, Quinos coniuges Amplificatio ex adiunctis rerum sumpta, Si vehementissimi, dilemma nisi vero ironia, quorum quod, orbis numerosus ex erotemmate, & anaphora constans, Gallos accersuit, similis est orbis numerorum, ex omisteleutis constans vereamini, permissio & comminatio, Sed quæ exaudio, occupatio quæ & orationem prudentem arguit, & causa maximum adiumentum adfert, omnes adsunt, amplificatio per divisionem partium, Dij immortales, exclamatio cum quadam admiratione, Quid ego hic, apophasis cum interrogatione, nullum malum, paronomasia. Quis enim hæc, amplificatio ex subiectis rebus cum erotemmate. Sed quid ego, apophasis, seruus, paronomasia, otiosum. paronomasia, id enim potius correctio; Quorum si quæstus erotima.

Figuræ verborum.

Videor, polyptoton, Lucem, arcem, bacchantis metaphora orbis omnium, patriam ciuium, fatis, synecdoche, aspectus, ex de purpuratum, metonymia

metonymia, tum lamentatione, *anaphora*, vexationem, perhorresco, *metaphora* obserua verborum amplificationem, & immutata orationis varietatem, videor videre cerno animo, versatur mihi ob oculos, proposui mihi, & regnantem, purpuratum cum exercitu, *obserua etiam synonyma*, crudelitas, immanitas, atrocitas, seuerus, vehemens, acerbus, inhumanus, importunus, ferreus, & cat. Seruo *polyptoton*, Acerbissimum importunus, ferreus, trucidare, delere. vestigijs, remissiores, subeunda, *metaphora*, dolorem, cruciatum, *polyptoton in vtroq*, Qui nos, *anaphora*, imperij, *synechdoche*, Reip: voluntas impuberem, contentio, *metonymia*, Consulis largitionis, *synechdoche* clarissimæ. delendæ, versatæ, clarissimus, graue, minueretur, euertenda, fundamenta, sentirent, consentiunt tenuissimorum, dulce consecuti, excitauit, perhorrescat, sollicitari, cursum, alitur, minui, *metaphora*, Reipub. seruitia, scelera, immani, nefario, patriam patriæ, fortunam fortunæ Reip. libertatis, patriæ, animos, cursum, opera frequentia, *metonymia*, vereamini, omnes, plenum pereundum, qua, coniūgit, Quos, omne, *polyptoton*, concitauit. *omioteleuton*, transigenda, *periphrasis* pœna, prouisa, *omiototon*. forum, vrbem, vrbis, ciuitatis, *synechdoche*, nati, *epanodos*, quantum, qui:
Anaphora:

Peroratio. *Quæ cum ita sint.*

Peroratio hac tota ex arte petita est, constatq; enumeratione & affectibus.

Inuentio

Inuentio & dispositio perorationis.

Antonius Lullus diligentius partes epilogi examinat, ex quarum numero, dispositio totius perorationis elucet. Ha sunt prima transitus quo significamus omnia persoluisse, quæ promiseramus, ut auditoris animus ad audiendam repetitionem argumentorum excitetur, græci metabasin vocant. Secunda enumeratio qua breuiter colliguntur argumenta in probatione latius dicta, græci anakephaleosin vocant. Tertia concessio, qua de iure nostro cedimus, ut aequitate totam causam complanemus græci ipoborisin appellant. Quarta motus, qui continet affectuum impetus, græce patopeia vocatur. Quinta suffragium, quo cessaturus orator petit, quod ex toto iudicio expectabatur, atque id propter quod vniuersa contentio dispositionis instituta fuerat. Græce Gnomi vocatur. Transitus duplex est officium, significare absolutam rem, & ad sequentia properare sermonem, quod plarumque sit figurate, rarius simpliciter. Hoc loco per cōminationem transitum ponit. Significatio rei absoluta his verbis effertur, Quæcum ita sint P.C. vobis populi Romani prælidia non desunt, facit sermonis aditum ad sequentia, Vos ne populo Romano deesse videamini, prouidete, Estque argumentum a pari. Non desunt vobis tot studia: Ergo vos vobis non desitis. Sequitur enumeratio, Habetis consulem, qua breuiter colligit quod per totam orationem dictum est, estque entinema propè integrum, cuius antecedens multis me dijs conglobatum & amplificatum, estque huiusmodi

ab officio populi Romani sumptum. In vestra potestate sita est respub. de vestra vita vobis consulendum est, habetis à vestris partibus ducem consulem, vniuersum populum, magnis laboribus, fundatum est reseruum imperium. Ergo providere debetis, vt non modo non deleatur, sed etiam, ne post hac de ea re cogitet alius. Caterum videndum est in hac enumeratione, vt tota causa summarim cognoscatur. Primo reperi argumentum vltimum à facili. Vobis præsidia pop. Romani non desunt. Dum vero dicitur. Habetis consulem; Hoc reserri potest, ad illud quod in refutatione dixit. Decernatur tamen, si placet: ego enim suscipiā. Dum vero dicitur. omnes ordines, iterū repetitur illud, quod in longa inductione continebatur. Repetitur primū argumentū ab honesto, dum dicitur, oblecta facibus, quod in punienda acerbitate sceleris crudelis non sit. Totusque hic locus conuenit cum illo, videor mihi hanc urbem videre, Hoc loco itē insignem affectum mouet fingens patriam supplicem Romanis. Repetitur argumentum a simili. dum dicitur. Præterea de vestra vita, qui locus conuenit cum illo. Si quis paterfamilias liberis suis à seruo interfectis, & cætera. Et sic nos in his hominibus. Repetitur item argumentum à facili, dum dicitur, habetis ducem, & eadem est repetitio cum illa, habetis consulem & omnes ordines, Repetitur vltimo argumentum ab utili, dum dicitur; cogitate quantis, qui locus respondet illi in tertio argumento allato; atque illo tempore, huius auus. Item respondet illi loco in eodem argumento, hic ad euertenda fundamenta

damentare ipub. simulque affectum mouet ex
 coniurationis periculis. Concessio plana in his ver-
 bis, Atque hæc non ut vos qui mihi studio præ-
 curritis excitarem, locutus sum, motus, tamen si
 ubique sparsus, præcipuum tamen locum possidet in
 digressione, quæ tota ad affectus mouendos pertinet.
 Mouet autem Cicer. affectus, à periculis suis pro patria
 susceptis dum dicit, quod si aliquando, item à con-
 solatione sui ipsius dum dicit, sit Scipio clarus ille,
 quo in loco, laudat quatuor imperatores, tum ut offen-
 dat quo ipse consoletur, tum ut lectorem varietate de-
 lectet: talem autem laudationem, non modo ad eum
 qui res præclare gesserit, sed etiam qui aliqua virtute
 præstet, ac commodare poteris. At Pompei quædam est
 propria laus & singularis, quæ non concernit nisi ipsi
 Pompeio. & hoc est in laude maxime obseruandum.
 Item concitat animos audientium à neglectis à se bo-
 noribus dum dicit, quæ cum ita sint, qui locus idem
 fere est, cum superioris orationis extremo, quibus
 pro tantis rebus Quirites, & cætera. In quo postu-
 lat à senatu memoriam factorum suorum, tanquam
 aliquod certum præsidium. Ab adiunctis antecessis,
 Provinciam, exercitum, imperium, triumphum, ne-
 glexi, summam diligentiam salutis vestræ causæ adhi-
 bui. Ergo memores mei esse debetis, Item dum commē-
 dat filium suum, quod si meum, eique quasi testa-
 mento legat, meritorum suorum gratiam. Cæterum
 hic obseruandum est plerumque putare egressionem nar-
 rationis propriam esse. Quintil. lib. 4. cap. 3. eam omni-
 bus partibus orationis conuenire dicit. Ergo autem

confiteor hoc expatiandi genus, non modo narrationi quidem, sed etiam questionibus, vel vniuersis, vel etiam singulis, opportune posse subnecti, cum res postulat, aut certe permittit. Excursionem idem Quintilianus fore breuem debere precipit. quam Cicero significat verbo ipso breuem fore, dum ait, de me pauca dicam, & cetera. & verbo, redeo, hoc enim verbo praesentis operis celeritas ostendi solet. Terent. in Eunuchio. Hos prius in troducā, & quā volo simul imperabo, postea continuo exeo.

Suffragium in extremo est, quapropter de summa salute vestra, ubi adhortatio est, ad fortiter iudicandum, comprobatioq, Syllani sententiae. Estq, locus ex adiunctis causa. De magnis rebus vobis statuendum est. Ergo diligenter & fortiter decernite. Item ab efficiēti idem hortatur. Est qui paratus est parere vestris decretis & statuta vestra defendere, & per seipsum praestare possit. Decernite igitur diligenter, vt institutis & fortiter.

Dispositio in rebus narrandis est iudicij, non artis: nam posterius ea narrat, quā primo gesta sunt. vt L. Paulum cuius victoria fuit prior, quam est deleta Numantia. Sed hoc facit Cic, vt simul laudet vtrumque Africanum, & maiorem, & minorem, in qua re maxima est emphasis expositionis. Fabius praeposteram narrandi rationem improbat. Quadam etiam inquit, turpiter conuertuntur, vt si peperisse narres, deinde concepisse: apertum testamentum, deinde resequatur. Ita hoc loco Cic. praepostere narrat, cuius consilio Annibal in Africam redire, atque ex Italia decedere coactus

actus est. Sed Cic. potest excusari, quia videbat in Scipione præposterum consilium, eam quoque narrationem adhibuit de Annibale: quæ præpostera esset, ut notitate narrationis, auditor admoneatur consilij in Scipione magnitudinis, In verbis dispositio aperta, & plana est.

Elocutio.

Elocutio est affectibus plena, figurisq; sententiarum non postremis ornata, prosopopœia, quæ magnam habet vim persuadendi, digressionem, quæ ad commotionem tota spectat, amplificatione passim adhibita.

Compositio ad celeritatem spectat, in qua commotionis facultas consistit: nam qui vult alterum commovere, ipse commotus appareat necesse est. vult Cic. odium excitare contra coniuratos, ipse indicendo summo odio fertur.

Periodus prima est bimembris parium syllabarum si elidas P.C. habetis consulem, periodus quadrimembris, principium habens duorum, & totidem exitum, præterea, monocolos, habetis duceim, dicolos, habetis omnes, membratim casimque posita, atque hæc, periodus bimembris, cuius exitus quatuor fere syllabis excedit, ego quanto, periodus bimembris, cuius exitus breuior est, quam principium, quam consequuntur totidem membrorum, duæ periodi, cæteris enim, monocolos, sit Scipio, membra sunt, quæ in fine circumducit. his verbis, erit profecto, quare mihi cum, periodus bimembris, cuius exitus productior

paulo. Cetera diligentius trutinanda lectori committuntur.

Numerus est celer, sed tamen mistus graui & tardo, ut varietas sit grata: vincit tamen celeritas tarditatem, observa in clausulis epitritos. prouidete, conseruatum, consentiunt, celeritatem numerorum, in cursu medio periodi considera, populi, praesidia, videamini, plurimis, periculis, insidijs, media morte, & cætera. Deinde tarditatem subiungit, ut quasi è concitato cursu retractus, esse videatur, nō ad vitam suam, sed ad salutem vestram reseruatum, incipit à trochæo & anapæsto, desinit in dichoreum velepitritum. 2. Habetis consulem, Amphimacrus cum cretico, reseruata, epitritus 1. omnes, spondeus cum cretico, consentiunt, epitritus 3. oblietta facibus, spondeus cum proceleusmatico, communis, molossus, capitolium penatium, pæan 2. præterea choriambus, iudicandum est, trochæus cum cretico, habetis ducem, Amphimacrus cum Iambo, facultas datur, doctimus pes Ciceroni commendatissimus in omnibus locis, sentientē, aïtrochæus, cogitate, idem, deleuerit, epitritus 2. prouidendum est, trochæus cum cretico, atque hæc, creticus cum orationis hiatu, præcurritis, Ionicus maior, excitarem, dichoreus, locutus sum, antispæstus, sed ut mea, pæan 2. consulari videretur, dichoreus, cum epitritus 1. In reliqua oratione observa dichoreos frequentes, poenitebit, assecutus, seruitutis, liberauit, continetur, vos ne pop. Romano.

Figura

Figuræ sententiarum.

Prima est comminatio, item enumeratio seu coacer-
natio sententiarum, non ad vitam, antitetor, ob-
fessa facibus, prosopopœia, vobis se vobis, amplifi-
catio est rebus subiectis, id quod in hac, parentesis,
cogitate, communicatio, laboribus, fundatum,
imperium, virtute stabilitam libertatem, præ-
ria paribus collata, nunc antequam, digressio, sic
Scipio, concessio, nisi fortè, ironia in tota sententia
est, quare mihi, complexio, quæ cum ita sint, Am-
plificatio ex adiunctis antecessis & presentibus, non
solum ad, orbis numerosus, quapropter regressio
quam amplificat adiunctis rerum.

Figuræ verborum:

Desunt, polyptoton, in utroque prouidete, ar-
cem, metaphora, ordines, mente, impiæ con-
iurationis, patriæ, metonymia, mente, voluntate,
studio, asyndeton, vobis, anaphora, vrbis tecta, sy-
nechdoche, anima, fortunis, metonymia, habetis
omnes, polyptoton in utroq, fundatum, stabilitū,
exaggeratas, deleuerat, metaphora, imperium,
synechdoche, fortunas libertatem, metonymia,
quanta, anaphora, præcurritis, excitarem, prin-
ceps, metaphora, vox reipub. metonymia, redeo,
metaphora, quanta, paronomasia, turpem infirmam
contemptam, metonymia, abiectam, metaphora &
metonymia, furore, scelere, reipub, dignitas, me-
tonymia.

nimia, me meorum, *paronamasia*, assecutus, clarus, ornetur, *eximia*, deleuit, *metaphora*, consilio virtute, vrbes infestissimas, *metonimia*, egregius, *metaphora*, currum, Italiam, virtutes, seruitutis, gloriæ, *metonimia*, victoriæ patriæ, reipub. vi, *metonimia*, obligatos pernicie, coercere, *metaphora*, ciuium, *synechdoche*, neque, *anaphora*, sermonibus, mentibus, coniunctionem, conspirationem, *metonimia*, hærebit, perfringere, labefactare, *metaphora*, pro, *anaphora*, exercitu, prouincia, *synechdoche*, vestræ salutis, *metonimia*, insignibus, repudiata, *metaphora*, temporis consulatus, *metonimia*, infixam, muro, septum, præsidis, præstare, *metaphora*, salute Italiæ, vniuersa reipub. *metonimia*.

M. T.

M. T. C I C E R O N I S
 A D E Q V I T E S R O M.
 A N T E Q V A M I R E T I N E X I L I V M
 O R A T I O

Declamatio Rhetoris alicuius.



I quando inimicorum imperium
 propulsare, ac propellere cupistis:
 defendite nunc vniuersi vnum: qui
 ne omnes concideretis, ardoreq; flā-
 mæ conflagraretis, mei capitis periculo non du-
 bitaui prouidere. nam quem virtutis gloria cū
 summa laude ad cælum extulit, eundem inimi-
 corum inuidia indignissime oppressum depri-
 mit ad supplicium. Si liberum conceptam dul-
 cedinem animo inclusam continetis, nolite eo
 velle carere, qui charissimam vestram procrea-
 tionem sibi esse duxit, est enim liberale officii-
 um, ferere beneficium: vt metere possis fru-
 ctum. fidei conducit, in loco debitum retribu-
 ere. illic enim animi voluntas propensa com-
 probatur: hic memoria collaudatur, itaque si
 omnibus graue seruitutis iugum esse debet in
 liberate educatis, sit is vestris animis acceptissi-
 mus, qui à vestro corpore iugum acerbissimum
 repulit seruitutis. Est si maiores vestri eos impe-
 ratores, qui militum virtute hostium fregerunt
 furorem, iucundissimo fructu libertatis recon-
 ciliato, non solum statuis dignos putarunt, sed
 etiam

etiam æterna triumphali laude decorârunt: tum
 vos eum consulem, qui non militum præcanti
 fortitudine, sed sua eximia animi virtute hosti-
 lem ciuium mentem Senatus auctoritate vin-
 cavit, existimare vobis retinendum in ciuitate
 esse: Si quæ beneficia singulis ciuibus, priu-
 timq; dantur: ea solent ijs esse fructuosa, a qui-
 bus sunt profecta iure, & merito postea ego vos
 ad defensionem meæ salutis adhortari, quos
 conseruaui vniuersos. nam neque maius est de-
 fendere vnum, quàm populum: neque verius
 à singulis, quàm ab omnibus repetere officij
 præmium, & fructum: propterea quòd in vni-
 us periculo sæpe contentio parua est, vt leuis
 sit labor defensori sustinendus: in & ciuili
 insidijs, quo firmitus est quod oppugnatur, eo
 paratiores sunt inimici: vt ijs sine magna solici-
 tudine, industria, virtute non queat resisti. Et
 singulorum opes sæpe sunt tenues, & infirmæ
 ad gratiam referendam, vt opitulari benefice-
 rentibus non queât, si maxime cupiant: vniuer-
 sorum auxilium eo plurimum prodest, quo fir-
 mioribus opibus est nixum. iure igitur quoniam
 am & maior impensa in patriam officij facta est,
 quàm in priuata sit defensione, & plus a vobis
 præsidij, quàm à cæteris opis ad salutem potest
 afferri, vos obtestor, quos mihi & debere, &
 posse intelligo opitulari non conuenit enim,
 cùm ego ad promerendum officium tum fuerim
 expeditus, vos ad referendam gratiam esse tar-
 diores: ne cuius amplitudinem ac gloriam lau-

de atque honoribus amplificare debeatis, eius incolumitatem & salutem deferendam existimetis. Etenim errat, si quis arbitratur M. Tullium idcirco in capitis periculum vocari, quòd deliquerit aliquid, quòd patriam læserit, quòd improbè vixerit non citatur reus audaciæ: virtutis reus citatur. non accusatur, quòd Remp. vi oppugnauerit sed quòd homo nouus perniciosum nobiliū restrinxerit furorem. non obest mihi turpis & nocens, sed honestissimè, laudatissimèq; acta vita. nō odio bonorum, sed inuidia premiorum malorum: intelligunt homines tot & tam præclaris testimonijs, monumentisq; virtutis comparatis, M. Tullio, dum sit incolumis, fore voluptati, idcirco vitā eripere cupiunt, vti cum spiritu sensum quoq; adimant iucunditatis. nonnè igitur indignum est, eos præmijs meis inuidere, qui virtute certare noluerunt? eos in contentionem honoris venire, qui officijs se superari æquissimo animo tulerunt? si dulcis est gloria, consequere virtutem. noli abijcere labores, petere honorem. honorem dico? immò vero famam, fortunas, familiam, liberos, caput, corpus, ipsum denique sanguinem, & animam, cedo inuitus de Repub. cedo oppressus de fortuna, de dignitate: discedo à Rep. victus audacia malorum. liceat manere, si non illum M. Tullium, custodem vrbis, defensorem omnium, patrem patriæ, at certe reliquias Tulij liceat in conspectu ciuium, in hac vrbe, quam ex parricida-

ex parricidarum faucibus eripuit, remanere: te-
cta omnium, sana deorum, vniuersam videre
periculo liberatam suo ciuitatem. liceat ex hac
flamma euolare: præsertim qui illud impium
incendium perditorum hominum lachrymis
potius meis, quam sanguine vestro restingui
malui. neque enim peto, vt mihi detis vitam
sed datam repeto, vt reddatis: si meministis
quod dedi: vos non debetis obliuisci, sed retri-
buere quod debetis. Vos vos obtestor. Dij im-
mortales, qui meæ menti lumina prætulistis,
cùm consensum extinxi coniurationis: arcemq;
urbis ab incendio, ac flamma liberaui: libe-
rolque vestros e gremio, & complexu matrum
ad cædem & cruorem non sum passus abstrahi.
Num igitur potest fieri, à clientibus vt recipiar,
cùm à quibus debeam retineri, reicere institu-
ant? Socij quò fugiant, cùm aditus custodi pa-
triæ præclusus sit? quomodo spes salutis reli-
quis residebit, cùm ciuibz præclusa sit expe-
ctatio incolumitatis? pax & concordia extra-
neis gignetur, cùm iam domesticis non infideat,
sed publice prouidenti eripiat? nam quid e-
go improborum factam renouem oratione, vt
redintegratione illius coniurationis animos
vulnerem vestros? auxilium ab alienis efflagita-
bo, cum ciues vestros desideratis? Sociorum
in uocem subsidium, cùm à ciuibz interclusum
sit præsidium? quam colere gentem nunc insti-
tuam? vtrum vt custos accipiar, an vt proditor
excludar?

excludar? si vt conseruator, vestra erit ignominia: sin vt oppugnator præcisa erunt omnia. Itaq; quod putavi fore gaudiū, id exitit exitiū. Si Quirites eundem in cæterorum periculis haberemus animum, quem in nostris difficultatibus, si & pro innocentissimo quoq; propugnare, & nocentissimū quenque oppugnare nobis vtilissimum esse arbitraremur: & si cum optimiciusq; rebus aduersis nostram salutem, cū deterrimorum hominum secundis, nostra pericula putaremus coniuncta: frequentes profecto talibus conatibus obuiam ire niteremur: neq; partim innocentia ferti, partim nobilitate nixi, partim potentia ac multitudine amicorum fulti, cum perfacile existimaremus aduersariorum vim ac factionem à nobis repelli posse, subito ipsi simili periculo circumuenti, in nostro euentu aliorū reminiscentes casus, iure id nobis accidere ne quicquam quereremur. quis enim est Quirites, qui nunc cum inimicorum nostrorum vim atq; volentiam perspiciat, quique nostrum ipsum periculosissimum casum recognoscat, qui non sibi ac suis diffidat fortunis? quo enim se satis tutum arbitrabitur præsidio? virtutis & gloriæ? at ea nos ipsa hoc tempore oppugnant multitudine amicorum? aperuerunt non forte esse se amicos, si in eorum potestate nostra sita salus non est. paucitate inimicorum? at id non in ipsius, sed in aliorum voluntate positum est. nam non satis est, ne cui iniuriam facias, providere, si tamen sunt voluntarii

voluntarij inimici, qui tuis præmijs te oppugnent. Atque adeò cum hæc omnia omnibus sint grauiâ atque acerba, tum vero nobis misera atque intoleranda, quorum & officia in Rē publicâ recentissima, & incommoda ob Remp. frequentissima in familia versantur. Nunc si eadem conditio disceptationis proponetur, æqui auditores adhibebuntur, aures non obtusæ criminatione, sed vacuæ præbebuntur: qui sunt assecuti summum gradum honoris, non dispo-
liabuntur honore: qui spèrant, facilius & pro-
cliuus ad laudem nobilitatis peruenient. Quâ-
obrem nolo me duce supplicij vos ad fraudem deduci, vt ego ad pristinum statum recidam ca-
sus. Nunc igitur si lingua est concertandum, in-
nocentiæ virtute fretus supero. si facta com-
pensanda sunt, conferamus æquitatem. si vio-
lentiæ impetu opprimimur, decedam pro om-
nibus vnus Tribunitio furori: quoniam la-
borem pro cunctis ferre consueui. Si igitur ali-
quo tempore his hominibus consulueritis, quo-
rum animus est religionis pietate defunctus, debetis mihi quoque prospicere, qui numini de-
orum consecratum sartum tectum, ab omni pe-
riculo conseruauit: & vos vt tutam tranquillâq;
fortunam traheretis, mea perfeci vigilantia. Nam me, quem paulo ante fortuna erexerat ad gloriam, virtus extulit ad laudem, populus tribuit honorem, eundem tribuni furor exagitatus depulit, ad calamitatem. & quoniam a-

animaduerti-

nimaduertistis, illam conspirationem conflatam ita esse restinctam, vt nulla scitilla compareat incendijs, vos quoq; Tribuniciam sedate temeritatem. qui nunc se mihi inimicum ostendit, se prius esse vestrum professus est inimicum, ne rei crudelitas experta in me, in vos contumasciat, & calamitas remorata longius serpat, atque progrediatur, præcauete. nunc vel solus delectus ad calamitatem, vel primus vocatus ad tale periculum, omnium animos iure debeo commouere. omnia sunt imminuta. manus ad demonstrandam religantur iniuriam: lingua inridetur ad deplorandam calamitatem: animus præcluditur ad exponendam rei indignitatem. humilitatem generis obijciunt nobis: qui novam rationem suscitant veteres maiorum obtulerunt laudes. Sed quid ego plura de illorum aut in me maledictis, aut in vos scelerate loquor factis? quorū cognita improbitas, me tacente conarguitur turpitudine vitæ: vt de ijs non sit necesse inimicos prædicare, de quorū scelere nec amici quidem, aut ipsi possunt negare. Vos ego appello quorum de me maxima est potestas: apud vos loquor de mea calamitate, quos habui semper innocentiae & virtutis meae testes. Igitur ex ciuitate benemeritus de Rep. ciuis exturbatur? innocens expellitur? cōsularis homo, nō minimis facultatibus vsus, quondā amicorū multorū præsidio munitus, nunc partim ab inuidis, partim ab inimicis circūuentus eget indigē?

gnè? huic si opē non tuleritis in periculo capitis: vos credo, retinebitis vestram libertatē? qui neque tanta valetis autoritate, neque tantorum officium impensam egestis in patriam. mihi credite, hoc in vno in cōmodum confirmatum, multorum infirmabit incolumitatem: & si initio non erit refutatū, impune ad omnium perniciem conualefcet. proinde aut in meo periculo salutem integram præstate communem, aut in vestris hoc idem incommodum expectate fortunis. Nemo tam perdita autoritate, tam facinorosa inuentus est vita, qui cum de scelere fateretur, non tamen sententijs prius iudicium conuinceretur, quàm supplicio addiceretur. ego repente vi tribunitia correptus, non modo loquendi libere in iudicio, sed ne consistendi quidem in ciuitate habeo potestatem. eijcior non solum sine teste, sine indice, sine crimine, sed sine etiam scelere, sine accusatore. hostibus in bello qui dissident voluntate, dimicant armis, vitam quotidie oppugnant, in ipsa acie, cū præliantur, licet loqui, licet disputare mihi in pace ciui, qui perditorum hominum fregi furorem, pro fortunis meis apud vos loqui nō licebit? serui ad supplicium cæsi verberibus trahuntur, apud eos sæpe disputant, quos necare voluerunt. ego consularis apud vos non loquar, quos conseruauī? tacebo, si necesse est: tacebo inquam animo æquo: quoniam virtus mea me tacente agit causam meam. Itaq; vt ego in concione

in concione mea nihil ponam de rebus meis gestis, tamen in animis & memoria vestra largiter relinquam. isti modò videant, qua ratione hanc inultam meâ fugam ferre possint. etenim si à me vt isti existimant, Lentuli mortui sordes, si Catilinæ notissimus furor, si amentia Cethegi, si luxuria ac stupra Cassij pœnas rēpetunt, profecto istis hora nulla, eiecto M. Tullio, vacua periculo aut periculi expectatione relinquetur. Itaq; illi indies non meis insidijs, quæ nullæ à me parantur, sed suorum scelerum cōscientia cruciati, mihi absenti & populo Roma. pœnas dabunt. Quas ob res ego inimicorum amentia, cupiditatiq; paucorum, omnium salutis causa decedam. neque eò deducam aut progredi patiar, vt opera mea manus inter vos conferatis, cædesq; ciuium inter se fiat: multoq; potius ipse patria liberisq; meis carebo, quàm propter vnum me vos de fortunis vestris Reiq; pub. dimicetis. sic enim ab initio fui animatus, vt non magis me mea causa putarem essenatum, quàm Reipub. procreatum, sed illud queror, quòd non iam ad vnius perniciem, sed ad vniuersorum instruitur calamitatem, conqueri, commiserari, dicere, expurgare, suspicionem dimouere, crimen diluere, nō licere, ore oppresso ceruices esse præbendas: quæ tamen omnia iam non sunt tam calamitosa, quòd mihi sunt subeunda, quàm pernitiosa, quòd in Remp. sunt introducta. Quamob-

rem statutum est atque decretum in his temporibus ciuitatis omnia perpeti, quæ uolet furor libidinofus. vim uolunt afferre, præsto sum. ejicere uolunt, ex eo indicta causa. nolunt audire, causam non dico. aliud quippiam conantur, agant. nihil duri, nihil acerbi mihi erit, quod Remp. tutabitur. non enim illis victus cedo, sed incolumibus uobis me condono: neq; enim mors miserranda est, quæ ob Remp. capitur. neque exilium turpe, quod uirtute suscipitur: cum præsertim nonnullam hæ pœnæ habeant in se consolationem. nam uitam si eripiunt, non adiment gloriam immortalem. si exilio multabunt corpus, non animum à Republica remouebunt. nam ubicunque ero, hoc cogitabo, hæc semper cura mea erit: meq; uobis eripitum, non à uobis repudiatum existimabo. illud ab vniuersis postulo, petoque si dū in ciuitate manere licitum est, nemini iniuste periculum creati, nemini innocenti sui calamitati, si omnibus auxilio præsidioq; esse consueni, plurimotq; in hac ciuitate sum tutatus, uti uos liberos meos in uestram fidem recipiatis, eosq; defendatis: ne uē inimicos meos in familiam nostram longius progredi patiamini, utique siue hinc abiero, siue ero hic oppressus, maneat opinio, & existimatio, quæ uirtute parata, non quæ infelicitate illata est. Nūc ergo te Iupiter Optime maxime, cuius nutu, ac diuine sola terrarum gubernantur, teq; paticeps connubij,
focia

socia regni, Regina Iuno, teque Tritonia, armipotens, Gorgona, Pallas, Minerua, cæteriq; dij, deaq; immortales qui excellenti tumultu ciuitatis sedem Capitolij in saxo incolitis constitutam, vt non solum cunctam intueri, sed etiam tueri possitis ciuitatem: à quorum ego quondam altaribus impiam manum ciuium remoui, à quorum templis, meo periculo, funestam faciem repuli, ne illustrissimum orbis terrarum monumentum cum principe omnium terrarum occideret ciuitate. teque Iupiter Stator, quem vere huius imperij Statorem maiores nostri nominauerunt, cuius in templo hostilem impetum Catilinæ repuli à muris, cuius templum a Romulo victis Sabinis in Palatii radice cum victoria est collocatum, oro atq; obsecro, ferte opem pariter Reipub. cunctæq; ciuitati, meisq; fortunis, resistite tribunitio furori, fauete innocentia, subuenite solitudini, miseremini senectutis, nolite eum supplicem à vobis absterrere, & excludere, qui in suo magistratu funestam faciem à vestris repulit templis, si C. Mario auxilio fuistis, quod in clauo Capitolino improborum ciuium cædem fecerat, si P. Scipioni, quod Annibalis furibundam mentem à vestris repulit templis, si deniq; Cn. Pompeio, quod terra marique hostes reddidit pacatos: sic nunc in meis calamitatibus aliqua ferte opem diuinam, vt sæpe multorum in periculis fecistis, sic nunc in meis miserijs diuinum

aliquod auxilium & numen ostendite. Deinde vos, quorum potestas proximè ad deorum immortalium numen accedit, oro atq; obsecro, quibus sigillatim sæpe supplex ad pedes iacui, vt eum, quem singuli stratum, atq; abiectum subleuastis: nunc vniuersi conseruatum velitis. si neminem vnquam vestrum læsi, si nemini innocenti obfui, si etiam è contrario, vt quisq; auxilium meum desiderauit, opem ferre non dubitauì, si deniq; quæcunq; administrari, ex vestra autoritate & patrum conscriptorum voluntate feci, si malui inimicorum cupiditati, quàm Reip. & legitimæ autoritati pœnas sufferre, vt existimetis ex illo crudelissimo inimicorum impetu ereptum, in antiquum statum dignitatis restitui conuenire. Sed quoniam neque mihi liberè loquendi, neq; vobis clementer audiendi, neq; omnino iudicandi, paucorum furorè & audacia facta est potestas, sed oppressa est Resp. armis, metu debilitata seruili, vti liberum spiritum ducendi nullam habeat potestatem, cedam inermis armatis, innocens nocentibus, priuatus furibundo magistratui. Neq; enim Q. Metelus quicquam de virtute sua detraxit, quod cessit L. Saturnino furenti neque C. Cotta. Quòd Q. Varro tribuno pleb. inferiore genere orto cedendum putauit: neque C. Marius, qui quantas res gesserit, vestra vobis libertas indicio esse poterit, neq; vero M. Tullius suum animum à vestra abalienauit potestate, cum

te, cū prācipuum vobis obsidem vi animi, vestram reliquerit libertatem. Quamobrem testor deos, deasq; omnes immortales, vestrasq; maxime mētes, me non vitæ turpitudinem, nō pro magnitudine scelerum, non propter reliquæ ætatis in famiam, pœnas iure & lege persolvere sed ppter virtutis invidiā ppter iucundissimum ingenij laudem, propter magnitudinem rerum gestarū crudelissimē ciuitate priuari. Quod si idē accidit Q. Cepioni, si Mancino, si Rutilio, mihi quoq; hoc accidisse non magnopere erit mirandū cū præsertim non generis antiquitate, sed virtutis ornamentis summam laudē sibi consecutus. Nunc ego vos Equites R. obtestor quorum virtute nomen Romanum victoriam cū laude possidet coniunctam, quorum factis gloriatur ciues, lætantur socij, gemunt hostes, vt si erga vos omni tempore optime fui animatus, si mea pericula neglexi, dum timorem à patria propulsarem, si æque liberis vestris prolpexi, ac vos parentibus consuectis: vt nunc me velitis vestris opibus defensum, in columem in hac ciuitate retinere: quæ cū à scelerata coniuratione esset incensa, meo ductu ac labore restincta est: nec patiamini me à liberis meis abstractum, à coniuge abreptum, ab aris focusq; innocentem proiectum, vitam degere in exilio, miserrimi mortalis casum subire. Projicitur Tullius exilium. At à quo, nimirum innocens ab inimico, religiosus à scelerato, beneuolus huic

Gg 3 ciuitati

ciuitati ab hoste. O misera vitæ ratio quæ tam diu resides in voluptate, quandiu fortunæ potent libido. ego ne inimicus huic ciuitati, quam obrem? quia inimicos necaui. ego ne hostis? quid ita? quia hostes interfeci. En conditionem huius temporis. antea gloria & laude dignissimi ducebantur, qui hæc perfecerunt. nunc scelerati, & parricidæ esse dicuntur, qui hæc ad ministrarunt. Sint sanè scelerati: superet istorum victoria, si modo victoria appellanda est, in qua ciuitatis inest luctus: habeant hanc palmam ex innocentis cruore tantum à vobis illud Equites Ro. peto, & rogo, vt quem sæpe numero vestra laude cohonestatis, eundem in dubijs vitæ periculis vestra virtute conseruetis.

ADAMVS STEZICIENSIS
IN ORATIONEM CIC. AD EQVI-
TES ROM. ANTEQVAM IRET
IN EXILIUM.



PRIMVS & egregius ciuis Reipub. Ro-
mana Cicero, cum Catilinam coniurato-
rem, consul oppressisset, multosq; eius ne-
farie factionis socios, vt pote Lentulum &
Cethegum necasset, tantam eo nomine sibi apud omnes
bonos & benevolentiam, & auctoritatem compara-
uit, vt omnium voce Deus ac parens patria diceretur.
Ecce vero sub id tempus, sacra Bona Dea Clodius con-
taminat, reusque sceleris, in iudicium vocatur, qui
cum se interea temporis Roma absuisse clamitaret: Ci-
cer. cum Roma omnino fuisse, apud iudices testatus
est. Atque hinc inimicitia inter Clodium & Cicero-
nem exorta sunt. Sed cum multorum funere Clodius
tanti criminis absolutus, & paulo post, Trib. pleb. se-
ctus esset, omnem vim suam, in Cic. conuertendam
sibi existimauit, legeque contra Cic. lata, quod ciues in-
demnatos occidisset, eum exilio multandum esse indi-
cauit. Cic. cum Tribunitio furori resistere non posset:
(principes enim ciuitatis, vt crassum, Pompeium, &
cesarem offensos habuit) ad populum cui semper pla-
cere studebat, spem & auxilium petens confugit, eaque
oratione publice ab omnibus petijt, vt se defensum, &
in vrbe seruatum esse velint: commemorans & sua,

quæ in rempub. præstiterat beneficia, & denunciatis,
nisi eum teclum sartumque conseruassent, extrema in
eos Remque pub. mala interuentura.

Genus causæ.

Genus causa deliberatiuum est. petit enim, vt se à
furore clodij defenderent, in vrbeque retine-
rent.

Status seu propositio.

Indicialis est. Defendite & conseruate Cice-
ronem.

Quo loco dicat.

Partium orationis collocationem pro arbitrio consti-
tuit orator. Ad populum enim, cuius voluntatem
erga se egregiam perspexerat dicturus. Exordio inter-
misso à propositione orsus est, & confirmatione habita,
conclusione suam terminauit orationem. Tres igitur
partes habet, propositionem, confirmationem, & Es-
pilogum.

Quomodo dicat.

Graui genere dicendi hac in oratione vsus est: quia
& materiam talem habebat, vbi de salute sua age-
batur, & nulla ornamenta huius summi generis præ-
termisit.

Propositio

Propositio & confirmatio orationis.

Si quando.

Propositio, Defendite me, quo in loco considera diligenter oratoris summam in dicendo subtilitatem, qui cum exordium prætermisisse videtur, summam tamen sibi benevolentiam in principio orationis à suis erga rempub. meritis colligit, orditur autem à propositione, simulque argumentatur. Estque hic propositio implicata, primo confirmationis argumento, quod per argumentum primum ita tractavit.

Primum Argumentum.

Propositio, Qui inimicorum vestrorum impetum propulsavit, eum defendite.

Assumptio Sed ego propulsaui.

Conclusio, propositioni annexa.

Hanc autem argumentationem periodo quatuor membrorum circumduxit, quam orsus est, à spondæo, & terminavit dichoræo, Si, propositio syllogismi, inimicorum, natura enim duce, quisque suam debet tueri vitam, qui ne, assumptio alijs verbis expressa, ardore, Catilinaria coniuratione.

2. Argumentum, nam quem, enthymematicè tractatum.

Me virtutis gloria florentem, inimicorum invidia deprimit.

Ergo me defendite.

Antecedens tantum posuit conclusionem non repetita. Estque dicolos periodus per contentionem facta, quam à spondæo incipit, & pæane primo finivit, ad cælum, Cicero enim confecto consulatu, oppressaque

Catilinaria factione, pater patriæ salutatus est, indignissime; iniquè enim à Clodio fuit condemnatus exilio.

3. *Argumentum*, si liberum, *sylogismo* quadripartito tractatum cuius hac sit constitutio.

Propositio, Liberale est beneficium serere ut metere possis fructum: fidei conducit, debitum retribui ere.

Ratio propositionis, Quia in serendo beneficium, animi voluntas: in retribuendo, memoria perspicitur.

Assumptio, Sed ego liberos vestros defendens, iungumque seruitutis propellens, beneficium vobis praestiti.

Conclusio, Ergo mihi debitum beneficium retribuere. Sed hanc argumentationem variavit. Primo loco, unam partem *Assumptionis* posuit. Secundo loco propositionem bipartitam, Tertio rationem propositionis bipartitam quoque. Quarto *Assumptionis* partem secundam, Quinto conclusionem, Si, *Assumptionis* prima pars periodo dicolos tractata, inclusam. Est enim summus parentum in liberos amor. Dat rationem Sabellicus. Quia inquit amor non ascendit, sed descendit. Et Aristoteles. opifices omnes opus suum amant, est enim, *propositio* *sylogismi* per communem sententiam. Estque dicolos periodus, Liberale, imo diuinum appellat. Aristoteles. ipseque Cic. 2. de natura Deorum. Deos esse putat illos, qui beneficijs homines cumularit, indeq. tantam fluxisse multitudinem Deorum probat, fidei, hoc est eius hominis est, qui beneficium accepit, beneficij

beneficijs meminisse. illic, inferendo beneficio, illic, Ratio Assumptionis, itaque si, secunda pars Assumptionis conclusioni admista. Sensus est. Servitutem vestram depuli Ergo vos quoque meam depellite. Estque tricolos periodus, graue, sententia est. Servitus enim postremum malorum omnium, praesertim in libertate educatis.

4. Argumentum, & si maiores, ex minorum comparatis enthymematicos tractatum, Si maiores vestri, minora promerentes summo honore decorarunt.

Ergo vos eum minoribus ornate, qui maiora vobis praestitit. Estque vna periodus dicolos, sed incisis suis dilatata Antecedens & conclusionem circumduxit, & si, Antecedens, statuis, Romani enim imperatores suos, & statuis & triumphis ornabant: ut & eorum immortalitati consulerent, & posteros ad similia peragenda inflammarent, eum vos, conclusio antecedentis.

5. Argumentum, Si quæ beneficia, ex eodem loco comparatorum quatuor partibus constans, propositione, Ratione propositionis, Approbatione rationis, complexione.

Propositio, Si beneficia singulis priuatim redduntur: multo magis mihi reddi debent, qui vos conseruauit.

Ratio propositionis bipartita, Quia maius est populum quam vnum defendere, & facilius est ab omnibus quam ab vno repetere beneficium.

Approbatio itidem bipartita, Quia leuior est contentio in vno defendendo: in populo autem summa vir-
tut

tute opus est. Et singuli ob tenues opes, gratiam cumulate referre non possunt, vniversi autem maxime.

Complexio, Ergo qui vos defendi, & qui plus mihi opis adferre potestis, me defendite, si quæ, propositio syllogismi tricolos periodo circumducta, nam, ratio propositionis per diuisionem. Estque periodicon seu periodus sex membrorum, propterea, Rationis approbatio per eandem diuisionem, & singulorum, secunda pars approbationis periodo tetracolia suauissimè circumducta, iure, complexio argumentationis per repetitionem facta, tricolos periodo dilatata.

Sextum Argumentum, non conuenit enim, per enchythema cuius hac est sententia.

Ego promerui ut me honoribus amplificetis.

Ergo & salutem meam non deseratis antecedens & conclusionem tetracolia complexus est.

Non, antecedens, cum ego, ego vos meis beneficiis affeci, eius incolumitatem, conclusio antecedentis.

Septimum Argumentum, & enim errat.

Aduersarij probabant Ciceronem exilio multari oportere. Primo quod improbè, & audacius vixit. 2. Quia nouus homo ad tantam dignitatem euectus est. 3. Quia plurimos ciues indicta causa necauit. Quas obiectiones vno argumento complectamur.

Ego iniquissimè condemnatus appellor.

Ergo me defendite.

Antecedens partitione dilatata. Estque hic affectata oratio. Primum enim in inuidiam hostes adducet, & auditores

auditores ad misericordiam excitabit, etenim, prima obiectio seu antecedentis probatio estque monocoloris periodus, non citatur, solutio obiectiois prima, per singula relata. Audacia enim ad deliquerit, Respub. ad patriam, turpis vita ad improbe vixerit refertur. Obserua quam Cic. in persuadendo varias se mutet in formas. Primum enim rationibus se retineri oportere suavit. nunc ad affectus grauiore, quibus hominum mentes mouentur, flectunturque consugit. Sunt autem hac paria affectuum quinque. 1. Amoris & odij. 2. Inuidia & gratia 3. Spei & metus. 4. Gaudij & mœroris. 5. Misericordia & ira, porro variationem orationum in concitandis affectibus decem istis figuris fieri solere ab oratoribus obseruatum est. Primo exclamatione. 2. Apostrophis non modo ad homines, sed etiam ad res inanimatas. 3. interrogatione crebra. 4. Obsecratione. 5. Adiuratione, seu obtestatione. 6. Optatione. 7. Imprecatione, ad quam ironia & amarulenta concessio referri potest. 8. Admiratione, quæ fit cum luctuosa ipsius rei conquestione. Quibus figuris hoc loco usus est Cicer. Primum enim inimicos hoc loco in odium rapit, cum eorum vitam, mores, & studia, cum seipso conserit. Sensus est. Ego innocens ab improbis vexor, deinde inuident meæ virtuti. Ergo vitam mihi eripere cupiunt, non citatur, Hic in odium rapit, cum eorum improbitatem oratione extollit, intelligunt homines, Idem est locus odij per secundam comparisonem. Inuident meæ virtuti. Ergo vitam eripere cupiunt. Estque periodus tricolor, non ne, eandem comparisonem repetit. Sensus est. Inuident virtuti quam adæquare non possunt.

possunt. observa eam esse variatam orationem, figura interrogazione. Si dulcis, commoratur in eodem argumento & affectu, variauit tamen figura exhortatione, dulcis, sententias hic aspergit. gloria enim virtute & labore paratur, petere, hoc est, Noli oppugnare, inuadere alterius honorem, cedo, concludit hunc odij affectum. Sensus est. Ergo inuidia inimicorum victus cedo.

8. Argumentum, vel potius primum repetit, liceat manere.

Qui vos omnes cum liberis, patriaq; tectos conseruauit. Vos me eum defendite. Sed conclusionem primum ponit, illiq; subiungit antecedens: variauitq; orationem figura obsecrationis. Estque affectus misericordia, cum iam non adeo seipsum, sed liberos retineri optat, si nō. Antecedens estque periodus tricolos, flamma, ab isto clodianorum furore defendi.

9. Argumentum, neque enim peto, Datam gratiam à vobis repeto. Ergo eam mihi retribuite. Estque quatuor membrorum periodus, vos vos, commoratur in eodem argumento, variata tamen oratione per obtestationem, estque hic patetica oratio, tricolos periodo circumducta, obtestor, obtestari dicitur, cum eum adiuramus, quem petimus, Lumina, hoc est, qui consilia mihi vestra suppeditastis.

10. Argumentum, ex comparatis, acutè inuentū & subtilius tractatum. num igitur.

Si me non retinetis, nemo me recipiet, imo omnium spes in vestro auxilio posita cōcidet. Estque contentione & subiectione tractatum, num, Antecedens dicolos periodo,

edus retineri, reijcere, prima contentio. socij, alia
cōtentio, nam quid, tertia cōtentio sententia est. Nemo
me iuvabit si vos deseritis, quam colere, Dilemmate
concludit argumentum. Si alibi proficiscar, vel ut cu-
sus accipiar, vel ut proditor à vobis excludar vtrum-
que est malum. Ergo me retinete. Sed conclusionem
prætermisit.

II. Argumentum ex comparatis, itaque quod,
sex partibus tractatum. propositione, ratione propo-
sitionis, Assumptiones, duobus rationibus Assumptionis,
& complexione.

Collocatio Argumenti.

Propositio, Si nos aliena pericula ut nostra mo-
uerent, certe frequentes ea propelleremus.

Ratio propositionis, Quia si iisdem periculis vo-
lentes circumveniremur, ea nobis accidisse frustra que-
reremur.

Assumptio, Sed mea pericula, quæ sunt vestra
pericula vos monere debent.

1. Ratio, Quia neque virtus, nec dignitas, nec
amici, qui nostra sunt præsidia, possunt me, ex istis ma-
lis eripere.

2. Ratio, Quia si me recenter promeritum ve-
xant, quid etiam vos.

Complexio, Ergo aliena pericula propellite hoc
est me defendite. Estque hic affectus metus, quem à pe-
riculis impendentibus rectè excitavit.

Si, propositio argumentationis partitione dilatata,
multisque condensata propositionibus. Estque perio-
dicus

dicon, hoc est, protracta oratio, neque partim, Ratio propositionis partitione dilatata, quis enim est, Assumptio partitione amplificata, Estque dicolos, quo enim, 1. Ratio Assumptionis, nam non satis, Hanc rationem communi sententia amplificat, Estque periodus dicolos. Atque adeo, 2. Ratio Assumptionis, periodo tricolos circumducta, nunc si, Eadem est Assumptionis ratio, quasi dicat. Si me defenderitis, nihil est vobis extimescendum. Sin contra, videte. Estque periodicon quinque membrorum, qui sunt assecuti, hoc est si me retinebitis, & vos honorem vestrum, nunquam amittetis, & ceteri facilius nobilitatem consequentur, quamobrem, conclusio argumentationis. Estque dicolos periodus, nunc igitur, Amplificat conclusionem suis promeritis. Sensus est. Ergo me innocentem defendite: vel si non potestis. Vnus pro vobis cedam. Estque tetracolia periodus.

12. Argumentum, si igitur aliquo.

Si pietatis studiosos defendistis, me qui & Deorum templa conseruavi, & vos tutissimos feci defendite.

1. Ratio, Quia innocens vexor.

2. Ratio, Quia ego aliorum furorem extinxi, vos igitur Tribunorum vim repellite.

3. Ratio, Quia mea pericula sunt vobiscum communia.

Complexio. Ergo me defendite.

Si, propositio argumentationis periodo dicolos dilatata, religionis, lex enim fuit apud Romanos de sacerdotibus. Sacerdotes ne attingito, hoc est ne violato, nam me, prima ratio propositionis periodo dicolos dilatata,

latata, & quoniam, 2. Ratio estque tricolos, qui nunc, 3. Ratio dilatata. Episinapsi & synonymia, nunc vel, conclusio argumentationis. Ergo me defendite.

13. Argumentum, omnia sunt, Non possum me defendere. Ego me vos defendite. Excitat hic affectum commiserationis quem tractat indicatione suorum malorum, & exaggeratione crudelitatis aduersariorum. Porro secunda obiectio erat aduersariorum de nobilitate Ciceronis, quam ille breuissimè diluit, ne aliorum sibi conflaret odium, humilitatem, propositio obiectionis, cuius solutionem vide in Salustium pleniorē, qui nouam, Solutio, hoc est qui non virtute, sed alia ratione consequi posse nobilitatem arbitrantur: illi maiorum suorum obscurant laudes, quia ipsi etiam virtute nobilitatem sunt consecuti, sed quid, prateritione variat orationem, eorumque improbitatem reprehendit. Estque hic tetracolia. Vos ego, Alia figura obtestationis affectum concitat, atque superiora argumenta in vnum conglobat locum. Sensus est. Vos me defendite, qui potestis, meaq; virtutis testes fuistis, Igitur ex, Hic repetit per enumerationem superiora argumenta. Estque ardens oratio membratim tractata, proinde aut in, conglobationis huius argumentorum conclusio. Estque dicolos periodus.

14. Argumentum, nemo tam perdita, ex comparatis. quatuor partibus contextum, Propositione, Assumptione Ratione assumptionis, per duplicem Comparisonem, & complexione.

Collocatio Argumenti.

Propositio, Nemo vnquam reus supplicio plectitur, nisi conuictus sententis iudicum.

Assumptio, Sed ego sine iudicio, sine legibus, in dictaque causa sum à Clodio condemnatus.

Ratio Assumptionis estque prima comparatio, Quia hostibus dimicantibus licet disputare, mihi ciui, me defendere non licuit.

2. Comparatio, Seruis apud eos, quos necare voluerunt licet disputare, mihi autem qui alios seruauit non licet.

Complexio. Ergo me defendite.

Nemo, propositio syllogismi, dicolos periodo dilatata, Ergo, Assumptio incisus dilatata, hostibus, ratio Assumptionis per primam comparisonem, estque dicolos periodus. Tacebo si, Conclusio argumentationis affectu commiserationis conspersa. Ergo me defendite. Estque dicolos, Itaque, dilatat conclusionem praeteritione & comminatione.

15. Argumentum, & enim si à me, si ego propter coniuratores necatos exulabo: authores mei exilij in periculo erunt. Ergo me defendite. Estque hic tertia aduersariorum obiectio, qua probabant Ciceronem iussu eiec tum, esse propterea, quod ciues sine solenni iudicio interuenit. Quam obiectionem tripartito argumento, hoc est propositione, Ratione propositionis, & conclusione, contextu breuiter dissoluit.

Propositio, Authores exilij mei, quod ego causa coniuratorum occisorum suscepero, venient in summum periculum.

Ratio

Ratio propositionis, Quia conscientia cruciati pænas populo dabunt.

Conclusio, Ergo me defendite, etenim, propositio syllogismi, estque dicolos, Lentuli, Hos enim Cic. omnes tanquam illius coniurationis authores & duces, non expectans comitia centuriata necavit. Lege Salustium, Itaque, Ratio propositionis, estque dicolos, conscientia, conscientia enim sceleris agitentur, quas ob res, complexio, cui sequentis argumenti annectit propositionem. Sensus est. Ergo me defendite qui inimicorum furere, salutis vestra causa cedo, quas, Hic est propositio quam dilatat ratione, & approbatione. Estque tetracolia, neque eo, ratio propositionis. Quia malo vnum periculum in mea salute perferre. Sic enim, Approbatio per communem sententiam. Estque monocolos.

16. Argumentum, sed illud queror, magis me vestra, quam mea calamitas, qua vobis struitur premit. Ergo me defendite. Antecedens ponit conclusionem neglecta. Estque tetracolia.

17. Argumentum, quamobrem, ad commiserationem factum. Enthymemate constans.

Omnia pro repub. perferre sum paratus.

Ergo me defendite. Antecedens partitione dilatat, quamobrem, Antecedens monocolos, vim volunt, idem antecedens membratim contextum. Observa autem officium oratoris, ubi singulis, singula membra tribuit, non enim, variat orationem, neque. Actiologia, & communibus sententiis dilatat Antecedens, illud, complexio antecedentis qua sua in Rempub. of-

ficia commemorat. Ergo me & liberos meos defendite. Estque periodicon.

Supplicatio.

Nunc ego te Iupiter.

Absolutis tot argumentis, nunc vehementissima supplicatione vsque ad ipsam conclusionem, utitur, cum Deorum in primis, deinde populi Romani auxilium & fidem implorat. Hic autem locus ad commiserationem excitandam, & hostium improbitatem extollendam est comparatus. Sensus est, vos Di Deaque omnes me defendite, quorum ego templa sancta, tecla-que conseruaui. Estque ardens oratio, Iupiter dicitur à iuuando, omniumq; Deorum Deus quem, (doctore Plutarcho) Philosophi mentem rerum omnium creatricem, & vitam, principem immortalem, omnipotentem, & maximum appellabant. Sex autem Ioues Cic. 3. de natura Deorum fuisse scribit & 2. de natura Deor. maximè, Porphyrius Iouem scribit pingi solitum, sceptrum tenentem leua, dextra vero modo aquilam, modo victoriam. Sceptrum. quia omnium est rector, Aquilam quia omnium Deorum Dominus, Victoriam. quia illi omnia subiecta sunt, nutu, quia omnia reges & gubernas, particeps, scribit Dionysius, Priscus, Tarquinium bello Sabino, Ioui vouisse templum, Iunoni & Minerua, ex aquasseq; Tarpeium colem in modum area, ad id exigendum, sed subita morte ereptus nec fundamenta operis instituti iecit. Quod Tarquinius superbus postea extruxit, & ab humano capite in fundamentis reperto Capitolum appellauit. Iuno, hac erat coniux & soror, & regina Iouis. Vide Lactantium lib.

1. de falsa religione cap. 13. Teque Tritonia, Hac omnia nomina sunt Minerua, seu palladis epitera, quam ex cerebro Iouis natam esse poeta fingunt. Cic. autem quinque Minervas esse asserit. Tritonia, Minerua dicta est Tritonia, quod ad lacum Tritonis primum virgo apparuit. Armipotens dicitur, quia militaribus armis militans pingitur, Gorgona, vel quod Gorgonam interfecit, Entemero teste, vel quod scutum Gorgona à Ioue impetrauit, vt non solum, vide quid senserit Cic. de Djs quorum consilio & providentia mundum administrari affirmat, Teque, continuat suam ad Deos supplicationem, promerita sua in eos commemorando, stator, cur Iouis stator dicitur dat Liius lib. 1. decad. 1. rationem, & Plutarchus in vita Romuli. Quod Romuli precatione acies Romana contra Sabinos pugnans, iam iam inclinata, in fugamque conuersa constitit. Ioue eam stare faciente, Templo, In templo enim statoris Cic. sua oratione Catilinam fregit, vrbeq; exclusit, Sabinis, Sabini erant in Italia populi. quorum filias rapuerunt Romani olim in spectaculo. cum vxoribus carerent, palacij, palacium erat mons Romæ a palando, hoc est errando, vel ballando dictus, Si G. Mario, Triplici exemplorum comparatione suam petitionem amplificat, Estque 5. membrorum periodus, seu periodicon, G. Mario, Qui ciues in Rempub. conspirantes compresserat, lege Plutarchum in vita Marj, Pub. Scipioni, qui Aphricam & Annibalem vicit, Carthaginemque deleuit, Gn. Pompeio, qui Mithridatem regem, aliosque innumerales fudit. Deinde vos, conuertit suam supplicationem

cationem ad senatum, idemq; ab illis sua beneficia recensendo flagitat. Sensus est. Defendite me vobis omnibus promeritum. Estque tetracolia, iacui, Cicero enim singulorum auxilium per omnes vicos discurrendo petebat, Si, hic promerita sua partitione disponit. Estq; membratim facta oratio, conscriptorum, nomine conscriptorum vniuersus senatus apud Cic. intelligitur, sed quoniam, variat orationem, atq; omnia mala Reipub. se perlatum dicit, quod multis exemplis illustrat. Sensus est. Hæc omnia aduersa tolerabo, quia præstantissimi viri similia pertulerunt, neque enim Q. Metellus, Primum exemplum adfert breuiterq; tractat, cuius sensus est. Saturninus legem Agrariam Marij instructu tulerat, eidemque vnus resisterat Metellus, eaque causa à Saturnino in exilium est actus, neque Cotta, Aliud exemplum. Hic cotta præstantissimus erat orator, qui primum per inuidiam, Tribunatu erat pulsus, paulo post varonis Tribuni impetu, ex vrbe eiectus, inferiore genere, Hic enim ex macellaria patris taberna, ad consulatum ceterosque magistratus conscenderat, Authore Valerio lib. 3. cap. 4. neque Marius, Hic cum omnibus honoribus Romæ esset perfunctus, postea Plutarcho teste exulauit, Tantas res gesserit, Aphricam enim subegit, Tugurtham regem ante currum egit, Teutonicos, cymbrorumque exercitus deleuit, neque M. Cic. collatio exemplorum. Sensus est, Ergo hoc exilium, quemadmodum illis, ita & mihi, ignominia non erit, Quamobrem, Repetit eandem obiectionem, atque indigne eam calamitatem se perlatum dicit. Sit ergo sensus. Iniuste hoc

stè hoc exilium perferam, sed hunc sensum primo syno-
nimia, deinde exemplis illustrat. Estque tricolos peri-
odus, Quod si idem, Amplificat exemplis, Si tanti
viri exilium tulerunt. Ego etiam perferam, Q. cæpi-
oni, Hic enim prætura splendore, triumphali clarita-
te, consulatus decore, maximi pontificis sacerdotio or-
natus, senatusque patronus appellatus: in publicis ta-
men vinculis spiritum dimisit, corpusque eius carnifi-
cis manibus laceratum in scælis Gemoniis iacens, ma-
gno cum terrore totius Romæ fori conspectum est, si Sta-
cilio, Qui etiam innocenter exulauit. generis anti-
quitate, Hic constat Cic. obscuris parentibus fuisse or-
tum, Lege in Salustium.

Epilogus orationis.

Nunc ego vos.

Conclusionem orationis, repetitione argumen-
tum, & commiseratione tractat. Sensus est. Vos
equites, quorum est maxima laus, & de quibus sum be-
ne meritis me defendite. Estque periodicon, vt si, Hic
est repetitio argumentorum. miserrimi, miserrimum
enim fuit & ignominiosum exilium subire, adeo, vt
aliqui exules, pudore persusi, nolent, etiam si reuoca-
rentur, iterum ab exilio Romam redire, proicitur
Tullius, Reliquam enumerationem concitata com-
miseratione persequitur, quam Antites, conquestio-
ne, & aliis grauisimis figuris extollit, proicitur, Est
pathos, quasi dicat. Qui pater patriæ appellatus erat
nunc proicitur, itaque, commiseratio à sua & ab ini-
micorum persona, ô misera, hic est conquestio, vbi re-

rum humanarum inconstantiam accusat, per communem sententiam vnde Plautus. Fortuna humana fregit erratque vt lubet, Ego ne inimicus, Adhuc sua promerita repetit per dialogismum. Sensus est. Bene merens ejcior, en conditionem, Alia conquestio, quam Antitesi auget, & vno membro absoluit, antea, periodus dicolos, sint sane, concessio est, quasi dicat. Iam vincant improbi optimos. Atque hic observandum, quam vario motu crumpit oratio pro habitu animi perturbati, & tanquam fluctibus, modo in hanc, modo in illam partem iactatur, tantum à vobis, extrema petitio, qua vt se conseruent petit. Simile exemplum Epilogi vide in oratione pro Milone: nisi quod hic pro seipso, ibi autem pro Milone causam agit.

M. T.



M. T. CICERONI S
POST REDITVM IN
SENATV, ORATIO.



I Patres conscripti pro vestris immortalibus in me, fratremq; meum, liberosq; nostros meritis, parum vobis cumulatè gratias egero: quæso, obtestorq; ne meæ naturæ potius, quàm magnitudini vestrorum beneficiorum id tribuendum putetis. quæ enim tanta potest existere vbertas ingenij, quæ tanta dicendi copia, quod tam diuinum, atq; incredibile genus orationis quo quisquam possit vestra in nos vniuersa pro merita, non dicam complecti orando, sed percensere numerando? qui mihi fratrem optatissimum, me fratri amantissimo, liberis nostris parentes, nobis liberos, qui dignitatem, qui ordinem, qui fortunas, qui amplissimam Rem publicam, qui patriam, qua nihil potest esse iucundiùs, qui denique nosmetipsos nobis reddidistis. Quòd si parentes charissimos habere debemus, quòd ab ijs nobis vita, patrimonium, libertas, ciuitas tradita est: si deos immortales, quorum beneficio & hæc tenuimus, & cæteris rebus aucti sumus: si populum Romanum, cuius honoribus in amplissimo consilio, & in altissimo gradu dignitatis, atq; in hac omnium

terrarum arce collocati sumus: si hunc ipsum ordinem, à quo saepe magnificentissimis decretis sumus honestati: immensum quiddam, & infinitum est, quod vobis debeamus, qui vestro singulari studio atque consensu, parentum beneficia, deorum immortalium munera, populi Ro. honores, vestra de me multa iudicia, nobis vno tempore omnia reddidistis: ut cum multa vobis, magna populo Romano, innumerabilia parentibus, omnia dijs immortalibus debeamus, quod hæc antea singula per illos habuerimus, nunc vniuersa per vos recuperauerimus. Itaque P. C. quod ne optandum quidem est homini, immortalitatem quandam per vos adepti videmur. quod enim tempus erit vnquam, quo vestrorum in nos beneficiorum memoria, ac fama inoriatur? qui illo ipso tempore, cum vi, ferro, metu, minis obsessi teneremini, non multo post discessum meum vniuersi mereuocastis, referente L. Mummiō fortissimo, atq; optimo viro: quem habuit ille pestifer annus maxime fidelem, & minimè timidum, si dimicare placuisset, defentorem salutis meæ. posteaquam vobis potestas decernendi non est permessa per eum tribunū plebis qui cum per se Remp. lacerare non posset, sub alieno scelere deleuit: nunquam de me siluistis: nunquam meam salutem non ab his Consulibus, qui vendiderant, flagitauistis. itaq; vestro studio, atq; auctoritate perfectum est, ut ille
ipse

ipse annus, quem ego mihi, quam patriæ, malueram esse fatalem, hos Tribunos haberet, qui promulgarent de salute mea, & ad vos sæpenu-
mero referent. nam Consules modesti, legum-
que metuentes impediabantur lege, non ea quæ
de me, sed ea quæ de ipsis lata erat: cum meus
inimicus promulgauit, vt si reuixissent hi, qui
hæc penè delerunt, tum ego redirem. quo fa-
cto vtrumq; confessus est, & se illorum vitam
desiderare, & magno in periculo Rempublicam
futuram, si aut hostes, atque interfectores Rei
publicæ reuixissent, aut ego non reuertissem.
Itaq; illo ipso anno, cum ego cessissem, prin-
ceps autem ciuitatis, non legum præsidio, sed
parietum vitam suam tueretur: Resp. sine con-
sulibus esset, neque solum parentibus perperu-
is, verum etiam tutoribus annuis esset orbata,
sententias dicere prohiberemini, caput meæ
proscriptionis recitaretur: nunquam dubita-
stis meam salutem cum communi salute con-
iungere. Postea verò quàm singulari, & præ-
stantissima virtute P. Lentuli Consulis, ex su-
prioris anni caligine, & tenebris lucem in Rep.
Cal. Ianua. respicere cœpistis, cum Q. Metelli
nobilissimi hominis, atque optimi viri summa
dignitas, cum Prætorum, Tribun. pl. penè o-
mnium virtus, & fides Reip. subuenisset: cum
virtute, gloria, rebus gestis Cn. Pompeius o-
mnium gentium, omnium seculorum, omnis
memoriæ facile princeps, tutò se in senatum
venire

venire arbitraretur; tantus vester consensus de salute mea fuit, vt licet corpus abesset meū, dignitas iam in patriā reuertisset, quo quidē mense quid inter me, & inimicos meos interesset, existimare potuistis. ego meam salutem deserui, ne propter me ciuium vulneribus Resp. cruentaretur. illi meum reditum non populi Romani suffragijs, sed flumine sanguinis intercludendum putauerunt. Itaq; postea nihil vos ciuib; nihil socijs, nihil regibus respondistis: nihil Iudices sententijs, nihil populus suffragijs, nihil hic ordo autoritate declarauit: mutum forum elinguem curiam, tacitam & fractam ciuitatem videbatis. quo quidem tempore, cū is excessisset, qui cædi & flāmæ vobis authoribus resisterat, cum ferro, & facibus homines tota vrbe volitantes, magistratuū tecta oppugnata, deorum templa inflammata, summi viri & clarissimi Consulis falces fractos, fortissima atque optimi viri Tribu. ple. sanctissimum corpus non solum tactum, ac violatum manu, sed vulneratum ferro confectumq; vidistis. qua strage nonnulli permoti magistratus, partim metu mortis, partim desperatione Reip. paululum à mea causa recesserunt: reliqui fuerunt, quos neque terror, nec vis, nec spes, nec metus, nec promissa, nec minæ, nec tela, nec faces à vestra autoritate - à populi R. dignitate, à mea salute depellerent. Princeps P. Lentulus parens ac deus nostræ vitæ, fortunæ, memoriæ, nominis, hoc

nis, hoc specimen virtutis, hoc indicium animi,
 hoc lumen consulatus sui fore putauit: si me mi-
 hi, si meis, si vobis, si reip. reddidisset. Qui ut est
 designatus, nunquam dubitauit sententiam de
 salute mea, se & Rep. dignam dicere. cum à tri-
 buno pl. vetaretur, cum præclarum caput reci-
 taretur, ne quis ad vos reterer, ne quis decer-
 neret, ne disputaret, ne loqueretur, ne pedibus
 iret, ne scribendo adesset, totam illam clausu-
 lam, ut ante dixi, proscriptionem, non legem
 putauit: quæ ci uis optime de Rep. meritis no-
 minatim sine iudicio, vnâ cum Senatu Reipu.
 esset ereptus. ut vero iniit magistratum, non
 dicam quid egerit prius: sed quid omnino egit
 aliud, nisi ut me conseruato vestram in poste-
 rum dignitatem auctoritatemque sanciret? Dij
 immortales quantum mihi beneficium dedisse
 videmini? quod hoc anno P. Lentulus consul
 fuit, quo quanto maius dedissetis, si superiore
 anno fuisset? nec enim eguissem medicina con-
 sulari, nisi consulari vulnere concidissem. audi-
 eram ex sapientissimo homine, atque optimo
 ciue, & viro, Q. Catulo, non sæpè vnum con-
 sulem improbum, duos vero nunquam, exce-
 pto illo Cinnano tempore, fuisse. quare me-
 am causam semper fore firmissimam dicere so-
 lebat, dum vnus in Repub. esset Consul. quod
 vere dixerat, si illud de duobus Consulibus,
 quod ante in Rep. non fuerat, perenne ac pro-
 prium manere potuisset. quod si Q. Metellus
 illo

illo tempore consul fuisset, vnicus: dubitatis, quo animo fuerit in me conseruando futurus, cum in restituendo auctorem fuisse, adscriptoremque videatis? Sed fuerunt duo consules, quorum mentes angustæ, humiles, prauæ, oppletæ tenebris, ac sordibus, nomen ipsum consulatus, splendorem illius honoris, magnitudinem tanti imperij nec intueri, nec lustinare, nec capere potuerunt: non consules: sed mercatores prouinciarum, ac venditores vestræ dignitatis: quorum alter à me Catilinam, amatorem suum, multis audientibus: alter Cethegum, consobrinum suum, reposcebat: qui me duo sceleratissimi post hominum memoriam, non consules, sed latrones, non modò deseruerunt, in causa præsertim publica, & consulari, sed prodiderunt, oppugnarunt, omni auxilio non solum suo, sed etiam vestro, cæterorumque ordinum, spoliatum esse voluerunt: quorum alter tamen neque me, neque quemquam fefellit. Quis enim vllam vllius boni spem haberet in eo, cuius primum tempus ætatis palam fuisset ad omneis libidines diuulgatum? qui ne à sanctissima quidem parte corporis potuisset hominum impuram intemperantiam propulsare? qui cum suam rem non minùs strenuè, quam postea publicam confecisset: egestatem, & luxuriam domestico latrocinio sustentauit? qui nisi in aram tribunatus confugisset: neq; vim prætoris, nec multitudinem creditorum, nec

rum, nec bonorū proscriptionem effugere potuisset. qui in magistratu nisi rogationem de piratico bello tulisset: profectò & egestate, & improbitate coactus piraticam ipse fecisset: ac minore quidem cum reip. detrimento, quàm quòd intra mœnia nefarius hostis, prædoq; versatus est: quo inspectante, ac sedente, legem tribunus plebis tulit, ne auspicijs obtemperaretur: ne obnuntiare concilio, aut comitijs: ne legi intercedere liceret: vt lex Ælia, & Fusia ne valerent: quæ nostri maiores certissima subsidia reip. contra tribunitios furores esse voluerunt. Idemq; postea, cùm innumerabilis multitudo bonorū de Capitolio supplex ad eum sordidata venisset, cumq; adolescentes nobilissimi, cunctiq; equites R. se ad lenonis impurissimi pedes abieciissent: quo vultu cincinnatus ganeo non solum ciuium lacrymas, verum etiam patriæ preces repudiavit? neq; contentus fuit, sed etiam in contionē adscendit: eaq; dixit, quæ, si eius vir Catilina reuixisset, dicere nō esset ausus: se nonarū Decembr. quæ, me consule fuissent, cluiq; Capitolini pœnas ab equitibus R. esse repetiturū: neq; solum id dixit, sed quos eicōmodum fuit, compellauit: L. verò Lamiam, equitem R. præstanti dignitate hominem, & salutem meæ, pro familiaritate reip. pro fortunis suis, amicissimum, consul imperiosus exire vrbe iussit, & cùm vos vestem mutandam censuissetis, cunctiq; mutassetis, atq; idem omnes boni iam antè fecissent: ille vn-

ille vnguentis oblitus, cum toga prætexta, quã omnes Prætores, Aedilesque tum abiecerant, irrigit squalorem vestrum, & luctum grauissime ciuitatis. fecitque quod nemo vnquam Tyrannus: vt quo minus occultè vestrum malum gerneretis, nihil diceret: ne apertè incommoda patriæ lugeretur, ediceret. Cùm vero in Circo Flaminio non à Tribuno pl. Consul in concionem, sed latrone Archipirata productus esset, primū processit qua authoritate vir? vini, somni, stupri plenus madenti coma, composito capillo, grauibus oculis, fluëtibus buccis, pressa voce & temulenta: quod in ciueis indemnatos esset animaduersum, id sibi dixit grauis author vehemētissime displicere. vbi nobis hæc authoritas tā diu tanta latuit? cur in lustris & helluationibus huius calamistrati saltatoris tam eximia virtus tam diu cessauit? nam ille alter Cesonius Caluentius ab adolescētia versatus est in foro: cū eum præter simulatam versutamque tristitiā nulla res commendaret, non consulis studium, non discendi initia rei militaris, non cognoscendorum hominum, non liberalitas. quæ præteriens cū incultum, horridum, mœstumque vidisses, etiam si agrestem, & inhumanum existimares, tamen libidinosum & perditum non dubitares. cum hoc homine, aut cum stipite Aethiope, si in foro constitisses, nihil crederes interesset, sine sensu, sine sapore, elinguem, tardum, inhumanum, neglectum, Capadocem
modò

modò abreptū de grege venalium diceret. Idē
 domi quam libidinosus? quā impurus, quā in-
 tēperans, non ianua receptis, sed p̄seudothyro,
 intromissis voluptatibus? cū verò etiā literas
 studere incipit, & helluo immanis cū Græcu-
 lis philosophari, tum est Epicurēus, non peni-
 tus illi disciplinæ, quæcūque est, deditus: sed
 captus vno verbo voluptatis. Habet autē ma-
 gistros non ex istis ineptis, qui dies totos de of-
 ficio, ac de virtute disserunt: qui ad laborem, ad
 industriam, ad pericula pro patria subeunda ad-
 hortantur: sed eos, qui disputent, horam nul-
 lam vacuam voluptate esse debere: in omni
 parte corporis semper oportere aliquod gau-
 dum, delectationemq; versari. His vitur qua-
 si præfectis libidinum suarum: hi voluptates
 omneis vestigant, atq; odorantur: hi sunt con-
 ditores, instructoresq; conuiuij: ijdem expen-
 dunt, atq; æstimant voluptates, sententiamque
 dicunt, & iudicant, quantum cuiq; libidini tri-
 buendum esse videatur. horum ille artib. eru-
 ditus, ita contēpsit hanc prudentissimam ciuita-
 tem, vt omneis suas libidines, omnia flagitia, la-
 tere posse arbitraretur, si modò vultum impor-
 tunum in forum detulisset. Is non me (quan-
 quam equidem non cognoram cum, propter
 Pisonum affinitatem, quam longè hunc ab hoc
 genere cognatio materna Transalpini sanguinis
 abstulisset) sed vos, populumque R. non con-
 silio, neq; eloquentia, quod in multis sæpe ac-
 cidit.

cidit, sed rugis, supercilioq; decepit. L. Piso, tu-
ne ausus es isto oculo, non dicam isto animo :
ista fronte, non vita: tanto supercilio, non enim
possum dicere tantis gestis, cum A. Gabinio cō-
sociare consilia pestis mee? non te illius vnguen-
torum odor, non vini anhelitus, non frons ca-
lamistri notata vestigiis, in eam cognitionem
adducebat, vt, cū illius re similis fuisses, fron-
tis tibi integumento ad occultanda tanta flagi-
tia diutius vti non liceret? cum hoc coire aulus
es, vt consularem dignitatem, vt reip. statum,
vt senatus auctoritatem, vt ciuis optimē meriti
fortunas prouinciarum fœdere addiceres? te
consule, tuis edictis, & imperijs, senatui, popu-
loque R. non est licitum, non modò sententijs,
atque auctoritate sua, sed ne luctu quidem, ac
vestitu reip. subuenire. Capuæ ne te putabas,
in qua vrbe domicilium quondam superbiæ fu-
it, consulem esse, sicut eras eo tempore: an Ro-
mæ, in qua ciuitate omnes ante vos consules se-
natui paruerunt? tu es ausus in Circo Flaminio
productus cum tuo illo pari dicere, te semper
misericordem fuisse? quo verbo senatum, atq;
omneis bonos tum, cū à patria pestem ex-
pellerent, crudeleis demonstrabas fuisse. Tu mi-
sericors me affinem tuum, quem comitijs, præ-
rogatæ primū custodem præfeceras, quem
Kalendis Ianuar. tertio loco sententiam roga-
ras, constrictum inimicis reip. tradidisti: tu me-
um generum, propinquum tuum: tu affinem
tuam;

tuam, meam filiam, superbissimis, & crudelissimis verbis à genibus tuis repulisti idemq; tu clementia, ac misericordia singulari, cum ego vna cum rep. non tribunitio, sed consulari ictu concidissem: tanto scelere, tantaq; intemperantia fuisti, vt ne vnam quidem horam interesse paterere inter meam pestem, & tuam prædam, saltem dum conticesceret illa lamentatio, & gemitus vrbs. Nondum palàm factum erat concidisse rep. cum tibi arbitria funeris tollebantur. vno, eodemq; tempore domus mea diripiebatur, ardebat: bona ad vicinum consulem de Palatio: de Tusculano ad item vicinum alterum consulem deferebantur: cum, iisdem operis suffragium ferentibus, eodem gladiatore latore, vacuo non modò à bonis, sed etiam à liberis, atque inani foro, ignaro populo R. quid ageretur, senatu verò oppresso, & afflicto, duobus impijs, nefarijsq; consulibus, ærarium, prouinciæ, legiones, imperia donabantur. Horum consulum ruinas vos consules vestra virtute sustistis, summa tribunorum plebis, prætorumq; fide, & diligentia subleuastis. Quid ego de præstantissimo viro, T. Annio, dicam? aut quis de tali ciue satis dignè vnquam loquetur? qui cum videret, sceleratum ciuem, aut domesticum potius hostem, si legibus vti liceret, iudicio esse frangendum: sin ipsa iudicia vis impediret, ac tolleret, audaciam virtute, furorem fortitudine, temeritatem consilio, manum manu, vim

vi esse superandam : primò de vi postulauit :
posteaquàm ab eodem iudicia sublata esse vi-
dit : ne ille omnia vi posset efficere, curauit : quì
docuit, neq; tecta, neq; templa, neq; forum, ne-
que curiam, sine summa virtute, ac maximis o-
pibus, & copijs ab intestino latrocinio posse
defendi : qui primus, post meum discessum,
metum à bonis, timorem huic ordini, seruitu-
tem depulit ciuitati. Quam rationem pari vir-
tute, animo, fide, P. Sextius secutus, pro mea
salute, pro vestra auctoritate, pro statu ciuitatis
nullas sibi inimicitias, nullam vim, nullos im-
petus, nullum vitæ discrimen vitandum vn-
quam putauit : qui causam senatus exagitata
contionibus improborum, sic sua diligentia
multitudini commendauit, vt nihil tam popu-
lare, quàm vestrum nomen : nihil tam omnibus
carum aliquando, quàm vestra auctoritas vide-
retur : qui me cùm omnibus rebus, quibus tri-
bunus plebis potuit, defendi, tum reliquis of-
ficijs, iuxta, ac si meus frater esset, sustentauit.
cuius ego clientibus, libertis, familia, copijs, li-
teris, ita sum sustentatus, vt meæ calamitatis nō
adiutor solùm, vetùm etiam socius videretur.
Iam cæterorum officia, studiaq; vidistis : quàm
cupidus mei C. Sestilius, quàm studiosus vestri,
quàm non varius fuerit in causa. Quid Mosopi-
us ? cui ego ipsi, parenti, fratrique eius, sentio
quantum debeam : qui cùm a me voluntas eo-
rum in priuato iudicio esset offensa, publici
mei be-

mei beneficij memoria priuatam offensionem
obliterauerunt. Iam T. Fadius, qui mihi qua-
stor fuit, M. Curtius, cuius ego patri quaestor
fui studio, amore, animo, huic necessitudini nō
defuerunt. Multa de me C. Messinius, & amici-
tiæ, & reip. causa dixit: legem separatim initio
de salute mea promulgauit. Q. Fabricius si, quæ
de me agere conatus est, ea contra vim, & fer-
rum perficere potuisset: mense Ianuario nostrū
statum recuperassemus. quem ad salutem me-
am voluntas impulit, vis retardauit, auctoritas
vestra reuocauit. Iam verò prætores quo ani-
mo in me fuerint, vos existimare potuistis. cum
L. Cæcilius priuatim me suis omnibus copijs
studuerit sustentare: publicè promulgauit de
salute mea cum collegis pene omnibus. dire-
ptoribus autem meorum bonorum in ius ad-
eundi potestatem non fecerit. M. autem Calidi-
us, statim designatus, sententia sua, quàm esset
cara sibi mea salus, declarauit. Omnia officia C.
Septimij, Q. Valerij, P. Crassi, Sex. Quintilij,
C. Cornuti, summa & in me, & in remp. consti-
tuerunt. quæ cum libenter cōmemoro, nemo
enim gratiarum immemor est gratus inuentus
tū, non inuitus nonnullorum in me nefariè cō-
missa prætereo. non est mei temporis iniurias
meminisse: quas ego etiam si vlisci possem, ta-
men obliuisci mallet. aliò transferenda mea
tota vita est, vt benè de me meritis referam gra-
tiam: cum apertis hostibus bellum geram: ti-

midis amicis ignoscam : proditoribus meis nō indicem dolorem protectionis meæ, defensores reditus dignitate contoler. Quòd si mihi nullum aliud esset officium in omni vita reliquum, nisi vt erga duces ipsos, & principes, atq; auctores salutis meæ, satis gratus iudicaret: tamen exiguum reliquæ vitæ tempus non modò ad referendam, verum etiam ad commemorandam gratiam mihi relictum putarem. Quando enim ego huic homini, ac liberis eius, quando omnes mei gratiam referent? quæ memoria, quæ vis ingenij, quæ magnitudo obseruantix, tot, tantisq; beneficijs respondere poterit? qui mihi primus afflicto, & iacenti, consularem fidem, dexteramq; porrexit: qui me à morte ad vitam, à desperatione ad spem, ab exitio ad salutem reuocauit. qui tanto amore in me, studio in remp. fuit, vt excogitaret, quemadmodum calamitatem meam nō modò leuaret, sed etiam honestaret. quid enim magnificentius, quid præclarius mihi accidere potuit, quàm quòd, illo petente, vos decreuistis, vt cuncti ex omni Italia, qui remp. saluam vellent, ad me venum, hominem fractum, & propè dissipatum, restituendum, & defendendum venirent? vt, qua voce à te, Romule, post Romam conditam consul vsus esset pro vniuersa repub. apud eos solùm, qui eius vocem exaudire possent: eadem voce senatus omnibus agris, vicis, atque oppidis, ciueis, totamq; Italiam ad vnius salutē defendē-

defendendâ excitaret. Quid ego gloriosus meis posteris potui relinquere, quàm, hoc senatû iudicasse, qui ciuis me nō defendisset, eum remp. saluam noluisse? Itaq; tantum vestra auctoritas tantum eximia cōlulis dignitas valuit, vt omne is flagitium se cōmittere putaret, si quis non veniret. Idemq; consul, cū illa in credibilis multitudo Romā, & pene Italia ipsa venisset, vos frequentissimos in Capitoliū conuocauit. quo tempore quantam vim vera bonitas haberet, aut vera nobilitas, intelligere potuistis. Qnam. Metellus, & inimicus, & frater inimici, perspecta vestra volūtate, omnia priuata odia deposuit, quē P. Seruilius, vir cū clarissimus, tum verò optimus, mihiq; amicissimus, & auctoritatis, & orationis suæ diuina quadā grauitate, ad sui generis, cōmunisq; sanguinis facta, virtutesq; reuocauit, vt haberet in consilio, & fratrē ab inferis, socium rerum mearū, & omneis Metellos, præstantissimos ciueis, pene ex Acheronte excitatos: in quibus Numidicū illum, Metellū cuius quondā de patria discessus, honestus ipsi, omnibus luctuosus tandem visus est. Itaq; fuit is nō modò salutis defensor, qui ante hoc vnū beneficium fuerat inimicus, verū etiā adscriptor dignitatis meæ. Quo quidē die cū cccx. senatores essetis, magistratusq; omnes adessent: dissensit vnus, is, qui sua lege cōiuratos etiā ab inferis excitādos putārat. Atq; illo die, quo remp. meis consiliis conseruatā grauissimis verbis, &

plurimis iudicassetis, idem cōsul curauit, vt eadem à principibus ciuitatis in contione postero die, dicerentur, cū quidē ipse egit ornatissimē causam meam, perfecitq; adstante, atq; audiente Italia tota, vt nemo cuiusquā conducti, aut perditū vocem acerbā, atq; inimicam bonis, posset audire. At hæc nō modò adiuumenta salutis, sed etiā ornamenta dignitatis meę, reliqua vos iisdē addidistis: decreuistis, ne quis vlla ratione rem impediret: qui id impedisset, grauiter, molesteq; laturus: illum contra remp. salutēq; bonorum, concordiamq; ciuium facturum: & vt ad vosea statim referrentur: meq; etiā, si diutius calumniarentur, redire iussistis. Quid? vt agerentur gratiæ, qui ē municipiis venissent? quid, vt ad illam diem, res cū redissent, rogarentur, vt pari studio conuenirent? Quid deniq; illo die, quem P. Lentulus mihi, fratriq; meo, liberisq; nostris natalē constituit, nō modò ad nostram, verū etiam ad sempiterni memoriam temporis? quo die nos comitijs centuriatis, quæ maximē maiores iusta dici, haberiq; voluerunt, accessiuit in patriam: vt eadem centuriæ, quę me consulē fecerant, consulatum meum comprobarent. Quo die quis ciuis fuit, qui fas esse putaret, quacunq; aut ætate, aut valetudine esset, non se de salute mea sententiā ferre? quando tantā frequentiam in cāpo, tantū splendore Italix totius, ordinūq; omnium: quādo illa dignitate tot rogatores ditatores, custodēq; vidistis? Itaq; Pub. Lētuli beneficium

nescio excellenti, atq; diuino, nō solūm redūcti
 sumus in patriam, sicut nonnulli clarissimi viri,
 sed equis insignibus, & curru aurato reportati.
 Possum ego satis in Cn. Pompeium vnquam
 gratus videri? qui non solūm apud vos, qui om-
 nes idem sentiebatis, sed etiam apud vniuer-
 sum populum Romanum salutem Reipublice
 & conseruatam per me, & coniunctam esse cū
 mea dixerit: qui causam meam prudentibus
 commendarit, imperitos edocuerit, eodemq;
 tempore improbos authoritate sua compres-
 serit, bonos excitarit: qui populum Roma-
 pro me, tanquam pro fratre, aut pro parente,
 non solūm hortatus sit, verum etiam obse-
 crarit. qui cum ipse propter metum dimicationis,
 & sanguinis domo se teneret, etiam à superio-
 ribus tribunis petierit, vt de salute mea &
 promulgarent, & referrent: qui in colonia nu-
 per constituta cū ipse gereret magistratum, in
 qua nemo erat emptus intercessorum, vim &
 crudelitatem priuilegij, authoritate honestissi-
 morū hominum, & publicis literis consignarit,
 princepsq; Italiae totius praesidium ad nostram
 salutem implorandum putarit: qui cū ipse
 mihi semper amicissimus fuisset, etiam vt suos
 necessarios mihi amicos redderet, elaborarit.
 Quibus autem officijs T. Annij beneficia renu-
 merabor? cuius omnis actio, ratio, cogitatio,
 totus deniq; Tribunatus nihil aliud fuit, nisi
 constans, perpetua, fortis, inuicta defensio sa-

lutis mea? Quid de P. Sextio, loquar, qui suam erga me beneuolentiam & fidem non solum animi dolore, sed etiam corporis vulneribus ostendit? vobis vero P. C. singulis & egi, & agā gratias vniuersis. egi initio, quantum potui satis ornatē agere nullo modo possum. Et quāquam sunt in me pręcipua merita multorū, quę fileri nullo modo possunt: tamen huius temporis ac timoris mei non est, conari commemorare beneficia in me singulorum. nam difficile est nō aliquem, nefas quenquam pręterire. Ego vos vniuersos Patres Cōscripti deorum numero colere debeo. sed vt in ipsis dijs immortalibus nō semper eoldem, atque aliās alios solemus & venerari, & precari: sic in hominibus de me diuinitus meritis omnis erit ætas mihi ad eorum in me merita prędicanda, atq; recolenda, hodierno autem die nominatim à me magistratibus statui gratias esse agendas, & de priuatis vni, qui pro salute mea, municipia coloniasq; adisset, populum Romanum supplex obsecrasset, sententiam dixisset eam, quam vos secuti mihi dignitatem meam reddidistis. vos, me florentē semper ornaistis, laborantem mutatione vestis, & propēluctu vestro, quod licuit, defendistis. nostra memoria Senatores ne in suis quidem periculis mutare vestem solebant: in meo periculo? Senatus veste mutata fuit, quoad licuit per eorum edicta, qui mea pericula non modo suo pręsidio, sed etiam vestra deprecatione nudarunt.

nudarunt. quibus ego rebus obiectis, cum mihi privato configendum viderem cum eodem exercitu, quem Consul, non armis sed vestra auctoritate superaram: multa mecum ipse reputavi, dixerat in contione Consul se clui Capitolini poenas ab Equitibus Roma. repetiturum nominatim alij cōpellabantur, alij citabantur, alij relegabantur: aditus templorum erant non solum præsidijs, & manu, verum etiam demolitione sublatis, alter Consul, ut me & Rempublicam non modo deferrent, sed etiam hostibus Reipublice proderent pactionibus eos suorum præmiorum obligaret. erat alius ad portas cum imperio in multos annos, magnoque exercitu: quem ego inimicum mihi fuisse non dico: tacuisse, cum diceretur esse inimicus scio, Duæ partes esse in Repub. cum putarentur, altera me deposcere propter inimicitias, altera timidè defendere propter suspicionem cædis putabatur. qui autem me deposcere videbantur, in hoc auxerunt dimicationis metum: quod nunquam inficiando suspicionem hominum, curamque minuerunt. Quare cum viderem Senatuum ducibus orbatum, me à magistratibus partim oppugnatum partim proditum, partim derelictum, servos simulatione collegiorum nominatim esse conscriptos, copias omnes Catilinæ penè iisdem ducibus ad spem cædis, & incendiorum esse reuocatas, equites Romanos proseriptionis, municipia vastitatis, omnes cædis metu esse

tu esse perteritos, potui, potui P. C. multis au-
thoribus fortissimis viris, me vi, armisq; defen-
dere: nec mihi ipse ille animus idem meus, vo-
bis non incognitus, defuit: sed videbam, si vi-
cissim præsentem aduersarium, nimium mul-
tos mihi alios esse vincendos: si victus essem,
multis bonis & pro me, & mecum, & post me
esse pereundum: tribunitijque sanguinis vltor-
es esse præsentis: meæ mortis poenas iudicio,
& posteritati reseruari. Nolui, cum Consul com-
munem salutem sine ferro defendissem, meam
priuatus armis defendere: bonosque viros lu-
gere malui meas fortunas, quam suis despera-
re. Ac si solus essem interfectus, mihi turpe:
si cum multis, Reip. funestum fore videbatur.
Quod si mihi æternam esse propositam æru-
mnam arbitrarer, morte me ipse potius, quam
sempiterno dolore multassem. sed cum vide-
rem me non diutius, quam ipsam Rempu. ex
hac vrbe abfuturum: neque ego illa extermi-
nata mihi remanendum putau: & illa, simul-
atque reuocata est, me secum pariter reporta-
uit. mecum leges, mecum quæstiones, mecum
iura magistratuū, mecum Senatus authoritas
mecum libertas: mecum etiam frugum vber-
tas, mecum deorum & hominum sanctitates
omnes, & religiones abfuerunt quæ si semper
abessent, magis vestras fortunas lugerem, quam
desiderarem meas: sin aliquando reuocarentur,
intelligebam mihi cum illis vna esse redeundū
Cuius

Cuius mei sensus certissimus testis est hic idem, qui custos capitis fuit, Cn. Plancius, qui omnibus prouincialibus ornamentis, commodisq; depositis totam suam. Quæsturam in me sustentando, & conseruando collocauit. qui si mihi Quæstor Imperatori fuisset, in filij loco fuisset nunc certe erit in parentis, cum fuerit Quæstor: non imperij, sed doloris mei Quapropter P. C. quoniam in Remp. sum pariter cum Rep. restitutus, non modo in ea defendenda nihil minuat de libertate mea pristina, sed etiam adaugebo. etnim si eam tum defendebam, cum mihi aliquid illa debebat, quid nunc me facere oportet, cum ego illi plurimum debeo? nam quid est, quod animum meum frangere, aut debilitate possit? cuius ipsam calamitatem non modo nullius delicti, sed etiam diuinorum in Remp. beneficiorum testem esse videatis? nam & importata est, quia defenderam ciuitatem, & mea volûtate suscepta est, ne à me defensa Respublica eundem me extremum in discrimen vocaretur. pro me non, vt pro P. Popilio nobilissimo homine, adolescentes filij, non propinquorum multitudo populum Ro. est deprecata: non, vt pro Q. Metello summo & clarissimo viro spectatæ iam adolescentiæ filius: non L. & C. Metelli Consulares, non eorum liberi: non Q. Metellus Nepos, qui tum consulatum petebat: non Luculli, Seruillij, Scipiones, Metellorum filij flentes, ac sorditati populo Romano

Romano. supplicauerunt. sed vnus frater, qui in me pietate filius, consilij parens, amore, vt erat, frater inuentus est squalore, & lachrymis, & quotidianis precibus desiderium mei nominis renouari, & rerum gestarum memoriam vsurpari cõegit. qui cum statuisset, nisi per vos me recuperasset, eandem subire fortunam, atque idem sibi domicilium & vitæ & mortis depõceret: tamen nunquam nec magnitudinem negocij, nec solitudinem suam, nec viminum incõorum, ac tela pertimuit. Alter fuit pro pugnatõr mearum fortunarum, & defensor assiduus, summa virtute & pietate C. Pilo gener: qui minas inimicorum meorum, qui inimicitias, affinis mei, propinqui sui Consulis, qui Pontum, & Bithyniam Quæstor pro mea salute neglexit nihil vnquam Senatus de P. Popilio decreuit: nunquam in hoc ordine Q. Metelli mentio facta est. tribunitijs sunt illi rogationibus, interfectis inimicis, denique nulla authoritate Senatus, restituti. cùm alter eorum Senatui paruisset, alter vim eademque fugisset. nam C. quidem Marius, qui hac hominum memoria tertius ante me Consularis tempestate civili expulsi est non modo à Senatu non est restitutus, sed reditu suo Senatum cunctum penè deleuit. nulla de illis magistratuum consensio, nulla ad Rempublicam defendendam popul-Romani conuocatio, nullus Italiæ metus, nulla decereta municipiorum, & coloniarum extiterun

titerunt. Quare cū me vestra authoritas ac-
cesserit, populus Romanorum reuocauerit,
Respublica implorarit, Italia cuncta penē suis
humeris reportarit, non committam P. C. vt
cum ea sint mihi restituta, quæ in potestate
mea non fuerunt, ea non habeam, quæ ipse
præstare possim: præsertim cū illa amissa re-
cuperarim: virtutem, & fidem nunquam ami-
serim.



ADAMVS

ADAMVS STEZICIENSIS

IN ORATIONEM CIC. POST REDITVM IN SENATV.



Rationem Cic. qua amplissimo Senatui Romano, post illud acerbissimum exilium suis ac Reip. restitutus gratias egit, explicaturi: eadem fere via, qua Cic. in illa conscribenda usus est progrediemur. ut primum quid Cic. dicat, quo loco, & quomodo dicat, explicemus. Deinceps ad ipsius orationis structuram, suo ordine delabemur. Ac prima quidem parte, occasio, argumentum, genus causæ, status seu propositio orationis. Secunda dispositio totius orationis. Tertia autem genus dicendi & ornamenta continentur. Et hac est omnium orationum explicandarum doctrina generalis & ratio.

Quid dicat, seu occasio.

Cum Clodius nefarius Reip. Romana ac flagitiosissimus ciuis, inclusum illud odium, quod erga Cic. ob sacra Bonæ Deæ à se violata haberet, ut constituerat priuatus profundere non posset. factus Trib. pleb. hoc unum egit quomodo Ciceronem, vel vita, vel patria, priuaret. Diem igitur Ciceroni dixit, quod multos ciues Romanos, in illo Catilinario tumultu, iudicio nullo damnatos, necauerit. Sed quoniā Tribunitia potestas summa fuit. Itaq. Clodius Pisone & Gabinio Consulibus, in suam sententiam adductis refragante vniuerso Senatu Ciceronem exilio multauit. Quod malum, & si Cicero, omnium

ro, omnium honorū, mira cōsensione propellere armis posset, (senatus enim vniuersus cum nobilissimis adolescentibus Romanis, causam Ciceronis sibi defendendam putauit) maluit tamen cedere illius furori, quam multos in discrimen, vel Rempub. ad extremam perniciem adducere. cum igitur decem, vel vt aliis placet 16. mensibus exularet, opera & studio Pompeij, aliorumq. ciuium, & suis & Reipub. cum summa omnium latitia, restitutus est.

Argumentum orationis.

HAc igitur copiosissima & ornatissima oratione, Senatui, cuius studio & diligentia reuocatus esset, summās & ingentes agit gratias.

Genus causæ.

AD genus demonstratiuum hac oratio merito referri potest. Gratiarū enim actiones, Amplificatione beneficiorum acceptorū, cum laude coniuncta constant. Hic artificium gratiarum referendarum obseruabis. Primum enim Cic. extenuatione vsus est, cum dixit in exordio. Non possum vobis cumulātē gratias referre. Deinde amplificat beneficium, cum magnitudinem beneficiorum, sibi prastitorum enumerat. Tertio viitur Translatione cūm dicit. Hoc beneficium, non tantum in se, sed & in Rempub. redundare. Vltimo suum studium Reipub. pollicetur.

Status:

Tamet si hic aduersarius nullus est, vnde constitutio nascatur, quæ sit ex conflictione causarum: tamen

K k

propter

propter locos, & argumenta, unde petita sunt, qualitatis status non immerito dici potest. Constat enim factum esse senatus honestum, Ciceronis restitutio in patriam. Accersitur itaque coniectura occultè, quæ non dubitando, sed asserendo, assumit locos qualitatis, & comparationis ad confirmandum, id honestum esse, & dignum persona Ciceronis, ut senatui gratias agat, quod in patriam restitutum magno affecerit beneficio. non tam ergo est certus status in hac oratione, quam Propositio, cuius sensus est. Gratum & memorem vestrorum acceptorum beneficiorum me præstabo.

Quo loco dicat.

Naturali ordine, in collocandis partibus orationis, usus est. Primum enim exordium, deinde propositi-
tionem, tum confirmationem, admixta narratione constituit. postea epilogo clausit suam orationem.

Quomodo dicat.

Mediocri & florido genere dicendi ut ipse in oratore testatur, hanc orationem contexuit, quod & ipsa sententiarum, verborumque compositio, & suauitas comprobauit.

De Exordio.

Si patres, Hac particula frequens & familiaris est, Cic. in exordienda oratione, patres, Senatores dicuntur patres, vel ob senium, quoniam in senatorium ordinem primum senes delecti fuerant: vel ob affectum, quia eorum

quia eorum erat paterno amore subditos diligere: vel ob officium, quia fortunis & saluti aliorum ac sua providere debebant, vel ob honorem, qui illis summus debebatur, conscripti; Triplex erat ordo Romæ senatorum, primus patriciorum appellabatur, quos Romulus centum creauerat. Deinde alios centum communicata vrbe cum Sabinis adiunxit. Demum post exactos reges Brutus alios centum adscripsit, ita serè, vt ordo Senatorius Trecentis Senatoribus constaret. Secundus ordo erat conscriptorum, qui decedente numero senatorum, in eorum locum sufficiebantur, seu adscribebantur, & ideo conscripti sunt appellati. Tertius ordo pedariorum fuit inter illos trecentos, qui eo nomine vocabantur, vel quod sententiam non dicebant, sed aliorum approbant, vel quod nondum magistratum curulem ceperant, pedibus in curiam proficiscebantur. Nam qui curulem magistratum gessisset, curru vehebatur. Vide Alexandrum lib. 4. cap. 11. Cellium lib. 3. cap. 18. naturæ, quæ est omnium beneficiorum gratissima, nos metipfos, Hoc est qui maiore & calamitate iam prope confectus contabueram, ab ijs, Quatuor enim nobis à parentibus tribuuntur, quæ Cic. expressit, vita, patri monium, libertas, ciuitas, Amplissimo, consulari dignitati. Erat enim consulatus apud Romanos amplissimus dignitatis honor, arce, in hac Repub. quæ toti serè orbi imperabat, ordinem, Senatorium, hunc ipsum, istis autem particulis propter maiorem significationem Cicero vititur, vt ille ipse, iste ipse, hoc ipsum, istud ipsum, decretis, omnes enim honores Cic. attingerat, multa iudicia, quibus me ad tantam dignitatem

euexistis, & Reipub. restituis, quod ne optandū, ista sunt omnino contraria. Cicero enim immortalitatem sapissimè commendat, nunc autem ne optandam quidem asserit. Dupliciter immortalitatis nomen sumitur. 1. Pro sempiterna hac viuendi in corpore persequeratione quam nemo sapiens exoptauit. 2. Pro laude & gloria immortalis, quam omnes expetimus. Dicit igitur longiorem mihi viuendi cursum restituto patriæ produxistis.

Inuentio exordij.

EXordium ductum est, ex circumstantiis personarum & rerum, cum dicit se non posse senatui amplissimo, pro tantis beneficiis, pares referre gratias. Cum vero tribus de causis præcipue exordia instituuntur, beneuolentia, attentionis & docilitatis, hac eadem hic inuenies. Captat enim beneuolentiam à senatorum persona, & à sua. Attentionem autem & docilitatem, per vniuersum orationis corpus diffundit. Est autem genus exordij principium, propter honestatem materia: honestissimum enim est, summa beneficia prædicare, ac pro iis gratias referre.

Dispositio exordii.

OMnis collocandi ratio, spectatur, primo in orationis partibus, secundo in argumentis, tertio in partibus argumentationis, quæ hic quoque nos videbimus.

Dispositio partium exordii.

Quoniam quatuor ab Hermogene exordii partes statuuntur. Protasis seu propositio, Cataskesis, seu confirmatio

confirmatio, apodosis seu reditio, basis seu conclusio. Hoc exordium constat tribus partibus. Propositione quæ est simplex. Cuius sensus est. Mea oratione non potero vobis perfecte gratias agere Confirmatione. Tanta enim sunt, ut superent cuiusque ingenium. Conclusio. ne. Itaque per vos immortalitatem consecutus sum. Apodosis seu reditio annexa est conclusioni propter simplicem propositionem.

Dispositio argumentorum.

Hic primo sciendum est, quod in qualibet oratione, orator, aut probat, aut narrat, aut amplificat, aut ornat. In exordio probat, ornat, & amplificat. in Narratione narrat, & ornat, in confirmatione & refutatione, probat, amplificat, & ornat. In peroratione eadem efficere contendit. In exordio igitur, si probat, necesse est, ut habeat quid probet: videlicet Questionem: & Quo: Videlicet Enthimematibus. Quare primum in exordio dissolvendo nobis Quæstio est inveniendæ quæ talis est.

An Cic. ab exilio revocatus, sit magno beneficio affectus à senatu;

Eius quæstionis Cic. alteram contradictionis partem ad probandum assumit. quæ probat per frequentationem consequentium eorum bonorum, quæ restitutio nem suam sunt consecuta, ut sunt liberi, dignitas, Respub. patria, bona parentum, patrimonium, libertas, ordo, beneficia Deorum, ac populi Romani. Atq; hic locus topicus, tractatus est per enumerationem partium, in-

ductione. Hic etiam vide amplificationem, quæ ferè in
 vniuersa oratione demonstratiua dominari solet, dum
 ex loco consequentium amplificat, conglobando ea, & e-
 numerando bona, quæ se consecuta sunt, posteaquam
 fuerit restitutus. Seruantur etiam hic illa præcepta in
 amplificandis beneficiis, quæ Aristoteles lib. 2. Rhetor-
 ic. cap. 7. tradit. Quis, Quid, Quibus de causis
 contulit, Quomodo affecti? Quis? Senatus, e-
 quester ac plebeius ordo, omnis magistratus, vni-
 uersa respub. ac Italia tota. Quid? vitam, patri-
 am, liberos, uxorem, & cetera, Cui? Ciceroni,
 parenti patriæ, optimo ciui, amantissimo patriæ, opti-
 mè de Repub. merito. Quomodo? Bonorum omnium
 ac totius Reipub. Romana consensu. Quibus de causis?
 Quia erat eiectus, quod urbem seruauit, quod gladios
 à cervicibus repreßerit, ignes à templis, & domibus
 restinxerit.

Dispositio partium Argumentationis.

Quinq; partibus confecti hoc exordium, proposi-
 tione, ratione propositionis, Rationis approbatione,
 Amplificationibus, & conclusione.

Propositio. Ignoscitè quæso, si minus cumulatè
 gratius egero vobis.

Ratio propositionis. Quia tanta sunt in me vestra
 beneficia vt nullius ingenio, & oratione complecti pos-
 sint.

Rationis approbatio. Quia mihi omnia restitulistis.

Rationis amplificatio per comparisonem. Si Dñs
 parentibus & ceteris debemus, quod eorum honori-
 bus au-

post reditum in senatu.

519

bus aucti sumus, certe infinitum vobis debeo, qui illa omnia vno tempore, mihi reddidistis.

Conclusio. Ergo gratus ero cunctorum vestrorum promeritorum.

Elocutio.

In elocutione, hæc potissimum spectantur, verborum electio, & eorum compositio, ornamenta tum sententiarum, tum verborum, periodi, & numeri.

Verborum electio.

Hic singula verba sunt propria, nitida, visitata, plena sonantia, graua. splendida. Item superlata, in dictione. Immortalibus, item percensere numerando. Iuncta, vt conscripti, immortalibus, incredibile, percensere. Addita ad nomen, vt immortalibus meritis, diuinum genus orationis, fratrem optatissimum, fratri amantissimo parentes charissimos amplissimo consilio, Deorum immortalium. Translatis, vt in cumulate, vbertas ingenij, complecti, arce terrarum, qualia hoc genus, iuxta præceptum Quintiliani, decent.

Compositio.

Oratio est equalis, nullam asperitatem, obscuritatemue habens, plena, neruis & articulis iuncta.

Figuræ.

SI, comparatio, patres conscripti, periphrasis senatorum, in me, partitio, cumulatè, metaphora,

Kk 4

Quæso

Quæso, obsecratio est etiam auxesis. Naturæ potius, ablatio per auxesim. Quæ enim, Aetiologia per interrogationem, anaphoram traductionem, synonymiam, vbertas, metaphora, diuinum, periphrasis eloquentiæ, qui mihi, conglobatio, qui qui, anaphora, membrum, & commutatio, Quæ nil, Gnomi, Quid si, comparatio, vita, incisum & partitio, si, anaphora, cæteris rebus aucti, auxesis, Amplissimo, periphrasis & synonymia, gradu, metaphora, multa, auxesis, singula, antiteta.

Periodi & numeri.

SI patres, Periodus tetracolia circum ducta incipit à cretico habetq; primum membrum longius productum & clauditur dichoreo, Quæ enim, periodicon est sumens initium à Cretico, & desinens in epitritum secundum, Quod si oratio est periodicon, illustrata genere dicendi inuerso. Nam cum primo parentes, Deos populum Romanum, senatum collocet, deinde inuertit à senatu ad populum, ad parentes, Deosq; regreditur. Incipit ab epitrito tertio & clauditur dichoreo, vt cum multa hic est episinapsis, hoc est adiunctio membri ad sententiam absolutam, hoc autem ob conuersum genus dicendi facit, itaque, periodus dicolos inchoata tribracho seruori accommodato, dichoreo clausa.

Propositio orationis.

Quod enim tempus.

Sensus propositionis est, Ego semper memor ero vestrorum beneficiorum, quæ quidem propositio simplex est.

plex est, & absq; diuisione seu partitione, qua non nulla sed cum amplificatione, videtur talis enim in demonstratiuo genere requiritur. Hanc autem periodo dicolos circumduxit, ionico à minori incipiens, prae tertio finiuit.

Confirmatio orationis.

ORdine natura confirmatio sequitur propositionem. Hanc in tres partes distribuemus. Prima igitur parte studium Senatus in sese reuocando commemorabit. 2. Inimicorum quorum peruersitate pulsus erat requiritur suoremq; exponet. 3. Singillatim omnium studia, & consensionem qui eum patria restituerunt, recenset.

Prima pars confirmationis.

METU, Quia alios Clodius timore & metu, & minis, à Cic. salute deterruerat, alios spe, & promissis ad se traduxerat, non multo post, in mense enim April Cic. in exilium profectus erat L. autem Mummius Calendis Iunii de Cic. reuocando ad senatum retulit, quem et si senatus reuocandum decreuerat. Ligus tamen vnus Trib. pleb. intercesserat, Referente L. Referre de re aliqua dicimus, hoc est proponere aliquid in consultationem, L. Mummio, Qui etiam erat Trib. pleb., Cic. amicissimus. Hic discendum est decem fuisse Trib. pleb. Roma qui plebem ab iniuriis magistratus tuebantur. Apud Athenienses Ephori dicti, pestifer annus, Nō quod annus pestifer fuerit sed quod magistratū pestiferum haberet, permilla per, Tribunitia enim potestas eo temeritate & audacia erat progressa

progressa, vt etiam quauis senatus consulta impedi-
ret, sub alieno, hoc est dum subornaret Ligum quene-
dam, ex Tribunorum numero, additamentum inimico-
rum Ciceronis, qui intercesserat, ab his consulibus
Pisone & Gabinio qui tum consulatum inierunt, ven-
diderant, me & Rempub. Clodius enim Pisoni Mace-
doniam, & Gabinio Syriam decreuit, vt tanto licenti-
us insaniret, Fatalem, aduersum & miserabilem, fa-
tum enim, & in bonam & in malam partem accipi-
tur, Tribunos, vt Milonem Sestium & alios Cic. a-
micos, modesti, ironia hoc est, consules auarissimi, qui
salutem meam pro prouinciis sibi decretis vendiderunt
Legum, Tulerat enim Clodius legem idque approban-
tibus consulibus vt cum renixissent à Cicerone inter-
fecti, tum Cicero rediret.

Dispositio huius partis, Qui in illo
ipso tempore.

HÆC pars vno argumento quod tribus enthymemati-
bus confirmabitur, constat, estq; eiusmodi.

Antecedens, Qui illo ipso, statim post meum
discessum vi & ferro interclusi me renocare volui-
istis

Conclusio, Ergo me gratum beneficiorum cogno-
sceris. Hæc non est expresse posita: hoc enim totum ar-
gumentum dependet ab vniuersali propositione.

Antecedens, Qui illo ipso tempore, tribus
rationibus probat. Est autem antecedens argumen-
tetra colia circumductum, incipitque à spondeo & de-
fnit in epitritum tertium.

1. Ratio

1. *Ratio Antecedentis*, posteaquam vobis potestas, Egestis cum Clodio & Consulibus de me reducendo.

Ergo voluistis me reuocare. Estque hic antecedens tetracolia elegantissima circumductum à dichoreo incipit, epitrìto 2. clauditur.

2. *Ratio Antecedentis*, itaque vestro, entimemática. Decreuistis Tribunos qui de me referent: Ergo me voluistis reuocare. estque antecedens quatuor membrorum, in periodo constans, à pæane tertio incipiens, & in epitrìtum secundum desinens.

3. *Ratio Antecedentis*, nam consules modesti consules modestos, legumque metuentes ad me restituendū inuitastis. Ergo me reducere voluistis. Antecedens tetracolia clausit, ab epitrìto tertio incipiens. Deinde dilemmate amplificauit, Quo facto, Est autem eiusmodi dilemma. Tum Cic. redibit, cum necati reuixerint. Si reuixerint, vna mecum Rempub. diripient. Si non reuixerint, Cicero defensor patriæ, exulabit. Estque periodus quinque membrorum, seu periodicon, à Molosso incipit, & finitur Antispasto.

Figura.

Quod enim, interrogatio cum Actiologia, moriatur, metaphora, vi, ferro, articulus, obsessi, metaphora, Referente, descriptio Lucii, pestifer, metonymia, Tribunū, periphrasis Clodii, lacerare, metaphora, deleuit, auxesis, nam consules modesti, Actiologia & ironia, vt si, comparatio, quo facto, dilemma.

Secun-

Secunda pars confirmationis.

Itaque illo ipso anno.

Probat Cic. quinque rationibus Clodij furore & Pi-
sonis, Gabinijque Consulum perversitate, indignissime
se esse eiectum, eorumque improbitatem, leuitatem, in-
temperantiam, & cetera eiusmodi vitia acerbius in-
sectatur.

Primum argumentum.

Antecedens. Itaque illo ipso, Maximis peri-
culis obfessi, cum nefarius Clodianis, de me reuocando
egistis. Conclusio subintelligitur. Ergo gratum me pra-
bebo. Est autem antecedens sex membrorum, seu peri-
odicon, à paene tertio incipit & clauditur dactylo,
princeps autem, Tres interea summi viri in Rep. e-
rant, Marius, Pompeius, & Caesar: Horum tamen
Pompeius princeps putabatur, & ideo magnus, & E-
picretes, hoc est omnia tenens appellatus, praefidio
legum, quas Clodius omnino violauerat, sed parie-
tum, cum enim Pompeius non posset amplius, Clodij
bacchantis furorem perferre Lucio Mummiio referren-
te de reuocando Cic. studiose egisset, mox à Claudianis
initur Consilium de interitu Pompeii, quo patefacto,
inclusus domi tam diu fuit, quam diu Clodius in Tri-
bunatu & alii Consules designati essent, proscriptio-
nis, Proscriptio dicitur, cum aliquid venale publice
scribitur, vel in exilium aliquis mittitur.

2. *Argumentum.* Postea vero quam, Designa-
tis nouis Consulibus, & reliquo magistratu, de mea
salute

salute egistis. Ergo tanti beneficii gratum me reperietis. Estq; hic antecedens partitione, & periodo sex membrorum dilatatum, clauditur Antispasto. Quod postea Cic. amplificat per laudem suam. Quo quidem, & inimicorum odium, estq; iuxta Cic. dicolos. secundum Aristotelem monoc. los, Lentuli, Qui erat Consul de signatus cum Q. Metello, Calendis Ianuarijs, cum Lentulus & Metellus inissent Consulatum magistratum, frequenti Senatu, nihil sibi priusquam de Cice: agendum putarunt, cum prætorum, hoc est Cecilij, & Calidij & aliorum, Tribunorum, hoc est Milonis Sestij, & aliorum, pene omnium, Gabinianus enim & Zoranius, vel Toranius à Clodianis corrupti erant, Ego meam, elegans tetracolia per Antitesim facta, flumine sanguinis, maximam enim cadem Clodiani sub id tempus in vrbe fecerunt.

3. Argumentum. Itaque postea nihil vos, nihil publicum statuistis, quoad ego redirem. Ergo multum vobis debeo, Antecedens tricolo circumductum, Antispasto clausum, Amplificat posthac. Quo quidem, absoluto antecedente Clodianorum improbitatem, vt Senatus magis commendaret beneficium Regibus, multi enim reges, vt Diotarus, vt Ariobarzanes Romanis parebant, curiam, vbi Senatus conuocabatur. Duplex autem curia fuit, vna in qua sacerdotes, diuinas Cerimonias, cultusq; Deorum curabant. Altera vbi Senatus de Rep. rebusq; pop. Romani Consultabant, homines, à Clodio instructi, magistratum, hoc est Miloni Trib. pleb. domum Consul, Lentuli, Tribuni, Lentuli, quem Clodius gladijs &

diis & fragmentis septorum, sustibusq, ita consecra-
rat ut opinionem mortis morte depelleret.

4. Argumentum, Qua strage non nulli, Nulla
vis Clodij à mea salute vos repellere potuit. Ergo vobis
multum debeo Quatuor membrorum est periodus, epitri-
to tertio clausa Antecedens, princeps. Autoritate
& studio Lentuli amplificat. Et huius loci sensus est.
Lentulus designatus & factus Consul causam nostram
egit. Ergo nulla eum vis Clodij repellere potuit. Perio-
dus dicolos dichoræo clausa, Antecedens probat duabus
rationibus. Prima Restitit Tribunis à Clodio corruptis
estq, periodicon membratim extructum. Secunda quia
cum inisset magistratum, primum de me agere cepit,
pedibus iret, hoc est in alicuius sententiam ascende-
ret. Quintilianus loquitur manibus pedibusq, in sen-
tentiam descendere vide Adagium Erasmi, scriben-
do, hoc est legi quam de me tulerat: scribere enim di-
citur legem ferre, sine iudicio, quia sine iudicio ne-
mo civium in exilium poterat ire. Quia iuxta leges duo-
decim tabularum, de capite civis rogari non licuit, nisi
comitiis centuriatis.

5. Argumentum, Dij immortales, Si Lētulus & Me-
tellus Consules superiori anno inissent consulatum, num
quā tantas calamitates pertulissem. Sed Piso & Gabi-
nius sceleratissimi cōsules Remp. administrarūt. Ergo
in exilium actus eram. Propositionem probat breui ex-
positione seu ergasia, rationem & auctoritatem addu-
cens, dum dicit, nec, quam amplificat. Cuius sen-
sus est. Nunquam in exilium actus essem. Estq, di-
colos periodus. Auctoritas vero est & sententia Catuli
Cuius

Cuius sensus est. Catulus mihi dicere solebat. Si unus Consul pessimus, alter autem integer, nihil mihi metuendum esset: sed si uterq; improbus, extremum mihi impendere malum. Obserua tractationem sententiae ab Auctoritate tribus partibus absolui. Primum laude Catuli. Secundo, Expositione eius dicti. Tercio, Sententia oratoris. Assumptum argumenti probat primo in communi, postea in speciali.

Reprehenso tum Gabinij. Qui Ciceronem ad singula ferenda animo forti, impellabat: tum Pisonis qui Tribuni furori vt cederet hortabatur.

Propositio. Piso & Gabinius sceleratissimi Consules Rempublicam administrarunt quam probat 4. rationibus.

1. Ratio. Quorum mentes. ab ingenio seu bonis animi, quia mentes eorum angustae, humiles, praeterea, pro dignitate tantum magistratum in quo erant, gerere non poterant.

2. Ratio. Non consules, à factis quia erant mercatores prouinciarum, venditoresq; libertatis vestrae.

3. Ratio. Quorum alter, quia hostes Reipublicae desiderabant. Ergo erant pessimi. Nota Catilinam in Remp. cum Cethego Lentulo & alijs conspirasse; Lege in vita Cic. & Salustium de coniuratione Catilinaria.

4. Ratio. Qui me duo, quia me deseruerunt in causa publica.

Specialis reprehensio Gabinij.

Reprehendit primo priuatum Gabinium idq; duobus argu-

bus argumentis, postea in magistratu, idq; sex argumentis.

1. Argumentum, Quis enim, Primo etatis tempore luxuriose & turpissime vixit. Ergo erat nequissimus consul. Estq; hic antecedens pneumate per conglotationem amplificatum.

2. Argumentū. Qui cum suam, Patrimonium p̄didit profusissime. Ergo est nequissimus Consul, nisi in arā, hoc est nisi tribunus factus esset. Arā appellat Tribunal, quia hic magistratus sanctissimus erat. Rogationem, hoc est nisi legem de Piratis extirpandis, cum esset Tribunus. Hinc lex Gabinia, id est, piratica est appellata. Vide orationem pro lege Manilia.

3. Argumentum, Quo inspectante, Illo praesente leges sanctissimae per Clodium violatae sunt. Ergo ille est pessimus. Pacto enim fadere provinciarum cum Clodio, productis consulibus in circum Flamminium ibidem legem tulit, Clodius, ne auspicia valerent, ne quis legi intercederet, ut omnibus diebus festis, legem ferri liceret, utque lex Fusia & Helia non valerent, obnunciare, obnunciatio est Auguris significatio de periculo imminente, quo die cum populo nihil agi licuit, quod remedium erat contra leges peruersas, nec lege, hoc est, nec legem statutam labefactare, Helia & Fusia, quae leges dabant obnunciationem contra perniciosas leges. Si quis per eos dies quibus cum populo agi licebat, de calo seruasset. Clodius ergo statuerat, ne quis praedictis diebus de calo seruaret.

4. Argumentum, idemque postea, contempsit innumerabiles honestissimosque ciues & adolescentes Romanos

Romanos pro me supplicantes. Ergo erat pessimus consul, sordidata, omnis enim fere equester ordo, vestitu commutato, pro Cicerone Gabinium orabat, Adolescentes, viginti prope milium teste Plutarcho, lenonis, qui scortorum prostitutione questum faciebat, cincinnatus, intorto capillo calamistris, vel quasi Crissus, Ganeo, hoc est, qui Ganeas frequentat.

5. Argumentum, neque contentus, in contione dixit equites Romanos, daturos illius diei pands, quo me consule in capitolio Catilinam oppresserunt. Ergo erat improbissimus. Estque hic antecedens tetracolia circumductum, pæne tertio clausum, in contione, populo conuocato orationem fecit, eius vir, quem ille reuiscere desiderabat, cliuique equites enim in capitolio contra Catilinam armati erant.

6. Argumentum, L. vero Lamiam, Lucium Lamiam innocentem vrbe eiecit. Ergo erat pessimus. Antecedens periodico dilatauit.

7. Argumentum, & cum vos vestem, Tyrannidem exercuit vestrum dolorem irridendo, hostemq; publicum prohibendo. Ergo erat pessimus cinis, cum toga, Toga vestis erat principum, magistratumq; oblonga, purpura prætecta. Erant togatorum diuersa genera. ut candida tota erat competitorum, palmata triumphantis, toga picta summi magistratus, toga pulla, qua in funeribus vsi sunt, toga alba in spectaculis vel ludis. Ad summam, toga erat Romanorum omnium vestis communis Lege Alexandrum lib. 5. de genialibus cap. 18. prætores, qui primum duo creati, ad nume-

rum sedecimum aucti erāt. Eorum erat officiū, iudiciā exercere, post etiam annonam & rem frumentariā curare, Aediles, quorum munus erat, urbem, annonam, ludos, res sacras procurare, Tyrannos, Tyrānos Plato & Aristoteles eos appellat, qui rem pub. ad suā, non ad eorum qui illis se cōmiserunt utilitatem administrāt.

8. Argumentum, cum vero in circo, plenus vini & somni in contione reip. Catilinarios interfectos doluit. Ergo fuit improbissimus ciuis. Hic est Antecedens Hypotiposi figuratum periodo quinque membrorum constans ditrochæo clausa. Hoc absoluta argumentum, claudit per exuscitationem, ubi nobis, Gabiniū vituperia. & aditum ad Pisonis vitia perstringenda parat, circo, circo est spatium figura circuli, in quo ludi populo Romano exhibebantur. fuerant autem tres circi. Circus Maximus, circus Flamminius & circus Neronis, auctoritate, ficta & simulata processit, capillo composito, Nimius enim cultus capitis, exosus fuit apud antiquos, ut Galeni imperatoris, qui auri scobem crinibus aspererat, in Lustris. Iustrum duo significat, Primo quinquennale spatium, quod Græci olympiadem appellabant. 2. Ganeam seu popinam, calamistrati, calamister dicitur, acus quedam, qua calefacta capilli intorquentur, & crispantur. Ergo calamistratus dicitur capillo intorto, saltatoris, saltare Romæ turpissimum erat. vnde Deiotaro seni in iudicio obiectum est. Est enim saltatio luxuriæ umbra, ut enim umbra ibi esse non potest, nisi ubi sit corpus, ita saltatio esse non potest, nisi ubi sit luxuria. vnde Cic. pro Muræna Nemo ferè saltat sobrius, nisi forte

forte insanit. Duplex autem saltationis genus Cic. 3. in oratore fuisse dicit. Histrionica, quæ infamis erat. Altera virilis in palestra, propter arma bene tractanda, & hac publicè exercebatur:

Specialis reprehensio Pisonis,
Nam ille alter.

Hæcque Gabinij vitam flagitiosissimam, oratione sua damnavit. Nunc alterius consulis, Pisonis scilicet, vitam, mores, & studia multis flagitijs contaminata acrius perstringit. Sit ergo Propositio.

PISO ERAT PESSIMVS CONSVL
hanc probat sex argumentis.

1. *Argumentum.* Nam ille, In omni ætate turpiter vixit. Ergo erat pessimus consul estque trimembris periodus, diambo clausa, Cælonius, hic erat suvacissimus Pisonis matris pater. Est igitur a parentibus vituperium, Rei militaris, Romani enim iuventutem primum artibus ingenuis, hoc est Hetruscis, & Græcis literis, deinde in palestra & musicis instituebant.

2. *Argumentum,* Quem præteriens, Moribus erat seditissimis. Ergo improbissimus erat Antecedens hypotiposi illustravit, periodoque tricolos circumduxit, paane tertio clausa.

3. *Argumentum,* cum hoc homine, à colore & figura Pisonis. Teterrimus est. Ergo est improbus periodus est tricolos, tribracho clausa, Ripite, stulto &

inepto, Æthiope, sordido, alibi truncum appellat, Abreptum, Qui modo transfugisset ex numero venalium.

4. *Argumentum, Idem domi, Priuatim luxurio se vixit. Ergo erat sceleratissimus. Estque oratio peridicon membratim facta, pleudothyro, hoc est falsaianna, vel postico: hoc est clam voluptates exercebat.*

5. *Argumentum, cum vero etiam, vsus est præceptoribus Epicureis. Ergo erat fadissimus. Antecedens, habet autem, Amplificat per contentionem, estque tetracolia molosso clausa. Postea repetit. Antecedens cum dicit, his vtitur, & verbis acrioribus exaggerat. Estque membratim facta oratio.*

6. *Argumentum, Horum ille artibus, Artibus præceptorum grauissimorum, & simulata grauitate vos decepit. Ergo erat improbissimus. Antecedens duabus periodis confecit, prima tribus membris absoluitur: altera vno membro parentesi dilatata est, Pisonum, Quorum erat familia nobilissima ex qua hic ortus est, cognatio, mater enim Pisonum ex gallia erat oriunda, Transalpini, Transalpinos appellabant Romani, omnes trans alpes montes constitutos, vt gallos, celtas, Rugis, grauitate ficta. cani enim & rugæ, cum honesta vita coniuncta, grauitatem summam comparant, vide Cic. de senectute, supercilio, hoc est fastu & superbia. Supercilia enim superbiam habent. Inde deflecta, austeros, inflexa irrisores, demissa maleuolos, porrecta molles arguunt. Hinc Adagium, Attollere supercilia.*

coniunctim

Coniunctim Gabinium & Pisonem
insecatur, *Luci Piso.*

Hucusq; seiunctim Gabinij & Pisonis nefarios mo-
res insecutus est. Nunc coniunctim eos insecutabi-
tur per superiorum Argumentorum acrem & vehe-
mentissimam frequentationem, & expolitionem.

1. Argumentum, L. Piso, Piso & Gabinus fadis-
simi consules me exilio multarunt, consulatum con-
taminarunt, senatum oppresserunt, populum Roma-
num contempserunt. Ergo erant improbissimi, Ante-
cedens apostrophi & interrogatione illustratum. Estq;
hic periodicon & affectata oratio.

2. Argumentum, Capuæ, Piso tu senatoriam di-
gnitatem oppressisti. Ergo eras improbus. Antecedens
comparatione tractat, & tetracolia circumducit ioni-
coque maiore clausit. Notabis autem Capuam Campa-
niæ urbem nobilissimam & delicatissimam inter ma-
ximas, Romam & Carthaginē esse numeratam, in qua
luxuries Annibalem, Roma victorem vicit. Hanc Cic.
domicilium superbiæ, sedemque luxuriæ vocat. Et me-
rito, in toto enim orbe terrarum pulcherrima est regio,
nihil mollius calo illo, denique his floribus vernat. vide
florum lib. 1. cap. 16. Et Plinium lib. 7. cap. 5.

3. Argumentum, Tu es ausus, Crudelis eras in
me eiciendo. Ergo & improbus. Antecedens partiti-
one amplificat, probans eum fuisse crudelem. Estque pe-
riodus dicolos dichoreo clausa. Quod autē fuerit crude-
lis in eiciendo Cicerone, hoc probat tribus rationi-
bus.

Prima ratio, Tu misericors, Inimicis me tradidisti. Ergo eras crudelissimus. Antecedens est periodicon, & fusum, vehementi & acri oratione contextum.

2. Ratio, Tu meum generum, Tu meum affinem filiamq; meam contempsisti. Ergo crudelis eras.

*3. Ratio, Idemque tu, Tu bona domumq; meam eodem puncto temporis, quo ego vrbe discessi diripuisti. Ergo eras crudelissimus eadem oratio est patetika, & vehemens. Antecedens huius rationis, nondum patet factum, amplificat direptione bonorum suorum per partitionem, à genibus, mos erat antiquus supplicanti-
bus, ad genua se se abicere: quia in genibus numen & sedem misericordia in esse putabant, ictu, exilio. Est autem ictus percussio à verbo ico, vna hora, eadem enim nocte, qua Cic. media urbem reliquit, propter Clodii suorem, ut dicit pro Sestio, consules Ciceronis bona diripuerunt, saltim, ut simul cessarent lacrima ciuium de me suscepta, Arbitria, præmia vobis soluerentur à Clodio, quod me neci destinastis. Ita enim ait in Pisonem. Eodem loci vestigio & temporis, non mei solum, sed patriæ funeris arbitria abstulisti, hoc est. Et me & Rempub. Clodio vendidisti. Arbitrium igitur aliquando, pro nostra voluntate, & sententia: aliquando idque in plurali, pro præmio usurpatur, domus mea, domus Ciceronis, antea Crassi erat in monte palatio, quam Cic. centum & quinquaginta millibus aureorum emerat. teste Salustio in oratione contra Cicer. & Aulo Gellio cap. 12. lib. 12. Ardebat, non casu aliquo, sed ignibus iniectis insligante te, & ardentes facies te ministrant.*

ministrante, ad vicinum, ad te, palatio, mons Romæ
 ubi domus erat Cic. Tusculano, Tusculanum erat
 Cic. villa, in agro Tusculano adificata, cum iisdem,
 vestris auxiliis, gladiatore, Clodio Gladiatores autē
 dicebantur, qui venalem sanguinem habebant, & in
 ludis funebralibus digladiabantur. Inde gladiator pro
 ficario & pernicioso, vacuo foro, Quia omnes prope
 Clodij furorem extimescebant, Ærarium, ararium,
 dicebatur locus ubi publica pecunia asservabatur. Er
 rat autem apud Romanos ararium in templo Satur
 ni ut ait Plutarchus in problematibus, à Publicola ex
 tructum, qui locus erat munitus, & aditu difficili. Ibi
 & leges, & tabula publica, & senatusconsulta repone
 bantur. Et hoc erat duplex. Alterum sanctius, vel
 quod ibi pecunia ad extremos casus Reipub. servaba
 tur: vel quod libris Sibyllinis illud violare, nisi contra
 Gallos, erat vetitum. Quod tamen Cæsar expilarat:
 Alterum militare ubi prompta pecunia stipendiis sus
 ficeret.

Tertia pars confirmationis.

Horum Consulium.

Hac parte Confirmationis singulatim omnium Senato
 rum, prætorum, tribunorum, totiusq; Italia studia, in
 sese reuocando per partitionem exponet. Sit igitur tale
 Enthimema.

Antecedens, Consules, Tribuni, & prætores,
 & vniversus populus me reuocauit. Estq; partitione di
 latatum periodo monocolos.

Conclusio. Ergo gratum me tanti beneficii præstabo.

Antecedens enumeratione probabit, & amplificabit. Ac primum quidem Tribunos, post pratores, deinceps Consules & Senatum, postremo populum Romanum in sua causa laborantem oratione celebrabit.

Celebrat officia Tribunorum quatuor rationibus.

1. Ratio. Quid ego. Milo factus Tribunus, Clodii audaciam compressit, meq; restituit. Ergo gratus ero. Estq; hic antecedens periodica oratione contextum & fufum. T. Annio, Qui erat Trib. pleb. & Lamnio Municipio, familiaq; Papia ortus, quem Cic. quod occidisset Clodium defendebat. Qui cum videret. Expositione amplificat Antecedens. Si legibus. voluit enim Milo Clodium legum laqueis constringere. Sed quia Consul & Tribunus vetuit legem cum Clodio agere. vim vi, Milo necessario repellendam putavit. Vide orationem de Aurusticum responsis, Qui docuit. Nota copiam Ciceronis, quasi dicat Omnia virtute Milo defendit. Qui primus. Epistola pps hoc est adiunctio quaedam sententia, Ciceroni familiaris.

2. Ratio. Quam rationem. Publius Sextilius pro mea vita Clodio sese opposuit & populo me commendavit, restituitq;. Ergo Tribuni me restituerunt. Estq; Antecedens monocolos incisis dilatatum, Amplificat post hac antecedens. Qui causam Senatus. expositione, estq; tricolos periodus Antistasto clausa. Postea idem Antecedens amplificat per collationem dum dicit, qui me, cuius sensus est. Strenue me defendit, estq;

estq; dicolos periodus. Qua absoluta adhuc amplificat Sestij studia periodo dicolos dum dicit, cuius ego, lo-
ci sensus est. Omni studio me tuebatur, Sestius, Tribu-
nus plebis pro quo orationem fecit Cic. impetus, A
Clodianis enim maximis vulneribus erat affectus, Ex-
agitatū, Senatus enim 7. Calendis Februarii de reuo-
cando Cicerone agere cœpit, sed vi Clodianorum impe-
ditum erat negotium illud, iuxta ac si, ut enim fra-
ter Ciceronis vulneratus à Clodianis esset in Rostris,
ita & Sestius gravissimis vulneribus erat sauciatus.

3. Ratio. Iam cæterorum. Sestius & Cissius
Tribuni plebis obliui offensionis, me reuocarunt. Ergo
Tribunorum studio sum reuocatus. Estq; membratum
facta oratio & in exitu periodo tanquam Crepidine su-
stentatur.

4. Ratio. Iam T. Fadius, in qua omnibus Tri-
bunis per inductionem gratias agit cuius est talis dispo-
sitio. Omnes alii me reuocare laborarunt.

Ergo omnibus gratias ago, Antecedens inductio-
ne probat, Fabricius, Qui cū ante lucem, templum
ubi Senatus convenire statuebat, occupasset: à Clodia
nis est pulsus. Sit igitur sensus. Fabricius voluit me re-
uocare: sed non potuit.

Celebrat officia Prætorum. Iam verò.

Hucusq; Tribunorum virtutem & studium expo-
sūt, nunc prætorum diligentiam commemorabit,
quod vno enthimemate per partitionem faciet estq; te-
tracolia.

Antecedens, Cū L. Cæcilius, Prætores me
reuocarunt,

Conclusio. Quæ cum. Ergo gratus ero tanti beneficij, estq; dicolos. Conclusionem hanc Cic. contentione figurauit. Antecedens probat per frequentem Prætorum enumerationem. Nota quomodo Cic. post frequentē, & Tribunorum & Prætorum enumerationem cōmodissimè præteritione figurauit orationē dum dicit, Nō est mei, oratoris enim est, vt orationē nō formare, ita sententijs & voce distinguere & variare: sensus autem est. Omnibus satisfacere contendam. Hunc sensum partitione dilatat. Estq; duplex periodus, prima dicolos, altera sex membrorum, seu periodicon.

Celebrat officia Consulum. Quod si mihi.

Prætorum absoluta, Consulum deinceps studia, at officia sublimiori oratione extollit. Sit igitur tale Enthimema.

Lentulus & Metellus Consules, me patria restituerunt.

Ergo gratus ero tanti beneficij.

Antecedens duplici ratione probat. & primo Lentuli diligentiam, & fidem: Secundo loco Metelli voluntatem commemorat. Conclusionem Enthimematis primo loco ponit, quam Antecedens subsequitur. Hic observa apud Cic. variam argumentationis formam, Sensus autem est huius loci. Non possum meritam gratiam vobis persolvere. Estq; elegantissima tetracolia, dichoreo clausa.

Probatio primæ partis Antecedentis.

Quod si mihi.

Lentulus.

Lentulus me, primus, summo studio, ac tota Italia conuocata reuocauit. Ergo gratus ero. Antecedens satis copiose primum per expolitionem. Quid enim, dilatatum. cuius sensus est. Vniuersam Italiam ad me restituendam inuitauit. Ergo idem me reduxit. Estq; hinc tetracolia. Deinde per apostrophem & fictionem amplificatum, ut qua voce, cuius loci sensus est. Qua voce Consul, Romule, post conditam à te Romam, ciues ad defendendam Rempub. incitaret: eadem. voce Senatus Italiam ad me restituendum inuitauit. Estq; dicolos periodus. Hoc absoluto Antecedente exaggerat senatus & Consulis coniuncta studia dum dicit, Quid ego gloriosius, cuius loci sensus est. Lentulus in Senatu omnes ad me restituendum incitauit. Estq; tetracolia. Conclusio. Itaque. Ergo Consul & Senatus me reduxit. Estq; tricolos. Amplificat tandem Lentulus diligentiam. Idemq; Consul. Senatum in Capitolium conuocauit. Ergo ille me restituit. Hinc obserua quomodo Cicero conclusionem enthymematis, interposuit Amplificationi, estq; tetracolia.

Probatio secunda partis Antecedentis. Nam Q. Metellus. Q. Metellus Consul depositis inimicis Seruili oratione excitatus defensor mea salutis fuit, estq; monocolos. Ergo me reuocauit. Antecedens Amplificatione dilatauit orationis Seruili praestantissimi ciuis. Quo in loco obseruabis quomodo hanc sententiam tractat. Primo laude Seruili eiusq; oratione, deinde expositione eius orationis & cōparatione, estq; tetracolia cūta, incisus pluribus dilatata. Concludit tandem
hanc

hanc partem per repetitionem Antecedentis, itaque fuit is, sensus est Metellus me restituit, fratrem, Metellum, qui volens exulabat. Saturninus enim Trib. pleb. rulerat legem Agrariam, in quam cum vniversus Senatus iurasset, vnus Metellus iurare noluit, statimq; Rhodum in exilium profectus est, ne causam malorum contentionum praberet. vide Plutarchum in vita Marci. Ex Acherunte, ex inferno. Acheron enim est fluvius infernalis. Numidicum, Qui de rege Numidia Iuguria triumphauit. Fuerunt & alij Metelli, vt Macedonicus, Barbarius, Crencus, Dalmaticus, & alij. Ascriptor. Adiutor dignitatis meae: ascriptor enim dicitur, qui alicuius acta approbat.

Celebrat Senatus studia. Quo quidem die.

Senatus studia erga se tribus argumentis commemorat.

1. Argumentum. Antecedens, Quo quidem die. vos Senatores duce L. Titulo me reuocastis, estq; tricolos. Conclusio. Ergo gratus ero vestri beneficij. Antecedens dilatat expositione per partitionem. Primo quomodo Senatus vniversus in Capitolium conuenit, deinde quomodo Clodio restitit, & Lentuli sententiam de Cic. approbauit. Estq; periodus tricolos. Secundo amplificat hoc ipsum Antecedens periodo tricolos dum dicit. Atque illa, hoc ipsum & tertio facit, periodo quoq; tricolos, dum dicit. Quo quidem die, nota Ciceronem dicere conuenisse CCCCX. Senatores, cum ante nos dixeramus, trecentos tantum modo fuisse Senatores; contraria ergo hac esse videntur, sed sciendum est quod cum ipso

cum ipso tempore nunc excrefcebat, nunc din inuebatur numerus Senatorum. Primum enim à Romulo centum erant creati, postea ab alijs ducenti, & vsq; ad trecentos excreuerant. Ad extremum à Iulio Casare mille erant lecti, progressu deinde temporis Augusto Octauio imperante ex illis mille, trecenti iterum facti, vocem acerbam, Nemo Clodianorum intercedere ausus est.

2. *Argumentum.* Ad hæc non modo. vos prohibuistis intercessionem reuersionis meæ. Ergo vos me reduxistis. Estq; periodicon, adhæc, nota particulas, quibus optime connectuntur argumenta, & Narrationes & periodi, ornamenta, cum mea opera Rempub. à Catilinario tumultu conseruatam fuisse dixissetis.

3. *Argumentum.* Quid vt ad illam, vos egestis populo gratias, qui me ad restituendum conueni. at. Ergo me reduxistis Antecedens membratim tractat. Hoc absoluto argumento Lentuli consulis adiungit laudes, Quid denique, estque eiusmodi argumentum. Lentulus me comitiis centuriatis, cum summo honore meo, restituit. Ergo tanti beneficii gratus ero. estque oratio periodica, comitiis centuriatis, comitia erant triplicia. Calata, in quibus de collegio sacerdotum tantum à decem septem tribubus agebatur. Curiata, in quibus de exercitu, de legibus, legatis, prouincijs, rebusq; militaribus, ab optimo & vilissimo quoq; pari conditione inibatur suffragium. Centuriata, quibus praecepti magistratus, vt pote Consules, Tribuni, praetores, per classes seu centurias, creabantur. Populus enim
vniuersus;

vniversus, in centum turmas diuidebatur, & ex singulis vnus qui nobilior & granior esset suffragium ferebat. Vnde hac comitia grauiora ob delectum populi dicebantur, vt curiata ob plebis confusionem.

Celebrat populi studium,

Quo die.

Recenset populi studium in se restituendo, cuius loci sensus est. Vniuersus populus me reuocauit. Ergo gratus ero. Estque Antecedens copia & membris dilatatum.

Conclusio confirmationis,

Itaque P. Lentuli.

Concludit ferè omnia, quæ permixtè tractauit argumenta. Primo repetens Lentuli officia dum dicit, itaque P. Lentuli, cuius loci sensus est. Ergo Lentuli studio sum reuocatus. Secundo agens gratias Pompeio, possum ego, sensus est. Pompeius summo studio ac diligentia de me restituendo laborauit. Ergo gratus ero. Antecedens partitione insigni, & oratione pneumatica dilatauit. Tertio, quibus autem, Tribunorum plebis iterum studia repetit. Primo Milonis cum dicit, quibus autem, Sensus est. Milo me fortiter defendit. Ergo gratus ero. Antecedenti conclusionem præponit, estque membratim facta oratio. Postea P. Sestius quid de P. Sestio, Sestius suum studium vulneribus mihi ostendit. Ergo gratus ero. Quarto, vobis vero. Senatui gratias agit. Sensus est. Non possum vobis dignas gratias

gnas gratias agere. ubi primo suum animum gratum beneficiorum, summaque studia senatorum recenset. Secundo, quauquam, viitur occupatione, cuius sensus est. Iustum esset vobis nominatim agere gratias, sed difficile id prestare possum. Estque periodus tricolos. Tandem, nam difficile, Aetiologia occupationem soluit.

Epilogus orationis.

Hanc orationis partem, enumeratione acceptorum beneficiorum, & amplificatione pollicitationis absoluit. Sensus eius est. Gratum me vobis omnibus, quorum studio & opera patria restitutus sum, prestabo; Sed hunc sensum, & sententiis & verbis amplificauit.

Prima pars epilogi, scilicet enumeratio acceptorum beneficiorum.

Propositio. Ego vobis summas gratias, vosq; pro dijs colere debeo. Estq; periodus monocolos. Hanc propositionem elegantissima Comparatione, quae constat periodo duorum membrorum pæane tertio clausa, figurauit, cum Deos cum Senatu confert. Obseruabis hic Comparationem duabus partibus tractatam propositione scilicet & applicatione.

Ratio propositionis per enumerationem beneficiorum dum dicit, hodierno autem, quæ constat partibus septem.

In prima parte Senatus & Pompei recenset beneficia, hodierno autem, sensus est. Senatui & populo obligatus ero. Hunc sensum Aetiologis dilatat, & periodice

periodico circumducit, dum dicit, Qui pro salute, Postea comparatione amplificat studia Senatorum, Nostra memoria, Sensus est. Vos in vestris periculis nunquam vti in mea calamitate luxistis: estq; tricolos periodus.

In Secunda parte. Quibus ergo, Gabinij & Pisonis Consulum improbitatem recenset. Estq; sententia. Nolebam cum illis vi decertare: estq; tricolos ionico minore clausa. Primo autem Gabinij nequitiam commemorat, dixerat, estq; membratim facta oratio. Secundo, alter Consul, Pisonis improbitatem recenset.

In tertia parte. Erat alius, Casarem leniter perstringit qui tectus erat Ciceronis inimicus: Clodius enim clamabat, ea quæ faciebat contra Ciceronem, se facere auctoribus Pompeio, Crasso, & Casare.

In quarta parte. Duæ partes esse, commemorat quorundã civium in se retinendo timiditatem, idq; per divisionem, stringitur sensus siue sententia. Alij ciues vt manerem deposcebant, alij timidius defendebant. Hoc autem propterea adiecit, vt Consulum improbitatem, & Senatus studium planius explicaret: estq; periodus dicolos. Assumit tandem. Qui autem, primam partem divisionis, altera neglecta, qua timidius in se defendendo egisse dicit. Estq; tricolos periodus.

In quinta parte. Quare cum, confert suam in exulando prudentiã cum temeritate inimicorum. estq; sensus. Potui resistere inimicis, sed nolui, malui enim Reip. & ciuibus, quam mea salutis servire. hunc sensum conglobatione amplificat, estq; oratio periodica. Quod autem maluisset Reipub. & ciuibus servire probat tribus

bat tribus rationibus. Prima ratio est per dilemma, sed videbam, si vicissem Clodium multi adhuc essent vincendi. Si victus essem, & ego, & multi boni ciues mecum concidissent. Secunda ratio, nolui cum consul, ne scilicet Rempublicam & ciues in periculum conicerem. Estque dicolos periodus. Tertia, quod si, quia sperabam me cito reuersurum. Estque syllogismus propositione & assumptione constans, & periodus dicolos.

In sexta parte. Neque ego, Laudes suas Cicerone extollit ut magis sibi deuincat senatum. Sensus est. Me absente omnia absuerunt, me redeunte omnia sunt restituta. Hunc sensum partitione amplificat, estque dicolos postea membratim facta oratio. Nota cum Cicero in exilium actus esset, maximam tum fuisse caritatem annonam.

In septima parte. Cuius mei, Plancij Quaestoris in suo exilio praestitam beneuolentiam commemorat, a quo dicit se sustentatum fuisse, quo nomine, se illi multum debere confitetur. Estque tricolos periodus figurata comparatione.

Secunda pars Epilogi, Remuneratio.

Quapropter.

IN hac parte memoriam sempiternam tanti beneficii se retenturum pollicetur: sensus est. Gratum me & Reip. & vobis prestabo. Hunc sensum quatuor causis & comparationibus, per exemplorum congeriem amplificabit, estque dicolos periodus.

1. causa est, per comparationem, Et enim, Si an-

tea defendebam, nunc multo magis. Estq; hic tantum
propositio comparationis, sine applicatione.

2. causa est, Nam quid, Quia haec, quam perpeffus
sum calamitas, non debilitauit animum meum. Hanc
causam duabus approbationibus confirmat & amplifi-
cat, Estq; dicolos: Prima approbatio, cuius ipsum,
Quia calamitas non mei delicti, sed beneficiorum testis.
est. Secunda approbatio, Nam & importata, Quia
iniquè ab hostibus mihi irrogata, & à me sponte suscepta
est, estq; dicolos.

3. causa est, pro me, Quia vos me vno fratre &
Pisone genero deprecante, non vt alios multos magistra-
tibus exorantibus studiosissimè restituisistis. Estq; perio-
dus quinq; membrorum seu periodicon. Estq; simplex
& breuis collocatio exemplorum, qua comparatione fi-
gurauit, dum dicit, sed vnus frater. Estq; monocolos
incisim tractata. Hac causa absoluta fratris pietatem
erga se extollit dum dicit, Qui cum. estq; tricolos.

4. causa est, Alter fugit propugnator. Pisone ge-
nero pro me deprecante restitutus sum. Ergo gratus ero
Hunc sensum Laude Pisonis, incisissq; dilatauit.

His absolutis quatuor causis, viitur comparati-
one superiorum exemplorum, dum dicit, Nil vnquā
cuius loci sensus est. Popilius, & Metellus, vi & armis
sunt restituti: Ego autem consensu magistratus, estq;
periodicon. Hic Popilius cum Prator esset, Tiberij Grac-
chi amicos in exilium pepulerat. Quam ob causam
cum C. Gracchus contra eum legem tulisset, vt si quis
in magistratu constitutus ciuem Romanum sine iudicio
necasset, in eum animaduerneretur fugam sibi cōsultit.

Pro co

Pro eo igitur amici deprecati sunt. Vide orationem ad Quirites, & Plutarchum in Gracchorum vita. Metellus vero de Iugurtha Numidia rege triumphauit, postea ob Gracchianas leges exilium voluntarium suscepit. Vide Appianum lib. 1. de bello ciuili, Consulares, dicebantur qui aliquando Consules fuerunt, iterumque esse poterant. Item, Nam C, quidem, Marius vi & armis seipsum reuocauit. Ego autem studio Senatus. Igitur gratus ero: fuit autem Marius Arpinas, humili loco natus, septies tamen Roma consul. Eius hac erat exilij causa. Cum Sylla consul Asia provinciam cum Mithridatico bello sortitus fuit, Marius per Sulpicium Tribunum plebis, ut illi iam vrbe oppressa sufficeretur, effecit: putabat enim illud bellum plus lucri, quam difficultatis habiturum. Qua quidem re Sylla commotus, exercitu ad urbem admoto Marium cum suo exercitu vrbe expulit vide Plutarchum in vita Marij & Appianum lib. 1. Illi igitur, Nulla de ijs, non consensione Reip. reuocati sunt.

Claudit ultimo orationem per frequentationem superiorum, nempe per breuem enumerationem eorum quorum studio, opera, & consensu fuerit ab exilio restitutus. Estque periodus vel potius periodicon, constans protasi, & apodosi. In protasi colligit beneficia, in apodosi promittit suum studium rationemque subiungit.

M. C. CICERONIS
IN M. ANTONIVM
PHILIPPICA.

N O N A.



ELLEM dij immortales fecissent. P. C. vt viuo potius Ser Sulpicio gratias ageremus, quam mortuo honores quæreremus. Nec vero dubito, quin si ille vir renunciare legationem potuisset, reditus eius & nobis gratus fuerit, & Reip. salutaris futurus: non quod L. Philippo, & L. Pisoni aut studium, aut cura defuerit in tanto officio, tantoque munere: sed cum Ser. Sulpicius ætate illos anteiret, sapientia omneis, subito creptus totam legationem orbam, & debilitatam reliquit. Quod si cuiquam iustus honos habitus est in morte legato, in nullo iustior, quam in Ser. Sulpicio, reperietur. Cæteri, qui in legatione mortem obierunt, ad incertum vitæ periculum, sine vlllo mortis metu profecti sunt: Ser Sulpicius cum aliqua perueniendi ad M. Antonium spe profectus est, nulla reuertendi. qui cum ita affectus esset, vt, si ad grauem valetudinem labor viæ accessisset, sibi ipsi diffideret: non recusauit, quo minus vel in extremo spiritu, si quam opem Reip. ferre posset, exspectaretur. Itaque non illum vis hyemis, non niues, non longitudo itineris, non asperitas viarum, non

non morbus ingrauescens retardauit: cumque iam ad congressum, colloquiumque eius peruenisset, ad quem erat missus: in ipsa cura, & meditatione obeundi sui muneris excessit è vita. Ut igitur alia, sic hoc, Panfa, præclare, quod nos ad ornandum Ser. Sulpicium cohortatus es, & ipse multa copiose de illius laude dixisti. quibus à te dictis, nihil præter sententiam dicerem, nisi P. Seruilio respondendum putarem, qui hunc honorem statuae nemini tribuendum censuit, nisi qui ferro esset interfectus. Ego autem, P. C. sic interpretor sensisse maiores nostros, ut causam mortis censuerint, non genus esse querendum. Etenim cui legatio ipsa morti fuisset, eius monumētum exstare voluerunt, ut in bellis periculosis obierent homines legationis munus audacius. Non igitur exempla maiorum querenda, sed consilium est eorum, à quo ipsa exempla nata sunt, explicandum. Lartēs Tolumnius, rex Veientum, quatuor legatos populi R. Fidenis interemit, quorum statuae in Rostris steterunt usque ad nostram memoriam Iustus honos. ijs enim maiores nostri, qui ob Remp. mortem obierant, pro breui vita diuturnam memoriam reddiderunt. Cn. Octauij, clari, & magni viri: qui primus in eam familiam, quæ postea viris fortissimis floruit, attulit consultum, statuam videmus in Rostris. Nemo enim tum nouitati inuidebat: nemo virtutem non honorabat. At ea fuit legatio Octauij

in qua periculi suspicio non subesset. Nam, cum
esset missus à Senatu ad animos regū perspicien-
dos, liberorumque populorum, maximeque,
vt nepotē Antiochi regis, eius, qui cum maiori-
bus nostris bellum gesserat, classeis habere, ele-
phantos alere prohiberet: Laodiceæ, in gymna-
sio à quodam Leptine est interfectus. Reddita
ei tum à maioribus statua pro vita: quæ multos
per annos progeniem eius honestaret, nunc ad
tantæ familiæ memoriam sola restaret. Atqui
& huic, & Tullo Cluio, & L. Roscio & Sp.
Antio, & C. Fulcinio, qui à Veientium rege
cæsi sunt, non sanguis, qui profusus est in mor-
te, sed ipsa mors ob Remp. obita, honori fuit
itaque, P. C. si Ser Sulpicio casus mortem at-
tulisset, dolerem quidem tanto Reip: vulnere:
mortem verò eius non monumentis, sed lu&u
publico esse honorandam putarem. Nunc au-
tem quis dubitat, quin ei vitam abstulerit ipsa
legatio? secum enim ille mortem extulit: quàm,
si nobiscum remansisset, sua cura, optimi filij,
fidelissimæque coniugis diligentia, vitare potu-
isset. At ille, cum videret, si vestræ auctoritati
non paruisset, dissimilem se futurum sui: si pa-
ruisset, munus sibi illud pro Rep. susceptum,
vitæ finem allaturum: maluit in maximo Reip
discrimine mori, quàm minus, quam potuisset,
videri Reip. profuisse. Multis illi in vrbibus,
quâ iter faciebat, reficiendi se, & curandi pote-
stas fuit. aderat & hospitum inuitatio libera-
lis pro di-

lis pro dignitate summi viri, & eorum hortatio, qui vna erant missi, ad requiescendum, & vitæ suæ consulendum. At ille properans, festinansque, mandata nostra conficere cupiens, in hac constantia, morbo aduersante, perseuerauit, Cuius cum aduentu maximè perturbatus esset Antonius, quod ea, quæ sibi iussu nostro denuntiarentur, auctoritate erant, & sententia Ser. Sulpicii constituta: declarauit, quàm odisset senatum, cum auctorem senatus extinctum, lætè, atq; insolenter tulit. Non igitur magis Octauium Leptines, nec Veientium rex, eos, quos modò nominaui, quàm Ser. Sulpicium occidit Antonius. Is enim profectò mortem attulit, qui causa mortis fuit. Quocirca ad posteritatis etiam memoriam pertinere arbitror, existare, quod fuerit de hoc bello iudicium senatus. erit enim statua ipsa testis, bellum tam graue fuisse, vt legati interitus, honoris memoriam consecutus sit. Quòd si excusationem Ser. Sulpicii, P. C. legationis obeundæ recordari volueritis, nulla dubitatio relinquetur, quin honore mortuo, quam viuo iniuriam fecimus, sarciamus. Vos enim, P. C. (grauè dictu est sed dicendum tamen) vos, inquam, Ser. Sulpicium vita priuastis. Quem cum videretis se magis morbo, quàm oratione, excusantem, non vos quidem crudeles fuistis (quid enim minùs in hunc ordinem conuenit?) sed cum speraretis nihil esse, quod non illius auctoritate, & sapientia effici-

tia effici posset, vehementius excusationi obsti-
tistis : atque eum, qui semper vestrum consen-
sum, grauiſſimum iudicauiſſet, de ſententia
deieciſtis. Vt verò Panſæ conſulis acceſſit cohor-
tatio grauior, quam aures Ser. Sulpicij ferre
didiciſſent, tum, filium, meque item ſeduxit,
atque ita locutus eſt, vt auctoritatem veſtram
vitæ ſux le diceret anteferre. cuius nos virtu-
tem admirati, non auſi ſumus eius aduerſari vo-
luntati. mouebatur ſingulari pietate filius : nō
multum eius perturbationi meus dolor conce-
debat : ſed vterque noſtrū cedere cogebatur
magnitudini animi, orationiſq; grauitati : cū
quidem ille maxima laude, & gratulatione o-
mnium veſtrū pollicitus eſt, ſe, quod velle-
tis eſſe facturum, neq; eius ſententiæ periculum
vitaturum, cuius ipſe auctor fuiſſet. quem e-
xequi mandata veſtra properantem, manē po-
ſtridie proſecuti ſumus. qui quidem diſcedens,
mecum ita locutus eſt, vt eius oratio, omen
fati videretur. Reddite igitur, P. C. ei vitam,
cui ademitiſtis, vita enim mortuorum in memo-
ria viuorum eſt poſita. perficite, vt is, quem
vos ad mortem inſciꝝ miſiſtis immortalitatem
habeat à vobis. cui ſi ſtatuam in Roſtris decre-
to veſtro ſtatuueritis, nulla eius legationem po-
ſteritatis inobſcurabit obliuiſ. Nam reliqua
Ser Sulpicij vita multis erit, præclarisq; monu-
mentiſ ad omnem memoriam commendata,
ſemper illius grauitatem, conſtantiam, fidem,
præſtantiam

præstantiam, in Rep. tuenda curam, atq; prudentiam, omnium mortalium fama celebrabit. Nec verò filebitur admirabilis quædā, & incredibilis, & pæne diuina eius in legibus interpretandis, æquitate explicanda, scientia. Omnes, ex omni ætate qui hac in ciuitate intelligentiam iuris habuerunt, si vnum in locum conferantur, cum Ser. Sulpicio non sunt comparandi. Neq; enim ille magis iuriconsultus, quam iustitiæ fuit. Itaq; quæ proficiscebantur à legibus, & à iure ciuili, semper ad facilitatem, æquitatemq; referebat: neq; constituere litium actiones malebat, quàm controuersias tollere. Ergo hoc statux monumentum non eget: habet alia maiora. hæc enim statua, mortis honestæ testis erit. illa, memoria vitæ gloriose: vt hoc magis monumentum grati senatus, quàm clari viri, futurum sit. Multum etiam valuisse ad patris honorem pietas filij videbitur: qui quamquam afflictus luctu non adest, tamen sic animati esse debetis, vt ille si adesset. est autem ita affectus, vt nemo vnquam vnici filij mortem magis deluerit, quam ille mæret patris. Equidem etiam ad famam Ser. Sulpicii filij arbitror, attinere, vt videatur honorem debitum patri præstitisse. quanquam nullum monumentum clarius Ser. Sulpicius relinquere potuerit, quàm effigiem morum suorum, virtutis, constantiæ, pietatis, ingenij filium. cuius luctus aut hoc honore vestro, aut nullo solatio leuari potest.

Mihi autem recordanti Ser. Sulpicij multos in nostra familiaritate sermones, gratior illi videtur, si quis est sensus in morte, ænea statua futura, & ea pedestris, quàm inaurata equestris: qualis est L. Syllæ prima statua. magnificè enim Ser. Sulpicius maiorum continentiam diligebat: huius sæculi insolentiam vituperabat. Ut igitur, si ipsum consulam, quid velit, sic pedestrem ex ære statuam, tanquam ex eius auctoritate, & voluntate, decerno: quæ quidem magnum civium dolorem, & desiderium, honore monumenti minuet, & leniet. Atq; hanc meâ sententiam, P. C. P. Seruili j sententia probari necesse est: qui sepulchrû publicè decernendû Ser. Sulpicio censuit, statuâ non cêsuit. Nam si mors legati sine cæde, atq; ferro nullû honore desiderat: cur decernit honorem sepultura: qui maximus haberi potest mortuo? Sin id tribuit Ser Sulpicio, quod non est datum Cn. Octavio: cur, quod illi datum est, huic dandum esse non censet? Maiores quidem nostri statuas multis decreuerunt: sepulchra paucis. sed statuæ intereunt tempestate, vi. vetustate: sepulchrorû autem sanctitas in ipso solo est: quod nulla vi moueri, neque deleri potest: atque, ut cætera extinguetur, sic sepulchra fiunt sanctiora vetustate. Augeatur igitur isto etiam honore is vir, cui nullus honor tribui non debitus potest, gratissimus in eius morte decoranda, cui nullam aliam gratiam referre iam possumus. notetur etiam

tur etiam M. Antonij, nefarium bellum gerentis, scelerata audacia. his enim honoribus habitis Ser Sulpicio, repudiata reiectaq; legationis ab Antonio, manebit testificatio sempiterna. Quas ob res ita censeo: CVM. Ser. Sulpicius, Qu. F. Lemonia Rufus, difficilimo Reip. tempore, graui, periculosoq; morbo affectus, auctoritatem senatus, salutemque populi R. vitæ lux præposuerit, contraq; vim, grauitatemque morbi contenderit, vt ad castra Antonij, quò senatus eum miserat, perueniret: isque, cum iam prope castra venisset, vi morbi oppressus, vitam amiserit in maximo Reip. munere: eiusq; mors consentanea vitæ fuerit, sanctissime, honestissimeq; actæ, in qua sæpe magno vsui Reip. Ser. Sulpicius & priuatus, & in magistratibus fuerit: cum talis vir, ob Rempub. in legatione mortem obierit: Senatui placere, Ser. Sulpicio statuam pedestrem æneam in Rostris ex huius ordinis Sententia statui, circumque eam statuum locum gladiatoribus, ludisq; liberos posterisq; eius quaque versus pedes quinq; habere, quod is ob Remp. mortem obierit, eamq; causam in basi inscribi: vtique C. Pansa, A. Hir-tius, consules, alter, amboue, si eis videbitur: quæstoribus vrbis imperent, vt eam basim, statuumque, faciendam, & in Rostris statuendam locent: quantique locauerint, tantam pecuniam redemptori soluendam attribuendamque curent: cumque antea senatus auctoritatem in
vIRORUM

virorum fortium funeribus, ornamentisque ostenderit, placere, cum quàm amplissimè supremo die suo efferri: & cum Ser. Sulpicius, Qu. F. Lemonia, Rufus, ita de Rep. meritis sit, vt his ornamentis decorari debeat: Senatū censere, atque è Rep. existimare, ædileis curuleis edictum quod de funeribus habeant, Ser Sulpicij, Qu. F. Lemonia, Rufi, funeri mittere: vtique locum sepulcro in campo Elquilino C. Pansa consul, seu quo aliò in loco videtur, pedes triginta quoquo versus designet, quò Ser. Sulpicius inferatur. Quod sepulcrum, ipsius, liberorum, posterorumque eius, sit: vt quod optimo iure sepulcrum publicè datum est.



ADAMVS

ADAMVS STEZICIENSIS

IN ORATIONEM CIC: PHILIPPICAM NONAM.

Cur Philippicas inscripserit.

ETex ipso Cicerone, & multis alijs Rhetorum scriptis constat, Ciceronem se totum ad imitationem Græcorum contulisse. Quæ admodum autem Demosthenes, apud Athenienses vim Philippi Regis Macedonum, oratione sua fregit, atq; vicit: ita & Cic. Demosthenem imitatus, furentem Antonium, pestem, & procellam Reip. Romanæ, hisce orationibus insectatus est.

Occasio & argumentum Philippicarum.

Cum M. Antonius reuiuiscens Rempub. post interfectum Casarem vix duobus mensibus liberam fuisset, ad eamq; opprimendam animum adiecisset, Cic. sperans Antony libidinem fines non excessurâ, in Græciam ire statuit: sed improbitate & insolentia Antony, ex ipso itinere renocatus, Romam rediit, Antonyq; furori & latrocinij, pro Repub: & pro ciuib. sese obiecit, Hasq; orationes in Senatu contra Antonium habuit, modisq; omnibus contendit, vt Antonium furentem, scilicet, audacia, bello iustissimo aggredirentur, & efficerent, vt aliquando Respub: illorum virtute defensa requiesceret.

Argumentum

Argumentum nonæ Philippicæ.

LEx fuit scripta, ut qui in legatione interficeretur, illi ipsi statua equestris in Rostris statueretur, ac publico sumptu sepulchrum cum Elogio extrueretur. Moritur Servius Sulpicius, qui affecta valetudine Roma discesserat, antequam legatione apud M. Antonium perfunctus esset. Consultitur, quo honore mors Sulpicii honoranda esset, Suadent alij ex lege de legatis interfectis honores Sulpicio decernendos esse. Intercedit Seruilius ostenditq, id omnino legem vetare. Cic. igitur hac oratione persuadet Servio Sulpicio honores ex lege decernendos esse.

Est igitur oratio generis deliberativi.

Partes orationis.

TRactavit banc breuem orationem quatuor partibus. Exordio, propositione, contentione, & peroratione.

Status.

STatus est legitimus, ex scripto. Num Servio Sulpicio honor statua tribuendus sit? Argumenta ex scripti interpretatione & exemplis sunt petita.

Genus dicendi.

Mediocris ac temperato genere dicendi confecta est hac oratio.

Explanatio exordij.

Quoniam

Quoniam principia orationis, benevolentiae, attentionis, & docilitatis gratia, vel à personis, vel à rebus ducuntur. Cic. in hac brevi oratione usus est exordio ad captandam benevolentiam, ex viroq; loco. A persona quidem, cum mortem Sulpicii amplissimi viri dolet. A Re, cum eius legationem si eam renuntiasset, Reipublicae salutarem futuram asserit.

Dispositio Exordij.

Trahet hoc exordium quinque partibus, propositione, Ratione, Occupatione, Reflexione, & conclusione.

Propositio. Malletem ut vivo Sulpicio, gratias potius ageremus, quam honores mortuo quereremus.

Ratio. Quia si legationem renuntiasset, reditus eius salutaris Reipub. fuisset.

Occupatio. Quanquam & ceteri, hoc munus obire potuissent, ille tamen cum omnibus esset sapientior, felicius obisset.

Reflexio. Sed cum subita morte ereptus, legationem orbam reliquit.

Conclusio. Itaq; illi tanquam legato, iustus honor tribuendus est.

Vellem dii, Propositio, optatione exornata perìodo dicolos circumducta, dichoræo terminata, Nec vero dubito, Ratio propositionis dicolos, amphibraebi terminata. Non quod, occupatio, subito ereptus, Reflexio.

Secunda

Secunda pars Orationis propositio.

Quod si.

*Seruius Sulpicio honos ex lege decernendus est:
Hanc propositionem orationis, non simpliciter constitu-
it; sed comparatione figurauit.*

Tertia pars Orationis Confirmatio,
ceteri qui in legatione.

Hanc undecim argumentis tractat.

Primum argumentum ex comparatis. Propo-
sitione, Assumptione, Ratione assumpti-
onis confectum.

*Propositio. Ceteri legati sine mortis metu profe-
cti sunt, & tamen hoc honore dignati sunt.*

*Assumptio. Sed Sulpicius nulla spe reuertendi,
profectus est; ut saltem Respub. oppitularetur.*

*Ratio. Quia cum neq. valetudo, neq. vlla incom-
moditas itineris retardare potuit*

*Complexio omissa. Ergo hic honos illi tribuendus
est.*

*Ceteri qui, Propositio syllogismi periodo dico-
los circumducta, Seruius Sulpitius, Assumptio.
Qui cum ita, Ratio assumptionis per distributionem,
hoc est, non illum abstraxit ab itinere affecta valetudo,
non hyemis, neq. asperitas viae Locus communis de amo-
re patriæ, pro qua si necessitas tulerit, vita libenter est
profundenda Rationes lege apud Cic. in officijs, & apud Cic.*

puđ Cic. in officijs, & apud Lucianum in patria Encomio, vt igitur alia, Hoc loco sententiam Pansa laudat vt suam quoque orationem illius grauitate comprobaret, Quibus à te dictis, Sequitur occupatio, in qua reprehendit Seruilijs sententiam, qui negabat honorem Seruio Sulpitio, propterea quod lex esset, quae eos tantum ornare iubebat, qui in legatione interficerentur. Atqui Sulpicius sponte mortuus est. Ergo non erat ornandus. Cicero igitur refutat ab interpretatione legis. Lex inquit non tantum eos intelligit, qui caesi essent in legatione: sed quibus etiam ipsa legatio, causam mortis praeuisset.

Tractat autem hanc refutationem tribus partibus 1. Denunciatione, cum dicit, Respondebo Seruilio. 2. Propositione, quia adimit honorem Sulpicio 3. ipsa refutatione, Quibus à te, Prima pars denunciatio, qui hunc honorem, propositio, ego aut P. C. 3. pars Refutatio; quam tractat expositione legis, approbatione, & conclusionem, Et enim, approbatio per enthymema. Cui legatio causa mortis fuit, huic ex lege statua est ponenda: Ratio Antecedentis. Vt legati hoc munus audacius subirent, non igitur, conclusio.

Elocutio.

Ceteri, comparatio, vel in extremo, Hyperbole, itaque, exornatio & distributio, vt igitur, apostrophe, Quibus, occupatio, Et enim, Aetiologia, Ratiocinatio, vt is, Aetiologia, Non igitur, conclusio.

Secundum Argumentum.

L Ar Tolumnius, A duobus exemplis. Primum est: Legatis à Veientinorum Rege interfectis, statua sunt posita.

Ergo & Sulpicio ponenda est. Tractat autem hoc argumentum duabus partibus. Expositione Exempli, & Sententia maiorum. Partes, expositio exempli, iustus honos. 2. pars exempli. Sententia.

Alterum exemplum, Cn. Octavij Clari, Cn. Octavio legationem apud Antiochum regem obeunti, statua est posita.

Ergo & Sulpicio est ponenda. Tractat hoc exemplum tribus partibus. 1. Laude Octavij. 2. Expositione. 3. Conclusionem, Cn. Octavii, Laus Octavij, At ea fuit, expositio exempli per comparisonem, Reddita est ei, conclusio exempli, Atque & huic; conclusio duorum exemplorum coniunctim facta.

Tertium argumentum ex comparatis.

itaq; P. C. si Servio.

Hoc Cic. tractat propositione, Assumptione, Ratione Assumptionis, & Approbatione.

Dispositio.

Propositio. Si casus & non legatio mortem Sulpicio attulisset, iste honos statua non esset illi tribuendus.

Assumptio. Sed legatio illi mortem attulit.

Ratio. Quia secum mortem extulit.

Approbatio. Quia si domi mansisset, hanc mortem suorum diligentia vitasset.

Itaque

Itaque P. C. *Propositio argumenti*, dicolos per-
riodus, nunc autem quis, *Assumptio*, secum e-
nim ille, *Ratio assumptionis*, quam si nobiscum,
Approbatio partitione dilatata, quam *sylogismo tra-*
clauit.

Propositio. Si in legationem non inisset, cura su-
orum mortem vitare potuisset.

Assumptio. Sed *Authoritati vestra obtemperās*
in legationem est profectus.

Complexio. Ergo legatio illi mortem attulit, quā
si, *propositio approbationis*, At ille cum, *Assumptio*.

Quartum Argumentum,
multis illi in vrbibus

Quod tractat *propositione*, *ratione propositionis*,
& *Assumptione*.

Propositio. Illi legatio mortem attulit, qui sese in
itinerem, propter celeritatem itineris reficere noluit.

Ratio. Quia à multis hospitibus inuitabatur.

Assumptio. Seruius Sulpicius se reficere noluit.

Complexio. Ergo legatio mortem illi attulit.

Multis illi, *propositio syllogismi*, Aderat et, *ra-*
tio propositionis seu expositio, at ille, *Assumptio*.

Quintum argumentum,
Cuius cum aduentu.

Cuius legationis *authoritatem hostis extimuit*, &
mortem insolenter tulit, huic statua est decernen-
da. Sed Antonius hac fecit. Igitur. *Assumptionem*
tantum tractat cum *conclusionem*, non igitur, *conclu-*

ſio quinque argumentorum ſenſus eſt. Sulpicio igitur mortem attulit, legatio Antoniana, is enim Amplificatio conſuſionis.

Sextum Argumentum, Quocirca ad poſteritatis.

Propoſitio. Tanti belli Antoniani memoriam extare oportet.

Assumptio. Sed ſtatua Sulpicii, teſtis erit tanti belli.

Ergo ſtatua eſt illi decernenda, Quocirca ad, propoſitio, erit enim ſtatua, Assumptio.

Septimum argumentum, Quod ſi excuſationem, in quo cauſam mortis Sulpicii tranſfert in Senatum.

Cuius excuſationem obeunda legationis, accipere noluiſtis: eum vita priuaſtis.

Sed Seruij Sulpicii excuſationem accipere noluiſtis.

Igitur eum vita priuaſtis Propoſitione pratermiſſa tractat Assumptionem. Cui ſubiungit talem probationem. Quia ſperabatis illius authoritate & ſapientia illud munus legationis optimè obire poſſe. Itaque nec morbus, nec oratio eum apud vos excuſare potuit. Deinde addit expoſitionem, ſeu exornationem. Quia Panſa authoritate permotus ſe excuſare non potuit, Quod ſi, Assumptio, Quem cum, Probatio Assumptionis. Non vos quidem crudeles fuiſtis, obſerua calliditatem in dicendo Ciceronis. Nunc enim Senatores

natores causam præbuisse mortis Sulpicii asserit. nunc
deinde negat Vt vero Panfæ, expositio seu exorna-
tio Assumptionis, mouebatur singulari, Dilatat e-
xornationem. Estq; hoc loco Amplificatio, Reddite
igitur, conclusio septimi argumenti, per repetitionem
argumentationis propositionum facta, Vita enim,
Amplificat conclusionem sententia.

Octauum Argumentum ex comparatis.

Nam reliqua Seruij Sulpicii.

Hoc tractatur sex partibus, propositione, Ratio-
ne propositionis. Approbatione, exornatione, Conclu-
sione propositionis, & assumptione.

Propositio. Reliquam eius vitam alia monumenta
commendabunt.

Ratio. Quia eius virtutes mortalium fama ce-
lebrabit.

Exornatio. Quia ille omnibus anteibat, legum
& scientia, & explicatione.

Approbatio. Quia & legum peritia illius prædi-
cabitur.

Complexio. Ergo vitam eius reliquam, hæ virtu-
tes & artes honorabunt.

Assumptio. Sed statua erit testis mortis illius. Igi-
tur illi est ponenda.

Nam reliqua, propositio ad omnem memoriam
apud homines commendata, semper illius, Ratio
propositionis per partitionem, nec vero, approbatio de
legum atq; iuris civilis cognitione atq; interpretatione
dignitate. Lege. Platonem Cic. de legibus pro Mura-

na & in oratore, Omnis qui, exornatio. Ergo hoc, conclusio propositionis, Hæc enim statua, Assumptio.

Nonum argumentum, multum enim valuisse, quod enthymemate tractat.

Filius mæstissimus à vobis statuam parenti expe-
rit. Ergo eam decernite.

Antecedens probat ratione, & dilatat occupatio-
ne, Ratio est talis. Quia hæc statua ad famam filij perti-
nebit. Occupatio. Quoniam filius est effigies pater-
na virtutis, tamen & ipsa statua, erit honori Sulpicio,
Multum enim, Antecedens, Est enim ita, obserua
dilatatione dictionis huius mæstissimus, equidem e-
tiam, Ratio Antecedentis, Quoniam nullum,
occupatio per communem sententiam. Estq; hic locus
communis de educandis liberis, cuius luctus, con-
clusio noni argumenti.

Decimum argumentum, mibi autem
recordanti.

Ipse Servius Sulpicius, statuam non inauratam
postulat.

Ergo eam decernite.

Ratio Antecedentis, Quia semper continentissi-
mus fuit.

Mibi autem, Antecedens, magnificè enim,
Ratio Antecedentis, vt igitur si, conclusio per ficti-
onem.

Vndecimum Argumentum, ex comparatis
maiorum, Atque hanc meam sententiam,
estque quinque partitum.

Propositio. Si Servio Sulpicio, Servilius honorem
sepultura tribuit, debet etiam statuam tribuere.

Ratio propositionis. Quia multis sepulchra sunt.
decreta, statua paucis.

Approbatio. Quia statua cito intereunt, sepul-
chra sunt perpetua.

Assumptio. Sed Servilius, tribuit sepulchrum
Sulpicio.

Complexio. Ergo & statuam tribuere debet

Est autem artificiosa hæc argumentatio. Prima
enim Assumptionem collocavit, 2. propositionem, 3.
rationem, 4. Approbationem, 5. complexionem, At-
que hanc, assumptio à sententia aduersariorum, nam
si mors, propositio syllogismi, sin id tribuit, Exem-
plo amplificat propositionem, maiores quidem, Ra-
tio propositionis, sed statuæ, Approbatio, Augeatur
igitur, Conclusio Argumentationis per repetitionem.

Extrema pars orationis peroratio.

Quas ob res ita censeo.

IN hac Cic. de honestanda morte Sulpicii suam pro-
fert sententiam. Censetq; & plane depingit qualis
illi statua sit collocanda. Quoniam vero duæ sunt para-
tes perorationis. Enumeratio, & amplificatio, hoc
loco tantum enumeratione præteritorum argumentor-
um est usus, hoc modo.

Nam

igitur

Igitur praestantissimo viro Sulpicio, qui morbo affectus, auctoritate Senatus adductus, viam non parcens ad Antonium Reipub. hostem, longum iter suscepit, ibique asperitate via confectus obijt. ut saltem Reipub. labenti opem ferret, Statua est aenea pedestris ponenda, in Basi. Basis est sustentamentum seu sulcrum, in qua res gesta inscribebantur, Vtque C. Pansa, post interfectum Iulium Caesarem. Octaviano Caesaris fasces sunt decreti, & Pansa cum Hircio Consules creati. & contra Antonium hostem Reipub. iudicatum, missi, quem apud Mutinam vicerunt, ipsique caesi sunt, Cumque antea, Qui magistratus Romae gerebat, illius corpus in praetexta purpura, togaque consulari, vel Senatoria, lecto constrato, purpura vel linteis splendentibus, tibicine praecedente, qui naniam funebrem qua laudes defuncti canebat, efferebatur. Insignia autem bonorum quos gessit, ut fasces, secures, lictores, arma militaria, coronam, vexillum, hostium spolia, gentile stemma, praeferebantur.



M. T. CICERONIS.
PRO M. MARCELLO
ORATIO.



IVTURNI silentij P. C. quo eram
his temporibus vsus, non timore
aliquo, sed partim dolore, partim
verecundia, finem hodiernus dies
attulit, idemq; initium, quæ vellem, quæque
sentirem, meo pristino more dicendi, tantam
enim mansuetudinem, tam inusitatam inau-
ditamque clementiam, tantum in summa pote-
state rerum omnium modum, tam denique in-
credibilem sapientiam, ac penè diuinam, taci-
tus nullo modo præterire possum. M. enim
Marcello vobis P. C. Reique pub. reddito, nō
solum illius, sed meam etiam vocem & autho-
ritatem, & vobis, & Reip. conseruatam ac re-
stitutam puto. dolebam enim P. C. ac vehe-
ter angebar, cū viderem virum talem, qui in
eadem causa, in qua ego, fuisset, non in eadem
esse fortuna. nec mihi persuadere poteram,
nec fas esse ducebam, versari me in vestro ve-
tercurriculo, illo æmulo atque imitatore stu-
diorum ac laborum meorum, quasi quodam
socio à me & comite distracto. ergo & mihi
meæ pristinæ vitæ consuetudinem C. Cæsar in-
terclusam aperuisti: & his omnibus ad bene de

omni Repu. sperandum quasi signum aliquod
 sustulisti. Intellectum est enim mihi quidem in
 multis, & maxime in me ipso, sed paulo ante
 in omnibus, cum M. Marcellum Senatui, po-
 puloque Ro. & Reip. concessisti, commemo-
 ratis præsertim etiam offensionibus, te autho-
 ritatem huius ordinis, dignitatemque Reipu-
 tuis vel doloribus, vel suspicionibus anteferre.
 Ille quidem fructum omnis antea actæ vitæ ho-
 dierno die maximū cepit, cum summo consen-
 su senatus, tū præterea iudicio tuo grauissimo
 & maximo. ex quo profecto intelligis, quanta
 in dato beneficio sit laus: cum in accepto tanta
 sit gloria. est verè fortunatus ille, cuius ex salute
 non minor pene ad omnes, quam ad illum
 ventura sit lætitia peruenerit. quod ei quidem
 meritò atque optimo iure contigit. quis enim
 est illo aut nobilitate, aut probitate, aut opti-
 marum artium studio, aut innocentia, aut villo
 genere laudis præstantior? Nullius tantum est
 flumen ingenij, nulla dicendi aut scribendi tan-
 ta vis tantaque copia, quæ non dicam exorna-
 re, sed enarrare C. Cæsar res tuas gestas possit:
 tamen hoc affirmo, & hoc pace dicam tua, nul-
 lam in his esse laudem ampliorem, quàm eam,
 quàm hodierno die consecutus es. Soleo sæpe
 ante oculos ponere, idq; libenter crebris vsur-
 pare sermonibus. omneis nostrorum impera-
 torum, omneis exterarum gentium, potentissi-
 morumq; populorum, omneis clarissimorum
 regum

regum res gestas cum tuis, nec contentionū magnitudine, nec numero præliorum, nec varietate regionum, nec celeritate conficiendi, nec dissimilitudine bellorum posse conferri. nec vero dissimilissimas terras citius cuiusquam passibus potuisse peragragri, quam tuis non dicam cursibus, sed victorijs illustratæ sunt. quæ quidem ego nisi ita magna esse fatear, ut ea vix cuiusquam mens aut cogitatio capere possit, amens sim. sed tamen sunt alia maiora. nam bellicas laudes solent quidam extenuare verbis, easque detrahere ducibus, communicare cum militibus, ne propriæ sint imperatorū, & certè in armis militum virtus, locorum opportunitas, auxilia sociorum, classes, commeatus multum iuvant. maximam vero partem quasi suo iure fortuna sibi vindicat: & quidquid est prosperè gestum, id penè omne ducit suum. At verò huius gloriæ, C. Cæsar, quam es paullo antè adeptus, socium habes neminem. totum hoc, quantumcumque est, quod certè maximū est, totum est, inquam, tuum. nihil sibi ex ista laude centurio, nihil præfectus, nihil cohors, nihil turma decerpit. quin etiam illa ipsa rerum humanarum domina, Fortuna, in istius se societatem gloriæ non offert: tibi cedit: tuam esse totam, & propriam fatetur. nunquam enim temeritas cum sapientia commiscetur, nec ad consilium casus admittitur. Domuisti gentes immanitate barbaras, multitudine innumera-

bileis.

bileis, locis infinitas, omni copiarum genere abundanteis: sed tamen ea vicisti, quæ & naturam, & condicionem, vt vinci possent, habebant. nulla est enim tanta vis, tanta copia, quæ non ferro, ac viribus debilitari, frangique possit: verum animum vincere, iracundiam cohibere, victoriam temperare, aduersarium nobilitate, ingenio, virtute præstantem, non modò extollere iacentem, sed etiam amplificare eius pristinam dignitatem. Hæc qui faciat, non ego cum cum summis viris comparo, sed simillimum Deo iudico. Itaque, C. Cæsar, bellicæ tuæ laudes celebrabuntur illæ quidem non solum nostris, sed penè omnium gentium litteris, atq; linguis: neque vlla vnquam ætas de tuis laudibus conticescet. Sed tamen eiusmodi res, nescio quomodo, etiam dum audiuntur, aut dum leguntur obstrepi clamore militum videntur, & tubarū sono. At verò cū aliquid clementer, mansuetè, iustè, moderatè, sapientèr factū in iracundia præsertim, quæ est inimica cōsilio, & in victoria, quæ natura insolens, & superba est, aut audimus, aut legimus: quo studio incendimur, non modò in gestis rebus, sed etiam in fictis, vt eos sæpe, quos nunquam vidimus, diligamus. Te verò quem præsentem intuemur, cuius mentem, sensusque, & os cernimus, vt, quidquid belli fortuna reliquum Reip fecerit, id esse saluum velis, quibus laudibus effereamus? quibus studijs prosequemur? qua beneuolentia

neuolementia complectemur? Parietes, medius
 fidius, C. Cæsar, vt mihi videtur, huius curiæ
 tibi gratias agere gestiunt, quod breui tempore
 futura sit illa auctoritas in his maiorum suorum,
 & suis sedibus. Equidem cum C. Marcelli, viri
 optimi, & commemorabili pietate, ac virtute
 præditi lacrymas modo vobiscum viderem o-
 mnium Marcellorum meum pectus memoria
 effodit. quibus tu etiam mortuis. M. Marcello
 conseruato, dignitatem suam reddidisti, nobilis-
 simamque familiam, iam ad paucos redactam,
 penè ab interitu vindicasti. Hunc tu igitur di-
 cem tuis maximis, & innumerabilibus gratula-
 tionibus iure antepones. hæc enim res vnus
 est propria Cæsaris: cæteræ duce te gestæ, ma-
 gnæ illæ quidem, sed tamen multo, magnoq; co-
 mitatu, huius autem rei tu idem es & dux, & co-
 mes: quæ quidem tanta est, vt tropæis, monu-
 mentisque tuis nulla vnquam allatura sit finē
 ætas. nihil enim est opere, aut manu factum,
 quod aliquando non conficiat, & consumat
 vetustas? At verò hæc tua iustitia, & lenitas a-
 nimi florescet quotidie magis, ita, vt, quantum
 operibus tuis diuturnitas detrahet, tantum af-
 ferat laudibus. Et cæteros quidem omneis vi-
 ctōres bellorum ciuiliū, iam ante æquitate,
 & misericordia vicerat: hodiernō verō die te i-
 psum vicisti. Vereor. vt hoc, quod dicam, non
 perinde intelligi auditu possit, atque ego ipse
 cogitans sentio. ipsam victoriam vicisse vidēris
 cum

cùm ea ipsa, quæ illa erat adepta, victis remissi-
sisti. nam cùm ipsius victoriæ condicione iure
omnes victi occidissemus, clementiæ tuæ iudi-
cio conseruati sumus. Rectè igitur vnus inui-
ctus es, à quo etiam ipsius victoriæ condicio,
visque deuicta est. Atque hoc C. Cæsaris iudici-
um, P. C. quàm latè pateat, attendite. omnes
enim, qui ad illa arma fato sumus nescio quo
Reip. misero, funestoque compulsi, & si aliqua
culpa tenemur erroris humani, à scelere certè
liberati sumus nam cùm M. Marcellum, depre-
câtibus vobis, Reip. conseruauit: memet mihi,
& item Reip. nullo deprecante, reliquos am-
plissimos viros, & sibi ipsis, & patriæ reddidit:
quorum & frequentiam, & dignitatem hoc ipso
in confessu videtis: nō ille hosteis induxit in cu-
riam, sed iudicauit, à plerisque ignoratione po-
tius, & falso, atque inani metu, quàm cupidi-
tate, aut crudelitate ciuile bellum esse susce-
ptum. quo quidem in bello semper de pace a-
gendum, audiendumque esse putavi, semper-
que dolui non modo pacem, sed orationem e-
tiam ciuium, pacem efflagitantium, repudia-
ri, neque enim ego illa, nec vlla vnquam secu-
tus sum arma ciuilia: semperque mea consilia,
paci, & togæ socia, non belli, atque armorum
fuerunt. hominem sum secutus priuato officio
non publico: tantumque apud me grati animi
fidelis memoria valuit, vt nulla non modò cu-
piditate, sed ne spe quidem, prudens & sciens,
tanquam

tanquam ad interitum ruerem voluntarium.
 Quod quidem meum consilium minimè obscu-
 rum fuit. nam & in hoc ordine, integra re, mul-
 ta de pace dixi, & in ipso bello eadem etiam cū
 capitis mei periculo sensi. Ex quo nemo erit
 tam iniustus rerum æstimator, qui dubitet, quæ
 Cæsaris voluntas de bello fuerit cū pacis au-
 ctiores conseruandos statim censuerit, cæteris
 fuerit iratior. Atque id minùs mirum videretur
 fortasse tum, cū esset incertus exitus, & an-
 ceptus fortuna belli. qui verò victor, pacis aucto-
 res diligit, is profecto declarat, se maluisse non
 dimicare, quam vincere. Atque huius quidem
 rei M. Marcello sum testis. nostri enim sensus,
 vt in pace semper, sicutum etiam in bello con-
 gruebant. Quoties ego eum, & quanto cum do-
 lore vidi, cū insolentiam certorum, homi-
 num, tum etiam ipsius victoriæ ferocitatē ex-
 timescentem? Quo gratior tua liberalitas. C. Cæ-
 sar nobis, qui illa vidimus, debet esse. nō enim
 iam causæ sunt inter se, sed victoriæ comparan-
 dæ. Vidimus tuam victoriam, præliorum exi-
 tu terminatam: gladium vagina vacuum in vr-
 be non vidimus. quos amissimus ciueis, eos
 Martis vis perculit, non ira victoriæ: vt dubi-
 tare debeat nemo, quin multos, si fieri posset,
 C. Cæsar ab inferis excitaret, quoniam ex eadē
 acie conseruat, quos potest. Alterius verò par-
 tis, nihil amplius eo dicam, quam id, quod o-
 mnes verebamus, nimis iracundam futuram
 fuisse

fuisse victoriam. Quidam enim non modò armatis, sed interdum etiam otiosis minabantur: nec, quid quisq; sensisset, sed ubi fuisset, cogitandum esse dicebant: vt mihi quidem videantur dii immortales, etiam si pœnas à populo R. ob aliquod delictum expetiuerunt, qui ciuile bellum tantum, & tam luctuosum excitauerunt, vel placati iam, vel iam etiam satiati aliquando omnem spem salutis ad clementiam victoris, & sapientiam contulisse. Quare gaude tuo isto tam excellenti bono: & fruire cum fortuna, & gloria, tum etiam natura, & moribus tuis: ex quo quidem maximus est fructus, iucunditas, quæ sapienti. Cætera cum tua recordabere, et si persæpe virtuti: tamen plerumq; felicitati tuæ cōgratulabere. de nobis, quos in Rep. tecum simul saluos esse voluisti, quoties cogitabis, toties de maximis tuis beneficijs, toties de incredibili liberalitate, toties de singulari sapiētia tua cogitabis: quæ non modò summa bona, sed nimirum audebo vel sola dicere. tantus est enim splendor in laude vera, tanta in magnitudine animi, & consilij, dignitas, vt hæc à virtute donata cætera à fortuna commodata esse videantur. Noli igitur in conseruandis bonis viris defatigari, non cupiditate præsertim, aut prauitate aliqua lapsis, sed opinione officij, stulta fortasse, certè non improba, & specie quadam Reip. Non enim tua vlla culpa est, si te aliqui timuerunt: contraq; summa laus, quòd pleriq; minimè timendum

mè timendum fuisse senferunt. Nunc verò venio ad grauiſſimam querelam, & atrociſſimam ſuſpicionem tuam: quæ non tibi ipſi magis, quàm cum omnibus ciuibus, tum maximè nobis, qui à te conſeruati ſumus, prouidenda eſt. quam etſi ſpero eſſe fallam, nunquam tamen verbis extenuabo. Tua enim cautio, noſtra cautio eſt: vt, ſi in alterutro peccandum ſit, malim videri nimis timidus, quàm parum prudens. Sed quiſnam eſt iſte tam demens? de tuis ne? tametſi qui magis ſunt tui, quam quibus tu ſalutem inſperantibus reddidiſti? an ex eo numero, qui vnà tecum fuerunt? non eſt credibilis tantus in vllò furor, vt, quo duce omnia ſumma ſit adeptus, huius, vitam non anteponat ſuæ. At ſi tui nihil cogitant ſcleriſ, cauendum eſt, ne quid inimici. Qui? omnes enim, qui fuerunt, aut ſua pertinacia vitam amiſerunt, aut tua miſericordia retinuerunt: vt aut nulli ſuperſint de inimicis, aut, qui ſuperfuerunt, amiciffimi ſint. Sed tamen, cum in animis hominum tantæ latebræ ſint, & tanti reſceſſus, augeamus ſanè ſuſpicionem tuam. ſimul n. augebimus & diligentiā. nā quis eſt omnium tam ignarus rerū, tam rudis in Rep. tam nihil vnquam nec de ſua nec de cōmuni ſalute cogitans, qui nō intelligat tua ſalute contineri ſuam? & ex vnius tui, vitā pendere omnium? Equidem de te dies, nocteis quæ, vt debeo, cogitans, caſus duntaxat humanos, & incertos euentus valetudinis, & na-

turæ communis fragilitatem extimesco: doleo
 quæ cum Resp. immortalis esse debeat, eam iti-
 vnius mortalis anima consistere. si verò ad hu-
 manos casus incertosque euentus valetudinis,
 sceleris etiam accedat, insidiarumq; consensio;
 quem deum, etiam si cupiat, opitulari posse
 Reipub. credamus? Omnia sunt excitanda tibi
 C. Cæsar vni, quæ iacere lentis belli ipsius im-
 petu, quod necesse fuit, perculsa atque pro-
 strata: constituenda iudicia reuocanda, fides,
 comprimendæ libidines, propaganda soboles:
 omnia quæ delapsa iam fluxerunt, seueris legi-
 bus vincienda sunt. non fuit recusandum in tan-
 to ciuili bello, tantoque animorum ardore &
 armorum, quin quassata Respublica, quicumq;
 belli euentus fuisset, multa perderet & orna-
 menta dignitatis, & præsidia stabilitatis suæ:
 multaque vterque dux faceret armatus, quæ
 idem togatus fieri prohibuisset: quæ quidem
 nunc tibi omnia belli vulnera curanda sunt, qui
 bus præter te mederi nemo potest. itaque illam
 tuam præclarissimam & sapientissimam vocem
 inuitus audiui, satis te diu vel naturæ vixisse,
 vel gloriæ. Satis, si ita vis, naturæ fortasse: ad-
 do etiâ, si placet, gloriæ. at, quod maximû est,
 patriæ certè parum. Quare omitte quæso istam
 doctorum hominum in contemnenda morte
 prudentiam: noli nostro periculo sapiens esse.
 sæpe enim venit ad atreïs meas te idē istud nimis
 crebro dicere, satis te tibi vixisse: credo sed tum
 id audirent

id audirem, si tibi soli viueres, aut si tibi etiam soli natus esses: nunc cum omnium salutem ciuium, cunctamq; Remp. res tuæ gestæ cōplexæ sint, tantum abes à perfectione maximorum operum, vt fundamenta, quæ cogitas, nondum ieceris. Hic tu modū tuæ vitæ, non salute Reip. sed æquitate animi definies. quid? si istud ne gloriæ quidem tuæ satis est? cuius te esse audissimum, quamuis sis sapiens, non negabis. parum ne igitur, inquires, gloriā magnā relinquemus? immo vero alijs, quamuis multis satis: tibi vni parum. quicquid enim est, quamuis amplum sit, id certe parum est tui, cum est aliquid amplius. quod si rerum tuarum immortalium C. Cæsar hic exitus futurus fuit: vt deuictis aduersarijs Remp. in eo statu relinqueres, in quo nunc est: vide quælo, ne tua diuina virtus admirationis plus sit habitura, quam gloriæ: siquidem gloria est illustris ac peruagata multorum & magnorum, vel in suos ciueis, vel in patriam, vel in omne genus hominum fama meritorum. hæc igitur tibi reliqua pars est, hic restat actus: in hoc elaborandum est, vt Remp. constituas, eaq; tu in primis composita summa tranquillitate & otio perfruare. Tum te, si voles, cum & patriæ, quod debes, solueris, & naturam ipsam expleueris satietate viuendi satis diu vixisse dicito. quid est enim omnino hoc ipsum diu, in quo est aliquid extremū? quod cum venerit, omnis voluptas præterita

pro nihilo est, quia postea nulla futura sit. quāquam iste tuus animus nunquam his angustiis, quas natura nobis ad viuendū dedit, contentus fuit: semperq; immortalitatis amore flagrauit. Nec vero hæc tua vita dicenda est, quæ corpore & spiritu continetur. illa inquam, illa vita est tua Cæsar, quæ vigebit memoria seculorū omnium, quam posteritas alet, quam ipsa æternitas semper intuebitur. huic tu inferuias, huic te ostentes oportet: quæ quidem quæ miretur iam pridem multa habet, nunc, etiam quæ laudet expectat. obstupescant posteri certè, Imperia, Prouincias, Rhenum, Oceanum, Nilum, pugnas innumerabileis, incredibileis victorias, monumenta, munera, triumphos audientes & legentes tuos, sed nisi hæc vrbs stabilita tuis consilijs & institutis erit, vagabitur modo nomen tuum longè atque latè: sedem quidem stabilem, & domicilium certum non habebit. Erit inter eos etiam, qui nascentur, sic vt inter nos fuit, magna dissensio: cum alij laudibus ad cælum res tuas gestas efferent, alij fortasse aliquid requirent, idque vel maximum, nisi belli ciuilis incendium salute patriæ restinxeris: vt illud fati fuisse videatur, hoc consilij. serui igitur ijs etiam iudicibus, qui multis post seculis de te iudicabunt: & quidem haud scio, an incorruptius quàm nos. nam & sine amore, & sine cupiditate, & rursus sine odio, & sine inuidia iudicabunt. id autem, etiamsi tunc ad te, vt quidam falso

dam falso putant, non pertinebit. nunc certè
 pertinet, esse talem, vt tuas laudes obscuratu-
 ra nulla vnquam sit obliuio. Diuersæ volunta-
 tes ciuium fuerunt, distractæque sententiæ. non
 enim consilijs solùm & studijs, sed armis etiam
 & castris dissidebamus. erat enim obscuritas
 quædam, erat certamen inter clarissimos duces:
 multi dubitabant, quid optimum esset: multi,
 quid sibi expediret; multi, quid diceret: non-
 nulli etiam, quid liceret. Perfuncta Respub. est
 hoc misero, fatalique bello: vicitis: qui non for-
 tuna inflammaret odium suum, sed bonitate
 leniret: neque omneis, quibus iratus esset, eos-
 dem etiam exilio, aut morte dignos iudicaret.
 Arma ab alijs posita, ab alijs erepta sunt. In-
 gratus est, iniustusque ciuis, qui armorum pe-
 riculo liberatus, animû tamen retinet armatum
 vt etiam ille sit melior, qui in acie cecidit, quam
 qui in causa animam profudit. Quæ enim per-
 tinacia est quibusdam, eadem alijs constantia
 videri potest. Sed quia iam omnis fracta dissen-
 sio est armis, & extincta æquitate victoris: re-
 stat, vt omnes vnum velint, qui modo habent
 aliquid non solùm sapientiæ, sed etiam sanita-
 tis: quia, nisi te, C. Cæsar, saluo, & in ista sen-
 tentia, qua cum antea, tum hodie vel maxime
 vsus es, manente, salui esse nō possumus. Quare
 omnes te, qui hæc salua esse volumus, & horta-
 mur, & obsecramus, vt vitæ, vt salutis tuæ con-
 sulas: omnesque tibi vt pro alijs etiam loquar,

quod de me ipse sentio, quoniam subesse aliquid putas, quod cauendum sit, non modo excubias, & custodias; sed etiam laterum nostrorum oppositus, & corporum pollicemur. Sed ut vnde est orsa, in eodem terminetur oratio mea: maximas tibi omnes gratias agimus, C. Cæsar: maiores etiam habemus. nam omnes idem sentiunt: quod ex omnium precibus, & lachrymis sentire potuisti. sed quia non est astantibus omnibus necesse dicere: à me certè dici volunt: cui necesse est quodammodo, & quod volunt, & quod M. Mar. à te huic ordini, populoque R. & Reip. reddito, præcipuè id à me fieri debere intelligo. nā lætari omneis, non ut de vnius solum, sed ut de cōmuni omnium salute, sentio. Quod autem summæ benevolentiae est, quæ mea erga illum omnibus semper nota fuit, ut vix C. Marcello, optimo, & amantissimo fratri, præter eum quidem, cederem nemini, cum id sollicitudine, cura, labore tamdiu præstiterim, quam diu est de illius salute dubitatum: certe hoc tempore, magnis curis, molestijs, doloribus liberatus, præstare debeo. Itaque, C. Cæsar si tibi gratias ago, ut omnibus me rebus à te non cōseruato solum, sed etiam ornato, tamen ad tua innumerabilia in me vnum merita, quod fieri iam posse non arbitrabar, maximus, hoc tuo facto, cumulus, accesserit.

ADAMVS

ADAMVS STEZICIENSIS IN ORATIONEM CIC: PRO-

M. MARCELLO.

Quid dicat seu occasio.

Quoniam Caesar, victo Pompeio, summa rerum
esset potitus, singulariq; moderatione fuis-
set usus, & omnes aduersa partis ciues,
& in his fere totum senatum, qui contra
illum steterat in pristinam restituisset dignitatem. Mar-
cello adhuc offensior erat, propter veteres similitates.
ac simul timebat, ne si is restitutus fuisset, aliquid con-
tra se moliretur. Hunc Senatus, motus, cum digni-
tate Marcelli, tum quod singulari fide ac virtute fuis-
set in Repub. maximaq; multitudo restitui, maxime
cupiebat. Sed Marcellus forti & inuidio animo, re-
stitui à Casare in patriam nolebat, ne ea quæ nolle Roma
videret: Eum Cic. quo cum à pueritia familiari-
ter vixerat, sepè hortabatur, vt cederet temporì &
necessitati pareret, quod semper sapientis habitum est.
Eundem C. Marcellus frater, summis precibus obse-
crabat, vt redire vellet, qui idem Casarem pro salu-
te fratris assidue deprecabatur. In Senatu, præsentem
Casarem, quum à L. Pisone mentio esset facta de M. Mar-
cello, quumq; G. Marcellus se ad Caesaris pedes abiicis-
set, senatus cunctus consurrexit, & ad Casarem sup-
plex accessit, vt M. Marcello ignosceret, vbi Caesar & si
Marcelli acerbiter accusasset, quod cum in Gallia

bellum

bellum gereret, à M. Marcello prado appellatus sit. quod cū senatu agere conatus sit, ut Caesar ipse hostis patriæ, nisi poneret arma indicaretur: quod decurionem Nonocomi, quam Coloniam Caesar deduxerat virgibus ceciderit: Alias quoque Marcelli offensiones commemorasset: periculaq³, quæ sibi à suis inimicis impendere suspicaretur, exposuisset: seq³, satis vixisse dixisset. Tamen postulationi acquieuit, illiusq³, precibus dedit, ut quemadmodum alij, sic ipse M. Marcellus, cum Reipub. & Senatui, tum amicis petentibus redderetur, suamq³ dignitatem restituerit. Senatores rogati sententiam, Casari gratias egerunt. Cic. qui statuerat pristinae dignitatis desiderio tacere, Caesaris magnitudine animi, & clementia, & senatus officio commotus, mutauit consilium. Itaq³, pluribus verbis hac oratione, omnium nomine, egit gratias Casari, ac eius admirabilem clementiam ita commendauit, ut ea nil magnificentius, aut illustrius, factum esse à Casare ostenderet. Cuius hæc est summa. Principio causam dicit, cur cū filere in senatu perpetuo decreuisset: tamen ad suum pristinum morem dicendi rediret. Deinde res gestas Caesaris, anteposit omnibus imperatorum populi Romani, exterarum gentium, potentissimorum populorum, regum clarissimorum rebus gestis. Sed multo eum maiorem dicit consecutum gloriam, quod animum suū vicerit, quod iracundiam cobibuerit, quod victoriā temperauit, inimicum suum pristinae dignitati restituerit. Tertio, promittit Casari, nulla neq³ à M. Marcello, neq³ ab omnibus si qui superessent inimicis quidquam insidiarum extimescendum esse. eum denique hortatur ut

Rempub.

Rempub. quam ipsius belli impetu. iacere necesse fuit, constitutas, vitæq; & salutis suæ propter Rempub. consulat. Quæ in causa pollicetur, & suo, & Senatorum reliquorum nomine, non solum excubias, & custodias, sed laterum suorum & corporum oppositus, ad vitam eiusq; salutem tutandam. Postremo Cæsari gratias agit, quod Marcellum Reipub. restituerit.

Genus Causæ.

Genus causæ demonstratiuum est; omnes enim gratiarum agendi formas, laus quadam comitatur. Itaq; & Cic. maximam partem huius orationis in extollenda Cæsaris clementia complexus est. Quanquã autem secundum multorum sententiam illa purgatio suspicionis, quam in medio orationis cursu collocauit, Iudiciali tribuitur causæ: nos tamen refutationi eam, docendi gratia subiiciemus.

Status seu constitutio.

Ex orationis quidem genus græci volunt esse aestation, hoc est sine statu, quod in eo amplificatio proprium locum habeat. Amplificamus autem certa, non incerta: confessa, non dubitata. Est tamen in hoc genere quadam constitutio, nempe caput, ad quod omnis referitur, & reuocatur quasi, quæ vocatur status qualitatæ: non quidem ex illa consuetudine causarum, ut in genere iudiciali, sed extra contentionem natus. Sit igitur status seu propositio orationis. Cæsar Maximam laudem in restituendo Marcello consecutus est.

Quo loco dicat.

Cum dispositio alia sit verborum, quam Hermogenes propriè synthesim vocat, alia rerum. Et rerum duplex sit, artis, & iudicii, quarum utraque primo in partibus, secundo in argumentis, tertio in partibus argumentorum spectatur. Quod ad partes orationis attinet, his constat quinque hæc oratio. Exordium, propositio, confirmatio, refutatio, seu purgatio, & epilogus. Atque cum narratio, quæ in dispositione artis secundum locum habet, hic omiſſa vel quod offensiones commemorare fuerit inutile, vel quod res ipsa nemini fuerit incognita: idcirco ex consilio & prudentia oratoris, factam esse dispositionem dicimus. Quæ sit vel cum non eo ordine partium, quem rhetores præscripserunt utimur, vel cum aliquam partem omittimus. Porro ex firmissimis argumentis, alia prima, alia postrema ponit: leuiores vero inculcat.

Quomodo dicat, seu elocutio.

Vſus est Cicero in hac oratione genere dicendi mediocri, quod idem aquabile, temperatum, floridumque appellatur. Hoc autem inde constat, quia & illustri sententiarum pondere, & suauissima verborum luce instructa illustrataque est, ita penè, ut cum aliis scriptis vel grauitate, vel acrimonia, vel subtilitate summa oratores superasset: in hac oratione mira quadam suauitate conspersa, seipſo superior euaserit. Vſus est etiam & illis dicendi generibus. Conuerso, plurimum dilucido, suauis, cum in Caesaris prædicandis laudibus, multa inaudita.

inaudita, mirabilia, summa expectatione, quæ suauitatem pariunt, usus est, & illo morato genere dicendi.

DE EXORDIO ORATIONIS.

Inuentio exordij.

Cum à Rhetoribus duo statuantur exordiorum genera, principium & insinuatio. Honestum genus causa principium seu apertum requirit exordium. Quapropter Cic. nulla simulatione usus, ex circumstantiis personarum, & temporis sibi apud Casarem, beneuolentiam, attentionem, & docilitatem conciliat. Est igitur ex ipsis visceribus & modulis causa de promptum exordium, tum quod significationem totius negotij præferat, tum quia aditum ad causam aptum & illustrem habere videtur. Rationem enim cur nolit amplius tacere, exponit, quod scilicet clementiam casaris, nullo modo se præterire posse prædicat. Porro quod ad inuentionis rationem huius exordij commodius indicandam attinet. Hermogenis illa doctrina subiicienda est. In qua præcipit quatuor locos esse seu fontes vberrimos, ex quibus sumuntur & inueniuntur exordia.

1. Ex opinionibus hominum, quæ quidem vel ex personis, vel ex rebus sumi solent: idcirco etiam oratorem diligenter oportet spectare causas & personas tum earum naturas, ut quæ de illis opiniones susceptæ sint, facilius intelligat, usque in conficiendo exordio, commodius viatur. De quo exordij genere hoc obser-

uare

uare licet, illud cum re ipsa pulcherrimum, cum vsu frequentissimum esse.

2. Ex diuisione cum diuidimus vel facta, vel opinionones, vel ipsa tempora: Facta, vt cum duobus admisis facinoribus, per ea aliquam accusationem diuidimus. Opiniones, in antecedentes, & consequentes. Tempus, in præteritum, præsens, & futurum. Quod genus exordij est, ingeniosum, elegans, eruditum: ostendens oratorem capientem laudem ingenij, eique multis laudis adserens.

3. Ex actione abundanti vel superflua, quo viuimus, cum volumus dare significationem aequitatis, dicimusque nos non velle summo iure agere, neque maiorem pœnam postulare, quam æquum est, sed minore contentos esse. Quale hoc est. Poteram tecum agere de publico crimine: sed agam de priuato. Quod genus exordij facit moratum, estque iudiciorum proprium, non generis demonstratiui, aut deliberatiui.

4. A circumstantijs, seu attributis causa, tempore, loco, interuentu, alicuius interpellatione, dicto aduersarij, forma iudicij, sententia generali. Quod genus exordij oratorem eruditum, nec suspectum fidei, efficit: multumque potest, ad occultandum ipsius studium, & artificium, cum non domi conquistum, aut conscriptum: sed quasi ex tempore, & subito, & præsentij loco, tempore, & alijs circumstantijs natum esse videatur. Quale hoc nostrum præsens exordium dicimus. Est enim ex opportunitate & præsentij occasione. nimirum rumpendi diuturni silentij desumptum. Dies inquit hodiernus finem diuturni silentij attulit. Cum

vero

vero trium maximè causa, exordia instituuntur. Beneuolentia, attentionis, & docilitatis. Hac eadem hic præstat. Beneuolentiam primo comparat, partim à personis senatus, sua, caesaris, Marcelli: partim à rebus ipsi causa proprijs, ut à causis silentij, causis dicendi, Clementia Caesaris, restitutione Marcelli. Cum vero pollicetur se ea quæ velle & sentiret de repub. dicturum, reddit attentum auditorem, & beneuolum, à personæ suæ commendatione. cum dicit, quæ vellem quæque sentirem, est etiam locus attentionis, ex significatione rei de qua dicturus est, & magnitudinis eiusdem cum dicit, tantam enim, ubi quoque & dociles auditores facit. Est quoque locus docilitatis cum dicit, ex quo profecto, qui locus continet, veluti significationem generalis propositionis totius orationis. Caterum cum inuentionis sit etiam motus inuenire. Hoc exordium his maximè duobus affectibus, usque lenioribus aspersum est, voluptate & gratia, siue beneficio de quibus vide Aristotelem. 2. Rhetoricorum.

Dispositio exordij.

Quoniam omnis collocandi ratio præcipuè in tribus spectari solet, in partibus orationis, argumentis, & argumentationum partibus. Quantum ergo ad dispositionem partium exordij attinet, Hermogenes grauissimus dicendi magister, quatuor partes statuit. ex quibus constant proœmia, quam partitionem Sturmius ita commendauit, ut siue Ciceronis, & aliorum exordia cum rhetorica analysi legimus, siue stylum in manus sumimus, siue aliquid nobiscum meditamur, nunquam nos ab

nos ab ijs digredi velit. Prima pars est exordij protasis seu propositio, in qua sit expositio aut opinionum, aut diuisionis, aut abundantia, aut circumstantiarum & attributorum causa. 2. Kateskeuin seu confirmatio, qua expositione non solum vnius, sed etiam multarum causarum conficitur. 3. Apodosis qua à nostris reditio dicitur: in hac vel postulat, vel precipit, si tantum habet autoritatis orator. 4. Basis seu conclusio. cuius sunt duo officia primum respicere illud quod præterit Secundum viam sternere ad id quod sequitur: non enim decorum est ex abrupto in partes orationis irruere. Quas omnes partes hoc exordium complectitur. Prima est protasis eaq; gemina, seu coniuncta ex contrarijs. Cum dicit, Diuturni silentij, Secunda confirmatio, tantam enim mansuetudinem, &c. Huic subiuncta est Epikataskeuin, in qua primo est expositio planior, superioris rationis, deinde amplificatio scilicet casarus, dum dicit, M. enim Marcello vobis, &c. Tertia est apodosis qua non modo est brevis superiorum complexio, sed etiam aperta rei constitutio dum dicit, Ergo mihi meæ pristinae, Huic adiuncta est quoq; approbatio dum dicit, intellectum enim est mihi, Quarta conclusio exordij, in qua est totius orationis propositionis significatio hoc loco, Ex quo profecto intelligis.

Dispositio Argumentorum exordij.

Primo quidem illud in genere sciendum est, quatuor esse quæ oratorem in sua oratione præstare oportet, ut aut narret, aut probet, aut amplifcet, aut ornet. In
 Proæmio

Proxio quidem nihil narrat, sed tamen probat, amplificat, ornat. Si probat, necesse est ut habeat id, quod probat ut quæstionem seu problema. Idcirco propter argumenta istius exordij declaranda, primo perquirendum est problema, quod hic tale esse potest. An restitutio Marcelli finem tacendi Cic. adferre debuerit: Primum argumentum ex loco causarum. Magna, inusitata, inaudita, incredibilis, ac pene diuina virtus silentio præteriri non potest. Sed C. Caesar magna inaudita incredibili ac pene diuina virtute præditus est. Ego enim tacitus præterire non possum. Secundum argumentum quo probat minorem ex effectibus. Quæ virtus mihi vocem restituit, patribus conscriptis & omnibus spem de repub. dedit, illa est magna: sed Caesaris mihi vocem, illis spem dedit. Ergo est magna. Virumque probat suis enthimematibus, idque non sine mediocri amplificatione, quam spectare elocutionis erit. Tertium quo probat eandem maiorem à minori ad maius. Si in accepto magna gloria est: multo maior est in dato.

Collocatio partium Exordij.

Constat hoc exordium quatuor partibus, Propositione, Ratione, Rationis Confirmatione, complexione.

Propositio, Taciturnitati meæ finem hodiernus dies attulit.

Ratio propositionis, Quia Caesaris virtutes tacitus nullo modo præterire possum.

Rationis confirmatio, Quia Marcello restituto & meam & Reipub. dignitatem Caesar cumulauit. & eodem Marcello absente meæ dicendi facultas tacuit.

Comple-

Complexio. Ergo & meam dicendi consuetudinem & senatus auctoritatem cum M. Marcello nobis restituit.

Diuturni: Propositio exordij qua suae taciturnitatis finē factum esse proponit. In illa enim Reip. calamitate perpetuo sibi tacendū Cic. constituerat. vbi à sua persona beneuolentiam Caesaris sibi comparat, diuturni, Cic. enim illo toto tempore, quo bello civili ardebat Resp. tacuit, Dolore, vel ob Reip. calamitatem, vel ob Marcelli absentiam, verecundiam, Quia pudebat me aliquid dicere in Senatu pristino more, ut pro mea consuetudine utar facultate mea dicendi, Tantā. Ratio propositionis, cuius sensus est. Virtutes Caesaris, nullo modo tacere possum, Sūma potestate, hoc est in summo imperio. Solent enim victores arrogantius & insolentius prosperam fortunam ferre, M. enim. Rationis confirmatio, in eadem causa, Pompeium mecum est secutus, fortuna, non esse, ut me restituit. curriculo, Curriculum dicitur spatium quo curritur. Hic autem metaphoricè pro dignitate Senatoria accipitur, æmulo, imitatore. Hac enim dictio & in bonam & in malam rapitur partem, Studiorum, erat enim eloquentiae & pietatis studiosissimus. Socio, comes & socius differunt. Socius est par, comes autem minor. Ergo & mihi, Conclusio exordij, quam artificiose tractat. cuius sensus est. Hoc beneficium Marcello praestitum, & ad se, & ad Remp. pertinere, ipsiq; Marcello honorificum esse. Hic igitur beneuolentiam, ex sua, Marcelli, Senatus, & Caesaris persona colligit. Estq; hac conclusio. ad laudem Caesaris comparata, quo additus

aditus adpropositionē facilius pateret. Ergo, elegans
concludendarum argumentationum & sententiarum
apud Cic. particula, Pristinæ, quam in tuendis causis
collocaueram, omnibus, Senatoribus, qui de Repu.
desperabant, Sustulisti, dedisti Reip. dignitatis.

Elocutio.

Licet elocutionis difficilior sit quam aliarum parti-
um ratio, ad ea tamen quæ ipsius sunt inquirenda,
nihil est apius, quam videre, quo dicendi genere ali-
quid sit contextum. Ex eo autem omnis elocutionis ap-
paratus, ut est verborum electio, & eorum compositio,
ut ornamenta tum sententiarum, tum verborum, ut
periodi & numeri ipse deniq; affectus indicari potest.
Qua propter quamvis in genere totam orationem tem-
perato dicendi generi subiecerimus: illud tamen hanc
partem orationis primam, maxime sibi vindicare non
est dubium. Nam cum ea sit exordij natura ut vehe-
mens & pugnans, concitatum, & ardens esse non debe-
at: nec etiam contra languidum, frigidum, & iacens
esse debet: ita sit, ut dum hoc utrumq; ab hoc exordio
alienum esse constet, in temperato dicendi genere maxi-
me versatur: ita tamen, ut & acuratū, & acutum, &
instructū sententijs & verbis aptum illud esse agnoscas.
Licet etiam videre in eodē exordio, formam illius dicen-
di generis, quod Græci *itikon*, nostri *moratum*, vocant.
Significatione enim morum suorum, & vita Cesaris,
Marcelli, non solum amabilem & iucundam oratio-
nem reddit, sed etiam aptam ad benevolentiam concili-

liandam. Sed iam ea quae elocutionis sunt videamus.

Verborum electio.

Verborum, quoniam alia sunt singula, alia coniuncta, & singulorum alia propria seu nativa, alia reperta. Ex singulis quidem, illisq; nativis, hic usus est Cic. rſtatis, nitidis, ſonantioribus, grauioribus, plenioribus, ſplendidioribus: ita, vt nullum obſoletum, aut inuſitatum adiunxerit. Ex repertis vero, ſuperlati-
to, in voce, diuina iunctis verbis, conſeruata, in-
tercluſam, anteferre. Additis ad nomen, Tranſlatiſ.

Compoſitio ſeu iunctura.

In compoſitione, cum illa ſint maxima vitia, ſi aſpera ſit oratio, ſi hiulca, ſi extenuata. Hic nihil eſt aſperitatis eiſmodi: verba enim verbis, ita aquabiliter iunguntur, vt neq; hiantes & diſiunctos, neq; aſperos concuſus habeant. quod diligens conſideratio loci indicare poteſt.

Figura.

Quoniam figurarum, alia ſunt ſententiarum, alia verborum. De ſententiarum figuris illud debet teneri, quod de gemmis ſolemus dicere. Vt enim gemma precioſa, licet per ſe ſint ſplendide: tamen cum auro includuntur, maiorem ſplendorem habent: ita ſententiarum figura, & ſi per ſe venuſta ſint, plus tamen luminis habent, ſi cum verborum figuris coniungantur illisq; includantur. Quod Ciceronem hic ſeciſſe conſtat. Sententiarum quidem uſus eſt prima ablatio-
ne cum

ne cum distributione, hanc exornauit copulatione, nō timore, sed dolore, &c. Secunda commoratione quā exornauit verborum figuris Aetiologia, anaphora, epitetis augendi & amplificandi causa, traductione, incremento verborum, tantam enim mansuetudinem, Tertia commoratione, seu expositione, & hanc exornauit Aetiologia, copulatione, dirimenti copulatione dum dicit, non solum illius, omioptoton, periphrasi Marcelli dum dicit, virum talem, Interpretatione dum dicit, vehementer angebar, commutatione per contrarium dum dicit, qui in eadem causa, non in eadem fortuna, periphrasi senatus dum dicit, vestro veteri curriculo, Ikon & metaphora dum dicit, Quasi distraeto, Quarta est conclusio. Exornatur figura ikon, pramunitione, audaci metaphora, quasi signum extulisti, similiter defucentibus, abstulisti, sustulisti, Quinta amplificatio beneficii, facta per distributionem, & conglobationem effectorum. Exornata Aetiologia, auxesi, periphrasi per demonstrationem, intellectum enim est mihi. Sequuntur haec, redditio, cum tum, epiteta, similiter cadentia. Sexta entimema. Exornatur contentione per contrarium, ex quo intelligis, Septima sententia Epiphonematica, seu asseueratio, est vere fortunatus ille, Exornatur anastrophis, cuius ex salute, traductione, ventura, prouenerit, Octaua explicatio. Exornatur Aetiologia, repetitione, interrogatione, superlatione.

DE AMPLIFICATIONE BENEFICIO-
rum in genere, tum quomodo hic bene-
ficio Cæsaris amplificauerit.

Aristoteles in lib. Rhetoricorum 2. ubi de gratia
& beneficio dicit, eius tum augendi, tum enume-
randi omnes rationes indicauit. Beneficium quidem
ille esse vult id, quod suppeditatur egenti: non quod alio
quid iam acceptum sit, non quod utilitas speretur:
sed ut illi tantum commodetur in quem transferri so-
let: in quo tria spectanda ille proponit. Primum qui ac-
cipit, Secundum quod datur, Tertium qui dat. Ex quo-
rum trium conditionibus copiose augentur beneficia,
quæ quidem conditiones sunt eiusmodi. Prima ex eo
qui accipit, si valde egenti datum est, & cum aliquis
expetit cum molestia, cum in corporis conficiatione,
cum in periculis, in paupertate, in exilio. Secunda ex
eo quod datur. Si magnarum rerum, si difficile, si op-
portunum. Tertium ex eo qui dat, si solus, si primus, si
copiose. Quæ omnis amplificandi ratio, ad illa summa
genera, quæ categoriæ vocantur deduci potest. Et pri-
mo hoc in substantia spectari debet, quid sit datum,
Secundo in quantitate magnitudo, Tertio in qualitate
bonitas & utilitas beneficii. Quarto in quando, quo
tempore, si cito, si opportune. Quinto in ubi, & spectatur
locus: maius enim beneficium videtur, quod extra pa-
triam degenti alicui confertur, quam quod in patria.
Atque ita in amplificando beneficio, omnes planè cir-
cumstantiæ locum habent. Non est igitur difficile ex
his colligere. Vnde casaris beneficium in hoc loco Cic.
ampli-

amplificat. Primo ex eius quod datum est magnitudine, quod scilicet in multos beneficium illud restitutionis Marcello diffunderetur: nec solum in Marcellum, sed etiam in Ciceronem, in senatum transferatur. Deinde ex eius vi, quod aliud, atque alia in se contineret, scilicet quasi signum ad bene de omni Repub. sperandum. Secundo ex eius persona qui accepit quod illa dignus esset propter sua ornamenta.

Periodi & numeri:

IN temperato genere dicendi, ea est periodorum ratio, ut potius illis quam membris, aut incisis oratio concludatur, quod praeceptum in hoc etiam exordio Ciceronem expressisse videre licet. Periodis enim utitur artificiosis, tum Rhetoricis, tum historicis: membratim etiam interdum varietatis causa nonnulla interseruntur, quo in texenda oratione nihil aptius esse, docet Cicero. Diuturni silentij, periodus est historica: neque enim circumducta, neque nimium est remissa propter verbum, quod est in medio, Attulit. Ad hoc enim tota refertur, est tamen plena, & perfecta, quam ab anapasto inchoavit, & Epitrito primo finivit, tantam enim, periodus est cita: in ea enim ex ultimo verbo cetera dependent, quam periodo quinque membrorum seu periodico dilatauit, a choreo incipiens, in dichoreum desinit, Marcum enim, periodus diculos qua oritur a spondeo, & clauditur peane primo. videbis etiam in hac periodo macrocoliam: est enim apodosis seu finis longior protasi, seu principio, qua vehementer

bementem crasso apud Ciceronem probatur, dolebam enim, periodus quinque membrorum, incisim & membratim tractata, à bachio incipiens epitritho secundo clausa, ergo &, conclusio circumducta periodo dicolos, spondeo inchoata, epitritho 2. clausa, intellectum est enim, membrata tractatio, quæ ne vagasset, periodo bimembri circumducitur, incipit ab Epitritho 4. clauditur dichoreo, ille quidem, periodus historica, à choreo incipit, desinit in creticum, est vere, periodus dicolos, incipit à dichoreo, desinit in Ionicum maiorem quod ei contigit, est extra comprehensionem, quis enim, periodus interpositione incisorum dilatata clauditur epitritho 3.

Propositio orationis.

Secutus ordinem iudicii, narratione prætermissa, partim quod offensiones narrare nihil opus esset, partim quod nota res esset. Post exordium totius causæ, ad quam omnia referuntur argumenta propositionem proponit, quæ quidem simplex est, & absq; diuisione seu partitione. vel eo potissimum nomine, quod in exordio non obscure ostendit, quibus de rebus casarem esset laudaturus: inde etiam factum est, cur eam propositionem, non nudam, sed cum amplificatione posuerit. Est autem propositionis constitutio eiusmodi. Et si ex tuis rebus gestis, magnam gloriam es consecutus; tamen ampliore ex restituto Marcello.

Observationes circa propositionem.

- I. Et si cetera orationis partes, aliquando præmittuntur, nunquam tamen propositio prætermitti debet:

debet: est enim caput totius causæ & pars partium nec
cessaria.

2. In demonstrativo genere si fuerit simplex pro-
positio, hoc est absq; diuisione, non tamen nuda, sed
cum amplificatione poni solet.

3. Omnis propositio perspicua & dilucida esse
debet Ratio. Eius enim est docilem auditorem red-
dere.

Elocutio.

Verba hic sunt sonantia, tum ex vocali *A*, tum ex
compositione, & ex pluralitate syllabarum, ut
exornare, narrare.

Figuræ.

Nullius tam, amplificatio facta per comparationē,
Flumen ingenij, metaphora, eaq; audaciar, exor-
nationis causa, nulla dicendi, anaphora per traducti-
onem, vnius vocis mutatione, generum & casuum,
tanta vis, tantaque copia, periphrasis eloquentia,
exornare, enarrare, hyperbole: non dicam, ablativus
est cū correctione & agnominatione, C. Cæsar, apostro-
phi cum propositione comparationis, hoc affirmo,
Assèneratio, hoc pace dicam, pramunitio seu miri-
gatio, ne videatur res bellicas Cæsaris nimium exte-
nuare.

Periodi & numeri.

Tota hæc orationis compositio, ad duas periodos di-
alogicas easq; diuisas potest redigi. prima incipit ab

P p 4 Antibachia

*Antibachio, desinit in choreum precedente spondeo,
Secundo ab Anapasto, clauditurq; pæne 2.*

Tertia pars orationis confirmatio, Soleo sæpe.

EX comparatione rerum gestarum Casaris, ostendit quanta eius sit gloria, quod animi sui iracundiam vicerit, quum Marcello ignouit. Hæc animi victoriam, per amplificationem reliquis victorijs Casaris antepōnit, quæ quo maior insurgat. antepōnit Casarem rerum gestarum magnitudine, omnibus Romanorum imperatoribus, omnibus exteris nationibus potentissimis populis, & regibus clarissimis, sensus huius confirmationis est. Restitutio Marcelli, summam tibi laudem peperit. quod ita esse sex argumentis probat.

Primi argumenti inuentio.

IN hoc res fortiter à Casare gestas, cum clementer facto orator comparat. ducitq; ex loca laudis facti proprio honesto: communi vero seu dialectico comparationis. Nam ut animi bona rebus fortuna anteponuntur: sic clementer facta rebus feliciter in bello gestis sunt anteponenda. Cuius consecutionis locus communis apud Cic. & Aristotelem in Topicis ille est. Sua alienis, propria communibus, sunt præponenda, & illa quæ in nostra, quam quæ in aliorum potestate sunt, meliora. Nam cum victoria sint in fortuna temeritate, virtus vero in hominis potestate, consequens est virtutem & clementiam, victorijs & bellicis laudibus, ceterisq; rebus magna cum felicitate gestis, esse præponenda.

Dispo-

Dispositio primi argumenti.

Tractat hoc argumentum syllogismo quadripartito, propositione, Ratione propositionis, Assumptione, & Ratione assumptionis.

Propositio. Virtus bellica non est propriè tua, & tamen magnam tibi laudem attulit.

Ratio. Quia ex bellicis rebus & miles, & fortuna aliquid sibi vendicant.

Assumptio. Sed hoc clementer factum, est propriè tuum.

Ratio assumptionis. Quia in illius societatem, nec miles, nec fortuna se offert.

Conclusio prætermissa: Ergo hoc factum summam tibi laudem peperit.

1. Obseruabis hoc loco Ciceronem, & quosuis bonos scriptores argumentationem suam aliqua insigni & acuta sententia solere concludere. Secundo, Obseruabis contentionem seu comparisonem rebus extollendis & amplificandis aptissimam esse. Tercio. Quando res cum cæteris rebus conferuntur, tum illa quæ ad comparisonem assumi solent, etiam summis laudibus sunt extollenda. Ratio tum enim ut personarum, ita rerum laus elucescit maxima, quando cum personis & rebus laudatissimis conferuntur. Quarto, cauendum est, ne dum in comparatione utrâq; rem & offerimus in ea quam extollendam assumpserimus, negligentiores videamur.

Soleo, hic est propositio Argumentationis, nec numero, Refert enim Plinius lib. 7. præter civile bellum centum & nonaginta duo millia hominum, &

*Casare in praelys casa esse, varietate, Galliam enim
 Britanniam, & Germaniam deuicit, Ptolomaum Aegy-
 pti regem, & Pharnacem Mithridatis regis filium in
 Ponto prostravit, Celeritate, tanta enim celeri-
 tate Pharnacem oppressit, ut illius verba saepius ab hy-
 storis repetantur. Veni, vidi, vici. Passibus, Passus
 dicitur, qui constat ex quinq. pedibus, pes autem con-
 stat, ex sex palmis, palmus autem ex quatuor digitis
 vide Alexandrum lib. 2. Cap. 20. Quæ quidem, con-
 cessione dilatat propositionem, aditumq. ad rationem
 patet, sensus est. Quanquam magna hæc esse fateor
 tamen alia sunt in te multo maiora, Nam belli, Ra-
 tio propositionis, & certè sententia eleganti dilatat,
 classis Classis multa significat. Aliquando populum
 in partes secundum censum distributum, ut Roma in
 quinque classes, teste Dionysio Halicarnaseo. Aliquā-
 do nauium multitudinem: Aliquando ordine. n. schola-
 rium: Aliquando exercitū, ut hic accepit Cicero, com-
 meatus. Cibaria ad multitudinem alendam, suo iure
 Casum enim & fortunam in nobis esse scripsit Cic. Vn-
 de fortunam in Manliana oratione requirit in impera-
 tore, At vero, hic est Assumptio Synonymia dilatata
 socium, Affectus enim in nostra fuit potestate, qui-
 bus nos ipsi imperamus, nihil, Ratio Assumptionis
 contraria rationi propositionis. Hanc dilatat partiti-
 one, centurio, qui centum pedites habet, cohors, co-
 hors quingentos, & quinquaginta pedites, sexaginta
 sex equites, in se continet, Turma, triginta tres e-
 quites continet, Domina, cuius vim & potestatem
 Cic. in nos prorogatum esse scripsit ad Q. fratrem, pro-
 inde*

inde fortunam furentem, cacam, in saxo volubili vi-
reamq; fingunt pictores, vide Alexandrum lib. 1.
Cap. 13. & ad Herennium lib. 2. Nunquam, appro-
batio per communem sententiam. Quia fortuna cum
sapientia, nihil commune habet.

Elocutio.

ORationem hanc, & si temperato dicendi generi
subiecerimus, hic tamen locus qui exornatione
& amplificatione constat, sensim assurgit, & ad illud
vehementius genus se inclinat. Hoc vero constat, ex
verbis, quæ sunt sonantia, ut in superlativis. Item
grandia & magna verba, cum syllabarum, tum tem-
porum numero; superlata, idem significantia. Soleo
circumductio cita dilatata per distributionem, eamq;
duplicem, primo eorum, quos superaret Caesar. Se-
cundo eorum quibus illis esset superior: distincta mem-
bris & incisis brevioribus. Exornata syntrismo, seu
congerie, eaq; rerum differentium, distributione, cre-
bra anaphora, omiopoto, Isocolo, epitetis electis &
significantibus. Est autem hæc periodus quinque membro-
rum, quæ periodicon iam appellatur, incipit ab Ana-
pæsto, clauditur autem multis longis, hoc est molosso præ-
cedente spondeo, Nec vero, Aeriologia cum Auxesi
& hiperboli, Non sed. divimens coniunctio, præte-
rea antitesis, clauditur autem multis longis hoc est mo-
losso. Quæ quidem, brevis rhetorica periodus exor-
nata epikrissi, item hiperboli, incipit à dactilo, clauditur
amphibracho, sed tamen, membrum exornatum cor-
rectione concessionis, per antitesin clauditur bacchio.

Periodus dialogica, exornata Actiologia, epimonia seu commoratione, eadem enim sententia pluribus verbis quae fere idem significant exprimit, cum interpretatione, quae est adhibita ad rem planius exprimendam & urgendam, & certe oratio dilatata enumeratione causarum adiuuantium in consequenda victoria, distincta breuibus incisis, exornata diminutione bellicarum laudum asseueratione, & certe, inconiuncto, quod Grace assyndeton dicitur, Et quid quid, interpretatio seu expolitiio, At vero, Antitesis, & accommodatio comparationis in copulatione & periphrasi restitutionis M. Marcelli Totum hoc, interpretatio cum coniunctione & epinalepsi seu reuocatione verbi, nihil sibi, dilatata oratio ex vno verbo, hoc est militis, exornata commoratione, quae pluribus verbis eam rem exprimit, enumeratione per negationem, anaphora, correctione, Quin etiam, Gnomi, Fortuna rerum humanarum domina, clauditur amphibracho precedente dactilo, nunquam enim, Actiologia Epiphonematiki seu cum acclamatione, & Gnomi duplici sumpta ex repugnanteibus.

Secundum Argumentum Confirmationis.

DOmisti gentes, Caesaris victorias amplificat, ve animi victoriam faciat maiorem. Maior enim Caesaris gloria est, si vicerit gentes, quas vinci erat difficillimum, quod immanitate essent barbara, multitudine innumerabiles, locis infinita, & omni copiarum genere abundantes, immanitate barbaras, horridas, asperas, ab omni humanitate alienas, quas vincere semper est difficillimum, quales erant Afri, Aegyptii, Bruti, ani,

Britani, Celta, ex quibus recenties victorem fuisse
 casarem scribunt, iracundia, Iracundia est naturalis
 propensio ad iram. hic pro ira accipitur, victoriam,
 qua saepe numero insolens est, obstrepi, obloqui impro-
 bari à militibus, tubarum, sociorum, auxilijs, inimi-
 ca. Ira enim, ut Cato dixit, impedit animum, ne possit
 cernere verum. Hic observa sententias morales 1. Ira
 est inimica consilio 2. Victoria est natura insolens & su-
 perba 3. Viros praestantes etiam mortuos diligimus, in-
 tolens, vide exemplum apud Iustinum lib. 1. de Cyro
 à Regina Tomiri victo, in fictis, ut in Aeneade Vir-
 giliana, Aeneam, constantem, iustum, fortemq; di-
 ligimus, Mente, mentem alterius nemo contueri per
 se potest, nisi ex rebus bene, aut malè gestis, ut quic-
 quid, hoc est, ut quibuscumq; fortuna pepercerit, lau-
 dibus, laudem inde summam consecutus es, parietes,
 hoc est clementiam tuam, etiam parietes predicant,
 curia, Binae erant apud Romanos curiae. Altera sacro-
 dotum in qua sacra procurabant, altera in qua sena-
 tus de Repub. consultabat, Auctoritas, hoc est Mar-
 celli, sensus est. Quod Marcellus dignitati senatoria re-
 stitueretur, Marcelli, fratres huius Marcelli, lachry-
 mas, hoc est cum in senatu ad pedes casaris se se ab-
 iecisset.

Inuentio Argumenti 2.

HOC secundum Argumentum sumptum est ex loco
 proprio difficili. Communi autem loco comparatio-
 nis: sic enim res hic comparantur, ut laboriosa pro-
 cliuiibus, praestantiora esse indicentur. de hoc vide Cic.

in 3. Topic. Chariora enim ea semper solent esse, quae diligenter parantur, ut in illo veteri proverbio. Quae difficilia pulchra: virtutis enim proprium est, in arduis & difficilibus consistere.

Dispositio secundi Argumenti.

Propositio, Difficilius est iram in victoria cohibere, quam hostes superare, ex quibus tu laudem percipis.

Ratio propositionis, Quia nihil est quod vi & ferro vinci non possit.

Approbatio, Innumerabiles enim gentes tu superasti.

2. *Ratio propositionis,* Quia talis hostium victoria extenuatur: moderata autem victoria, nos voluptate quadam afficit.

Assumptio, Sed tu iram cohibuisti.

Ratio Assumptionis, Quia Marcellum restituisi.

Complexio, Ergo summam laudem adeptus es. sed conclusionem bis repetit.

Notanda est huius argumentationis liberior & oratoria collocatio. Primum enim approbationem propositionis ponit. cum dicit, domuisti gentes, Secundo locorationem propositionis, nulla est enim, Tercio propositionem, verum animum vincere, Quarto, conclusionem, itaque cæsar, Sexto Assumptionem, te vero quem præsentem, Septimo Rationem Assumptionis, Equidem cum M. Marcelli, ultimo complexionem, hunc tu igitur dicam.

Elocutio

Elocutio argumenti.

Locus hic confirmationis non in minori quam superiora amplificatione consumitur, quod ex toto apparatu elocutionis, hoc est verbis, ornamentis, compositione, circumductionibus, numeris, affectibus facile constat, Domuisti, Amplificatio insignis victoriarum Caesaris, facta ex eorum attributis, qua vice rat, Periodus est dicolos, ornata concessione, metaphoris à feris tracta, dialito seu incontuncto, epitetis in ablatiuis commutatis, diminutione & correctione, nulla enim, Periodus dicolos, ornata Gnomi seu sententia, repetitione, incontuncto, similiter cadentibus similiter desinentibus, estq; periodus cita, propter vltimum verbum ex quo tota dependet, verum, periodus tricolos ex incisus constans, exornata commoratione; seu sinatrismo, paribus, omiotoleuto, articulo, metaphora, dirimenti copulatione, qua augendis & extollendis rebus multum seruit, Hæc qui, Epiphonima seu exclamatio, qua cum in principis tum in fine primumq; locum habet, Itaque, periodus dicolos, ornata concessione cum diminutione, & correctione, præmunitione, audentioribus auxeseos, seu hiperbolis, sed penè omnium, Erminia, neque vlla, seu interpretatione, sed tamen, oratio dilatata, & circumducta periodico, illuminata remotione, cum correctione, sed tamen, ad extenuationem adhibita aporia seu dubitatione, nescio, Allegoria & ikon, At vero, hic obseruanda pulchrum repetitionis exemplum facta per coniu-

gata.

gata. Nam cum in exordio posita fuissent nomina, ut mansuetudo, clementia, & cetera. hic viuitur aduerbys. Deinde vero permisso ordine, qua adorationem versam, atq; mutatam pertinent. Docet enim Cic. in partitionibus. In coniunctis verbis triplicem adhiberi commutationem, eamq; non verborum, sed ordinis tantummodo. Directam in qua natura ratio habetur, inuersam in qua quasi sursum versus dicitur: & permissam, cuius hic est exemplum. Exornata autem oratio est, congerie, articulo, interpositione, incremento, sententijs distributione, interpretatione, Te vero, periodus dicolos exornata apostrophis, interpretatione, distributione, traductione per casus, erotisi seu interrogatione. Epimoni, seu commoratione, eadem enim rem, ter mutatis verbis repetit, ad amplificationem & exornationem. Estq; hic Isocolon seu compar, verba enim verbis dimensa sunt, Parietes, periodus dicolos. Epiphonemate per prosopopaiam exornata, cum assenuratione, compellatione, pramunitione, per interpositionem, Aetiologia, Equidem, periodus tetracolia, exornata amplificatione personae, per adiuncta, commiseratione, metaphora, insigni in verbo, effodit.

Tertium argumentum confirmationis.

Hac enim res.

Sumptum est hoc argumentum, ex comparatiu, cuius dispositio est eiusmodi.

Propositio. Propria & summa laus est, qua nunquam est finem habitura.

Ratio

Ratio propositionis, Quia omnia consumit, & conficit vetustas.

Assumptio, Sed clementia tua in dies florescet, eritq; perpetua.

Complexio, Ergo summam laudem tibi attulit. Hoc autem argumentum breuius tractat: propositio- nem enim cum conclusione prætermisit, & rationem propositionis, assumptioni inseruit, hæc est, Hic est assumptio quam comparatione rerum bellicarum am- plicat, Trophæis, victorijs, dicitur autem trophæ- um monumentum vel marmoreum, vel lapideum, vel æneum, victori eo in loco, quo hostes vicisset, extru- ctum, & erectum. Vide Alexandrum lib. 2. cap. 22. de varietate trophæorum, nulla est enim, Ratio propo- sitionis, per communem sententiam, At vero, 2. pars Assumptionis.

Elocutio.

IN hilaritatem sese conuertit orator, verbis utitur no- uis, & innumerabilibus, cuius modi verbis, locus in rebus latis, & amœnis esse solet: tum grandioribus, hæc enim, est periodus quatuor membrorum, exorna- ta commoratione, ætimologia cū aphæresi, nihil enim, monocolos periodus, exornata gnomi seu sententia, cum metaphoris illustribus, At vero, periodus dico- los, ornata antitesi cum redditione, tantum, quan- tum, metaphora, florescet.

Quartum Argumentum,

Et ceteros quidem.

Argumentum est concisè tractatum, cuius eiusmodi dispositio est.

Alios clementia vicisti, nunc autem teipsum. Ergo summam laudem adeptus es. Antecedens tantum ponit, neglecta conclusione Argumentum hoc Cic. periodo dicolo circumduxit, quod exornauit tum epiphonemate, tum traductione, viceras, vicisti.

Quintum Argumentum,

Vereor ut hoc.

NE quis putaret, nihil esse maius & difficilius, quam seipsum vincere, quod magnum fuit: tamen alius quiddam esse ostendit nimirum victoriam ipsam vincere. Quod & si minus coherere videatur: si enim victoria est, non vincitur: si autem vincitur, non est victoria: contraria si quidem simul esse vera non possunt. vide tamen quomodo victoria vincitur in hoc argumento ducto ex causis, quo probat post summam victoriam, sequi summam gloriam.

Propositio, Hodierna die, victoriam ipsam vicisti, cum Marcello & nobis omnibus pepercisti.

Conclusio, Ergo summam laudem consecutus es.

Antecedens dilatat tribus rationibus, prima, nam cum, quia omnibus victis pepercisti, 2. Atque hoc, Quia nos errore lapsos, clementer subleuasti, & Marcello parcendum esse putasti. Sed hanc translatione mitigauit, non ille, cum suam culpam in errorem transfert. Tertia ratio, quo quidem, quia pacem quam ego semper optabam, hac victoria re optasse declarasti. Sed hanc suis consiliis & factis, deinde casaris clementia amplificauit, dum dicit, neque enim, cuius loco

loci sensus est. Non fui auctor belli, quanquam Pompeium eram secutus. Ratio prima, Quia Pompeium ut amicum secutus sum. Ratio, 2. Quia semper innatu omnes ad pacem traducebam. Deinde casaris clementiam amplificauit dum dicit, ex quo, ubi casarem eodem quoque animo fuisse colligit. cuius loci tale argumentum est enthymematicum. Pacis auctores libenter conseruauit, Ergo pacis cupidus fuit. Hoc idem probat secundo argumento, Atque id minus, Quia non solum ante bellum, sed etiam post victoriam pacis auctores diligit. Ergo bellum non expetebat. Antecedens amplificat, Quoties, Quia videt eum exitum belli extimescentem, Ergo erat pacis studiosus.

Sextum Argumentum,
Non enim.

Quod per comparisonem clementia casaris, & ferocitatis Pompeij copiose amplificat. cuius sit talis constitutio.

Omnes saluos esse in victoria voluisti. Pompeius autem omnibus minabatur.

Ergo summam laudem inde repperasti. Antecedens pro utraque parte probat. Pro prima hoc modo. Qui in victoria omnes saluos esse voluit, ille summam laudem est consecutus. At qui tu casar voluisti. Assumptum probat. omnes enim in pralio casos ab inferis voluisti excitari. Pro secunda parte. Antecedens probat, hac ratione, Alterius, Pompeius enim in victoria fuisset crudelior, Ratio, Quia etiā otiosis minabatur. Hanc autē rationem sua epikrissi seu sententia orator auxit cuius

sententia sensus est. Quamuis Dñi hoc bello Romanos puniendos esse censuerunt: sed tamen placatos se esse, victoriam casari tribuendo, declararunt.

Elocutio.

Vereor, periodus hac, incipit à quatuor breuibus syllabis, vt celeritate earum timoris species quaedam indicaretur. Estque tricolos, exornata paradoxo, seu inopinato, nam cum, periodus dicolos exornata antitesi, Rectè igitur, periodus dicolos, exornata epiphonemate, traductione, vt, victoriam viciisti, victos, victoriæ, victi, & cetera. Atque hoc, periodus tricolos, exornata apostrophi ad senatores, aporia seu dubitatione, nescio quo, cum epitetis sati, commiserationis gratia adiunctis occupatione & concessione, et si aliqua, antiteto vt cum dicitur tene-mur, liberati sumus, nam cum, periodus dicolos, exornata Actiologia epiteto, non ille, periodus dicolos ornata ablatione, purgatione, per remotionem cause suscepti belli, quo quidem, periodus dicolos exornata contrariis, pace bello, similiter cadentibus, auxes, dum dicitur, non modo pacem, sed & orationem, neque enim ego, periodus dicolos exornata Actiologia cum procatlipsi, seu praoccupatione, hominem periodus tricolos ornata lyssi occupationis, antiteto. vt priuato non publico Erminia seu interpretatione, vt, tantumque, dirimenti copula dum dicitur, non modo, & remotione falsarum causarum, imagine, vt, Tanquam ad interitum, & cetera. Quod quidem, perio-

periodus dicolos ornata significatione, vt, minime ob-
 scurum, Aetiologia cum distributione, & hoc in ordi-
 ne, & in ipso bello, similiter desinentibus, vt cum dici-
 tur, sensi dixi, ex quo, periodus tricolos ornata antite-
 ro, vt in dictionibus conseruandos, ornatio, Atque id
 minus, periodus dicolos, ornata gnomi epiteto, Atque
 huius, periodus monocolos exornata assèneratione, re-
 ditione, antiteto, adiunctione, vt, congruebant, me-
 zaphora quoque in eodem verbo, vidimus, periodus
 dicolos ornata anadiplosi, seu circulo, hoc est eiusdem
 verbi in principio & in fine repetitione, quos amisi-
 mus, periodus tricolos ornata ablatione, superlatione,
 Alterius, dicolos periodus ornata præcisione, Aetiolo-
 gia, cum dirimenti copulatione, ablatione, vt mihi, pe-
 riodus dicolos, ornata epiphonimate, epicrissi.

Conclusio omnium superiorum argu-
 mentorum, Quare gaude.

Sententia huius conclusionis est, Ergo ea summa
 laude, quam consecutus es ex clementia, & man-
 suetudine fruiere: ac eadem clementia, alios perge con-
 seruare. Quem sensum primum Enumeratione, dein-
 de sententiarum & verborum amplificatione auxit.
 Hic autem observa, quam mirus & copiosus sit Cic. in
 claudenda oratione artifex. Hoc enim facere solet, vel
 per exhortationem, vel petitionem, vel conquestio-
 nem, & alias graues permouendi inflammandique
 formas.

Dispositio.

Huius conclusionis, tres sunt partes.

Propositio, Fruere laude, virtuteq; tua.

Ratio, Ex quo, Ex gloria enim & virtute maximus est fructus, iucunditasque sapienti.

Secunda pars oppositum, Cætera, nam cætera plerumque salicitati attribuuntur.

Tertia adaptatio est, De nobis, fruerere ergo gloria, quam ex hac clementi victoria consecutus es.

Elocutio.

Quare, periodus dicolos incipit à spondeo, claudirur cretico, præcedente trocheo, spectatur in eo macrocolia, ex quo, Aetiologia est, estque periodus monocolos, cætera autem, periodus dicolos, ornata compensatione cum omologia seu concessione, de nobis, periodus tetracolia circumducta. Exornata conuersione, quæ fit cum plures clausula eodem terminantur verbo, tum redditione, anaphora, epitetis laudandi causa adiunctis. Item auxesi epiphonematiki cum dirimenti copulatione, item præmunitione in dictione. Audedo, tantus est enim, periodus tetracolia, ornata Aetiologia & gnomi cum traductione, noli igitur, Tricolos periodus ornata exhortatione, arsi & thesi, hoc est remotione & positione, interpretatione, dum dicitur. Est specie quadam, non enim, periodus dicolos, ornata Aetiologia, epiphonemate, antitesi.

Quarta

Quarta pars orationis refutatio, seu
purgatio, nunc venio.

Cæsar accusata Marcelli acerbitate, & commemoratis offensionibus. Primum se suspicari dixit esse quosdam, qui vita sua insidiarentur. Deinde adiecit, se, & natura, & gloria satis vixisse. quod utrumque Cicero in hoc loco refellit. Sunt ergo dua partes huius refutationis, in prima, omnes ab illa suspicionē insidiantī defendit. In secunda vocem illam cæsaris, qua se satis, vel natura, vel gloria vixisse dixerat, confutat.

Dispositio Refutationis.

Hanc refutationem Cic. tractat quatuor partibus prima est propositio seu protasis, nunc venio, Secunda est hipophora seu posita aduersariorum obiectiones quam propositioni adiunxit. Tertia est antiprotasis seu propositio contraria, quam & si spero. Quarta antipophora hoc est, ipsa refutatio obiectionum, sed quisnam.

Prima pars Refutationis.

Inuentio.

In capite generalis explicationis, de genere causa, præcipuum eius orationis genus demonstratiuum constitueramus: huic tamen parti quæ apologetica seu defensoria & refutatoria est, iudiciale genus tribuimus: in refutatione enim conquestionis, & defensionis.

à suspicionibus versatur. Eius status est coniecturalis: est enim de futuro. Cuius sensus est. An sint metueda aliqua cesari insidia: in qua suspitione conuellenda, argumenta sumit ex coniectura loco, hoc est causarum, voluntatis, facultatis. Docuit enim Cic. in partitionibus omnem defensionis rationem in coniecturali qua-sione esse positam. Primum in infirmatione causarum, quas ille diuidit in voluntatem, & facultatem: id vtrumq; in hac parte à reſtitutis remouet duobus argu-mentis, primo per negationem 2. per concessionem.

Primum argumentum, primæ partis
refutationis.

HOC argumentum, in quo soluitur obiectio, est dilemma-ticum seu per diuisionem, vel vt Quintilianus vocat, per remotionem partium singularium, quæ ratio pro-bationis inde valet, quia sublatiis partibus, totum tolli necesse est. Sensus autem huius argumenti est.

Si tibi aliquis insidiaretur, tum, aut ex tuorum numero, qui te ducem habuerunt, aut ex hostium, quos vita donasti.

Sed neq; ex tuorum numero, neq; ex hostium.

Ergo nemo tibi insidiatur.

Priorem partem dilemmatis quæ habet suam hy-podiareſim, hoc est subdiuisionem, probat hoc argumēto.

Si qui ex tuis amicis tibi insidiarentur: q̄ aut essent tui propinqui, aut qui vnà tecum in bello fuerūt

Sed neutri.

Ergo nulli ex amicis tibi insidiantur.

Eius

Eius dilemmatis primam partem simpliciter negando remouet, De tuisné? hac enim interrogatio, De tuisné? habet vim negationis. Alteram vero partem à turpi seu à repugnantibus. Secundam vero partem primi dilemmatis eisdem probat hac diuisione.

Si qui ex inimicis tibi insidiarentur: tum aut illi, qui iam occiderunt: aut quos tu conseruasti.

Sed neutri. Ergo nulli.

Minorem probat per subdiviſionem, quæ tota refutatio dilemmatica est.

Elocutio.

NVnc venio. periodus dicolos, ornata transſitione hipophora seu obiectione, grauissimam quærelam, quo in loco sunt quoq; epiteta sonantia, & significatia, tum propter numerum syllabarum, tum propter gradum superlatiuum, augendi causa adiuncta. Item Aetiologia, quæ non tibi, cum obiectionis amplificatione per distributionem, cum redditione in particulis, cum tū clauditur Cretico præcedente trochæo. Quam etſi, periodus dicolos, ornata pollicitatione solutionis, clauditur trochæo præcedente dactylo. Tua enim, periodus dicolos, ornata Aetiologia, sed quis nā, antipophora & lysis seu solutio obiectionis, De tuisné? Locus diuisionis, qua non solum probat, sed etiam exornat orationem, Tam etſi, correctio, non est, periodus tricolos, in qua spectatur isocolia quæ est parium membrorum connexio, aut sua pertinacia, alia diuſio cum omiotolento, vt autem, conclusio per prosa-

podosim quam Cic. in distributis suppositam rationem vocat: hoc est, cum duobus, aut pluribus propositis, sua cuiq; ratio subijcitur.

Secundum argumentum, primæ partis refutationis. Sed tamen cum in animis

PRiori argumento suspicionem insidiarum quam Caesar conceperat, falsam esse Cicero ostenderat, eo quod nec amici, nec inimici ipsi insidiarentur. Sed quoniam dixerat, non se illâ extenuaturum verbis. In hoc loco cõcedi posse aliquos fieri ex reſtitutis tã improbos, qui id sceleris cogitarent, quod tamen postea refutat.

Inuentio argumenti.

HOc argumentum concessione tractatum, & compensatione: concedit enim ex reſtitutis esse aliquos, qui Cesari intentarent periculum, quod tandem refutat. Quæ quidem refutatio, ut in coniecturali quaſtione fit, facta est remotione causa, hoc est voluntatis & facultatis. Ac voluntatem quidẽ cum refutari doceat Cic. in partitionibus. Primo examinatione causarum, quæ adferuntur. Secundo consideratione animi motuum. Hic refutantur causa impellentes, id est motus animi, ut ira & odium; ostendunturque contrarij motus, benivolentia, & amor reſtitutorum. Refutatur etiam causa finalis, id est spes alicuius commodi. Si enim Caesar periret, actum esset de salute omnium.

Dispositio argumenti.

Propositio. Si est aliqua suspicio insidiarum.

Ratio.

Ratio. Qua proponitur propositioni. Quia in animis hominum sunt multa latebrae, & multi recessus.

Conclusio. Ergo cura salutem, & tuam & Reip. Est autem argumentum Enthimematicum. Consequentiam probat duabus rationibus. Prima, nam quis est omnium, Quia periculum est, in vnus salute, casibus humanis, insidijsq; obiecta, & opposita, salutem Reipub. periclitari. Secunda, Si vero, Si enim tu in hac mala incidisses, Resp. omnino concidisset: hanc enim prater te ne mo stabilire potest. Hic autem observa, rationes pracesse, conclusionem vero subsequi, qua tractatur per adhortationem, & consilium.

Elocutio.

SED tamen, periodus est dicolos, exornata concessione ex abundanti, cum interposita Aetiologia, & metaphoris insignibus, inchoata à Cretico. Spectatur in ea **MIVRIA**. Nam quis est, periodus tricolos, exornata epanaphora, & commoratione: in eadem enim re per idem significantia commoratur. Interpretatione, seu expositione precedentis sententiae, Equidem, periodus dicolos ornata interpretatione, seu synonymia, Si vero, dicolos periodus ornata fictione. omnia, periodus tricolos, ornata adhortatione, crebris metaphoris, similiter cadentibus, epiteto, non fuit, periodus tricolos, ornata Aetiologia per occupationem, antitetis ut, facere, prohibuisset, & armatus, togatus. Post hac est periodus dicolos, Quæ quidem, estq; epiphonematiki,

matiki, *Allegoria in metaphoris continuatis, quae sunt frequentiores.*

Secunda pars refutationis: Itaq, illam tuam.

IN hac parte Cic refutat vocem Caesaris, quam crebro
=r surpasset, se satis diu vel natura vel gloria vixisse.
Porro hac parte, tres inserit obiectiones. Prima est sa-
tis vixi natura. Secunda satis etiam gloria. Tertia iā
diu vixi, quas sigillatim acutissime cum laude Caesaris
refutat. Ad colligenda autem eius refutationis, in qua
confutat vocem Caesaris argumenta, licet hoc caput sta-
tuere. An Caesar sibi satis vixerit, syllogismus quidem
Caesaris, est eiusmodi.

Quicumq, satis diu vixit, vel natura vel gloria,
is sibi satis vixit.

Sed ego satis vixi, vel natura, vel gloria.

Ergo mihi satis vixi.

Argumenta vero, quibus Cicero infirmam Casa-
ri sententiam reddit, haec sunt.

Primum argumentum, quo primam obie-
ctionem refutat.

Tibi satis vixisti, sed non patria. Ergo ne appetas
mortem: Sed hanc obiectionem cum refutatione du-
plicauit. primo simpliciter soluēdo. Secundo, credo,
per syllogismum qui talis est. Si tibi ipsi vineres, satis
vixisti. Sed nobis omnibus viuīs. Ergo non satis vixisti
estq, syllogismus simplex & concisus, & equitate, hoc
est quod mortem a quo animo, vis tolerare.

Elocutio.

Elocutio.

ITaque, Periodus tricolos, quam epitetis laudandi causa adiunctis ornauit, bipophora seu obiectione, satis, merismo, vel naturæ, *Lyxi*, satis, & antipophora cum concessione, Quare, periodus monocolos ornata de hortatione, sæpè enim, periodus monocolos, ornata periphrasi, venit enim ad aures meas, pro audiuisti, Hipophora, te idem istud, Emphasi in particula tibi cum reprehensione, credo, syllogismus simplex & concisus ornatus concessione, credo, Ablatione, sed tum id, distributione, Si tibi aut. Hic tu, periodus monocolos ornata ablatione, non sed, metaphora, defines.

Secundum argumentum, quo refutat secundam Cæsaris obiectionem, Quid si istud ne gloria.

Argumentum hoc quatuor partibus constat.

Propositione. Ibi est parum gloria vixisse, ubi aliquid potest esse amplius.

Assumptione. Sed tu in eo statu relicta ciuitate, parum vixisse indicaberis.

Ratione assumptionis. Quia vera gloria, in Reipub. multorum, magnorumq; opinione est constituta.

Complexione. Ergo relinque Remp. bene institutam. & ita non parum sed satis gloriæ viues.

Quid si, hic est obiectione, Quamuis sis sapiens, sapiens enim laudem non expeit, quæ tamen ipsum de umbra corpus comitatur, Relinquemus, qui tot
victoriis

victoriis insignibus, & triumphis ornatus viuo, immo, hic ponit solutionem cuius sensus est, ceteris multum, tibi parum esse videtur, Quicquid enim, propositio syllogismi per communem sententiam, quod si, Assumptio, si quidem, ratio Assumptionis ex definitione gloriae, haec igitur, conclusio argumentationis, tum te, hic est adiunctio, qua viriusque obiectionis, conclusionem coniungit.

Elocutio.

Quid? si, obiectionem hanc tractat oratione dissoluta seu membratim, qua ornata est communicatione, bipophora cum interrogatione, parum ne igitur, antipophora dum dicit immo vero, quicquid enim, periodus monocolos ornata gnomi, quod si, periodus tricolos, ornata erotimi, hoc est ratiocinatione, approbatione, vide quaeso, suscitatio, diuina virtus, epiteton, gloria est, definitio cum omniopoto.

Tertium argumentum, quo tertiam caesaria obiectionem refutat.

Quid enim est omnino.

Refutationem cum adhortatione in hoc loco persequitur. Refutatio quidem in dictis: adhortatio vero in excitando Caesare, ad constituendam Rempublicam consumitur.

Dispositio.

Propositio, Non satis diu viuis gloriae, quam dupliciter

Pliciter probat, per enchymema, & syllogismum.

Enthymema.

Antecedens ibi non est diu, ubi est aliquid extremum.

Ratio, Quod cum, Quia futura voluptate veniente, praterita nulla est voluptas. Conclusio omissa est, quia talis esse potest. Ergo tu non satis diu vivis gloria.

Syllogismus porro, in quo est exhortatio, constat quinque partibus.

Propositione, Semper immortalitatis amore flagasti.

Ratione, Quia hac est vera vita, ea laude incitari.

Assumptione, Sed laudem maximam apud omnes tibi comparabis, si Remp. bene constitues.

Ratione, Assumptionis, Quia aliter, incertam laudem tibi relinques.

Complexione, Ergo Rempub. constitues, & laudem qua flagras collige. Subiicit posthac conclusionis rationem. Cuius sensus est. Posteriores enim de te melius iudicabunt, quanquam, propositio, nec vero, Ratio, ob stupefcent, assumptio, erit inter eos, ratio Assumptionis, servi, conclusio, hinc, hic adhortatio est inserta, ut aptius, Assumptio propositioni connexa esse videatur, obstupefcent, Assumptio, hoc est omnes laudes tuas celebrabunt, Rhenum, fluvium rapidissimum in quo pontem caesar iunxerat, Oceanum, primus enim caesar per mare oceanum, occidentales homines est adortus,

est adortus, nempe Britannos, Anglos, Germanos, Nilum, fluvius Aegypti, hoc est, Etiam orientales tuas laudes pradicabunt, munera, quibus afficiebas milites, triumphos, quos quinque egit. 1. Gallicum. 2. Alexandrinum. 3. Apricanum. 4. Ponticum. 5. Hispanicum. De his vide casarem, vel Suetonium, vel Appianum, vel Plutarchum, sed nisi hæc, scilicet Remp. bene ordinatam reliqueris, erit, Ratio assumptionis, serui, conclusio argumentationis quam causa dilatauit, nam, ratio conclusionis, Quia illi de te melius indicabunt.

Elocutio.

Quid enim est, periodus tricolos, ornata Aetiologia adhortationis, cum refutatione vocis. Diu Quamquam, periodus dicolos ornata correctione, atq, occupatione, qua id quod dixit liberius, laude mitigat, nec vero, periodus dicolos ornata Anadiplosi, Epimoni seu commoratione, & traductione, repetitione, similiter desinentibus, obstupefcent, hic vide orationem incisim prolatam. Estq, in ea asyndeton, congeries, & epiteta laudandi causa adiuncta, Sed nisi hæc periodus dicolos, ornata remotione atq, correctione confessionis per fictionem, seu denunciationem consequentium, item synonymis seu commoratione, ut vagabitur, Sedem non habebit, Erit inter, periodus tricolos ornata merismo seu distributione, Cum alij hiperboli, ad cælum, interpretatione, idq, metaphora insigni, incens dium restinxis, epiphonemate per digressionem causarum, ut dum dicitur: Illud facti, serui igitur, periodus

periodus dicolos, ornata exhortatione, periphrasi posterorum, nam & ; periodus monocolos, ornata Actiologia cum enumeratione affectuum, & polysyndeto, & antisteto, id autem, concludit occupatiuncula, cuius sunt membra duo, ornata concessione ex abundanti, Etiam si, reprehensione fallo, correctione, nunc certe epiphonemate cum metaphora, obscuritas.

Conclusio Refutationis. Diverſa voluntates.

TRes partes sunt huius conclusionis: in prima est Repetitio, non solum excusationis civilis belli, sed etiam consutationis insidiarum. In secunda cohortatio est seu petitio, ut vita & saluti sua Caesar consulat. In tertia pollicetur Casari omnium nomine, non modo exubias, & custodias: sed etiam laterum, & suorum, & aliorum principum oppositus.

Dispositio.

Tria precipue argumenta, superiorum argumentorum, quibus suspicionem euellere conabatur, repetit.

1. Argumentum est eiusmodi. Omnes in bello suscepto dissentiebamur. Ergo illo finito, nemo tibi insidiatur. Antecedens ratione, non enim & rationis approbatione, erat enim obscuritas, dilatas.

2. Argumentum. Antecedens, vicit is, omnibus pepercit Caesar. Conclusio, ingratus. Ergo nullus ei insidiabitur, omnesque eum complectentur. Antecedens, vicit, verborum copia amplificat.

3. Argumentum. Antecedens, Quia nisi, Si de te salvi esse non possumus. Conclusio, Quare. Ergo

nullas insidias extimesce: sed potius cura salutem tuam
quam & nos diligenter curabimus.

Elocutio.

DIuerſæ, periodus monocolos, ornata purgatione
atq; excuſatione, metaphora cum interpretatione,
Non enim, periodus monocolos, ornata Aetiologia
cum diuinenti copula, erat enim, oratio pneumatiki,
membra enim poſita & ſoluta, exornata diſtributione,
epanaphora, aſyndeto, & omiſteleuto, vicit is, perio-
dus d' colos, ornata antiteto cum ablatione, & meta-
phora, arma ab alijs, periodus monocolos, ornata
diſtributione victorum, ingratus eſt. periodus dicolos
ornata reprehentione, gnomi, ſeu ſententia, vt etiam,
periodus dicolos ornata amplificatione, per contentio-
nem, ſimiliter deſinentibus, metaphora, quæ enim
perſtinacia, periodus monocolos exornata antiteto,
ſed quia, periodus tetracolia, ornata metaphora, fra-
cta, auxeſi, non ſolum ſed, amplificatione, ſimiliter
eadenibus, quia niſi, periodus tricolos, ornata Aetio-
logia, diſtributione, antea hodie, reditione vt Cum
Tum, Quare, periodus tetracolia, ornata adhortatio-
ne, pollicitatione auxeſi, hortamur obſecramus,
repetitione, vt, Synonymis, vitæ, ſaluti, Aetiologia,
quoniam lubelle aliquid putas, Amplificatione,
non modo excubias, ſed etiam laterum oppo-
ſitus. Aſperſa affectu vehementiori.

PERORA-

PERORATIO, Sed ut unde,
Genus perorationis.

Quoniam perorationis duo sunt genera, enumeratio & amplificatio. Duplex enim in perorando proponitur finis. Memoria scilicet, & motus. Hic enumerationem quidem pratermisit, eo quod non tanta prolixitas orationis esset, ut memoria eorum apud quos diceret, diffideret. Loco tamen enumerationis, vultur reditu ad institutum, hoc est ad Marcelli causam, & gratiarum actionem.

Partes perorationis.

Tres sunt perorationis partes. In prima, redit ad suum institutum. In secunda, gratias Casari agit, & omnium senatorum, & suo nomine, quod Marcellum clementer restituerit, quam amplificat clementia Casaris. In tertia, adfert tres causas, cur ita studiose pro Marcello laboravit. Prima causa; nam lætari. Quia omnium salus cum eo est restituta. Secunda, Quod autem Quia ego ut semper, ita in hoc negotio, meam præstare benevolentiam, Marcello debeo. Tertia, Itaque, Quia hoc tuo facto, magnus cumulus, ad tua erga me beneficia, accessit.

Elocutio.

Sed ut, oratio extra periodum posita, ornata epanodo seu reditione ad propositum, maximas, perio-

628 Adam. Stezi. in ora. pro M. Marcel.

duſ tetracolia ornata auxeſi, ſimiliter deſinentibus. Actiologia, communicatione, ſed quia, periodus tricolos, ornata lyſi occupationis, Actiologia, enumeratione cauſarum, nam letari, periodus monocolos, ornata expolitione ſacti per proſapodeſim, hoc eſt, in diſtributes ſuppoſitam rationem, dirimenti copulatione, Quod autem, periodus tetracolia, in qua vide hiperbaton, propter interpoſitiones longiores. vſus eſt etiam epitetis, & articulis, & aſſeneratione, Itaque periodus tricolos, ornata demonstratione, ſictibi, aphareſi & parribiſi, non ſed, epiphonemate, tamen ad tua.

Sapientia non inuenitur in terra ſuauiter uiuentium. Job. 28.



UNIVERSITATIS



MACELLONICA

Errata quæ inter relegendum deprehensa sunt,
ita emendabis. Significat autem primus nume-
rus folium, secundus lineam, siue versum.

- Tonabantur pro conabantur, fol. 38. versu 26.
Catulus, pro Catulo, fol. 41. ver. 14.
Rattones, pro rationes, fol. 43. ver. 18.
Æthiologia, pro Aetiologia, fol. 50. ver. 21.
Comunibus, pro communibus, fol. 60. ver. 14.
Quæstiones, pro questionis, fol. 61. ver. 10.
Alter am, pro alteram, fol. 63. ver. 14.
Ne im, pro enim, fol. 66. ver. 23.
Expollitio, pro expolitio, fol. 68. ver. 1.
Necfaria, pro necessaria, fol. 69. ver. 28.
Donide, pro deinde, fol. 71. versu 18.
Auicm, pro autem, fol. 76. ver. 24.
Aberdat, pro aberat, fol. 76. ver. 27.
Reppetitionem, pro repetitionem, fol. 80. ver. 27.
Ehiologia, pro Aetiologia, fol. 81. ver. 7.
pyratæ, pro piratæ, fol. 86. ver. 29. & alijs in locis
Syperbole, pro Hyperbole, fol. 88. ver. 6.
Luiui, pro Linius, fol. 90. ver. 8.
Pyrates, pro piratas, fol. 92. ver. 9.
Agellium, pro AGellium, fol. 94. ver. 9.
Primo, pro prima, fol. 95. ver. 27.
Calamitatis, pro calamitates, fol. 96. ver. 21.
Hoc loci est captus, inutiliter est positum, fol. 97.
versu 24.
Socolon, pro Isocolon, fol. 108. ver. 25.
Frequentatiores, pro frequentatio: res enim, fol.
108. ver. 26.

Buam, pro quam, fol. 111. ver. 4.
Reges, pro regis, fol. 112. ver. 11.
Senarso, pro senario, fol. 119. ver. 10.
Commemorabor, pro commemorabo, fol. 123. v. 11.
Vestrum, pro vestram, fol. 124. ver. 5.
Conclufione, pro conclufioni, fol. 124. ver. 7.
Tabula, pro rabula, fol. 195. ver. 4.
Rosci, pro Rosci, fol. 195. ver. 12.
Clare, pro clara, fol. 202. ver. 13.
Aduersarijs, pro aduersarios, fol. 203. ver. 16.
Duodecem, pro duodecim, fol. 204. ver. 3.
Comuni, pro communi, fol. 207. ver. 22.
Exemplis, pro exempli, fol. 208. ver. 9.
Prabandum, pro probandum, fol. 210. ver. 22.
Sermocionatio, pro sermocinatio, fol. 211. ver. 28.
Fallumptionis, pro assumptionis, fol. 215. ver. 27.
Bello, pro de bello, fol. 217. ver. 18.
Aduelarios, pro aduersarios, fol. 221. ver. 22.
Videemus, pro videamus, fol. 223. ver. 13.
Tropicè, pro ironice, fol. 235. ver. 23.
Minone, pro minore, fol. 238. ver. 9.
Deffendat, pro offndat, fol. 244. ver. 14.
Eum, pro in eum, fol. 245. ver. 15.
Tecum, pro teclum, fol. 247. ver. 3.
Prohibere, pro prohiberi, fol. 248. ver. 23.
Liberatis, pro liberabz, fol. 257. ver. 5.
Profitio, pro propositio, fol. 282. ver. 18.
Sumus, pro suminus, fol. 283. ver. 20.
Serantur, proferantur, fol. 285. ver. 12.
En, pro in, fol. 288. ver. 16.
Peosonarum, pro personarum, fol. 293. ver. 23.

Dilcessa

Discessu, pro discessus, fol. 308. versu 15.
 Læthum, pro leibum, fol. 334. ver. ultimo.
 Interfecerem, pro interfecerim, fol. 337. ver. 22.
 Præstantiore, pro præstantiora, fol. 355. ver. 6.
 Ostendit, pro ostendat, fol. 396. ver. 1.
 Scapti, pro capti, fol. 397. ver. 11.
 Aperie, pro aperte, fol. 399. ver. 4.
 Pepulsaui, pro propulsaui, fol. 473. ver. 14.
 Ergo, pro ego, fol. 443. ver. 22. & fol. 451. ver. vlti.
 Duobus, pro duobus, fol. 479. ver. 10.
 Entemero, pro Euhemero, fol. 485. ver. 8.
 Claudianis, pro Clodianis, fol. 524. ver. 21.
 Prodidit, pro perdidit, fol. 528. ver. 7.
 Orationem non formare, supernuacaneè ponitur, non
 fol. 538. ver. 7.
 Aetiologis, pro Aetiologis, fol. 543. ver. ultimo.
 Coronam, pro corona, fol. 568. ver. 18.
 Gentile, pro gentile, fol. 568. ver. 19.
 Nulla, pro nullas, fol. 584. versu 28.
 Narratio, pro narratio, fol. 586. ver. 9.
 Omissæ, pro ommissa sit, fol. 586. ver. 10.
 Multis, pro multum, fol. 588. ver. 9.
 Eo idem, pro eodem, fol. 591. ver. ultimo, & pe-
 nultimo.
 Secundo, pro secunda, fol. 600. versu 2.
 Pæne, pro peane, fol. 600. versu 4. 2.
 Et efferimus, supernuacaneè ponitur, & fol. 601.
 versu 25.
 Metaphora, insigni, pro metaphora insigni, fol. 608
 versu 22.

BIBLIOTHECA
VNIV.  IAGELL.
CRACOVIENSIS

